

1-2403-4

زاب

دجله-یه تابع ایکی نهر اولوب، اک بیوکی اولان برنجیسنه %زاب اعلی\$ و اوندن کوچک اولان ایکینجیسنه %زاب اسفل\$ دیرلر. ایکیسی-ده حدود ایرانیه طاغلرندن اینوب، دجله-یه صول کنارندن دوکیلور. %زاب اعلا\$ وان ولایتنده %الیاق\$ طاغلرینک جنوب شرقی اتکلرندن نیعانه، جنوب غربی-یه طوغری جریان، و بعده جنوبه طوغری دونوب، حکاری طاغلرینی شق ایده-رک، بر طاقم طار بوغازلردن بعد المرور، موصل ولایتنه داخل اولماز دن اول جنوب شرقی-یه، و رواندز قربنه واصل اولنجه، بردن بره غرب جنوبی-یه طوغری دونر؛ و موصلدن 45 کیلومتره آشاغیده دجله-یه دوکیلور. مجراسی تقریباً و تخمیناً 450 کیلومتره اولوب، دیاله-دن صکره دجله-نک اک بیوک تابعیدر. کرک وان و کرک موصل ولایتلرنده بر چوق چاپلرک صولرینی جمع ایده-رک، علی الخصوص یاغورلر موسمنده و طاغلرده قارلر اریدیکنده دجله میاهنک خیلیدن خیلی-یه تزاید و فیضاننی موجب اولور. صوی میجراسنک یوقاریلرنده قیرمز یمتراق اولوب، جریانی پک شدتلی اولدیغندن، عربلر بوکا %زاب المجنون\$ دخی دیرلر. %زاب اسفل\$ سلیمانیه سناغانده حدود ایرانیه-یی ایران طاغلرک غربی و شرقی اتکلرندن نیعان ایدن بر چوق چاپلردن بالتشکل، غرب جنوبی-یه طوغری جریانه، آلتون کوپرینک آلتندن کچه-رک، تقریباً 200 کیلومتره-لک مسافه قطع ایتدکن صکره، زاب اعلا منصبندن 70 کیلومتره آشاغیده و بغداد ولایتی حدودنده دجله-یه منصب اولور.

2-2403-4

زاب

جز ایرده قسنطینه ایالتنک قسم جنوبیسنده و %درن\$ یعنی أطلسی سلسله جبالیه بونک جنوبنده-کی بلد الجرید آره-سنده بر خطه اولوب، اسکین بری بربر قبائلنک اک جمعیتلی بولندقلری محلدر. 3° ایله 5° طول شرقی آره-سنده ممتد اولوب، باشلیجه نهری %جدی\$ و مرکزی %بیسکره\$ قصبه-سیدر. %زاب جبلی\$ و %زاب شرقی\$ اسملریله ایکی-یه منقسمدر. اهالیسی سرکش و جنکاور اولوب، فرانسزلر پک چوق زحمتله مملکتلرینی ضبط ایده بیلمشلردر. 1849 تاریخ میلادیسنده زاب بربرلری یکیدن فرانسزلری خیلی مشغول ایتمشلردر.

3-2403-4

زاب

ایرانک پیشدادیان ملوکندن اولوب، افراسیابک ایرانندن اخر اچنده تخته اجلاس اولنمشدر. جمشیدک اوغلی و کیاتیانک برنجیسی اولان کیقبادک پدری اولدیغی مرویدر. خلفی %کرشاسب\$ ایله برابر 12 سنه حکومت سورمشلردر.

4-2403-4

زابج

اقصای بلاد هندده و چین حدودنده اوله-رق هرکند (؟) بحرینک اوته-سنده بر جزیره اولدیغی، و اهالیسی وحشی اولوب، نسناسلریله مسک کدیلمی چوق بولندیغی جغرافیون عرب آثارنده مذکور ایسه ده، بونک بحر محیط هندی جزایرندن خانگیسی اولدیغی آکلاشیله-مدی.

5-2403-4

زابلستان

بو اسم افغانستانک قسم جنوبیسیله بلوچستانک قسم شمالیسنه ویریلوب، کابلستان، خراسان، سیستان، مکران و سند ایله محاط ایدی. طاغلق و میاه جاریه-سی چوق بریر اولوب، اهالیسی شجاعتلریله مشهور ایدی. غزنه، میمند و کلات بو

خطه-نك معموره-لرندندر. شاهنامه-ده كابلستان ايله برلكده پك چوق ذكر اولنان بو اسم اليوم غير مستعمل اولوب، خطه مذكوره افغانستان ايله بلوچستان آره-سنده منقسمدر.

1-2404-4

زابلون

1#

حضرت يعقوب (عم)ك 6نجى اوغلى اولوب، ليادن متولد ايدى. -* - فلسطينك اسباط نامنه اوله-رق منقسم بولنمش اولديغى 12 قسمك برى ده بو اسمله مسمى اولوب، طبريه كوليله آق دكيز آره-سنده واقع ايدى.

2-2404-4

زابلى، ابو ثنا احمد بن محمد

اونجى قرن هجرى علماسندن اولوب، 965ده يازديغى ((اعراب القرآن))ك صاحبيدر.

3-2404-4

زابوقه

بصره قرينده بر ير اولوب، جمل محاربه-سنگ محل وقوعيدر.

4-2404-4

زابوروغ، قزاقلىرى

1#

مقدما دنپير جهتنده ساكن بولنمش قزاقلر اولوب، بونلر لهليلرك، اسوجليلرك و روسلرك خدمتنده بولنمش؛ و بر آره-لق روسلره قارشى دولت عثمانيه-نك حمايه-سنه التجا ايتمشلر ايدى. ايكنجى قاترينه بونلرى 1775ده وطنلرندن قالدوروب، قوبان واديسنه نقل و اسكان ايتمشدر.

5-2404-4

زابوليا

1#

اردل پرنسى اولوب، مهاج محاربه-سنده قانونى سلطان سليمان خانه عرض اطاعتله ويانه محاصره-سنده عثمانلى اردوسنده بولنه-رق، پادشاه مشار اليه طرفندن، آلمانيا ايمپراطورينه رغماً، مجارستان تحتنه اقعاد اولنديغى حالده، بعده كنديسى ايمپراطورله خفياً بر معاهده امضا ايتمشدى. -* - بونك اوغلى (سجيسموند زابوليا) دخى سلطان سليمان خانك و سلطان سليم خان ثانياك حمايه-سنه نائل اولمش ايكن، بعده دولت عثمانيه-يه قارشى اوستريا ايله اتفاق ايتمشدى.

6-2404-4

زاحد

يمنده زبيده ملحق بر قلعه اولديغنى ياقوت حموى بيان ايديور.

7-2404-4

زاخو

موصل ولایت و سنجاغنده و موصلك 100 كيلومتره قدر شمال غربيسنده اوله-رق دجله-يه تابع بر نهرك اوزرنده قضا مركزى بر قصبه-در. *- زاخو قضاى ولایتك منتهای شمال غربيسنده اولوب، دیاربكر و بتلیس ولایتلریله همحدوددر. بو قضا سلیقاتی ناحیه-سیله برابر 109 قریه-یی جامعدر.

8-2404-4

زادر اقرته

(و ده طوغریسی زدرکرد) خراسانده واقع %ساری قصبه-سنگ اسم قدیمی اولوب، یونان قدیم جغرافیونی طرفندن بو وجهله ضبط اولنمشدر. اشکانیانك پایتختی بولنمشدر. [(ساری)) ماده-سنه مراجعت اولنه.]

9-2404-4

زادریمه

1#

آرناؤدلقده @1 اشقودره ولایت و سنجاغنك لش قضاسنده %لش قصبه-سنگ شمالنده %درین ایرماغی مجراسنك شرق جهتنده بر ناحیه-در.

10-2404-4

زار، منشی میندو

هندستان شعراسندن و (کایتیه) قومه منسوب براهمنه-دن اولوب، فارسی و اردو لسانلرنده دیوانلری و منظوم و منثور خیلی آثاری واردر. لکهنو شهرنده نشأت ایدوب، خیلی شاکردان یتیشدیرمشدر. شو بیت اونکدر:

@@@

مد بسم الله ابرو زینت عنوان ما

سطر وصف زلف مشکین جدول دیوان ما

\$

11-2404-4

زاراند

مجارستانك %اردل خطه-سنده بر سنجاغ اولوب، %هونیاد\$ ایله %ویسنبورغ\$ سنجاقلری آره-سنده واقعدر. مرکزی %آلتنبورغ\$در.

12-2404-4

زارع، ابو الوازع *- بن عامر العبدی

صلحابه-دن و عبد القیس قبيله-سندن اولوب، حفیده-سی (ام ابان بنت وازع) معرفتیه کنديسندن بر حدیث شریف منقولدر.

13-2404-4

زارمیکنوسه

1#

داچيا خطه-سنگ اسكى پايختى اولوب، روماليلر بو خطه-يى ضبط ايتدكلرنده، شهرمذكورى دخى روما مهاجريله اسكان ايده-رك، %آوغوسته داچيا\$ و %اولپيا ترايانه آوغوسته\$ تسميه ايتمشلردى. ترانسيلوانيه-ده %وارلى\$ قربنده جسيم ويرانه-لرى باقىدر.

1-2405-4

زاروشاد

قارصك 40 كيلومتره شمال غربيسنده بر كوچك قصبه-در.

2-2405-4

زاره

بحرينده بر قصبه اولوب، حضرت ابا بكر صديق (رضه)ك زمان خلافتنده 12 تاريخ هجرىسنده فتح اولنمشدر. مشهور بر بيكارى واردر. *- بو اسمله صعيد مصدرده بر ناحيه و طرابلس غربده بر قصبه دخى بولنديغنى ياقوت حموى بيان ايدبور.

3-2405-4

زاره

1#

آوستريا و مجارستان دولتك دالماچيه خطه-سنده و آدرياتيق دكيزى ساحلنده سنجاق مركزى بر قصبه و اسكله اولوب، 20000 اهاليسى، كوزل ليمانى، داخلى مكتب اعداديسى، قلعه-سى، سرايى، ترسانه-سى، يوك و ايپك منسوجاتيله مسكرات فابريقه-لرى واردر. *- زاره سناغنگ مساحه سطحه-سى 5770 مربع كيلومتره و اهاليسى 120000 كشيدر.

4-2405-4

زاره وكيا

1#

يعنى ((اسكى زاره)) دالماچياده آنف البيان زاره اسكله-سنگ 26 كيلومتره جنوب شرقىسنده بر قريه اولوب، %آلبه ماريتماس\$ شهر قديمك خرابه-لرى اوزرنده واقعدر.

5-2405-4

زارى

قدمای شعراى عثمانيه-دن اوچ ذاتك مخلصيدر: برنجيسى اسكوبلى اولوب، سلطان بايزيد خان ولى دورنده ياشامشدر. شو بيت نجاتينك ((دونه دونه)) غزلنه سويلديكى بر نظيره-سندندر:

@@@

كمرى قوچمغه اول سيمبرى دونه دونه

درميان ايتدى نيجه سيم وزرى دونه دونه

\$

*- ايكنجيسى توقاتلى اولوب، دانشمندلكى زماننده رياضى ايله انس و الفت ايتمشدر. شهزاده سلطان مصطفايه كاتب ديوان اولوب، مشار اليهك فترتنده نابيد اولمشدر. شو بيت اونكدر:

@@@

بوکون خورشیدوش کیمش او ماه سیمبر اسکف
جمالی شمعی تابندن ینه پار پار ینر اسکف

@@@

\$

*- اوچنجیسی استانیولی اولوب، ایکنه اعمالنده مهارتی اولدیغندن، %زاری سوزنی \$ دینمکله معروفدر. عیش و
عشرته انهماکی وار ایدی. 960ده وفات ایتمشدر. شو بیت اونکدر:

@@@

نه قدر غصه چکسه بو زاری

بر ایکی جامله اولور شنجه

\$

6-2405-4

زاری

ایران شعر اسندن دخی ایکی کشینک مخلصیدر:

*- برنجیسی شیرازلی اولوب، سوزشلی اشعاری واردر. شو بیت او جمله-دندر:

@@@

ز آتش عشق نه تنها جکرم میسوزد

بس که بگر یسته ام چشم ترم میسوزد

\$

*- ایکنجیسی (محمد قاسم) مشهدلی اولوب، سیر و تواریخدن دخی بهره-سی وار ایدی. 979ده اصفهان میداننده قطاع
طریق طرفندن قتل اولنمشدر. شو بیت اونکدر:

@@@

بردار میکشد سر عاشتان زار

زاری تونیر عاشقی اینجا سری بیار

\$

7-2405-4

زاریاسب

خر اسانده-کی بلخ شهرینک اسم قدیمیدر.

8-2405-4

زاش

1#

مشاهیر منجمیندن اولوب، 1754ده پرسبور غده طوغمش، و 1832ده پارسده وفات ایتمشدر. بر مدت اوستریا خدمتنده
اولوب، بعده خیلی وقت لوندرد-ده اقامت ایتمش؛ و نهایت صاقس غوته دوقه-سی طرفندن رصدخانه مدیرینته تعیین
اولنمشدی. جغرافیا فننه دخی خدمت ایدوب، بو فنه مخصوص بر رساله موقوته تأسیس ایتمشدی.

9-2405-4

زاغور

1#

یانیه ولایت و سنجاق و قزاسنده و یانیه-نک شمال شرقیسنده بر ناحیه اولوب، یوقاری و آشاغی زاغور اسمریله ایکی-
یه منقسدر. یوقاری و آشاغی زاغور %ببندوس \$ طاغنگ غربی اتکلرندن عبارت اولوب، %ویوسه \$ نهرینک وادیسنی

حاویدر. آشاغی زاغور ینه بو نهر وادیسنده اووه لقدر. ناحیه 46 قریه-دن مرکبدر. اراضیسی اولدقچه منبیت و اهالیسی چالیشقان اولوب، جمله-سی خرسیتیاندر. چوغی روم اولوب، یالکز مرتفع محللرنده-کی بعض کویلرک سکانی اولاددر. زاغور اهالی ذکوری اکثریت اوزره استانبولده و اسکندریه و سائر محللرده اصنافلق ایدوب، قاریلری چفت چبوقله اوغراشیرلر.

1-2406-4
زاغوره
1#

آرناؤدنگ چاملق خطه-سنده بر شهر اولوب، پارغه-نگ 8 کیلومتره شرقنده یونان دکیزینه منصب اولور. اسم قدیمی %اخرون\$در.

2-2406-4
زافره
1#

اسپانیاده استرما دوره خطه-سنگ %بادایوز\$ ایالتنده و بادایوزک 60 کیلومتره جنوب شرقیسنده بر قصبه اولوب، 8000 اهالیسی، اسکی بر سرایی، دباغخانه-لری و قیومجیلغه متعلق معمولاتی واردر.

3-2406-4
زافون

سودان غربیده و بلاد ملثمین قرینده بر مملکت و بونک مرکزی اولان بر شهر اولدیغنی یاقوت حموی بیان ایدیور.

4-2406-4
زافی دیاربکری

عرب شعرا سندن اولوب، 1690 تاریخ میلادیسنده %پادووه\$ده لاتینجه ترجمه-سیله برابر باصلمش بر دیوانی واردر. نصرانی المذهب اولوب، مار دین پسقپوسی بولنمش اولدیغی مظنوندر.

5-2406-4
زاقاتاقاس
1#

مکسیقه ممالک مجتمع-سنده همنامی اولان جمهوریتک مرکزی بر شهر اولوب، مکسیقه-نگ 460 کیلومتره شمال غربیسنده 24° عرض شمالی ایله 104° طول غربیده واقعدر. 35000 اهالیسی، داخلی مکتبی، خسته-خانه-سی، متعدد مناسترلری و باروتخانه-سی واردر. *- زاقاتاقاس جمهوریتی شمالاً %قوهاوئیلا\$، شمال شرقی جهنتدن یکی لیون، شرقاً %سان لویی پوتوسی\$، جنوباً دخی %غوانا فسواتو\$ جمهوریتلریله محاط و محدود اولوب، مساحه سطحیه-سی 60157 مربع کیلومتره و اهالیسی 465862 کشیدر. اراضیسی طاغلق و پک مرتفع اولوب، میاه جاریه-سنگ بر طاقمی، بحر محیط متعدله دوکلمک اوزره، غربه، بر طاقمی مکسیقه کور فزینه منصب اولمق اوزره شرقه، بر قاجی-ده بعض کوللره منتهی اولمق اوزره، شماله طوغری آقیور. اراضیسنگ پک مساعد اولماسیله زراعتی کری اولوب، کومش معدنلری چوقدر.

6-2406-4

زاقاریا

زکریانک محر فیدر. [(زکریا)] ماده-سنه مراجعت اولنه.]

7-2406-4

زاقاریا، سنت -* -

1#

741 تاریخ میلادیندن 752 تاریخه-دک پاپالق ایلوب، لومباردلی صلحه مجبور ایتمش؛ و بر چوق وقوعاته قارشی تبعه-سنی حمایه ایتمش؛ و تصدقات و خیراتیله شهرت بولوب، واتیقان کتبخانه-سی دخی تأسیس ایلمش ایدی. عن اصل روم اولوب، اعزه صره-سنه کچیرلمشدر. ماردک 15نده یورطیسی اجرا اولنور.

8-2406-4

زال

خرافاتله قاریشوق ایران تاریخ قدیمنده مشاهیر قهرماناندن سام بن نریمانک اوغلی و مشهور رستمک پدری اولوب، سیستان حاکمی ایدی. طوغدیغنده صاچی بم بیاض اولمغله، اوغور صایلمیوب، بر طاغه آتمش، و کویا اوراده سیمرغ طرفندن اعاشه اولنمشیدی. بناءً علیه بو قهرمان عائله-سنک سیمرغه منسوبیتلری اولوب، کویا بوطیر موهوم رستمک یاره-لری اوزرینه-ده قنادینی کزدیره-رک ابی ایدر ایتمش. شاهنامه زاله پک اوزون بر عمر ویروب، پدری نریمانله و بعده اوغلی رستمله برابر پیشدادیانک صوک حکمدارلریله کیانیانک ایلك حکمدارلرینه خدمت ایتمشدر. صاچنک بیاضلغندن طولایی، ((قوجه قاری)) معناسیله زال تسمیه اولنمشیدی؛ و بیاضنک صاری-یه مائل اولمسندن %زال زر\$ دخی دینلر. %کابلستان\$ حاکمی مهربانک قیزی رودابه-یی تزوج ایلوب، رستم بوندن طوغمشیدی؛ اسفندیار رستمک النده مقتول اولدقده، اوغلی بهمن بر حیات بولنان زالی حبس ایتمکله، محبسه وفات ایتمکی مرویدر.

9-2406-4

زالق

سجستانده حصون و قصوری چوق بر ناحیه اولوب، 30 تاریخ هجریسنده عبد الله بن عامر جانبندن مرسل ربیع بن زیاد بدیله فتح اولنمش، و بر چوق اسرا النوب، مال فراوان دخی غنیمت ایلمش ایدی.

10-2406-4

زالوقوس

1#

یونان قدیم حکماسندن اولوب، قبل المیلاد 700 تاریخلرنده طوغمش، و لوقریالیلره قانون وضع ایتمش ایدی. زانینک کوزلرینه میل چکلمکله مجازاتی بو قانون اقتضاسندن اولوب، کندی اوغلی بو جنایتی ایتمکله، کندیسی جزای قانونیسی ویرمک ایستدیکی حالده، اهالینک توسط و ابرامی اوزرینه، اوغلنک یالکز بر کوزینی چیقارمغه راضی اولمش، لکن دیگرینه بدل کندی کوزلرندن برینی چیقارمش ایدی.

11-2406-4

زام

جام قصبه-سنه بعض جغرافیون عرب طرفندن ویریلن اسمدر. [(جام)] ماده-سنه مراجعت اولنه.]

1-2407-4

زامبز

1#

آفریقانك اك بيوك ايرماقلرندن اولوب، 10° عرض جنوبي جهتده %موتایاموه\$ و نام دیکرله %اونده\$ مملکتک اراضی مجهوله-سندھ نبعانله، جنوب شرقی-یه طوغری جریان ایدہ-رک، و صاغ و صولدن منبعلری هنوز مجهول بر چوق انهار آلہرق، 18° عرض جنوبی خط موهومنه و اصل اولنجه، شرقه، بعدہ شمال شرقی-یه، صکره ینہ شرقه و 21° طول شرقی-یه و اصل اولدقده، جنوب شرقی-یه دونہ-رک، و ینہ صاغ و صولدن بیوجک بر ایکی نہر آلہ-رق، %موسامبیق\$ مملکتی ساحلندہ بر چوق قوللرہ بالتشعب، مملکت مذکورہ ایلہ مداغاسفار جزیرہ-سی آرہ-سندھ-کی موسامبیق جدولی تعبیر اولنان دکیزہ دوکیلور. مذکور قوللردن برینک منصبندہ پورتکیز لیلرک %کلیمانہ\$ اسکله-سی بولنیور. منابعی حذای بحردن 1200 مترہ-دن زیادہ یوکسک اولوب، کوللر و بطاقللرلہ مملو بر یردر. ایرماق تا یوقاریلردہ 600 و 900 و بعض یرلردہ 1500 مترہ وسعتندہ اولوب، بریرینی متعاقب بر طاقم اوچوروملردن دوشمکلہ، دہشتلی شلالہ-لر تشکیل ایدیور، کہ بوللردن %غونہ\$ شلالہ-سنگ 13 و اونک آلتندہ-کی ایکی شلالہ-نک برلکدہ 56 مترہ ارتفاعی واردر. %غواندو\$ نہرینی آلدقن و ایلک دفعہ شرقہ طوغری دوندکن صکرہ، انکلیزلرک %ویقتوریا\$ تسمیہ ایندکلری %موزی او آتونیا\$ شلالہ مشهور-سنی تشکیل ایدیور. بورادہ ایرماق 119 مترہ-لک ارتفاعدن بردن برہ بر اوچورومہ دوشوب، زیادہ-سیلہ کوپورور، و شلالہ-نک یوقاریسندن 200 مترہ یوقاری-یہ بر طاقم بخار ستونلری قالفار، و پک اوزاقدن ایشیدیلیر بر کورلمہ حاصل اولور. آمریقانک مشهور %نیاغارہ\$ شلالہ-سنگ ایکی بچق مثلی نسبتندہ یوکسک اولان بو شلالہ طبیعتک اک زیادہ شایان تماشا عجایبنددر. بو شلالہ غریبہ-دن %قافونہ\$ نہرینی آدیغی محلہ یعنی ایکنجی دفعہ اولہ-رق شرقہ دوندیکی یرہ قدر دہا درت شلالہ تشکیل ایدہ-رک، بورالردہ اکی 24 مترہ-یہ قدر طارلشیر و 9 مترہ درینلکی واردر. جنوب شرقی-یہ دوندکن صکرہ %نتہ\$ قصبہ-سی اوکنده وسعتی 2500 مترہ ایسہ دہ، منصبنہ قریب ینہ طارلاشوب، %لوپاتہ\$ طاغلرندن کچرکن یالکز ایکی اوچ یوز مترہ کنیشلکی واردر. مجراسنک آشاغی طرفندہ %سانہ\$ یی کچدکن صکرہ، صولدن %نیاسہ\$ بیوک کولنک آیاغی اولان %شیرہ\$ نہرینی آلوب، مذکور کول ایلہ کسب اختلاط ایدر.

زامبز آفریقانک اوچنجی نہری عد اولنوب، قونگو ایلہ نیجرندن کوچک و نیلدن بیوکدر. مجراسنک طولی 2660 کیلومترہ، و حوضہ-سنگ مساحہ سطحیہ-سی 1430000 مربع کیلومترہ-در. دالیہ-سی 8000 مربع کیلومترہ وسعتندہ اولوب، قوللرینک بعضلری دائمی صورتدہ سیر سفاننہ صالح اولدیغی حالده، بعضلری قوراللق موسملرنده بطاقلغہ تحول ایدوب، تمساخلرلہ طولودر. هر بری پک بیوک بر نہر اولان متعدد تابعلرینک باشلیجہ-لری: لونمہ، لونغہ، ائونغو، لیبا، لیامبی، چوبہ (و نام دیکرلہ غواندو)، غوای، قافونہ، لوانغوا و شیرہ-در. بوللردن لوانغوا 600 کیلومترہ وسعتی اوزوندر؛ قافونہ-نک 300 و غوایک 250 مترہ وسعتی واردر. زامبز حوضہ-سنگ قسم اعظمی پورتکیز مستملکاتندن عد اولنیورسہ دہ، دولت مشار الیہانک هنوز تمامیلہ کشف اولنہ-میان او واسع یرلرک اوزرینہ هیچ بر حکمی اولمیوب، یالکز سواحلندہ و نہر مجراسنک کنارلرنده بعض تجارتکاھلر تأسیس ایتمشددر.

2-2407-4

زامبزی

1#

آفریقای جنوبینک قسم وسطیسندہ آف البیان %زامبز\$ ایرماغی حوضہ-سندن عبارت واسع بر یر اولوب، شرقاً بحر محیط ہندی ساحلنچہ اوزانان موزامبیق، غرباً بحر محیط آطلاسی بوینجہ ممتد اولان %انغولہ\$ مملکتلریلہ محدوددر. شرق و غرب جهتندہ-کی مذکور مملکتلریلہ پورتکیز دولتک مستملکاتندن اولمغلہ، زامبزی دخی بو دولتہ تابع عد اولنیورسہ دہ، بو تابعیت صرف اعتباری اولوب، زامبزیانک ذاتاً اکثر یرلری هنوز مجهولدر. میاہ جاریہ-سی چوق و اراضیسی کوزل و منبتدر. نباتاتی زیادہ-سیلہ نشو و نما بولور. بعض نہرلرینک کنارلرنده و بطاقل یرلردہ %چچہ\$ تعبیر اولنور بیوک بر نوع سیوری سینکی واردر، کہ حیوانی صومغلہ برابر اتلاف ایدر.

3-2407-4

زامری

1#

اسرائیل حاکم‌نردن اولوب، قبل المیلاد 918 تاریخنده زمام داره-یی در دست ایتمش ایسه ده، حاکم‌لکه انتخاب اولنان (آمری) طرفندن %تارسه\$ده محاصره ایدیلوب، مسکنی احراق اولنمغله، محروفاً وفات ایتمشدر.

1-2408-4

زاموره

1#

اسپانیانک %لئون\$ خطه-سنده و مادریدک 250 کیلومتره شمال غربیسنده اوله-رق %دورو\$ ایرماغنک ساحل یمینی قربنده واقع بر تپه-نک اوزرنده سنجاک مرکزی بر قصبه اولوب، 10000 اهالیسی، خراب بر قلعه-سی، مصنع بر کلیسای، عسکری مکتبی و بر اسکی سرایی واردر. حزن انکیز منظره-لی بر قصبه اولوب، سوقاقری طار و غیر منتظمدر. دباغانه و بویاخانه-لریله شابقه و یوک منسوجات و مسکرات فابریقه-لری واردر. 748 تاریخ میلادیسنده غزاة مسلمینک الینه کچوب، بعده آستوریا حکمداری آفونس طرفندن ضبط اولنمش ایسه ده، 985ده قرطبه حاکمی منصور طرفندن استرداد و تخریب اولنمش؛ و 1093ده %سید\$ اسمیله مشهور بر اسپانیول طرفندن ضبط اولنمش ایدی.

2-2408-4

زاموسق

1#

لهستانک %لوبلین\$ ابالتنده و لوبلینک 80 کیلومتره جنوب شرقیسنده اوله-رق %ویپرز\$ نهری اوزرنده مستحکم بر قصبه اولوب، 6600 اهالیسی، داخلی و خارجی اعدادیه مکتبلی، کتبخانه-سی، تیاتروسی، موم و بز فابریقه-لری و دباغانه-لری واردر.

3-2408-4

زامولقیسی

1#

اسکی تراکیا خطه-سی اهالیسنک معبودلرندن اولوب، اولولرک ارواحی بوکا کیتدیکنه اینانیرلردی. ظن اولندیغنه کوره یونانده تحصیل ایتمش و بقای روحه دائر مواعظ ویرر بر حکیم اولوب، بعد الموت آلهه صره-سنه قونمشیدی.

4-2408-4

زامه

1#

مغرب اقصاده طنجه-نک تقریباً 150 کیلومتره جنوب غربیسنده بر مدینه قدیمه ایدی، که میلاددن 202 سنه اول روما سردارلرندن (اسکیپیون)ک اوراده قرتاج سرداری مشهور آنیباله چالیدیغی غلبه ایله شهرت بولمشدر. الیوم %زوارم\$ اسمیله یاد اولنور.

5-2408-4

زانزال، یعقوب -*

1#

یعقوبیه مذهب عیسویسنک مؤسسیدر. [(یعقوب زانزال)] ماده-سنه مراجعت اولنه.

6-2408-4

زائطه

ياخود زاكينتو #1 يونانه تابع جزاير سبعة-نك برى اولوب، موره ساحل غربيسنك 20 كيلومتره غربنده %كفالونيه\$ جزيره-سنك 12 كيلومتره جنوبنده واقعدر. شمال غربيدن جنوب شرقى-يه بويى 37 و عرض اعظمى 20 كيلومتره-در. مساحه سطحيه-سى 438 مربع كيلومتره اولوب، 44070 اهالييسى واردر. آطه-نك بوينجه بر طاغ و ساحل شرقيسنه متوازياً بر صره تپه-لر ممتد اولوب، ساحل جنوبيسنده-كى كور فزه قريب محلى اووه-در. طاغلى اشجارله و بايرلى اراضى مزروعه ايله مستورد. %هبرى\$ تسميه اولنان مذكور طاغك اك يوكسك ذروه-سى 756 متره ارتفاعنده-در. طوپراغى اراضى بركانيه-دندر. نهري بوغيسه ده، پيكارلى چوقدر. باغلى و زيتون، پورتقال، ليمون، نار، شفتالى و سائر ميوه آغاجلى چوق و يمشلى پك كوزلر. پترول و كوكورد معدنى دخى واردر. هواسى پك كوزل و صاغلامدر. سواحلى ديك و صرب اولوب، يالكز جنوب و شرقى شمالى جهتلرينه سفانن پناشه-بيلير. *- ساحل شرقيسنده واقع زائطه قصبه-سى اولدقجه ايشلك بر اسكله اولوب، 20000 اهالييسى واردر.

7-2408-4

زاويه

طرابلس غرب ولايت و سنجاعنده و سنجاعك قسم غربيسنده بر قضادر.

8-2408-4

زاهد، ميرزا زاهد الدين بن ميرزا كام بخش

دهلى ملوك تيموريه-سندن شاه عالمكيرك نسلندن بر شاعردر. مرتب ديوانى واردر.

9-2408-4

زاهد العلماء، ابو سعيد منصور بن عيسى

مشاهير اطباى عربدن اولوب، نصرانى المذهب و نسطورى ايدى. بنى مرواندى نصير الدوله-نك خدمت طبابتنده بولنوب، بونك پك چوق احسانلرينه نائل اولمشيدى. حكمدار مشار اليهه ميا فارقينده بيوك بر بيمارستان يعنى خسته-خانه بنا ايتديرمشيدى. تاليفاتى بر وجه زيردر: ((كتاب البيمارستانات))، ((كتاب فى الفصول و المسائل و الجوابات))، ((كتاب فى المنامات و الرؤيا))، ((كتاب فيما يجب على المتعلمين لصنعة الطب تقديم علمه))، ((كتاب فى امراض العين و مداواتها)).

10-2408-4

زاهد كيلانى

كبار مشايخن اولوب، ملوك صفويه-نك جدا علاسى اولان شيخ صفى الدين اردبيلى بونك اخرت اوغلى ايدى.

1-2409-4

زاهدى، ابو الراجيا مختار بن محمد

اسمنه نسبتله معروف تفسيرك و بعض شرحلرك صاحبي اولوب، 658 تاريخ هجرىسنده وفات ايتمشدر. سكاكينك شاكردى ايدى.

2-2409-4

زاهر، ابو بحزاة *- بن اسود الاسلامى

صحابه-دن و تحت الشجره-ده بيعت ايدنلردن اولوب، بعده كوفه-ده ساكن اولمش، و بعض احاديث شريفه نقل ايتمشدر. *- (زاهر بن حرام الاشجعي) دخى صحابه-دن اولوب، بدر غزاسندن حاضر بولنمشدر. روايته كوره اهل باديه-دن اولوب، جناب نبوى-يه باديه هديه-لرى كتيرردى؛ و حضرت رسول الله (صلعم) كنديسنى سووب، احياناً ملاطفه بيورورلردى.

3-2409-4
زائده، ياخود زبيده

صحابياتدن اولوب، حضرت عمر بن الخطاب (رضه)ك آزادلىسى ايدى . كثر عبادتله مشهوره ايدى. كنديسندن بعض احاديث شريفه روايت اولنمشدر. *- (زائده بن حواله) دخى صحابه-دندر.

4-2409-4
زائر، شيخ محمد فاخر

هندستان شعراسندن اولوب، %اله آباد\$ليدر. 164ده وفات ايتمشدر. *- هندستان شعراسندن بو مخلصه تخلص ايدر ديكر بر ذات دخى واردر. *- ايران شعراسندن دخى بر (زائر) اولوب، همدانليدر. هندستانه دخى سياحت ايتمشدى. شو بيت اونكدر:

@@@
از بس كه رخترا عرق شرم حجابست
عكس تو در آيينه چو كل در ته آبست
\$

5-2409-4
زايير
1#

افريقانك اك بيوك ايرماغى اولان %قونغو\$نك نام ديكريدر. ((قونغو)) ماده-سنه مراجعت اولنه.]

6-2409-4
زباء

برية الشامده حكومت سورمش اولان ملوك عمالقه-دن عمر بن الضرب بن حسانك قيزى اولوب، پدىر جزيمة الابرش طرفندن مغلوباً ترك حيات ايتدكده، صاحبه ترجمه يرينه كچمش؛ و جزيمة-يى قتل ايله اخذ ثار ايتمش ايسه ده، بونك كوله-سى (قصير)ك خدعه-سيله دشمنلرى اليه كچه-رك، كندى كندىنى تسميم ايتمشدى. ميلاد عيسى (عم)دن آز صكره جريان ايدن بو وقوعات بر طاقم ضرور امثاله مصدر اولوب، كتب ادبيه عربيه-ده مذكوردر. زباء صاچنك چوقلغى و اوزونلغيله مشهوره اولوب، اسمى دخى بوكا دلالت ايدر.

7-2409-4
زباد

افريقيه-ده %يعنى تونسده\$ بريبر اولوب، نقله حديثدن (مالك بن حبر الزبادى)نك وطنيدر.

8-2409-4

زباله

مكة مكرمه ايله بصره آر-سندھ-كى طريقك اوزرنده جامع و چارشيسى اولان بيوك بن قريه اولوب، ايام عربدن %9يوم زباله\$ اسميله معروف وقوعاتك مجراسيدر.

9-2409-4

زباله، بنت عتيبه بن مرداس

عرب شاعر-ملرنندن اولوب، همشير-سى (خدله) ايله و (لعين منقرى) ايله مهاجأتى واردر.

10-2409-4

زبدانى

سوريه-ده دمشق شام ايله بعليك آر-سندھ بر ناحيه اولوب، %9بردى\$ نهري بو ناحيه-ده نبعان ايدر. 3000 قدر نفوسى واردر. صلاح الدين ايوبى ايله فرنكلر آر-سندھ واسطه مخابره اولان (عدل زبدانى)نك وطنيدر.

11-2409-4

زُبده

رومده يعنى اناطوليدھ بر قصبه اولوب، ابو عبيده بن الجراح حضرتلرى طرفندن فتح ايدلمش اولديغى كتب فتوحده مذکوردر.

12-2409-4

زبراء

بادية الشامده بر ير اولوب، حضرت ابا بكر (رضه) زماننده وقوع بولان فتوحات صره-سندھ مذکوردر.

13-2409-4

زبرقان، بن اسلم

صحابه-دن و آل ذى لعوه-دن اولوب، قوت و جسارتيله مشهور ايدى. كربلا وقعه دلسوزنده عبيد الله بن زيادك عسكرى مياننده بولنوب، حضرت امام حسين (رضه) ميدان جدالده مبارز طلب بيوردقلرنده، صاحب ترجمه چيقوب، حضرت امامه كيم اولديغنى صوردقندن صكره ((او علم، بن حضرت نبى ذیشانك، سنى قوجاغنده طوتديغى حالده، دوه-يه بينمش اولديغنى كوردم؛ يارين روز محشرده-سنگ قانكله اوكنه چيقه-مام)) ديه-رك كرى دونمشدى.

-* (ابو عياش زبرقان بن بدر التميمى) دخى صحابه-دن اولوب، كرك جاهليتده و كرك اسلامده قومنك سيدى ايدى. طقوزنجى سنه هجرية-ده بنى تميمن مبعوثاً نزد حضرت نبوى-يه كلوب، شرف اسلامه مشرف اولمش؛ و قومنك صدقه-سنگ جمعى كنديسنه احاله بيورلمش ايدى. اهل رده وقوعاتنده كنديسنى ايمانده ثبات كوسترديكندن، حضرت ابو بكر و صكره حضرت عمر (رضهما) جانبلرنندن دخى اعزاز بيورلمشيدى. حسن و جماليه مشهور اولوب، (قمر النجد) لقبيله تلقيب اولنمشيدى. طبيعت شعريه-سى دخى اولوب، شو بر ايكي بيت اونكدر:

@@@

نحن الملوك فلا حى بقا و منا
فيما العلاء و فيما تنصب البيع
و نحن نطعمهم فى القحط ما اكلوا
من العبيط اذا لم يونس القلع

\$

1-2410-4
زبطره

ملطيه ايله سميساط آره-سنده بر قصبه اولوب، ابو عبيده بن الجراح حضرتلري طرفندن فتح ايدلمش اولديغي كتب فتوحده مسطوردر. شمدي خراب اولسه كركدر.

2-2410-4
زبو
1#

فيليبين جزايرينك %بيسايه\$ زمره-سنده و تغروس جزيره-سنگ شرقنده اوله-رق 10' 121° اطله 35' 121° طول شرقى و 25' 9° ايله 11° عرض شمالى آره-سنده واقعدر. بويى 80 كيلومتره اولوب، 200000 اهالييسى واردر. مركزى ساحل شرقيسنده واقع و 8000 اهالى-بى جامع اولان %زبو\$ قصبه-سيذر. بو جزيره 1521 تاريخ ميلاديسنده مشهور (ماجلان) طرفندن كشف اولنمش، و كاشفى اوراده قتل اولنمشدر.

3-2410-4
زيبب، بن ثعلبة التميمى العبدى

صحابه-دن و حضرت عايشه (رضها)نك اعتاق ايتديكى غلماندن اولوب، كنديسندن بعض احاديث شريفه منقولدر.

4-2410-4
زبيد

يمن ولايتنك حديده سناغنده و حديده-نك جنوبنده اوله-رق بو قصبه ايله محا آره-سنده تهامه-ده و همنامى بر وادينك ايجنده قضا مركزى بر قصبه اولوب، مأمون خليفه-نك آدملرندن (زياد) طرفندن ياپلمش بر سوري و خيلى ايشلك تجارتي واردر. وقتيله پك اهميتلى اولوب، مشاهظر علمادن بر چوق ذواتك مسقط رأسى بولنمشدر. *- زبيد قضايسى شمالاً نفس حديده قضايسيله، شرقاً حديده سناغنده تابع جبل ريمه و تعز سناغنده تابع اب و عرين، جنوباً ينه بو سناغنده تابع محا قضالريله، غرباً دخى بحر احمرله محاط اولوب، يالكز قسم شرقيسى طاغ اتكلرندن و قصورى تهامه-دن عبارتدر. هواسى صيجاق اولوب، اراضيسى پك منبتدر. باشليجه محصورلاتى: بياض و قيرمزي دوره، سيسام، توتون، مصر، چويت، پاموق، بوياء، لوسه تعبير اولنور بر نوع فصوليه، قارپوز و سائره-دن عبارتدر.

5-2410-4
زبيده، ام جعفر *- بن جعفر بن ابى جعفر منصور

هارون الرشيدك عم زاده-سى و زوجه-سى اولوب، خليفه مشار البهه وارديغنده اجرا اولنان سور مثلى نامبسوق واقع اولمشدر. صاحبه ترجمه زياده-سييله حسن و جماله و عقل و ذكا و ادب و تربيه-يه و فصاحت و بلاغت و طبيعت شعريه-يه مالكة اولمغله، هارون الرشيدك فوق العاده محبت و رعايته نائل اولمشيدى. خيرات و حسناته ميلى دخى زياده اولوب، بر اى حج جانب حجازه كيتديكنده، حسابسز صدقه-لر و احسانلر طاغيتمش ايدى. (عين زبيده) اسميله معروف صوبى مكه مكرميه اجرا و اساله ايتديرمش، و دها نيجه تاسيسات خيريه-يه موفق اولمش ايدى. تبريز شهرى دخى جمله مؤسساتنددر. ورع و دياننى دخى مكممل اولوب، قرآن كريمى حفظ ايتمش يوز جاريه-سى اولمغله، بهر كيجه دائره-سنده بر ختم اينديريليردى. خلفاى عباسيه-دن امين بن هارونك والده-سى اولوب، نوبت خلافت مأمونه انتقال ايتديكنده، بونك امراسندن طاهر ذو اليمينين صاحبه ترجمه حقتده حقارنى روا كوره-رك، اموالنى مصادره ايتمش اولديغندن، زبيده پك فصيح و مؤثر بر مکتوب و بر نظم يازوب، جانب خليفه-يه تقديم ايتمش؛ و مأمون متأثر اولوب، اموالنى اعاده ايتمكله

برابر، حقتده پك چوق رعایت ایلمش ایدی. زبیده زوجندن و اوغلندن صکره اوله-رق 116 تاریخ هجریسنده وفات ایتمشدر. بر ایکی بیت مذکور نظمنددر:

@@@

اخیر امام قام من خیر عنصر
و افضل راق فوق اعود منیر
و وارث علم الاولین و فخر هم
الی الملك المأمون من ام جعفر
کتبت و عینی تستهل دمو عما
البک ابن عمی من جفونی و محجری
\$

4-2410-6

زبیده

أنفة الترجمة زبیده-یه منسوب اولمق اوزره، بغدادده ایکی محله و سائر طرفلرده بعض معموره-لر وار ایدی.

4-2411-1

زبیر، بن العوام بن خویلد بن اسد بن عبد العزی بن قسی بن کلاب

کیار صحابه-دن و عشره میشره-دن اولوب، حضرت خدیجة الکبری (رضها) نك برادر زاده-سی و حضرت رسول الله (صلعم) افندمزك خاله-سی صفیه بنت عبد المطلبك اوغلی ایدی. اون بش یاشنده ایکن اسلامه کلوب، بو شرفه نائل اولانلرک دردنجی ویا بشنجیسیدر. اک اول اسلامده سل سیف ایدن حضرت زبیر اولوب، بر کون مکه مکرمه-ده حضرت نبی ذیشان (صلعم) طوتلدی دیه ایشیتمکله، قلیجنی چیقاره-رق، تخلیصنه شتاب ایتمکده ایکن، رسالتیناه افندمزه راست کلمکله، دعای نبویلرینه نائل اولمش ایدی. ابتدا حبشه و بعده معیت حضرت نبویده مدینه-یه هجرت ایتمش؛ و بدر، احد، خندق، حدیبیه، خیبر، مکه، حنین، و طائف غزوه-لر ننده حاضر بولنوب، بر چوق جریحه-لر آلمشیدی. مصرك فتحنده دخی حاضر بولنمشیدی. حضرت نبی محترم (صلعم) افندمزك ((ان لكل نبی حوارياً و حواری الزبیر بن العوام)) بیورمش اولدقلری موثوقاً مرویدر. حضرت عمر فاروق (رضه)ك ارتحالدن اول خلافته نام زد بیوردقلری آلتی (اصحاب الشورا) نك بری زبیر بن عوام ایدی. کندسی ثروت و سامانه مالک اولوب، بتون واردانتی فی سبیل الله تصدق ایدردی. حضرت عثمان بن عفان و عبد الرحمن بن عوف (رضهما) و سائر صحابه کرام طرفندن اولدلرینه وصی تعیین بیوریله-رق، یتیملرینه کندی مالندن نفقه ویرر، و کندی ماللرینی حفظ و وقایه ایدردی. جمل وقعه-سنده حضرت طلحه (رضه) ایله برابر حضرت علی (رضه)ه قارشى حضرت عایشه (رضها) ایله بولنوب، او صره-ده جانب مرتضویدن بر طرفه چکیله-رك: ((خاطرکده-میدر اوکون که ایکیمز نزد حضرت نبویده اوتوردیغمز حالده، حضرت نبی بنم یوزمه باقوب کولدی، و بن ده کولدم، و سن او وقت ابن ابی طالب لطیفه-دن خالی اولماز دیدیکده، لطیفه دکلدر، لکن ایکیکز مقاتله ایده-جکسکز؛ و سن ظالم اوله-جقسك بیوردیلر)) دینجه، حضرت زبیر بونی در خاطر ایده-رك، قتالدن ال چکمش، و وادی السباعه چکیلوب، نماز قیلمقده ایکن، ابن جرموز طرفندن شهید اولنمشدر. بو وقعه مؤلمه هجرت نبویه- نك 26نجی سنه-سی جمادی الاولاسنك یکرمنجی پنچشنبه کونی وقوع بولنوب، حضرت زبیر شهادتنده 67 یاشنده ایدی. ابن جرموز نزد حضرت مرتضوی-یه کیدوب، وقوع حالی بیان، و قلیجنی تقدیم ایلدکده، حضرت مرتضی ((بو قلیچ چوق دفعه حضرت رسول الله (صلعم)ه چوق خدمتله ایتمشدر)) بیوردقندن صکره، ((ابن صفیه-نك قاتلنی جهنمله تبشیر ایت)) بیوره-رق، زیاده-سیله کدر و تأسف ایتمش؛ و جنازه-سی نمازینی کندیلری قیلمشدر. حضرت زبیر اسمرجه و آز صقاللی لطیف الوجه بر ذات ایدی. رضی الله عنه.

4-2411-2

زبیر

صحابه-دن بو اسمله ایکی ذات دها واردر: بری (زبیر بن عبد الله الکلابی)در، که ایام جاهلیتدن حضرت عثمان (رضه)ك زمان خلافتنه دکین بر حیات بولنمش؛ و بر روایتده رؤیت نبی (صلعم) شرفنه نائل اوله-میوب، صحابه-دن روایت ایتمشدر. *- دیکری (زبیر بن عبیده الاسدی)در، که مدینه منوره-یه اک اول هجرت ایدنلردنر.

3-2411-4
زبیری، ابو بکر بن حسن

نحویوندن اولوب، ((الابنية فی النحو)) عنوانیله بر تالیفی وارد. 279ده وفات ایتمشدر.

4-2411-4
زیفچه

صربییه حدود جدیده-سنده و آروپایه کیدن دمیر یول خطی اوزرنده بر قریه اولوب، کمرک مدیریتی اتخاذ اولنمشدر.

5-2411-4
زجاج، ابو اسحق ابراهیم بن السری بن سهل

مشاهیر نحویوندن اولوب، ابتدا جامجیلقله مشغول ایکن، بعده تعلم نحوه هوس ایدوب، امام میردک درسنه دوام ایتمش؛ و بو علمده بد طولی قزانقدن صکره، عبید الله بن سلیمان طرفندن اوغلی قاسمک مؤدبلکنه نصب اولنمش؛ و بوندن خیلی ثروته مالک اولمش ایدی. ((کتاب المعانی فی القرآن))، ((کتاب الفرق بییت المؤمنت و المذکر))، ((کتاب فعلت و افعلت))، ((الرد علی الثعلب فی الفصیح)) عنوانلی کتابلری و سائر آثار ادبیه-سی وارد. مقتدر باللهک زمان خلافتنده 311 تاریخنده، سکسان یاشنی متجاوز اولدیغی حالده، بغدادده وفات ایتمشدر.
*- (ابو بکر احمد بن الحسین الزجاج) دخی نحویوندن اولوب، مطیع باللهک زماننده درنجی قرن هجری واسطنده یاشمشدر.

1-2412-4
زجاجه

قرطبه-ده بر حمله و مقبره اولوب، بعض مشاهیر بوکا نسبتله یاد اولنورلر.

2-2412-4
زجری

ایران شعراسندن اولوب، ملوک صفویه-دن شاه طهماسب ماضی-یه منسوب ایدی. شو بطت اونکدر:

@@@
قاصد بسی زکفته خود انفعال یرد
تاکی دروغ نقل کند از زبان تو
\$

3-2412-4
زحله

جبل لبنان مستقل متصرفلغنده و بعلیکدن آلتی ساعتلق مسافه-ده قضا مرکزی بر قصبه اولوب، 10000 اهالیسی وارد. جمبلده واقع بر طاقم سدلر اوزرینه مؤسدر. قضا قصبه ایله بر قریه-دن عبارتدر.

4-2412-4

زخمی

هندستان شعراسندن اولوب، ابتدا برهمنی المذهب ایکن، اود حکمدار لرینک منشیلیک خدمتنده بولندقدن، و مهاراجه-لغه نائل اولدقدن صکره، 1264ده دین اسلامی قبول، و 1267ده ارتحال ایتمشدن. فارسی، عربی، ترکجه، انکلیزجه، و سانسگری لسانلرینه آشنا و نثر و نظمه مقتدر ایدی. شو قطعه اونکدر:

@@@

زقتلم آن جفاجو هم پشیمانی کشید آخر
که بعه از مردنم بردر کرفتاری ندید آخر
چو میگفتم که مردم در غمت باور نبود اورا
بحمد الله که او مرکم بچشم خویش دید آخر
§

5-2412-4

زخی، العنبری

صحابه-دن اولوب، حضرت عایشه (رضها) نك اولاد اسماعیلدن بر غلام ایستمی اوزرینه، جانب رسالتیناهیدن کندیلرینه ویریلن درت غلامک بری اولمغله، فخر کائنات افندمز بونلرک باشلرینی و یوزلرینی مسح بیوره-رق، حقلرنده دعا ایتمشلدی.

6-2412-4

زر، بن عبد الله بن کلیب الفقیمی

صحابه-دن و مهاجریندن اولوب، خوزستانی فتح ایدن عسکر مسلمین امراسندن ایدی، و جندیسابور محاصره-سندن بولنمشدی. *- (ابو مریم زر بن جیش الاسدی) کبار تابعیندن اولوب، زمان جاهلیته یتیشمش، و 83 تاریخنده یوز یکرمی یاشنده وفات ایتمشدن. حضرت عمرو علی (رضهما) ایله ابن مسعوددن روایت ایتمشدن. قرآن کریمک نکاتنه واقف و فاضل بر ذات ایدی.

7-2412-4

زراب

تبوک طریقنده بر یر اولوب، حضرت فخر کائنات (صلعم) افندمز تبوککه عزیزتلرنده بو محله بر مسجد بنا بیورمشلدی.

8-2412-4

زراره

صحابه-دن بر وجه اوچ ذاتک اسمیدر: (زراره بن جزى) که مروانک زمان حکومتته-دک بر حیات بولنمش؛ و اوغلی عبد العزیز معاویه زماننده یزیدک معیننده قتل اولنمشدر. *- (زراره بن عمرو النخعی) که نخع و فدنده نزد حضرت نبوی-یه کلوب، کورمش اولدیغی بر رؤیایی نقل ایتمکله، تعبیر معجزه آمیزینی ایشیتمش ایدی. *- (زراره بن قیس الانصاری النجاری) که یمامه وقعه-سندده شهید اولمشدر.

9-2412-4

زرعه

شام و فلسطینده بو اسمله بر چوق قریه-لر و محللر بولنوب، موصلک شرق جهتنده و نینوی خرابه-لری قریبده دخی بیوک بر قریه اولدیغنی یاقوت حموی بیان ایدیور.

10-2412-4

زراعین

فلسطینده جینندن ایکی ساعتق مسافه-ده بر قریه اولوب، ملوک اسرائیل زماننده (یزرئیل) اسمیله بیوجک بر قصبه ایدی، و دار الملک دخی بولنمشدی.

11-2412-4

زرافشان

ترکستانده بر نهردر، که بخارا خانلغنک قسم شرقیسی حدود شمالیه-سنده بوزلی دره-لردن نبعانله، روسیه-نک النده بولنان سمرقند ایالتی ایچنده ایکی صره طاغلا آر-سنده غربه طوغری جریان ایده-رک، و اووه-یه ایندیکنده بر چوق قوللره آیریله-رق، سمرقند شهرینک شمالندن بالمرو، بخارا خانلغنه کیرر و بخارا شهرینک شمالندن کچه-رک، جنوب غربی-یه طوغری بر قوس تشکیل ایتدکن صکره، جیحونه اصل اولماز دن قوملرک ایچنده محو اولور. مجراسی تقریباً 600 کیلومتره اولوب، وادیسی فوق العاده منبت و دلنشیندر. میاهنک قسم اعظمی سقی اراضیده صرف اولنه-رق، 480000 یکی دنوم اراضی اروا ایدر. بو وادینک میوه-لری دخی مشهوردر. مجراسنک یوقاری قسمنک جنوب جهتنده واقع بر صره طاغلا دخی بو اسمله یاد اولنور. *- روسلر سمرقند ایالتنک بو وادیده واقع سنجاغی دخی زرافشان اسمیله تسمیه ایتمشلردر. بو سنجاغنک مساحه سطحیه-سی 50000 مربع کیلومتره و اهالیسی 290000 کشی اولوب، جمله-سی مسلمدر.

1-2413-4

زراوند

آذربایجانده-کی ارمیه کولی کنارنده بر قصبه اولوب، خصایصی کتب عربیه-ده مفصلاً مسطور اولان ایلیجه-سیله مشهور ایدی.

2-2413-4

زریست

1#

آلمانیه-نک %انهالت\$ دوقه-لغنده و %روت\$ نهری اوزرنده اوله-رق %دساد\$ک 20 کیلومتره شمال غربیسنده بر قصبه اولوب، 13000 اهالیسی واردر. اسکی (انهالت رنست) دوقه-لرینک مقری ایدی.

3-2413-4

زردشت

یاخود زرادشت 1# اسکی ایرانیلرک شارعی و دین محبوسک موجدیدر. کیانیانن کشتاسب بن لهراسبک زماننده بلخده ظهور ایدوب، دیولرک عبادتنی منع، و بری نور و کوندوزدن و دیکری ظلمت و کچه-دن عبارت و برنجیسی خیره ایکنجیسی-ده شره مصدر اولمق اوزره، ایزد و اهریمن اسملریله ایکی عنصره اعتقادی تلقین ایدیوردی. اعتقادات و نصایح حکیمانیه-یی حاوی (زند) اسمیله بر کتاب دخی میدانده قویمشیدی، که (اوستا) عنوانلی تفسیریه برابر (زند اوستا) اسمیله الیوم محبوسیلرک کتاب مقدسیدر. کشتاسب زردشتک دینی قبول ایتدکن صکره، کرک کندیسنی و کرک اوغلی اسفندیار بودینک ایرانده نشرینه چالیشمش، و بو اغورده تورانیلرله بر چوق محاربه-لر ایتمش؛ و بر چوق بیوک آتشد-لر تأسیس ایلمشلردر. اوندن اول ایرانیلر صابئیندن اولوب، سیاراته عبادت ایدرلردی. تحقیقات اخیریه-یه نظراً زردشت عن اصل هندلی اولوب، بر همینلرک (دیوا) اسمیله عبادت ایتدکلری آلهه کثیره-یی انکار ایله، بونلره شیاطین نظریله باقدیغندن، اورادن طرد اولنه-رق، بلخ جهتنه کیتمش؛ و کشتاسب طرفندن حسن قبول کوروب، مذهب جدیدینی ایرانده

نشر ایتمشدر. (زند) کتابنک لسانی دخی (سانسکری) تعبیر اولنان هند قدیم لساننه پک مشابه اولمغله، بوکا دلالت ایدر. زردشتنک دینی حضرت عمر فاروقنک زمان خلافتنه دکین ایرانده مرعی اولوب،، خلیفه مشار الیه زماننده سعد ابن و قاص یدیله ایران فتح، و ممالک اسلامییه-ضم اولندقده، زردشتنک دینی دخی منقرض اولمش؛ و ایرانده قالان جزئی مقدار کبرلر، کوردکلری حقارت اوزرینه، هندستانه هجرت ایتمشلردر. الیوم هندستانده و علی الخصوص بمبایدیه بر قاچ یوز بیک کبرلر بولنوب، ایرانک %۰ یزد \$ شهرنده و سائر بعض طرفنده ده بر قاچ نفوس بو دینه تابعدر. زردشتنک کتابی اولان (زند آوستا)نک متنی و پهلوی لساننده-کی شرحی اروپالیلر طرفندن طبع و ترجمه-لری دخی نشر اولمنشدر.

4-2413-4
زردنا

حلبک غرب جهتنده بر کوچک قصبه اولدیغنی یاقوت حموی بیان ایدیور.

5-2413-4
زرعه

صحابه-دن بر وجه زیر بش ذاتک اسمیدر: (زرعه بن خلیفه) که نزد حضرت پیغمبری-یه کلوب، شرف اسلامه مشرف اولمشیدی. *- (زرعه بن سیف بن یزن) که یمندن دیکر بعض ذواتله برابر، اسلامه کلدکلرینی اخبار ایچون، نزد حضرت نبوی-یه بر ایلچی کوندروب، بعض وصایایی حاوی بر نامه سعادتله نائل اولمنشردی. *- (زرعه الثقیری) که اصل اسمی اصرم اولوب، نزد پیغمبری-یه ورودیله شرف اسلامه مشرف اولدقده، جانب رسالتپناهیدن زرعه تسمیه بیورلمشیدی. *- (زرعه بن ضمیره العامری) که صحبتنده اختلاف واقع اولوب، اصح روایاته کوره رؤیت نبی (صلعم) شرفنه نائل اوله-مامشدر. *- (زرعه بن عبد الله البیاض) که بر حدیث شریفک راویسیدر.

6-2413-4
زرق

خراسانده مرو قربنده بر قریه اولوب، ملوک ساسانیه-نک اخیرى اولان %۰ یزد جردنک اوراده واقع اولان فوتیله مشهوردر.

7-2413-4
زرقاء، الیمامیه

پک اوزاقدن کورمکده بین العرب اسمی ضرب مثل حکمنه کچمش بر قادین اولوب، زمان جاهلیتده یمامه-ده پاشامشدر. *- (زرقاء بنت عدوی) کوفه-لی بر خاتون اولوب، صفین محاربه-سنده طرف حضرت مرتضویده بولنه-رق، عسکری حربیه تشویق یولنده پک فصیح مقاله-لر ایراد ایدردی.

8-2413-4
زرقالی، ابو اسحق بن یحیی

اندلسده قرطبه مشاهیر ارباب هیئتندن اولوب، اصطلرابه متعلق ایجاد ایلدیکی آلات مختلفه ایله شهرت بولمشدر. ازیاچی دخی مشهور اولوب، بری (اسکوریا) کتبخانه-سنده موجود و 957 رقمیله مرقمدر. *- (اسحق بن یوسف زرقالی) دخی ((الکافی فی الموراث)) عنوانلی کتابک مؤلفی اولوب، 500 تاریخنده وفات ایتمشدر. کتاب مذکور پارس کتبخانه-سنده موجود و 710 رقمیله مرقمدر.

1-2414-4

زرکشی، بدر الدین -* -

مؤلفیندن اولوب، 794ده وفات ایتمشدر. ((اعلام الساجد فی احکام المساجد)) عنوانیله تألیف و تفسیره متعلق ((الاتفاق فی علوم القرآن)) و ((التنقیح)) عنوانلی کتابلری واردر.

2-2414-4

زرنج

سجستان یعنی سیستان مملکتک مرکزی بر قصبه اولوب، حضرت عمر (رضه)ک زمان خلافتنده عاصم بن عدی طرفندن فتح اولنمشدر. ملوک صفاریه-دن یعقوب بن لیث زرنجده بر چارشی یاپدیروب، کونده بیک درهمدن عبارت اولان کراسنی حجاجه وقف ایتمشدی. حکمدار مشار الیه بر چوق صو یوللری دخی یاپدیروب، زرنجی اعمار و تزیین ایتمشدی. بر چوق علما و سائر مشاهیرک مسقط رأسی بولمشدر.

3-2414-4

زرنده

کرمانده بیوک بر شهر و اصفهان ایله ساوه آره-سندده بر قصبه ایدی.

4-2414-4

زرندی

((بغیة المرتجی)) عنوانلی کتابک مؤلفی اولوب، 750 تاریخنده وفات ایتمشدر.

5-2414-4

زرنوج

%یاخود زرنوق\$ ترکستانده خجندک اوته-سندده مشهور بر قصبه ایدی.

6-2414-4

زرنوحی، برهان الدین

مشاهیر علمادن اولوب، کافه علومدن باحث اولمق اوزره، ((تعلیم المتعلم)) عنوانیله بر کتاب یازمشدر، که پارس کتبخانه-سندده بولندیگی کبی، 1709 تاریخنده دخی %راندو\$ معرفتیله %اوتریخت\$ده #1 عنوانیله و لاتینجه ترجمه-سیله برابر طبع اولنمشدر.

7-2414-4

زره

افغانستانک سجستان خطه-سندده بر کول اولوب، بوی 160 و اکی 45 کیلومتره-در. بو کوله %هلمند\$ نهری دوکیلور؛ و ساحل جنوبیسنده ینه %زره\$ اسمیله بر قصبه واردر.

8-2413-4

زرهون

فاس قربنده بر طاغ اولوب، قبائل كئيره ايله مسكون بولنديغي ((معجم البلدان)) ده مذكوردر.

9-2414-4
زرين، بن عبد الله الفقيمي

صحابه-دن اولوب، بنى تميم و فديله نزد حضرت نبوى-يه ورودله، حضرت فخر الرسل (صلعم) افندمز باشنى مسح بيوره-رق، كنديسيله ذريتي حقنده دعا ايتمشلردى. حفيدى (كلثوم بن اوفى بن زرین) ديور كه:
@@@
جدى الذى مسح النبى جبينه
بيمينه ونا الجواد السابق
\$

10-2414-4
زشتوى
1#

بلغارستانده طونه ساحلنده و روسجغك 28 كيلومتره غرب جنوببيسنده سنجاغ مركزى بر قصبه اولوب، 12484 اهالييسى واردر. محاربة اخيره-ده روسلر بو موقعده طونه-يى تجاوز ايتمشلردر. *- زشتوى سنجاغى شمالاً طونه مجراسيله، شرقاً روسجق، جنوباً طرنوه و لوفچه، غرباً دخى پلونه و راهوه سنجاقلريله محدوددر.

11-2414-4
زعازع

يمنده عدن قربنده بر قصبه اولديغي جغرافيون عرب آثارنده مسطوردر.

12-2414-4
زعبل

صحابه-دن اولوب، ((تهادوا و نزاوروا فان الزيارة تنبت الود و الهدية تسل السخيمة)) حديث شريفك راويسيدر.

13-2414-4
زعلاء

يمنده صنعادن ايكي كونلك مسافه-ده بر قلعه اولديغنى ياقوت حموى بيان ايديور.

14-2414-4
زغابه

حجازده بر محل اولوب، خندق غزاسندن عودت بيوريلور ايكن، بو محل ايله جرف آره-سندده قريشك اون بيك عسكرينه تصادف بيورلمشيدى. بو وقعه بر حديث شريفده (يوم زغابه) اسميله ياد بيورلمشدر.

15-2414-4

ز غاوه

سودان غربیده واسع بر مملکت اولدیغی جغرافیون عرب آثارنده مسطور اولوب، آنجق ابو منصورک بو مملکتک شرقاتاً %نوبه\$ مملکتیله محدود اولدیغی بیان ایتدیکنه باقیلیرسه، سودان شرقیده اولمسی اقتضا ایدر. مؤلف مومی الیه بو مملکتک °21 عرض شمالیده بولندیغی، و اهالیسنک چبلاق کزوب حکمدارلرینه عبادت، و بونک یمکسز ایچمکسز یاشادیغنه اعتقا ایلدکلینی-ده علاوه ایدیور. خریطه-لره نظر اولندقده، سودان شرقیده دارفورک قسم شمالیسنده #1 اسمیله بر خطه کویلیور، که موضوع بحث اولان ز غاوه اولدیغنده شهبه قالمیوب، ابو منصورک تعریفی طوغری چیقور. آنجق عرضی °21 اولمیوب، °10 ایله °15 آره-سنده اولدیغی کبی، اهالیسی دخی فی یومنا هذا اوله عبادت و اعتقاددن وارسته اولوب، دین اسلامه متدیندرلر.

1-2415-4

زَغَر

لوط (عم)ک قیزی اولوب، شامده اینمش اولدیغی بر قریه و بیکارک دخی بو اسمله تسمیه ایدلمش اولدیغی ((قاموس))ده مذکوردر.

2-2415-4

ز غفرانبول

%و زبازدی صفرانبولی\$ قسطمونی ولایت و سناغانده و قسطمونیکنک 85 کیلومتره غربنده اوله-رق فیلیوسه تابع صوغانلی نههرینه دوکیلن بر چایک اوزرنده واقع قضا مرکزی بر قصبه اولوب، 8000 قدر اهالیسی، چارشییسی، متعدد جامع شریفی، رشدییه و ابتدائییه مکتبلری، کتبخانه-سی و فرنکی علتیله معلول اولانلره مخصوص خسته-خانه-سی واردر. قصبه ایکی طاغ آره-سنده واقع اولمغله، یازین هواسی صیجاچه اولدیغندن، اهالیسی قصبه-نک غرب جهتنده و ایکی ساعتق مسافه-ده بولنان باغ و کوشکلرینه چیقارلر. -* ز غفرانبولی قضاسی سناغاک قسم غربیسنی تشکیل ایدوب، شرقاً آراج و طاطای، شمال شرقی جهتندن جیده قضالریله، شمال غربی جهتنده و غرباً بولی، جنوباً دخی کنغری سناغقریله محدوددر. اولوس، افلانی و اق طاش ناحیه-لریله برابر 80 قریه-دن مرکب اولوب، یالکز 3351 خرسنتیان و قصوری مسلم اولمق اوزره، 54277 اهالیسی واردر. اراضیسی عمومیت اوزره، طاغلق ایسه ده، پک کوزل بایر و دره-لریله اوفق اووه-لری دخی واردر. کنغری سناغاندن کلن صوغانلی صو ایله بوکا دوکیلن آراج چایی و دیگر بر چوق دره-لر، و قسم شمالیسنده بارطین ایرماغنه تابع اووه چایی قضایی شق و اروا ایدرلر. محصولات ارضیه-سی بغدای، آرپه، مصر، یولاف، کتن، صفران، توتون، پاموق، صوغان، صوغان تخمی، اوزوم و سائر میوه-لرک انواعندن عبارت اولوب، ذخیاری محله کفایت ایتدکن صکره، خیلی مقدار-ی-ده بارطین اسکله-سندن اخراج اولنور. معمولات صنایعیه-سی کاوساله و سختیان ایله یرلی کیرپاسندن عبارتدر. اورمانلری تخمیناً 261 مربع کیلومتره وسعتنده اولوب، چام، کوکنار، کورکن، اخلامور، میشه، چمشیر و سائر آعاجلر بولنمغله، خیلی کراسته قطع و بارطین و فیلیوس اسکله-لرینه نقل ایله استانبوله ارسال اولنور. چمشیر آعاجندن اوروپایه دخی کیدر. اوزومی ایی اولوب، چاوش جنسی دخی واردر. خیلی مقدار قوری اوزوم و پکمز و سرکه دخی اخراج اولنور. مرعالر ی چوق اولوب، قیون و کچی کبی حیواناتی و تفتک کچیلری دخی واردر. اغنام رسومی سنوی 130000 غروشه بالغ اولور. بر مقدار تفتک ایله کاوساله و سختیان دخی اخراج اولنور. درون قضاده 28 جامع و مسجد، 2 کتبخانه، 12 مدرسه، 13 تکیه، 1 رشدییه، 1 مکتب ابتدائی، 173 مسلم و 3 غیر مسلم صبیان مکتبی، 2 کلیسا، 24 خان، 11 حمام، 945 دکان، 40 دکرمن، 61 صو حزاری، 84 دباغخانه و 107 چشمه موجوددر. بارطین اسکله-سندن مرکز قضایه قدر مکمل بر شوسه انشا اولنمشدر.

3-2415-4

ز غوا

فرائک ساحل غربیسنده و %بیره\$دن یعنی بیره-جکدن بر میل مسافه-ده اسکی بر قصبه خرابه-لری اولوب، فرات اوزرنده بر کوپری آثاری دخی اولدیغی یاقوت حموی بیان ایدیور.

4-2415-4
زَغوان

تونسك قربنده و جهت جنوبیه-سندھ مرتفع بر طاغر.

5-2415-4
زفتار

مصرده فسطاط قربنده بر قصبه اولوب، %منیة زفتا\$ دخی دینلدیکی ((معجم البلدان))ده مذکوردر.

6-2415-4
زفر

صحابه-دن بر وجه زیر درت ذاتك اسمیدر: *- (زفر بن اوس النصری) که حضرت فخر کائنات (صلعم) افندمزہ یتیشمش ایسه ده، رؤیت و صحبتلرینه نائل اوله-مامشدر. *- (زفر بن حرثان) که بنی کلفه-دن اولوب، نزد حضرت نبوی-یه کله-مرک، شرف اسلامه مشرف اولمشیدی. *- (زفر بن زید بن حذیفه) که زماننده بنی اسدک امیری اولوب، طلحه ادعای نبوت ایتدیکنده، بو ذات اسلامنده ثابت قالمشیدی. *- (زفر بن هاشم) که بر حدیث شریفک راویسیدر.

7-2415-4
زفیر
1#

باد صبادن کنایه اوله-رق یونان قدیم اساطیری آلهة کاذبه-سندن اولوب، شفق ایله روزکاردن کنایه اولان (اؤلله)نک اوغلی و چیچکلر آله-سی زعم اولنان (فلوره)نک زوجی اعتبار اولنوردی. کوزل و ظریف بر دلیقانلی صورتنده تصویر اولنوب، کلبک قنادلریله تجهیز اولنوردی.

1-2416-4
زفیره

طربزون ولایت و سناغنده و تیره-بولینک 18 کیلومتره غرب جنوبیسنده اوله-رق قره-دکیز ساحلنده بر کوچک قصبه اولوب، %زفیر یوم\$ اسمیله بر مدینه قدیمه-نک محلنده واقعدر.

2-2416-4
زفیرین، سنت *-
1#

میلادک 202 تاریخندن 218 تاریخنه-دک پاپالق ایدوب، زماننده ایمپراطور (سور) خرستیانلری تعقیب و تعذیب ایدردی. عند النصارا اعزه-دن معدود اولوب، اغستوسک 26 سنده یورطیسی اجرا اولنور.

3-2416-4
زُفاف

%یاخود بحر الزقاق\$ اوروپالیبر عندنده %جبل طارق\$دن غلط اوله-رق %جبر التار\$ دینلن و سبته بوغازی اسمیله دخی معروف اولان بوغازک عربلر عندنده اصل اسمیدر. ((سبته بوغازی)) ماده-سنه مراجعت اولنه.]

4-2416-4
زکا، ابو الحسن -* - الرومی الاعور

بنی طولونک اندراسندن صکره خلافت عباسیه جانبندن مصره کوندریلن ولاتدن اولوب، %تکین حزری\$ یه خلف و بعده سلف اولمشدر. 303 تاریخنده مقتدر بالله طرفندن نصب اولنه-رق، 307ده عبید الله فاطمی طرفندن افریقیه عسکری کلوب، اسکندریه-یی ضبط ایتمکله، اکثر اهالی مصر شام طرفنه فرار ایتمکده ایکن، صاحب ترجمه لاجل المقابله اسکندریه-یه عزیمت ایدوب، اثنای راهده جیزه-ده وفات ایتمشدر. مدت ولایتی درت سنه ایله بر آیدر.

5-2416-4
زکتی

بتلیس ولایتک کنج سنجاق و قزاسنده بر ناحیه اولوب، شرقاً قلب، شمالاً جباچور، غرباً پالو قضالریله، جنوباً دخی پیچار ناحیه-سیله محدوددر. مرکزی سنجاق مرکزندن 9 ساعتق مسافه-ده واقع اولوب، ناحیه 45 قریه-دن مرکبدر. اهالیسی کرد و ارمنیدن مرکبدر. احتیاجات محلیه-یه کافی اورمانلری و جوز، الماء، آرمود و طوت کیی اشجار مثمره-سی وارددر. قیشلری پک ممتد اولوب، قار تشرین ثانیین مارده قدر دوام آیدر. محصولات ارضیه-سی آریه، بغدای، توتون، پانجار، شالغم و سائر-دن عبارتدر. طاغلرنده بعض معادن بولندیغی مروی ایسه ده، هیچ بری چیقارلمیور. قیا ایچنه ایولمش بعض مغاره-لری و سائر آثار عتیقه-سی وارددر. حیوانات وحشیه-دن آبی، قورد، قراجه، نیلکی، طاوشان و طوموز بولنور. درون ناحیه-ده ایکی مسجد و بر مدرسه موجوددر.

6-2416-4
زکران

افریقیه-نک جنوبنده %تادمک\$ ناحیه-سنگ مرکزی بر قصبه اولوب، %زناته\$ بربرلرینه مسکون اولدیغی ((معجم البلدان))ده مذکوردر.

7-2416-4
زکریا، بن عبد الله

صحابه-دن اولوب، بر حدیث شریفک راویسیدر.

8-2416-4
زکریا

انبیاء بنی اسرائیلدن اولوب، حضرت یحیی (عم)ک پدریدر. ظهور عیسی (عم) دورنده بر حیات اولوب، فلسطین والیسی هرود طرفندن حضرت یحیی اخذ و قتل اولندقد، حضرت زکریا (عم) اوغلنی قورنارمغه چالیشدیغیچون، تعقیب اولنه-رق، بیت مقدسه مربوط بر باغچه-ده بر آغاجک کوتوکنه صاقلایمش؛ و آغاجله برابر دستره ایله ایکی-یه بولنه-رک، شهید ایدلمشدر. آل عمرانن ایدی. اولاد آرزوسنده بولنمغله، زوجہ-سی اختیار اولدیغی حالده، بحکمة الله تعالی کندیسندن حضرت یحیی (عم) تولد ایتمشدر. حلیده مقامی وارددر.

*- اسرائیلیلر بیننده کوچک انبیا دینمکله معروف ذواتندن دخی بر (زکریا) وارددر، که اسفندیارک زماننده بر حیات اولوب، بنی اسرائیلی بیت مقدسی تجدید و تعبیر ایتمکله تشویق ایتمشدر.
*- اسرائیل ملوکندن (زکریا بن یربحم) قبل المیلاد 767ده موقع حکومت کچمش؛ و یالکز آلتی آی حکومت سورمشدر.
*- کهنه یهوددن بر (زکریا) دها وارددر، که پدرینک خدمات سابقه-سیله برابر، ملک (یوآس)ی عبادت اوئاندن منع ایتمک ایستدیکچون، بونک طرفندن قتل اولنمشدر.

9-2416-4
زکریا افندی، بیرام زاده

سلطان مراد خان ثالث دورنده مسند مشیخت اسلامیہ-یہ کچن علمادن اولوب، آنقرہ-لیدر. 920 تاریخلرنده طوغوب، مملکتنده بر مقدار تحصیل ایتدکن صکره، مصره کیده-رک، اوراده اکمال تحصیل ایتمش؛ و شیخ علی مقدسی ایله درس شریکی بولنمشدر. علی الاصول دور مدارس ایدوب، 981ده حلب، 85ده بروسه، 88ده استانبول قاضیسی، 89ده آناتولی قاضیعیسکری اولمشدی. 994ده حجه کیدوب، 97ده روم ایلی قاضیعیسکرلکنه و 1000 سنه-سی رجبنده مقام مشیخته ارقا اولنمشدر. بر سنه ایکی آی و اون کون امور فتوایی اداره ایتدکن صکره، 1001 سنه-سی شوالنک اون ایکنجی کونی تهنیت بهار ایچون باب همایونده منتظر رخصت دخول ایکن، فجأة وفات ایتمشدر. سلطان سلیم جامع شریفی قربنده بناکرده-سی اولان دار الحدیث جورنده مدفوندر. علوم متداوله-یہ و ادبیات عربیه-یہ آشنا بر ذات اولوب، ((هدایه))، تفسیر بیضاوی-یہ و ((شرح مفتاح)) ه حاشیه-لر یازمشدر. مذکور دار الحدیث بشقه بر مدرسه و اطرافنده حجره-لر انشا ایتمشدر. طبیعت شعریه-سی دخی اولوب، اشعارنده %میلی\$ تخلص ایدردی.

1-2417-4
زکریا افندی زاده

[[یجیی افندی]] ماده-سنه مراجعت.]

2-2417-4
زکریا بن ابراهي

[[معتصم بالله]] ماده-سنه مراجعت.]

3-2417-4
زکریا بن الطیفوری

مشاهیر اطبادن اولوب، سریانی الاصل ایدی. خلیفه معتصم باللهک امراسندن (افشین)ک خدمت طبابتنده بولنمشدر. پدري طیفوری و او غلی اسرائیل بن زکریا دخی طبابتنده متعینانددر.

4-2417-4
زکریا بن محمد الانصاری

مشاهیر علما و فقهاء شافعیه-دن اولوب، مصرلیدر. 910 تاریخنده وفات ایتمشدر. شرف غازیکن ((آداب القاضی)) عنوانلی کتابنه ((اعمال الرضا)) عنوانیله بر شرحی و ((الاعلام و الاهتمام)) و ((الفتاوی)) عنوانریله ایکی تألیفی واردر. بوتالیقارینک برنجی و ایکنجیسی پارس کتبخانه-سنده 605 و 706 رقمریله مرقم اوله-رق موجوددر.

5-2417-4
زکریا بن محمد القزوینی

مشاهیر علمادن اولوب، ((عجائب المخلوقات)) عنوانلی کتاب مشهورک مؤلفیدر. بو کتابی 764 تاریخنده یازمشدر.

6-2417-4
زکریا خان، سیف الدوله بهادر جنک

نادر شاهك تجاوزنده لاهور حاكمى اولوب، 1158ده وفات ايتمش؛ و اوغلى (شاهنواز خان) وارثى اولمشدر.

7-2417-4

زكى

ايران شعراسندن اولوب، همدانليدر. شاه طهماسبك اردوسنده اتراكك خدمتنده بولنوردى. مرتب ديوانى واردر. شو بيت اونكدر:

@@@

آخر كشيد بكنج قفس سير كلشنم
در هيچ باغ نيست كه راهى بدام نيست
\$

*- هندستان شعراسندن دخى بو مخلصه متخلص برى اولوب، عن اصل %مراد آباد\$لى اولديغى حالده، لكهنوده ياشامش، و اورا حكمدارينك ملك الشعراسى اولمشيدى. مصنع تاريخلى و غزليات و سائر اشعارى واردر. شو بر ايكي بيت اونكدر:

@@@

نظاره بست جهان خرابرا
فرصت كست خيمه نشين حبابرا
دلخستكان عشق سؤالى اكر كنند
جانان حواله كن يه تبسم جوابرا
\$

8-2417-4

زكى

ايران شعراسندن اولوب، يزديدر. شو بيت اونكدر:

@@@

روز عمرت شب شد و در فكر اسبابى هنوز
بر تنتت هو موى صبحى كست و در خوابى هنوز
\$

9-2417-4

زل

1#

پروسپه-نك هانوره حكومتنده و هانوره-نك 38 كيلومتره شمال غربيسنده اوله-رق %الر\$ نهري اوزرنده بر قصبه اولوب، 19000 اهاليسى، داخلى مكتب اعداديسى، كتبخانه-سى و قلعه-سى واردر. وقتيله % برونسويق لونبورغ\$ دوقه-لرينك مقرى ايدى.

10-2417-4

زلاقه

#1

اسپانياده بادايوزك 15 كيلومتره شمالنده مشهور بر اسكى قلعه-در. ياقوت حموى بو اسمله قرطبه قربنده بر محل اولديغنى و بو محله يوسف بن تاشفين ايله افرنج ملكى % اذفتش\$ آره-سنده بر محاربه عظيمه وقوع بولديغنى بيان ايدبور. ايكيسى بر اوله كركدن. اسمى عربى اولوب، اوزرنده ثبوتى مشكل محل ديمكدر.

11-2417-4

زلالی

ایران شعر اسندن بر وجه زیر اوچ ذاتک مخلصیدر:

زلالی هروی، که قصاید و سائر اشعارده زماننک فریدی اولوب، 931 تاریخنده وفات ایتمشدر. شو بیت اونکدر:

@@@

چشمی که لایق دیدار ندرام

دارم کله ان چشم خسود از یار ندرام

\$

*- زلالی خوانساری، که حکیم خوانساری دینمکله شهیر اولوب، میرزا جلال اثیرک شاکردیدر. اون برنجی قرن هجری اوائلنده یاشامشدر. مثنویات و قصاید و سائر-دن بر چوق اشعاری وار ایسه ده، اکثری کر به شتر قبیلندندر. ((محمود و ایاز))، ((آذر و سمندر))، ((شعله دیدار))، ((میخانه))، ((ذره و خورشید))، ((حسن کلوسوز))، ((سلیمان نامه)) عنوانیله یدی منظومه-سی واردر. ((محمود و ایاز)) عنوانلی منظومه-سنی اکماله موفق اوله-میوب، هندستان شعر اسندن ((عبد الحسین کمره)) اکمال، و دیواننی ترتیب ایتمش؛ و طغرای مشهدی دیباجه-سنی یاز مشدر. شو بر ایکی بیت مثنویاتندندر:

@@@

کسیمی کز خرامش غم نخسیزد

بس لرزد کل ولی شبنم تریزد

که دل خود قطره اشکی سر نکونست

چو عاشق میشود دریای خونست

\$

*- زلالی شیرازی، که مولانا اهلینک شاکردی اولوب، هندستانه رحلت، و اکثر بلاد هندی کشت و کذار ایده-رک، 948 تاریخنده کجرانده وفات ایتمشدر. شو بیت اونکدر:

@@@

بیرخش غم نیست کر از سینه جان بیرون رود

عشق باجانست میترسم که آن بیرون رود

\$

1-2418-4

زلانده

1#

یعنی ((ارض البحر)) فلنکک جنوب غربی قسمنده بر ایالت اولوب، %اسقو\$ ایله %موزه\$ ایرماقترینک منصیلانده تشکیل ایندکلی جزایر و سواحلدن عبارت اولدیغی حالده، غرباً شمال دکیز یله و بلجیق-نک غربی فلاندره ایالتیله، جنوباً بلجیق-نک فلاندره ایالتیله، شرقاً بر ابانت، شمالاً دخی جنوبی هولانده ایالتلیله محاط و محدوددر. مساحه سطحیه-سی 1785 مربع کیلوکتره اولوب، 199234 اهالیسی واردر. مرکزی %میدلبورغ\$ شهریدر. اراضیسی پک آچق اولمغله، نهرلرک صولری آلتنده قالماق ایچون، سدلر یاپیلوب، سنوی بو اغورده ایکی ملیون فرانقندن زیاده صرف اولنور. هواسی معتدل ایسه ده، صیتمه-لیدر. طوپراغی پک منبت اولمغله برابر، زراعت-ده فوق العاده اهتمام اولندیغندن، حبوبات متنوعه ایله، کنویر، قولزه، خردال، پتاتس و سبزه-لرک انواعی کثرتله حاصل اولور. بوک و پاموقدن ایپلیک و انواع منسوجات ایله بیره و مسکرات و زیتون یاغی فابریقه-لری چوقدر. کلینتی بالیق دخی صید و اخراج اولنور. سفائن اعمالنه مخصوص دستکاهلری ده چوقدر. بو ایالتک اراضیسی اراضی جدید-دن اولوب، نهرلرک ایندیردکلی قوم و چاموردن متشکلدر.

2-2418-4

زلانده یکی *-

1#

بحر محیط کبیرده آوستر البانک تقریباً 200 کیلومتره شرق جنوبیسنده ایکی بیوک و بر قاچ کوچک جزیره-نک هیئت مجموعہ-سی اولوب، 34° ایله 47° عرض جنوبی و 164° ایله 178° طول شرقی آرہ-لرنده ممتد اولور. ایکی بیوک آطہ-دن شمالده بولنانی %شمالی آطہ\$ و جنوبده-کی دخی %جنوبی آطہ\$ تسمیہ اولنوب، اصل اسملری %ایقاماوی\$ و %تاواوی پونامو\$در. شمالیسنک شمالدن جنوبہ بوی 900 و اکی 284، و جنوبیسنک شمال شرقیدن جنوب غربی-یہ بوی 906 و اکی 285 کیلومترہ-در. ایکسیلہ اطرافندہ-کی جزایر صغیرہ-نک جمعاً مساحه سطحیہ-لری 269432 مربع کیلومترہ و اھالیسی 526830 کشیدر. جنوبی آطہ مسطیل شکلندہ بولنوب، بر شکل غیر منتظم ابراز ایدن شمالی آطہ ایله برابر بر چیزمہ رسمی کوستریر. آرہ-لرنده %فوق\$ بوغازی و بو بوغازک غرب جھتندہ کنیش بر کورفز بولنیور. شمالی آطہ-نک شمال شرقی ساحلندہ ((برکت قوی)) اسمیلہ کنیش بر کورفز، و بونک شمال غربیسنده و بو جھتہ ممتد اولان شبہ جزیرہ-نک مبدندہ دخی متعدد شعبہ-لرہ منقسم و بر چوق جزایری حاوی بر قوی اولوب، بو قویده یکی زلاندہ-نک مرکز ادارہ-سی و اک بیوک شہری اولان %اوقلاند\$ اسکله-سی بولنیور. مذکور شبہ جزیرہ دخی بر چوق کوچک قویلری حاویدر. یکی زلاندہ-نک سواحلی 4800 کیلوکترہ طولندہ اولوب، اک مشہور لیمان و اسکله-لری شمالی آطہ-دہ مذکور اوقلاند و جنوبیہ %دوندین\$ و لیتلوندر. سواحله قریب کوچک آطہ-لری آز اولوب، اک اھمیتلیسی جنوبیہ-کی %استوارب آطہ-سیدر. ایکسیندہ دہ بر صرہ طاغر ممتد اولوب، ہلہ جنوبی آطہ-نک طاغر پک مرتعدر. 2000 مترہ-دن زیادہ ارتفاعی اولان بر چوق منطقی و مشتعل برکانلری واردر. شمالی آطہ-دہ سلسلہ جبالدن آیری اولہ-رق و ساحلہ قریب %روآپھو\$ و %اکموند\$ طاغری منفرد بر حالده بولنوب، برنجیسنک 2804 و ایکنجیسنک 2351 مترہ ارتفاعی واردر. جنوبی آطہ-رہ %سوترن آلپ\$ سلسلہ-سنک 300 کیلومترہ وسعتی و بر چوق بوزلی درہ-لری اولوب، اک یوکسک دروہ-سی اولان %فوق\$ طاغنک 3768 مترہ ارتفاعی واردر. بو سلسلہ-نک شرق جھتندہ ساحلہ قدر بر طاغم اووہ-لر ممتد اولور. باشلیجہ نہرلری شمالی آطہ-دہ مجراسی 270 مترہ طولندہ اولان % و ایقاتی\$ و جنوبی آطہ-دہ %مولنیو\$ نہرلریدر. بر چوق کوللری دخی اولوب، اک بیوکلری شمالیسنده %تاویو\$ و جنوبیسنده %تہ آناؤ\$در. ہواسی معتدل اولوب، میزان الحرارہ-نک عمومیت اوزرہ درجہ وسطیہ-سی 12°، و شمالی آطہ-دہ حد وسطی اوزرہ یازین 18° و قیشین 10°، جنوبی آطہ-دہ دخی یازین 16° و قیشین 7°در. اووہ-لردہ نادراً قار یاغار. سواحل غربیہ-سنده پک چوق یاغور یاغار. جنوبی آطہ-دہ و علی الخصوص سواحل غربیہ-سنده شدتلی روزکارلر و بورالر اکسیک اولمیوب، شمالی آطہ-نک ہواسی ایسہ ملایمدر. حتی سل رتہ علتتہ میتلا اولانلر بو آطہ-دہ پک چابق شفاياب اولورلر.

یکی زلاندہ اراضیسندن 540000 یکی دونم مزروع اولوب، مرعالرنده 15 ملیون حیوانات رعی اولنور. طوپراغی منبت اولوب، علی الخصوص شمالی آطہ پک محصولداردر. حاصل اولان ذخائر احتیاجات محلیہ-یہ کفایت ایندکن صکرہ بر خیلی مقداری-دہ اخراج اولنور. علی العموم یکی زلاندہ اراضیسنک ثلثانی قابل زراعت اولوب، قالان ثلثندہ دخی کوزل اورمانلر و آلتون، کومش، باقیر و کمور معدنلری بولنیور. ہلہ آلتون معدنی چوق اولوب، بر خیلی پرلرنده اخراج اولنمقدہ و نہرلرک صولرنده دخی بولنمقدہ-در. دمیر، کورکورد، شاب معدنلری دخی بولنیور. میاہ معدنیہ-سی و ایلیجہ-لری دخی چوق اولوب، علل مختلفہ-یہ نافعدر. آطہ-نک حیوانات اصلیه قدیمہ-سندن ممہلی حیوانات صیجان ایلہ کوپکدن عبارت اولوب، قوشلریلہ بالیقلری ایسہ پک چوق و متنوعدر. آوروپالیلر قیون و صیغیر جنسلرینی ادخال و تکثیر ایتمشلردر. بیلان و سائر سملی حشرات بسبتون مفقوددر. %موآ\$ تعبیر اولنان و 12 قدم ارتفاعی اولان جسیم بر نوع قوش یقین و قتلرہ قدر بو آطہ-لردہ بولنوب، اخیراً جنسی منقرض اولمشدر. اشجار و نباتاتنہ بکزمز. ایکی آطہ-دہ 1643 فابریقہ و عملخانہ موجود اولوب، انواع منسوجات و سائرہ اعمال اولنور، و معادن ایشلنیر. ادخالات و اخراجاتی همان مساوی اولوب، تقریباً یوز یتمشر ملیون فرانغہ بالغ اولور. باشلیجہ اخراجاتی آلتون، باصدیرمہ و ات خلاصہ-سی، بیباغی ذخائر و سائرہ-دن عبارتدر. اسکله-لرینہ سنوی تقریباً 1500 سفائن کیروب چیقیور. ایشلمکدہ اولان دمیر یوللری 3000 کیلومترہ-دن زیادہ اولوب، بر چوق خطرلر دخی در دست انشادر. آوروپا و آسیادن کلن تحت البحر خط تلغرافی فلنک جدیدک سیدنی شہرندن یکی زلاندہ-نک %نلسون\$ قصبہ-سنہ واصل اولور. باشلیجہ شہرلریلہ مقدار نفوسلری بر وجہ زیردر:

####

اوقلاند

65000

دوندین

46611

قریستچورچ

29655

ولینغتون

27833

\$

بو آطه-لر 1642 تاریخ میلادیسندہ مشهور قیودان (تاسمان) طرفندن کشف اولنوب، 1769ده قیودان قوق شمالی آطه-یی طولاشه-رق، انکلتره قرالی نامنه تصرف ایتمش؛ و 1770ده جنوبی آطه-یی دخی بوکا الحاق ایلمش ایدی. اوندن صکره بر طاقم میسیونرلر شمدی %روسل\$ قصبه-سنگ بولندیغی یرده یرلشمشلسه ده، یکی زلانده-نک آروپالی مهاجرلر طرفندن اسکانی اصل 1840 تاریخ میلادیسندن باشلامشدر. انکلتره دولتی تاریخ مذکورده یکی زلانده-یی رسماً تحت تصرفه آلوب، ابتدا آوسترالیانک یکی جنوبی والس حکومت الحاق ایتمش ایکن، 1841ده آبریجه بر حکومت حالنه قویمشدر. الیوم کندینه مخصوص پارلمنتوسی اولوب، %ولینگتون\$ شهرنده اجتماع ایدر. تعلیم و تربیه مجبوری و مجانا اولوب، 1027 مکتب، 81663 شاگرد و 2619 معلم و معلمه موجوددر. اهالیسی اکثریت اوزره اسقوچیله-لی اولوب، قسم اعظمی پروتستان و آز مقداری قتلیدر. بو ایکی مذهبک هیچ بری رسمی دکلدن. اهالی قدیمه-سی اولان (مأوری) قومنک افرادی آروپالی مهاجرلرک ورونده یعنی 1840ده 12000 مقدارنده ایکن، 1886ده یالکز 4200 کشیدن عبارت قالمشدردی. بونلر دخی کوندن کونه آز المقده اولوب، قریباً جنسلری بسبتون منقرض اوله-جق، و انکلزلرله اولان اختلاطلرندن متولد ملزلرده قانلری قاله-جقسه ده، لسانلری و اخلاق و عادات قدیمه-لری نابود اوله-جقدر. مائوریلر ایری و کوزل آدملر اولوب، پولینسیانک هر طرفنه منتشر اولان عرق مخصوصه منسوب ایدیلر. انتقامه منهمک مرحمتسزجه آدملر اولوب، انسان اتی یر، و وحشیلغک صوک درجه-سندہ بولنورلردی. کندی روایت و اعتقادلرینه کوره، اجدادلری میلاددن اون اون بش عصر اول شمال جهتندن و %هاوایی\$ تسمیه ایتدکلری بر آطه-دن کلوب، یکی زلانده-ده یرلشمش؛ و اوراده بولدقلری آوسترالیاهالیسنه مشابه زنجیلری قتل ایدوب، بعض افرادلریله ده اختلاط و امتزاج ایتلمشدردی. سائر پولینسیالیلردن زیاده اسمر و دها چرکین اولملری ده بو اختلاطه شاهدر. یاریم عصر ظرفنده بو یرلر وحشیلکک صوک درجه-سندن مکمل بر مدنیه ایصال اولنه-رق، بوکونکی کونده کره ارضک انکلتره-نک بسبتون مقابلنده بولنان او جسیم آطه-لر بر ایکنجی انکلتره حکمنه کچمشدر؛ و کوندن کونه اهالیسی و اسباب عمران و مدنیتی تزاید ایتمکده-در.

1-2420-4

زلوقروف

1#

آوسترپانک غالچیا خطه-سندہ و لمبر غک 80 کیلومتره شرقتده سنجاق مرکزی بر قصبه اولوب، 6200 اهالیسی واردر. - * - زلوقروف سنجاغی روسیه حدودنده اولوب، بویی 90 و اکی 60 کیلومتره و اهالیسی 235 کشیدن عبارتدر.

2-2420-4

زلول

مغربده رانیلی %؟\$نک شرق جهتنده بر قصبه اولدیغنی یاقوت حموی بیان ایدیور.

3-2420-4

زلیخا

حضرت یوسف (عم)ی اشترا ایتمش اولان عزیز مصرک زوجه-سی اولوب، نبی مشار الیهه تعشق ایتمکله، وصلتی تکلیف ایتدیکنده، حضرت یوسف بو معصیتی قبول ایتمدیکچون، افترا ایدوب، یوسف (عم)ی زندانه آتدیرمشیدی. یدی سنه صکره حضرت یوسفک براتی تبیین ایدوب، مصر حکمدارینک بر رؤیاسنی دخی تعبیر ایتمسيله، زنداندن تخلص و وزارت تعیننده، زلیخا طول قالمش و فقر و ضرورته دوشمش اولدیغی حالده، بر سوقاقده یوسفی بکلیوب، کندینی طانیتدیرمش؛ و حضرت یوسف کندیسنی زوجه-لکه قبول بیوروب، بو ازدواجدن ایکی اوغلی دنیاپه کلمش ایدی. قرآن کریمده منصوص و (احسن القصص) وصفیله موصوف اولان بو قصه اکثر شعراء اسلام طرفندن و از آن جمله فارسیده نظامی و جامی و ترکجه-ده فضولی جانبندن سلك نظمه چکلمشدر. تورانده نامی راعیل اولوب، بعض تواریخ اسلامیه-ده دخی بو اسمله ذکر اولنمشدر.

4-2420-4

زمانشاه

افغانستان حکمدار لرندن اولوب، احمد شاه ابدالینک تورونی و تیمور شاهک اوغلی ایدی. 1207 تاریخده، پدربینک وفاتی اوزرینه، کابل تختته قعود ایتمش ایدی. 1210ده لاهوره کیدوب، دهلی-بی دخی زیارت ایتمک عزمنده ایکن، هرات حاکمی بولنان کوچک برادری محمود شاه ممالکه تجاوز ایتمکله، عودته مجبور اولمش؛ و آنجق 1214ده مومی الیه محمود طرفندن اخذ، و بالاحصاره حبس اولنمشدی. 1830 تاریخ میلادیسنده انکلتره حکومتی کابل تختته شاه شجاعی اوتورتمش ایسه ده، 1842ده زمان شاه افغانستان حکومتی استرداد ایتمشدی.

4-2420-5

زمانی

قدامی شعراء عثمانیه-دن ایکی ذاتک مخلصیدر:
برنجیسی ادرنه-لی اولوب، یاوز سلطان سلیم خانک اواخر سلطنتنده ارتحال ایتمشدر. شو بیت احمد پاشانک (آتش) قافییه-لی غزلنه سویلدیکی نظیره-سندندر:

@@@

دیدم یاره عذارکده نه-در زلف سیه جانا
دیدم اول کوزلرم توری نیچون اولماز دخان آتش

\$

*- ایکنجیسی دخی ادرنه-لی اولوب، آدی محموددر. ابتدا (ساعنی) تخلص ایدردی. شهزاده سلطان مصطفانک خدمتنده بولنوب، مشار الیهک وقعه-سنده نابدید اولمشدر. شو بیت اونکدر:

@@@

نکارک خاطری خطی اوجندن پر غبار آنجق
ینه آیینه عالم نماده انکار آنجق

\$

4-2421-1

زمانی

ایران شعرا سندن دخی درت ذاتک مخلصیدر:
برنجیسی (ملا -*)- یزدلی اولوب، ملوک صفویه-دن شاه عباس ماضینک خدمتنده بولنمشدر. خواجه-نک دیوانه جواب یازمشدر. وفاتی 1021ده-در. شو بیت اونکدر:

@@@

یار از کلبه ما دوش ندانسته گذشت
لیک دانسته نپرسیدکه ویرانه کیست

\$

*- ایکنجیسی اردستانلی اولوب، نقاشلقده دخی مهارتی وار ایدی. شو رباعی اونکدر:

@@@

بی لعل لبت کر شکر ناب خورم
کویی بجکر خنجر قصاب خورم
بی روی تو هر می که بجامم ریزند
آبست که در تشنگی خواب خورم

\$

*- اوچنجیسی سیستانلی اولوب، اورا حاکم زاده-لرندندر. شو بیت اونکدر:

@@@

منزل نکرده ایم زمانی در این جهان
چون آفتاب بر صر دیوار عالم

\$

*- دردنجیسی لاهیجانلی اولوب، صرف و نحو علمیه دخی اشتغالی وار ایدی. شو بیت اونکدر:

@@@

مكيدن لب شاهد و زخم كردن
نمك خوردنست و نمكدان شكستن
\$

2-2421-4

زمبله

1#

[[نورايه زمليا]] ماده-سنه مراجعت اولنه.]

3-2421-4

زميلين

1#

مجارستانده بر ايالت اولوب، شمالاً غالچيا خطه-سيله، شرقاً %اونغوا% و %سابولقس\$، غرباً %آبايونوار\$ و %ساروش\$ ايالتريله محدوددر. بويى 120 و اكى 45 كيلومتره اولوب، 340000 اهالييسى واردر. مركزى %اويهلى\$ قصبه-سيدير. منبت واديلرى و مشهور باغلرى واردر.

4-2421-4

زمخشر

خوارزنده بيوك بر قريه اولوب، آنى الترجمه علامه شهير زمخشرينك مسقط رأسيدير.

6-2421-4

زمخشرى، جار الله ابو القاسم محمود بن عمر

مشاهير علما و ابدان اولوب، نحو و ادبيات عربيه-ده و تفسير و حديث و فقهده يد طولاسى و بو علومك جمله-سنده تأليفات عديده معتبره-سى واردر. 467 تاريخنده خوارزمك زمخشر قريه-سنده طوغوب، 538ده جرجانده وفات ايتمشدر. آثارينك اك بيوك و اك مشهورى ((كشاف)) عنوانلى تفسيريدر. بو كتابى مكه مكرم-ده يازوب، مدت مديده معتكف كعبه شريفه اولديغيچون، (جار الله) عنواننه نائل اولمشدر. سائر تأليفاتى: ((ربيع الابرار)) ((انموزج))، ((المفصل))، ((المنهاج))، ((رنوس المسائل))، ((اساس البلاغه))، ((الفائق))، ((معجم الحدود))، ((مقدمة الادب))، ((ديوان التمثيل))، ((ديوان الرسائل))، ((ديوان الشعراء))، ((كتاب الاودية و الحبال))، ((المفرد و المؤلف)) و سائر-دن عبارتدر. معتزلى المذهب اولوب، حتى كشافك افتتاحنده ((الحمد لله الذى خلق القرآن)) يازمشيدى. بعده اولنان اعتراضات اوزرينه، ((خلق)) كلمه-سنى ((جعل))يه تحويل ايتمش ايسه ده، بو كلمه دخى معتزله عندنده ((خلق)) معناسنه كلير.

6-2421-4

زمرد، بنت ابرق

مشاهير محدثان اولوب، سكرنجى قرن هجریده مصرده ياشامشدر. زمانى علماسندن مولانا اثير الدينك زوجه-سى و (تضار)ك والده-سيدير. عصرى مشاهير محدثينندن استماع احاديث شريفه ايدوب، بعده حديث تدريسييله مشغول اولمش؛ و 730 تاريخنده ارتحال ايتمشدر.

7-2421-4

زمزم

مکه مکرمه-ده واقع مشهور بر قیو اولوب، حضرت ابراهیمک زوجه-سی هاجر ویا اوغلی اسماعیل (عم) طرفندن حفر ویا کشف ایدلمش اولدیغی مرویدر. بر روایتده بو قیو بعده املا و نابدید اولوب، عبدالمطلب طرفندن کشف و تطهیر اولنمش؛ و صوبی مشار الیه یدیله حجاجه تقسیم اولنمغه باشلامش ایدی. کرك جاهلیتده و کرك اسلامده مقدس و مبارک عد اولنوب، صوبی حجاج طرفندن اقطار بعیده-یه نقل اولنور.

8-2421-4

زمل، بن عمرو العذری

صاحبه-دن اولوب، قومی طرفندن مبعوثاً نزد حضرت نبوی-یه کله-کرك، شرف اسلامه مشرف اولمش، و جانب رسالتیناهیدن کنديسنه قومنک ریاستیله بر لوا اعطا بیورلمشیدی. زمل بو لوایی حامل اولدیغی حالده، صفین محاربه-سنده معاویه-نک معیتده حضرت علی-یه قارشی حربه جرأت ایتمش؛ و %مرج راهط و قعه-سنده قتل اولنمشدر.

1-2422-4

زمیل

جزیره-ده رصافه-نک شرق جهتده بر محل اولوب، حضرت ابابکر (رضه)ک زمان خلافتنده خالد بن ولید حضرتلری بو محله بنی تغلب ایله بر محاربه ایتمشیدی.

2-2422-4

زمین

ماوراء النهرده فرغانه ایله صغد آر-سنده-کی طریق اوزرنده بر قصبه اولوب، ترنجبینیله مشهور ایدی.

3-2422-4

زمیندار

سجستان الیه غور آر-سنده یعنی افغانستانده بر ولایت واسعه اولوب، %داور\$ اسمیله دخی معروف اولدیغنی یاقوت حموی بیان ایدیور.

4-2422-4

زمینی

قدمای شعراء عثمانیه-دن اولوب، استانبوللیدر. اسمی محموددر: ابتدا طریق عمله منسوب اولوب، بعده زعامته رغبت ایتمشیدی. شو بیت اونکدر:

@@@

دنیا قچان که تازه-لنوب نوبهار اولور
قانلو یاشمله بیروزی هب لاله-زار اولور

5-2422-4

زناته

اندلسه سرقسطه (یعنی ساراغوسه)یه ملحق بر ناحیه اولوب، بعض علماء اسلامک وطنی بولنمشدر.

6-2422-4
زنج، ابو روح -* - بن سلامة الجذامی

صحابه-دن اولوب، فلسطينه كيدر كليردی.

7-2422-4
زنجیره

صحابياتدن اولوب، اوائل حالنده بنی محزومدن بر مشرکک جاریه-سی اولدیغی حالده، هدایت ربانیه ایله اسلامه کلمش اولدیغندن، افندیسی طرفندن پک چوق جور و اذیت کوروردی. حضرت ابا بکر صدیق (رضه) حالندن خبردار اولدقده، اشترا و اعتاق بیورمشدی.

8-2422-4
زنجیلی

[(علی افندی.] (زنجیلی)) ماده-سنه مراجعت بیوریله.]

9-2422-4
زنج

%بلاد -*-\$ جغرافیون عرب بو اسمی آفریقانک علی العموم زنجی عرقیله مسکون جهاتنه و بالخاصه باب المنبدین آشاغی اولان قسم شرقیسنه ویررلر. بو وجهله % بلاد زنجی ایله %بلاد سودان\$، بر معنا افاده ایندکلری حالده، مسالماری آره-سنده فرق اولوب، سودان آفریقای وسطیدن عبارتدر. اصل %زنجی\$ اسمی سیاه رنگلی، قالین طوداقلی، یاصی و باصیق برونلی، پک قیویرجق صاچلی، طار آیلنلی، کوچک قفالی، چیقیق یناقلی، قیصه و کری-یه چکلمش چکه-لی و اوزون اللی و آیقلی اولان عرق مخصوصه اطلاق اولندیغی حالده، عربلرک بلاد زنج اسمیله بتخصیص مراد ایندکلری آفریقای شرقی یعنی سومالی و زنجبار اهالیسی پک-ده بو عرقه منسوب دکدرلر. بین العوام اکثریا یالکز رنگه باقیله-رق، سیاه رنگلی آدمیره زنجی نظریله باقیلیورسه ده، زنجیلرک یوقاریده بر نبذه-سی بیان اولنان علامات مخصوصه-سنی حائز اولمیوب، طوداقلری اینجه، برونی دوزکون، آلی و اسع، قفاسی بیوک، سیماسی بیضوی و مستوی، ال و آیاق و پارمقلری معتدل اولان آدمیر هر نه قدر، هوا و اقلیمک تأثیراتیله، سیاه اولسه-لر، ینه عرق زنجی-یه منسوب عد اولنمیهرق، عرق قافاسیدن عد اولنملری اقتضا ایدر. سودانک هر طرفنه یایلش اولان غالالر، حبشلیلر، سومالیلر و سائر بر چوق آفریقا اقوامی بو قبیلدندر. [(سودان)) و ((زنجبار)) ماده-لرینه مراجعت بیوریله.]

10-2422-4
زنج

باشلیجه عراق عربده ساکن زنجیلردن مرکب بر طائفه اولوب، 255 تاریخ هجریسنده خلیفه عباسی مهتدی باللهک زماننده نسل علی (رضه)دن اولمق ادعاسنده بولنان (علی حبیب) اسمنده بر شخصک تحت ریاستنده رفع لوای بغی ایده-رک، بصره و واسط جهتلرینی ضبط، و اون بش سنه خلفای عباسیه عسکرینی اشغال ایندکدن صکره، 270 تاریخنده معتمدک زمان خلافتنده برادری موفق بالله طرفندن کلیاً تنکیل ایدلمشلردر.

11-2422-4
زنجان

%یباخود زنکان\$ ایرانده آذربيجان ایله جبال %یعنی عراق عجمی\$ آرہ-سندہ و ابهر ایله قزوین بیننده اولہ-مرق سفید روده تابع %زنگان رود\$ اوزرنده بر شهر اولوب، مشاہیر علما و ادبای اسلامدن بر چوق ذواتک مسقط رأسی بولنمشدر.

12-2422-4

زنجبار

زنکبارک معربیدر. [(زنکبار)] ماده-سنہ مراجعت بیوریلہ.

13-2422-4

زند

زردشتک کتابنک اسمی اولوب، بو کتابک محرر بولندیگی لسانہ دخی بو اسم ویرلمشدر. بو لسان الیوم بسیتون متروک و منسی اولوب، کتاب مذکورک صحیفہ-لرنندن بشقہ هیچ بر اثرده باقی دکلدر. زردشتک محل ظهوری اولان بلخ و خراسان و افغانستان جهتلرنده مستعمل بولنمش اولدیگی مظنوندر. ساسانیلرک اوائل دورنده بیله ایران مجوسیلری بو لسانی آکلاہ-میوب، مذهب و آیینلرینک دستور العملی اولان کتاب مذکورکی لسان پهلوی-یہ ترجمہ ایتمکہ مجبور اولمشلردی. زند لسانی هندک لسان قدیمی اولان (سانسکری) لسانہ پک قریب و مشابه اولوب، حتی آروپانک مستشرقین محققینی بو قرابت و مشابهتہ استناداً زندک متننی استخراج و ترجمہ-یہ و حتی زند لساننک قواعد صرفیہ-سیلہ لغت کتابنی دخی ضبط و تحریرہ موفق اولمشلردر. بو لسانک پهلوی و فارسیدن زیادہ سانسکری لسانہ مشابهتی و خیلی اسکی زمانلرده دخی ایران اہالیسی طرفندن آکلاشیلہ-مامسی بر شیبہ-یہ محل بر اقبور، کہ اودہ لسان مذکورک هیچ بر وقت ایرانده زبازند اولمامسیلہ، ہنددن مطرود اولدیگی مظنون اولان زردشتک کندی کتابنی کندی لسان مادر زاننده یعنی ہندہ مستعمل بولنمش اولان سانسکری لساننک بر شعبہ-سندہ یازمش اولمسی احتمالیدر. ساسانیلرک زمانندن بری زند کتابی سریانیجہ-دن مأخوذ اولان پهلوی حروفیلہ محرر بولنورسہ دہ، کیانیان زمانندہ ایرانیلرک و علی الخصوص بلخ جہتندہ بولنانلرینک سریانیلرلہ اختلاط و مناسبتلری اولمديغندن، بو کتابک ابتدا یا بعض آثار قدیمہ ایرانیہ-دہ کوریلن میخ یازبسیلہ ویاخود ہند حروفیلہ یازلمش اولمسی محتملدر.

1-2423-4

زند

ایرانہ الیوم حکومت سورمکدہ اولان قچار سلالہ-سندن اول حکومت سورمش بر سلالہ اولوب، مؤسسی (زند) اسمیلہ معروف بر قومہ منسوب عبد الکریم خاندر. بو ذات نادر شاہک اردوسندہ بر عادی نفر ایکن، بعدہ علی مردان خانہ تابع اولمش؛ و علی مراد خان نادر شاہدن صکرہ ظهور ایدن فترت زمانندہ اصفہانی ضبط ایدوب، ملوک صفویہ نسلندن (شاہ اسماعیل) نامندہ بر چوچی تختہ اوتورتمش ایدی. علی مردان خانک وفاتندہ صاحب ترجمہ یرینہ کچوب، اسماً حکمدارلغی مشار الیہ شاہ اسماعیلہ ترکلہ، کندیسی وکیل نامنی آلہ-مرق، و بعض رقبا و خصماسنہ غلبہ چالہ-مرق، بتون ایرانہ مالک اولمش؛ و کندیسی عادل و خیر خواه بر ذات اولمغلہ، زراعت و تجارت و معارفی احیا ایدہ-رک، اکثریت اوزرہ مقر اتخاذ ایتدیکی شیرازی اعمار و تزیین ایلمشدی. 1193دہ عبد الکریم خان وفات ایدوب، یرینہ کچن برادری (ذکی خان) بدخو بر آدم اولمغلہ، چوق زمان دوام ایدہ-میوب، متعاقباً ملک عبد الکریم خانک ایکنجی اوغلی ابو الفتح خانہ نصیب اولمش ایسہ دہ، بودہ کوشک و سفیہ بر آدم اولمغلہ، عمیجہ-سی صادق خان تختہ کچمش؛ و 1196دہ یکنی علی مراد خان تخت نشین اولمش؛ و بو دخی غوائل ایلہ کچن قیصہ بر حکومتدن صکرہ 1199دہ وفات ایدوب، صادق خانک اوغلی جعفر خان وارثی اولمشدر. بونک زمانندہ سلالہ حاضرہ-نک مؤسسی آقا محمد خان ظهور ایلہ، ایرانک اکثر طرفلرینی ضبط ایتدیکندن، جعفر خانک نندہ یالکز فارس ایلہ کرمان قالمش ایدی. 1203دہ جعفر خان تسمیم اولنوب، اوغلی لطف علی خان، هنوز کنج اولدیگی حالده، حاجی ابراہیمک سعییلہ تختہ کچمشدی. خیلی نفوذہ مالک اولان مرقوم حاجی ابراہیملہ بونی چکہ-مین لطف علی خان آرہ-سندہ منافرت وقوع بولمغلہ، لطف علی خان آقا محمد قاچارہ قارشی عسکر سوق ایتدکدہ، حاجی ابراہیم شیرازی ضبط ایتمش؛ و لطف علی خان بونی خبر آنجہ، کری دونوب، شیرازی استردادہ چالیشمقدہ ایکن، آقا محمد قاچار اوستنہ عسکر سوق ایدہ-رک، وقوع بولان محاربہ-دہ لطف علی خان غالب کلمش ایسہ دہ، بر خدعہ-یہ قاپیلوب، غلبہ-سندن استفادہ ایدہ-مہ-مش؛ و کرمانہ قاچوب، تحصن ایتمش ایسہ دہ، چوق

وقت مقاومت ایده-میوب، آقا محمدک الینه اسپر دوشمش؛ و بونک امریله کوزلری چیقاریلوب، طهرانه ارسال، و اوراده وفات ایلمشدر. یدی حکمداردن عبارات اولان زند سلاله-سی بونکله نهایت بولمشدر.

2-2423-4

زندورد

واسط قزبنده بولنمش بر قصبه اولوب، واسطک تأسیسنده خراب اولمشدر. منصور بغدادی تأسیس ایتدکده بونک قپولرینی اورایه نقل ایلدیکی مرویدر.

1-2424-4

زنده

رومده یعنی آناتولینک شرق جهتنده بر قصبه اولوب، ابو عبیده بن الجراح حضرتلری طرفندن فتح ایلمش اولدیغنی یاقوت حموی بیان ایدیور.

2-2424-4

زنده، میرزا زنده-لی

ایران شعراسندن اولوب، ساوه-لیدر. قلندرانه بر عمر سورمشدر. شو بیت اونکدر:

@@@

کور خدنگی بردل آید زان کان ایرومرا

مونسی باشد بزیر خاک در پهلو مرا

\$

3-2424-4

زنده-رود

%یاخود زندرود\$ ایرانده اصفهان شهری ایچندن کچر بر نهردر، که صوینک لطافت و خوشکوارلغیله مشهوردر. بو نهر شهر مذکور ایله کاشان آره-سنده-کی طاغلردن نبعانله، جنوب شرقی-یه طوغری جریان ایده-رک، اصفهانک آلت طرفندن قوملرده محو اولور. اوراده باتوب کرمانده چیقدیغی روایت اولنیورسه ده، بو روایت احتمالدن بعید کورینور.

4-2424-4

زنطه

1#

اشقودره کولنک اسم قدیمی اولوب، قبل الفتح او جوارلرده تشکل ایتمش اولان بر کوچک حکومت دخی بو اسمله معروفدر. [(اشقودره کولی)] ماده-سنه مراجعت بیوریله. [

5-2424-4

زنطه

1#

مجارستانک %باقس\$ ایالتنده و %تیسه\$ نهری اوزرنده اوله-رق %قیس قنزه\$نک 14 کیلومتره جنوبنده بر قصبه اولوب، 20000 اهالیسی واردر.

6-2424-4

زئق

اندلسده بر قصبه اولوب، مشاهير متكلميندن زئقنيك مسقط رأسي اولديغي ((معجم البلدان))ده مذكوردر.

7-2424-4

زنكباد

دياله نهرينك ساحل غربيينده حدود ايرانيه قريبنده و بغداد ايله موصل ولايتلري حدودنده بر كوچك قصبه اولوب، مقدا ناحيه مركزي ايدى.

8-2424-4

زنكبار

1#

آفريقانك ساحل شريقي قارشيسينده بر آطه و بو آطه-نك اوزرنده بر شهر ايله آطه-نك قارشيسينده بر مملكت واسعه-يه ويريلن اسمدر.

زنكبار آطه-سي بحر محيط هنديه و آفريقا ساحلنك 20 كيلومتره آچيغنده اوله-رق، 2' 6° عرض جنوبي ايله 37° طول شريقيه واقعدر. شمالدن جنوبه بويى 80 و اكي 25 كيلومتره اولوب، تقريباً 20000ى واردر. خط استوايه قريبتى جهتيله هواسى پك صيچاق، و ياغمورلري چوق اولمغله، رطوبتلى ايسه ده، ملتئم روزكارلريه تعديل اولنه-رق، صاغلامدر. اراضيسى پك منبت و او اقاليمه مخصوص بيوك و ياصى ياپراقلى نباتات و اشجارله مستورددر. اهالييسى كاملاً مسلم اولوب، قسم اعظمى عماندن اورايه كچمش عرب و بر قسمى زنجيدر. زنكبار حاكمنك تحت اداره-سندده و انكلتره دولتنك تحت حمايه-سندده بولنيور.

*- زنكبار شهري آطه-نك ساحل غربيينده اولوب، 80000 اهالييسى واردر. زنكبار حاكمنك مقرى اولوب، ساحل بويجه درت بش قاتلى كوزل اينييه-سي و داخلده بعض قلبييه-لري، قلعه-سي، متعدد جوامع شريفه-سي و آفريقا و هند و جزيرة العربله پك ايشلك تجارتي واردر. پورتكيز ليبرك لنده بولنديغي زماندن برى بو شهر اسرا تجارتنك اك ايشلك بر بازاری حكمنه كچمش ايكن، اخيراً حاكم زنكبارك انكلتره دولتيه اينديكي مهاجده اوزرينه، بو تجارتي منفوره-يه ختام ويرلمشدر.

*- زنكبار مملكتى %رووبه\$ ايله %حبويه\$ نهرلرينك مجرالري آره-سندده واقع اولوب، خط استواندن 11° عرض جنوبي-يه قدر ممتد اولور. جنوباً پورتكيز تابع موزامبيق مملكتيله، شرقاً بحر محيط هندى ايله، شمالاً دخى سومالى بلاديله محدود اولوب، آفريقانك ايچنه طوغرى نره-يه قدر ممتد اولديغي مجهول و بناءً عليه حدود غربييه-سي غير معيندر. عرب بحريونى اوته-دن برى اورالره يناشوب، اجرائى تجارتي و نشر اسلام ايتمكله، قرن سايقده مسقط امامى ابتدا جزيره و شهري و كيد-هرك زنكبار سواحلنى ضبط ايتمش؛ و بعده امامك ايكي اوغلندن برى زنكباره انتقال ايله، بو مملكتى مستقل بر حكومت اسلاميه صورتته قويمشدر. زنكبار حكومتى بوندن مقدم آفريقانك اك قوتلى حكومات اسلاميه-سندن اولوب، جزيره و سواحلده يرلشمش اولان عرب تجارندن بشقه، عربلر مملكتك ايچ طرفلرينه و تاتانغانيقه و نيازه كوللرينه قدر ياييله-رق، كوزل چفتلكلر و تجار تكاهلر تاسيس ايتمش؛ و تنبللك و شقاوتله مألوف اولان سياهى مشركلري دين اسلامه جلب و دعوت ايد-هرك، بونلره بر طريق تمدن آچمشلر ايدى. ايچ طرفلرده عربلرله يرلى وحشيلر آره-سندده اختلاف وقوع بولدقجه، انكلتره يرليلرى التزام ايد-هرك، و بونلره يوز وير-هرك، حرکات وحشيانه-لرينه رواج ويرمشدر. بو موانعه قارشى ديكر بر حامى ايدنمك اوزره، حاكم سابق سيد بر غش اوروپايه سياحتله، آلمانيايه تقرب ايتمش ايسه ده، آلمانلر بو مناسبات دوستانه-دن بالاستفاده، انكلتره دولتيه اويوشه-رق، و زنكبار مملكتك قسم شماليسنى و جزيره و شهر ايله حاكمك حمايه-سنى انكليزلره براقه-رق، كنديلرى بو قطعه واسعه-نك قسم جنوبيسنى ساحلنن غرباً تانغانيقه كولنه و شمالاً نيازه كولندن جنوباً نياسه كولنه-دك %شرق آلمان آفريقه-سى\$ اسملريله بيوك بر مهجر تشكيل ايتمشلردر. رسماً سواحلنى ينه زنكبار حاكمنه براقمشلر سه ده، حقيقتده سواحلده دخى كنديلرى حاكم اولوب، قلمر ولر ينى ساحله قدر تمديد ايتمشلردر. بو وجهله زنكبار مملكتى بوكونكى كونده اعتبارى بر اسم اولوب، خطه مذكوره خريطه-لرده %شرقى انكليز آفريقاسى\$ و %شرقى آلمان آفريقاسى\$ اسملريله ايكي-يه منقسمدر. مع هذا اورالره مدنيتك ادخالى و اهالييسنك وحشيلكن تخليصى مجرد نشر اسلامه ممكن اوله-بييله-جكنى اوروپالى سياحلر دخى منصفانه اعتراف

ایتمکده-درلر. بو مملکت واسعه-ده وقتيله زنکبار حاکمنک و شمدي آلمانيه و انکلتره-نک تحت حمايه-سنده بولنور بر چوق قبائل وحشيه بولنوب، باشليجه-لری: ماغادوقسو، ملينده كيلوا و سائره-در. سواحله قریب محللرنده واسع اووه-لر و صيق اورمانلر و ايچ طرفده 3000 متره ارتفاعنه قدر يوكسك طاغلر بولنوب، بر چوق انهار دخی مملکتی شق ايدر. هواسی فوق العاده صیجاق و آچق يرلرده وخيمدر. اراضیسی پک منبت اولوب، پرنچ، چيوييت، شکر قامشی، پاموق و انواع میوه-لر حاصل اولور. تک دینلن قيمتدار آجاج باؤباب تعبير اولنان شجره عظیمه و سائره دخی بولنیور. آلتون، کومش، باقير، دمير و سائر معدنلری دخی واردر. اهالی اصلیه (کافر) اقوامنه مخصوص لسانله متکلم اولوب، (بازوتو)لرله و سائر آفریقای جنوبي اقواميله قرابت جنسیه-لری واردر. اوتهدن بری هر طرفه يرلشمش اولان عربلردن بشقه اهالی اصلیه-نک دخی بر بيوک قسمی دین اسلامی قبول ایتمشلردر.

1-2425-4

زنکی

فارسده حکومت سورن اتابکان سلاله-سنک ایکنجی حکمداری اولوب، دولت مذکور-نک بانسیسی اولان سنغرك برادری و مودود بن سلغرك اوغلیدر. 556 تاریخندن 580 تاریخنه-دک 14 سنه حکومت سورمش، و بر چوق خیراته موافق اولمشدر. کندیسندن صکره اوغلی تکلّه حکومت سوروب، بعده سنغرك اوغلی طغرل تخته چیقمش ایسه ده، بوندن صکره زنکینک دیکر اوغلی سعد حکومته کچوب، سلاله-نک اندر اسنه-دک سلطنت بونک نسلنده قالدیغیچون، بو سلاله-یه ال سنغر ویا سلغر دنیلدیکی (آل زنکی) دخی دیرلر.

2-2425-4

زنکی، عماد الدین

موصل و شام جهتلرنده حکومت سورن اتابکان سلاله-سنک برنجیسی و بو دولتک بانسیسی لولوب، آقسنغرك اوغلیدر. ((عماد الدین زنکی)) ماده-سنه مراجعت.]

3-2425-4

زنکی

ایران شعرا سندن اولوب، اتابکان فارسدن مظفر الدین زنکی-یه منسوب بولندیغندن، بو مخلصی اختیار ایتمشدر. شو بیت اونکدر:

@@@

بر روی توخطی بنمسایم که بدان خط

صد بوسه مرا برلب لعل تو بر الست

\$

4-2425-4

زنکیانی، عز الدین

مشاهیر صرفیوندن اولوب، صاحبی اسمنه نسبتله ((عزی)) عنوانیله متعارف کتب متداوله صرفیه-دن ((التصریف)) عنوانلی کتابک مؤلفیدر. 655ده وفات ایتمشدر.

5-2425-4

زنوبیه

1#

بلکه زینبند غلظدر. جزیره عرب امراسندن برینک قیزی اولوب، تدمر ملکه-سی ایدی. ایکنجی تأهلی اولمق اوزره، اودیانه واروب، بونکله برابر شاپوره قارشی سفر ایتمشدی. کندیسنه اسناد اولنان اودیانه قتلندن صکره، شرق ملکه-سی نامنی آله-رق، الکاسنی فراتدن آق دکیز ساحلنه و جزیره العرب چولندن آناتولینک و سطرلینه-دک توسیع ایتمشیدی رومالیرله قارشی 267دن 272 تاریخنه-دک محاربه ایدوب، غالبانه غلبه چالمش ایسه ده، اوریان طرفندن آنطاکیه و حماده مغلوب اولوب، تدمرده محاصره اولنمش؛ و زنوبیه فرار ایتمش ایسه ده، در دست اولنه، رق، 273ده رومیله سوق اولنمشدی. تیپورده اقامت ایئتدیریلوب، بقیه عمرینی اولادیله برابر بر حال مجهولیتده کچیرمشدر.

1-2426-4

زنوبیه

1#

ایبریا حکمداری رادامیسنگ زوجه-سی و مشهور مهردادک قیزی اولوب، زوجی بر محاربه-ده قاچارکن، دشمنلرینک الینه دوشمک قورقوسیله، کندیسنی بیچاقله اوروب، آراس نهرینه آتمش ایسه ده، زنوبیه قورتلوب، تیریدادک الینه کچمش؛ و بر حکمدار زوجه-سنه لایق حرمت و رعایت مظهر اولمش ایدی.

2-2426-4

زنودور

1#

یونان قدیمک مشهور هیکلتر اشلرندن اولوب، برنجی قرن میلادیده یاشامشدر.

3-2426-4

زنون

1#

یونان قدیم حکماسندن ایکی ذاتک اسمیدر:

برنجی میلاددن 504 سنه ویا 490 سنه اول او وقت بیوک یونان تسمیه اولنان ایتالیای جنوبینک %الیا شهرنده طوغمش؛ و (یارمنید)دن تحصیل علم و فلسفه ایدوب، قبل المیلاد 464 تاریخنده آتته-یه سیاحتله، اوراده استادینک فلسفه-سنی و علم آداب محاوره-یی تدریس ایتمکه باشلامشیدی. آداب محاوره-یی بر علم مخصوص صورتنه قویان و اک اول اجرته تدریس ایدن بو ذاتدر. وحت اشیایی و سکون و عدم حرکتی تدریس ایدرکن، بر شخص مضحک اوکندن کچمکله بو ایکنجی فکرینک بطلاننی اثبات ایتمش اولدیغی مروی اولوب، بو حرکت (دیوجنس)ه اسناد اولنیورسه ده، دیوجنس صاحب ترجمه-دن 100 سنه صکره ظهور ایتمشدر.

-* ایکنجیسی رواقیون مذهب فلسفیسنگ موجدی اولوب، قبریسک %کیتوم\$ مدینه قدیمه-سنده میلاددن 360 سنه اول طوغمش؛ و زنکین بر تاجرک اوغلی اولمغله، ابتدا کندیس-ده تجارته سلوک ایدوب، بر بیوک زیانه اوغرادقن صکره، بو مسلکدن واز کچمش ایدی. برکون آتته-ده تصادفاً بر کتابجی دکاننده اکسنوفونک سقراطک خواطرینی حاوی کتابی الینه کچمکله، بردن بره فلسفه-یه میل و محبت ایدوب، کلیوندن (قرانس)ک، بعده مغاریوندن (استیپلون)ک و نهایت آقادمیوندن (اکسنوقرات) و (پولمون)ک درسنه دوام ایده-رک، کندینه مخصوص بر مذهب فلسفی ایجاد، و 40 یاشنده ایکن آتته-نک بررواقی آلتنده تدریسه باشلامغله، درسنه دوام و فلسفه-سنه تبعیت ایدنلر (رواقیون) اسمیله شهرت بولمشلردر. اقوالنه مطابق افعال و حرکتی و حسن اخلاقی حلقه تدریسنه پک چوق طلبه جلب ایدوب ماکدونیه حکمداری (آنتیغون غوناتاس) دخی جمله شاکردانندن ایدی. پک مسن اولدیغی حالده قبل المیلاد 263 تاریخلرنده وفات ایتمشدر. عمومک فوق العاده حرمت و محبتنه مظهر اولمشدی. فلسفه-سنی منطقیات، طبیعیات و اخلاق شعبه-لرینه تقسیم ایدوب اک زیاده اخلاقه اهمیت ویرردی. وحدته معتقد اولوب، انسان ایچون روح نه ایسه کائنات ایچون دخی الوهیت او اولدیغنه، و روحک بعد الوفات منفرداً بقاسنی انکار ایدوب، روح عالم اولان الوهیتله وحدت حاصل اولدیغنه اعتقاد ایدردی. آثارینک اکثری نابود اولوب، افکاری سائر قدماى مؤلفینک کتابلرندن و پلوتارخوس طرفندن یازلمش ترجمه حالندن منضم اولیور.

4-2426-4

قسنطنطينيه روم ايمپراطورلرندن اولوب، (ايساوره-لی #2) لقبيله ملقبدر. ابتدا بر ضابط ايکن، ايمپراطور برنجی ليونک توجهنی قزانهرق، دامادی اولمش؛ و 474 تاريخ ميلاد-يسنده، بونک وفاتی اوزرينه، کندي اوغلی صبی ايکنجی ليون طرفندن ايمپراطورلغه تشريک ايدلمش؛ و متعاقباً بو چوق وفات ايتمکله، بالاستقلال ايمپراطور اولمش ایدی. 475ده، برنجی ليونک قاریسی (ورينه) طرفندن اويانديريلان قفرت اوزرينه، تختی ترک ايدوب، وطنی اولان %ايساوره\$يه چکلمش ايسه ده، ايکی سنه صکره ايساوره-لی عسکرک و غوتلرک يارديميله يکيدن زمام اداره-یی النه آلمش؛ و کوستردیکی شدت و اجرا ايتديکی معاملات غير لایقه ايله نامنی لکه-دار ايدوب، فسق و سفاهته طالمش اولديغندن، 491ده سرخوش اولديغی حالده، کندي قاریسی (آريانده)نک دلالتيله حياً دفن اولنمشدر. زماننده بر چوق مذهب غوغالی ظهور ايدوب، کنديسی بو اختلافاتی منع ايجون ((توحيد)) عنوانيله بر تعليمات نامه نشر ايتمش ايسه ده، بو حرکتيله ده هيچ بر طرفی ممنون ايدمه-مش ایدی.

1-2427-4
زو

پيشداد ياندى زابک نام ديکريدر. [(زاب)] ماده-سنه مراجعت بيوريله.]

2-2426-4
زواوه

آفريقيه ايله مغرب آره-سنده يعنی جزاير جهتنده برکوچک قصبه اولديغنی ياقوت حموی بيان ايدبور.

3-2427-4
زواوی، شيخ زين الدين يحي بن عبد المعطی

مشاهير نحويوندن اولوب، بو فنده ((الدارة الالفية)) عنوانلی رساله منظومه-نک صاحبيدر. مغربک آنف البيان قصبه-سندن اولوب، 628ده وفات ايتمشدر. تأليف مذکورى شرق و غربده مشهور اولوب، بر چوق نحويون طرفندن شرح اولنمشدر.

4-2427-4
زوپير
1#

يونان قديم مورخلى بو اسمله اسفنديار اولمسی لازم کلن برنجی داريوسک سردارلرندن برينی ذکر ايدوب، حکمدار مشار اليهک بابلی محاصره-سنده بو ذاتک کمال صداقتندن کندي برونی و قولقلرينی کسه-رک، اسفنديار طرفندن بو حاله قولنديغنی بيانله، بابليليره التجا ايتمش؛ و بو وجهله امنيتلرينی قزانقدن صکره، افنديسنه شهرک قوللرينی آچمش اولديغنی بيان ايدبورلر. ايران تواربخنده مذکور دکلدن.

5-2427-4
زوتن
1#

فلمنک %کلدره\$ اياتتنده و %ايسل\$ نهري اوزرنده اوله-رق %دوندر\$ک 14 كيلومتره جنوبنده بر قصبه اولوب، 15000 اهالیسی، مصنع بر کلیساسی و کوزل ابنيه اميريه-سی واردر. پک اسکی بر قصبه-در.

6-2427-4

زوجیتانه

1#

رومالیرك قرتاجی ضبط ایتدکن صکره افریقیه خطه-سنه ثونس ایله جزایرک قسنطینه جهتنه ویردکلری اسم اولوب، بونی بر ایالت اتخاد ایمتشلردی.

7-2427-4

زودنویس، محمد بن محمود

مشاهیر خطاطیندن اولوب، بغدادلیدر. حسن خطه متعلق ((الرسالة الرشیدیة)) عنوانلی کتابک صاحبیدر. بو کتابی 710 تاریخده یازمشدر. پارس کتبخانه سنده 1 رقمیله مرقم بر نسخه-سی واردر.

8-2427-4

زور

جزیره ایله بر الشامده یعنی فرائک ایکی جهتنده مستقبل متصرفلق صورتنده اداره اولنور واسع بر یر اولوب، 34° ایله $10' 37^{\circ}$ عرض شمالی و $15' 35^{\circ}$ ایله $25' 39^{\circ}$ طول شرقی آرهلرنده ممتد اولور. شمالاً دیاربکر و حلب، غرباً ینه حلب و سوریه، شرقاً موصل و بغداد ولایتلریله، جنوباً دخی بر الشام چولیله محاط و محدوددر. مساحه سطحیه-سی تقریباً 100000 مربع کیلومتره اولوب، اهالیسی دخی تخمیناً 100000 نفوس راده-لرنده-در، که بهر کیلومتره باشنه بر کشتی دوشر. مرکزی فرات ساحلنده واقع %دیرزور \$ قصبه-سی اولوب، سنجاق مرکزله برابر بر وجه زیر 4 قضا، 4 ناحیه و 148 قریه-یی حاویدر:

###

قصا

ناحیه

مقدار قرا

مقدار اهالی

دبر

سبجه

تدمر

کوکب

71

45000

عشاره

بصیره

34

24000

رأس العین

_*-

24

16000

البو کمال

_*-

19

15000

\$

اراضيسی عمومیت اوزره دوز و آز عارضه-لی اولوب، یوکسک طاغری یو غیسه ده، مرکز قضااسیله رأس العین قضااسی آره-سنده %جبل عبد العزیز\$ طاغی بولنیور، که سنجاغک قسم شمالیسنده سنجا طاعنه طوغری بر قوس تشکیل ایدیور. %جبل رواق\$ اسمیله دیگر بر طاغ دخی سوریه ولایتندن کوب، شمال شرقی-یه طوغری اوزانه-رق، تدمر خرابه-لرینه قدر واصل اولور. سبجه ناحیه-سنده دخی معدن اسمیله بر کوچک طاغ و دیر قصبه-سنگ قربنده بر تپه بولنیور. سنجاغ کاملاً فرات حوضه-سی داخلنده اولوب، بو ایرماق شمال غربیدن جنوب شرقی-یه طوغری سنجاغی 280 کیلومتره-لک مسافه-ده شق ایتدیکی کبی اک بیوک تابعلرندن اولان %خابور\$ نهری دخی سنجاغک قسم شمالیسنی یعنی فراتک شمال جهتنده-کی قسمنی شمالدن جنوبه 305 کیلومتره-لک مسافه-ده شق ایدوب، صول کنارندن سنجاغک داخلنده بلخ، جرجب، زرکه، ججغاه، جراحی و حساوی نهرلرینی و بر چوق کوکوردلی میاه معدنیه-یی آلیر. بو انهارک جمله-سنده کلیتلی بالیق بولنور. فراتک زور سنجاغی داخلنده-کی قسمنده سیر سفاننه مانع اوله-جق بر مشکلات اولمیوب، جزئی بر مصرفله بو حاله وضع اولنه-بیلیر. شمیدیکی حالده کلکله ایشلرلر. فرات مجراسنک جوارلرنده و سائر بعض یرلرنده بر طاقم طوزلی کوللر و بطاقلر دخی بولنوب، کوزل طوز اخراج اولنور؛ و بو کوللرک برنده پک مقبول بر نوع بالیق صید اولنوب، دمشق شامه و سائر طرفلره کوندریلور. اراضیسی پک منبت اولوب، بعض جهتلری انهارک صولریله سقی و اروا اولنور، و بعضلری ده یالکز یاغوردن استفاده ایدرلر. بو ایکنجی اراضیده قیش محصولی اوله-رق آریه و بغدای حاصل اولوب، یوللرک بعد مسافه-سندن طولایی اخراج اولنه-مییه-جغی جهتله، یالکز احتیاجات محلیه-یه کفایت ایده-جک قدر زرع اولنور. انهارک صویبله اروا اولنان یرلرده دخی مصر بغدایی و داری حاصل اولوب، داریدن اخراجات دخی اولور. بتون سنجاغده حد وسطی اوزره سنوی بهر طغاری 15000 کیلو اولمق اوزره 5391 طغار بغدای، 2461 طغار آریه، 10000 طغار مصر و 1631 طغار داری حاصل اولور. اشجار مئمه غرسنه یکی باشلانوب، هنوز لایقوله محصول آله-میور. حیوانات اهلیه-سی چوقجه اولوب، 14000 صیغیر، 1700 ات، 8500 اشک، 4000 دوه و 478200 قویون موجوددر. سکنلری اولمدیغی حالده، سنجاغ داخلنده جولان و مرور ایدن عشیرتلی کلیتلی دوه و قویونلریله خرکه-لری بو حسابده داخل دکلر. هواسی یازین پک صیجاغ اولوب، سانتیغراد حسابیله میزان الحراره 56 درجه-یه قدر چیقلسه ده، صاغلام اولوب، البو کمالده-کی صیتمه-دن بشقه هیچ بر محلی خسته-لق یوقدر. قیشین یاغورلری چوق اولوب، هواسی دخی متعادلر. نیسان و مایسده علی الخصوص البو کمالده سینک و سیوری سینکلر چوقدر. سنجاغ داخلنده شمیدی-یه قدر هیچ بر معدن بولنماش ایسه ده، آلی و تبشیر کبی اتریه-سی چوقدر. سبجه و تدمر ناحیه-لرینه بر چوق کوکوردلی میاه معدنیه بولنیور. فرات وادیسنده تمر هندی، قواق، طوت و خرما آغاجلرینی حاوی بعض کوچک اورمانلر بولنوب، اک بیوکلری اولان البو کمال اورماننک طولی 7 کیلومتره-در. یقین و قتلره کلنجه-یه قدر زورده آرسلان و قیلانه تصادف اولنیوردیسه ده، شمیدی بو حیوانلردن اثر کورلمیوب، چقال، طوموز، ضیرتلان، قورد و تیلکی کبی حیوانات بولنه-رق، اک زیاده اورمانلرده طولاشیرلر. زورده یالکز عبا اعمال اولنوب، سائر معمولات لازمه دمشقندن، حلبدن و بغداددن نقل اولنور. مرکز لوانک بو اوچ شهر ایله خیلی تجاری اولوب، مقنن صورتده کاروانلر ایشلر. سنجاغک سنوی اخراجاتی 130000 و ادخالاتی 80000 لیرایه بالغ اولور. اخراجاتی قویون، پیاغی، یاغ، دری، سیسام و مصدرن عبارتدر. واردات سنویه-سی 39207 لیرایی تجاوز ایتمیور. بو سنجاغ یقین و قتلره کلنجه-یه قدر عربان عشایرینک جولانگاهی اولوب، انتظام و امنیتدن محروم ایکن، بوندن اوتوز یدی سنه اول سردار اکرم عمر پاشا عربانی تشکیل ایده-رک، اوراسنی تحت انضباطه آلمش، و او وقته قدر ملجأ اشقیا اولان دیر قصبه-سی عراق ایله سوریه آره-سنده تجارتکاه بر قصبه اولوب، زور خطه-سی ابتدا حلب و لایتنه ملحق و بعده مستقبل بر سنجاغ صورتته قونمشدر. ابتدای تشکیلنده متصرفلر ایدن آرسلان پاشانک همتیله کاروان طریقلرنده بر طاقم خانلر انشا و عساکر اقامه ایدیله-رک، امنیت استحصال اولنمشدر. فرات سیر سفاننه صالح بر حاله وضع، و دمیر یول خطلری تمديد ایدیله-جک اولسه، بو سنجاغ هر نوع ترقیاته مستعددر.

1-2428-4

زوراء

مائله و منحرفه دیمک اولان بو کلمه دجله-نک بغداده قریب قسمنه و دجله-نک ساحل غربیسنده مؤسس اولان اصل بغداد شهرینه اطلاق اولنور. شهرک بو اسمله سبب تسمیه-سی قیولرینک بریرینه مقابل اولمیوب یان دوشمه-لری، و یاخود جامعلرینک قبله-یه یانندن متوجه اولملریدر. *- مدینه منوره-نک چارشینسه و جزیره العربک مختلف محللرینه-ده بو اسم ویریلیردی. *- بطلمیوس ((ملحمه)) سنده 39° عرضیله 105° طولنده %زوراء\$ اسمیله بر قصبه اولدیغنی ذکر ایتمیسه، یاقوت حموی ((معجم))نده بونی بیلمدیکنی و اولسه اولسه بلاد رومده اوله-جغنی بیان ایدیور.

1-2429-4

زوراونو

غالباً 1% دنیستر نهری اوزرندە @1 و % استری 29 کیلومتره شرقندە بیوک بر قریه اولوب، 1676 تاریخ میلادیسندە عثمانلی عسکری بو محلده لهیلره قارشى بیوک بر مظفریتە نائل اولش؛ و % سویبسیکی بی % پودولیه و % اوقرنه بی دولت عثمانیه یه ترک ایدن % زورارنو \$ معاهده سنی امضایه مجبور ایتمشلر ایدی .

2-2429-4

زوروبابل

1#

یهود رؤساسندن اولوب، کیخسرو بابلی فتح ایله، اوراده اسیر بولنان بنی اسرائیلک وطنلرینه عودتلرینه مساعده ایتدیکی وقت، بو ذات قومنی قدسه سوق ایتمش، و (یسو) نام کاهنک یاردیمیه آیین یهودی تجدید و احیا ایدوب، سامریلرک ممانعتیه برابر، بیت مقدسی یکیدن تأسیس ایلمش ایدی.

3-2429-4

زوریخ

1#

اسویچره نك قسم شمالیسندە همنامی اولان كولك منتهای شمالندە و بو كولك آباغی حکمنده اولان % لیمات \$ نهری اوزرندە ناحیه یعنی جمهوریت مرکزی و بتون اسویچره نك الك بیوک شهری اولوب، 90088 اهالیسی، کوزل اینه امیرییه و خصوصیه سی، دار الفوننی تشریحه مخصوص بیوک عملیاتخانه سی، تاریخ طبیعی یه مخصوص صاله سی، فنون مختلفه نمونه خانه لری، متعدد کتبخانه سی، مکتب صنایعی، کورلره مخصوص مکتبی، متعدد مکاتب اعدادیه و سائره سی، یتیمخانه سی، دار الشفاسی، % مونستر \$ اسمیله مصنع بر کلیساسی، مختلف اییک قماشلر و پامو قدن بعض منسوجاتله سرکه و سائره فابریقه لری وارد. معارفیه و اسباب تحصیل و تربیه نك مکملیتیه مشهور اولوب، ((اسویچره نك آنه سی)) اسمنه مستحق اولمشدر. مشاهیر علمادن بر چوق ذواتک مسقط رأسیدر. پک اسکی بر شهر اولوب، رومالیلر زمانندە % تور یقوم \$ اسمیله معروف ایدی. اوتە دن بری بر چوق وقایع سیاسییه نك محل جریانی اوله کلمشدر.

4-2429-4

زوریخ

ناحیه سی 1# اسویچره جماهیر متفقه سنی ترکیب ایدن 25 ناحیه نك بری اولوب، شمالاً % بادە \$ بیوک دوقه لغیله و % شافهوزه \$ ناحیه سیله، غرباً آغروویه، جنوباً سنت غال، زوغ و اشویج، شرقاً دخی تورغوویه ناحیه لریله محاط و محدوددر. شمالدن جنوبه بوی 62 و اکی 43 کیلومتره و مساحه سطحیه سی 1850 مربع کیلومتره اولوب، 237183 اهالیسی وارد. اهالیسنگ همان جمله سی پروتستاندر. مرکزی همنامی اولان شهردر. اراضیسی عمومیت اوزره طاغلق ایسه ده، اورالده آلپ سلسله سنک اتکلری و شعبه لری خلی انحطاط کسب ایتمکله، هیچ بر محلی 1160 متره ارتفاعنی تجاوز ایتمز. اسویچره نك جهات جنوبیه سنده کی یوز دره لرنندن دخی عاریدر. % رین \$ ایرماغی ناحیه نك حدود شمالیه سنی نفریق و بر محلندە اراضیسی ایچنه دخول ایتدیکی کبی، بو ایرماغه منصب اولمق اوزره، عمومیت اوزره جنوبدن شماله آقار بر قاچ نهری دها وارد، که باشلیجه لری: رایس، لیمات، سیل و توردر. آئیده بیان اولنه جق % زوریخ \$ کولی ناحیه نك نصفنی ایکی یه شق ایتدیکی کبی، بونک شرق جهتنده بر قاچ کوچک کول دخی بولنیور. اورمانلری و مرعاری چوق اولدیغی کبی، زراعت دخی پک ایلری اولوب، اقلیمک مساعده اولدیغی حبوبات و سبزه و میوه لریک انواعی یتیشدیریلیر. صیغیر و قیون و سائر حیوانات یتیشدیروب بسلمکه ده اهالیسنگ فوق العاده مهارت و استعدادی وارد. صنایع دخی پک ایلری اولوب، منسوجات و معمولات مختلفه یه مخصوص پک چوق فابریقه لری وارد، و تجارتی پک ایشلکدر. ناحیه داخلندە متعدد دمیر بوللر بولنوب، کول و نهرلریله برابر تجارتتی تسهیل ایدور. هواسی اسویچره نك سائر طرفلرینه نسبه معتدل و هله یازین لطیفدر. بو ناحیه 1351 ده جماهیر متفقه یه التحاق ایدوب، او وقت یالکز زوریخ شهریه % سیل \$ نهری کنارندە واقع بر قصادن مرکب ایدی. اون دردنچی و اون بشنجی قرن میلادیده کسب توسع ایدوب، شمیدیکی حدودی بولمشدر. 1802 ده بر طاقم مناز عاتە میدان اولمغله، فرانسه نك مداخله.

سنی و اسویچرہ-نک 19 ناحیہ اوزرینہ تنظیمی انتاج ایتمشدی. ناحیہ-نک شمڈیکی اصول ادارہ-سی 1839 ده تنظیم اولنمشدر. ارکان حکومت 212 اعضاء مرکب بر مجلس عمومی ایله 25 اعضاء مرکب بر مجلس دائمین و بر تمیز محکمہ-سندن عبارتدر.

1-2430-4

زوریخ

کولی #1 اسویچرہ-نک وسعتجه ایکنجی درجه-ده بولنان کوللرندن اولوب، ابتدا %سنت غال\$ ایله %اشویچ\$ ناحیہ-لری آرہ-سندہ و بعدہ زوریخ ناحیہ-سی داخلندہ بر قوس ویا هلال رسمندہ جنوب شرقیدن شمال غربی-یہ ممتد اولور. طولی 25 و عرض وسطیسی 3 کیلومتره-در. درینلکی بعض محللرنده 200 متره-یہ قدر واصل اولور. یوقاری و آشای ناملریله ایکی قسم اعتبار اولنوب، آرہ-لرنده 1800 قدم بویی اولان بر کوپری بولنیور. جنوب شرقی گوشه-سنه %اینت\$ نہری بو کوله منصب اولور؛ و اوست طرفندہ-کی %والن\$ کولیلہ بر جدولله اختلاط ایدر. شمال غربی گوشه-سندن %ایمات\$ نہری چیقوب، زوریخ شهری ایچندن مرورلہ، %رین\$ ایرماغنه دوکلمک اوزرہ، شمال غربی-یہ طوغری آقار. سائر اسویچرہ کوللری کبی بو دخی غایتلہ کوزل منظره-لی و دلنشین کنارلرله محاطدر. ساحل غربیسی بوینجه بر دمیر یول خطی ممتد اولدیغی کبی، ذکر اولنان کوپریدن ساحل شرقیسنه دخی بر شعبه اوزانیر، که %والن\$ کولی قربنده ایکیسی بعد التقاطع، آلپ سلسله-سنگ اتکلرینہ قدر ممتد اولورلر.

2-2430-4

زوزان

اخلاط، آذربيجان، دیاربکر و موصل آرہ-لرنده اکرادله مسکون بر ناحیہ اولوب، 19نجی سال هجریده عیاض بن غنم حضرترلی طرفندن صلحاً فتح ایدلش اولدیغی کتب فتوحده محرردر. ابن اثیر بوناچیہ-نک دجلہ-نک جهت شرقیہ-سندہ و جزیره ابن عمرک %یعنی جزرہ-نک\$ قارشیسندہ واقع اولوب، موصلدن ایکی کونلک مسافه-دن باشلايه-رق، آذربيجان حدودینہ-دک ممتد اولدیغی و ایچنده بر چوق قلاع حصینہ بولندیغی بیان ایدیور.

3-2430-4

زوزن

خراسانده نیسابور ایله هرات آرہ-سندہ 124 قریه-دن مرکب بر ناحیة واسعة و بونک مرکزی اولان بر قصبه اولوب، کثرت علما و فضلاسندن طولایی %البصرة الصغری\$ دینلیردی. بر چوق مشاهیرک مسقط رأسی بولنمشدر.

4-2430-4

زوزنی، ابو عبد الله حسین بن احمد

مشاهیر ادباند اولوب، معلقات سبعة-یی شرح ایتمشدر بو شرح پارس کتبخانه-سندہ 1154 رقمیلہ مرقم اوله-رق موجوددر.

*- (ابو حنیفه عبد الرحمن بن حسن زوزنی) مشاهیر محدثین و خطاطیندن اولوب، 400 مصحف شریف یازمش، و برینی 50 دیناره ویرمش ایدی. 455 تاریخنده حجه کیتمشیدی.

*- (ابو العباس ولید بن احمد زوزنی) دخی محدثین و صوفیونندن اولوب، 376 تاریخنده وفات ایتمشدر.

*- (ابو نصر احمد بن علی زوزنی) دخی ادباند اولوب، بغداده ورودله سلاجقه-دن عضد الدولہ-نک خدمتنه کیرمشیدی. شو قطعہ او نکدر :

@@@

و لاقبل الدنيا جميعاً بمنة
و لا اشترى عز المراتب بالذل
و اعشق كحلاء المدامع خلقة
لئلا تری فی عينها منة الكحل

\$

5-2430-4

زوغ

1#

اسويچره-ده همنامی اولان ناحیه-نك مرکزی بر قصبه اولوب همنامی اولان كولك کنارنده واقعدر. 4000 اهالیسی، داخلی مکتب اعدادیسی، کتبخانه-سی و مقارنه و شهریه و سائره فابریقه-لریله قورو یمش اخراجاتی واردر.

6-2430-4

زوغ

ناحیه-سی 1# اسويچره جماهير متفقه-سنی ترکیب ایدن 25 ناحیه-نك بری اولوب، شمالاً زوریخ، شرقاً و جنوباً اشویچ، غرباً دخی آر غوویه ناحیه-لریله محاط و محدوددر. کوچك بر ناحیه اولوب، شمال غربیدن جنوب شرقی-یه بویی 20 و اکی 17 کیلومتره-در. مساحه سطحیه-سی 239 مربع کیلومتره اولوب 23029 اهالیسی واردر. سکنه-سی کاملاً آلمان و اکثریت اوزره قتلیدر. اراضیسی عمومیت اوزن 1@ طاغلق ایسه ده، منبت دره و بایرلری چوقدر. همنامی اولان كولك نصف شمالیسی ناحیه-نك ایچنده اولوب بونك آیاغی حکمنده اولان %رایس\$ نهری، رین ایرماغنه دوکلمک اوزره، شمال غربی-یه طوغری آقار. مذکور كولك شرق جهتده بر کوچك کول دها واردر، که آیاغی اولان بر نهر ناحیه-نك ایچنده طولاشه-رق، ساحل شمالیندن زوغ کولنه دوکیلور. هواسی معتدل و صاغلامدر. کستانه و سائر میوه-لریله پینیر و یاغ محصولاتی چوقدر. کلینتی کیراسو اعمال اولنور. اوچ دمیر یول خطی ناحیه-یه داخل اولوب، كولك کنارلرینی دور ایدیور. زوغ ناحیه-سی 1352ده جماهير متفقه-یه التحاق ایتمشدر.

1-2431-4

زوغ

کولی 1# اسويچره-نك ایکنجی درجه-ده کی کوللرندن اولوب، زوغ، اسويچ و لوسرنه ناحیه-لری آره-سنده واقعدر. شمالدن جنوبه طولی 14 و عرض وسطیسی 2 کیلومتره اولوب، درینلکی تقریباً 215 متره-در. همنامی اولان ناحیه-ده بولنان بر کوچك کول ایله اختلاطی اولوب، %رین\$ ایرماغنه دوکیلن %رایس\$ نهری دخی آیاغی حکمنده-در.

2-2431-4

زوغما

1#

سوریه-ده فراتک ساحل یمیننده و %افامیه\$نك قارشیننده اسکی بر قصبه اولوب، افامیه-یه بر کوپری ایله مربوط ایدی؛ و بو سبیدن روملر طرفندن ((چفت)) دیمک اولان بو اسمله تسمیه اولنمشدی.

3-2431-4

زوقسیس

1#

یونان قدیمک الک مشهور رساملرندن اولوب، قبل المیلاد 470 تاریخنده طوغمش، و 500 تاریخلرنده وفات ایتمشدر. (آپلودور)ک آثارینی تتبع ایدوب، مهارتده بونی کچمش، و (پاراسیوس)ه رقیب اولمش ایدی. رساملرینک فروختندن بر بیوک ثروت قزانوب، بعده آثارینی مجاناً هدیه ایتمکه باشلامشیدی. بر چوق رسملری رومایی تزیین ایدوب، بعده قسطنطینییه-یه نقل اولنمش، و مرور زمانله محو اولمشدر.

4-2431-4
زوکر

ارضروم ولایتنده ارزنجان سنجاغنگ رفاهیه قضااسندن مرکز قضاادن اداره اولنیور بر ناحیه اولوب، 17 قریه-دن مرکبدر.

5-2431-4
زولا
1#

[[زیلع]] ماده-سنه مراجعت اولنه.]

6-2431-4
زولتان
1#

مجار رؤساسندن اولوب، 907 تاریخ میلادیسندن 955 تاریخنه-دک او وقت نیم وحشی حالنده بولنان قومیله آوروپایی غارت ایده-رک، نهایت اوغسبورغ قریبده برنجی اوتون طرفندن مغلوب اولمغله، شمدیکی مجارستانه دونه-رک، اوراده ساکن اولمش، و مجارستان قر اللغنگ اساسنی قورمشدر. وفاتی 960 تاریخنده وقوع بولمشدر.

7-2431-4
زولکیف
1#

آوستریا و مجارستان دولتنگ غالچیا خطه-سنده و لمبرغک 30 کیلومتره شمالنده سنجاغ مرکزی بر قصبه اولوب، 4000 اهالیسی و اسکی سویبسیکی خانداننه مخصوص بولنمش بر سرایی واردر. -* - زولکیف سنجاغی شرقاً زلوقزوف، جنوباً و جنوب غربی جهتندن پرزمیسل و لمبرغ سنجاقلریله، شمالاً دخی روسیه حدودیله محدود اولوب، بویی 100 و اکی 70 کیلومتره و اهالیسی 240000 کشیدر.

8-2431-4
زولو
1#

آفریقای جنوبینک ساحل شرقیسنده آتی البیان %زولولاند\$ مملکتنده ساکن بر قوم اولوب، بتون آفریقای جنوبی خلقک منسوب بولندقلری بچوانه عرقنه منسوبدر. رنگلری سیاهله باقیر رنگی آره-سنده اولوب، متناسب الاعضا و ایری آدملردر. 200000 قدر افراددن عبارتدر. زولولر نیم وحشی بر حالده بولنوب، همان چبلاق کزرلر. زیاده-سیله جسور و جنکاور آدملر اولوب، اخیراً انکلیز عسکرینه خیلی وقت مقاومت ایده-بیلمشدر.

9-2431-4
زولولاند
1#

یعنی ((زولو مملکتی)) آفریقای جنوبینک ساحل شرقیسنده و امید برونی مهجرینک منتهای شرق شمالیسنده بر مملکت اولوب، غرب جنوبی جهتندن (ناتال) مهجریله، غرب شمالی جهتندن %ترانسوال\$ جمهوریتیه، شمال شرقی جهتندن

پورتکیز مستملکاتندن اولان %موزانبيق \$ ايله، شرقاً و شرق جنوبی جهتندن دخی بحر محیط هندی ايله محاطدر. 26° ايله 30' 29° عرض جنوبی و 28° ايله 33° طول شرقی آرهلرنده ممتد اولوب، ترانسوال حدودینی ایران %راندبرغ \$ سلسله جبالنك ساحله قدر ممتد اولان اتکلرندن عبارتدر. مساحه سطحیه-سی 61500 مربع کیلومتره اولوب 250000 اهالیسی واردر. عارضه-لی و اورمانلرله مستور بر بر اولوب، مذکور سلسله جبالدن اینن بر قاچ نهری واردر. بو انهارك الك بیوکی موزامبيق داخلنده واقع %دلاغوا \$ کورفرزینه دوکیلن %امغوروومه \$ نهریدر. دیگرلرینك چوغی ساحل قرینده بولنان %سانته لوجیا \$ کولنه دوکیلور. بو مملکتک اهالیسی اولان زولولر (کافر) اسم عربیسیله معروف اولان او جوار اقوامندن اولوب، بر چوق قبیله-لره منقسم اولدقلى حالحه، بر حکمدارک تحت اداره-سنده بولنیورلردی، و حرب وقوعنده قرق بیك جنکاور چیقاره-بیله-جک صورتده تنظیم اولنمشلردی. ایکی سنه-لك محاربه-دن صکره 1879ده انکلیزلره مغلوب اولملریله، حکمدارلری بولنان (ستئیویو) نك اسیر دوشمسی اوزرینه، %زولولاند \$ مملکتی درده تقسیم اولنه-رق، %آمازولو \$ دینلن جنوب شرقی قسمی انکلیزلر طرفندن بسبتون ضبط، و ناتال حکومتنه الحاق اولنمش؛ %آماتونغه \$ دینلن شمال شرقی قسمی انکلتره-نك تحت حمایه-سنده بولنان بر ملکه طرفندن اداره اولنور؛ %آماسوازی \$ دینلن شمال غربی قسمی مستقل بر طاقم رؤسانك النده بولنیور؛ %زولولاند \$ اسمنی محافظه ایدن جنوب غربی قسمی دخی ترانسوال بوئرلرینك دلالت و معرفتیله بر جمهوریت حالنه قونیه-رق، %وریهاید \$ قصبه-سی مرکز اتخاذ اولنمش، و بو جمهوریت بالطبع ترانسوالک دائره اتفاقنه انمشدر.

1-2432-4

زولیاؤ

1#

پروسیه-نك براندبورغ ایالتنده و %فرانقفورت سوراودر \$ ك 35 کیلومتره شرفنده بر قصبه و قلعه اولوب، 7400 اهالیسی و چوخه ايله قونیاق و سرکه فابریقه-لری واردر.

2-2432-4

زولیه

1#

آمریقای جنوبینك %ونزوئلا \$ جمهوریتنده بر نهر اولوب، %ماراقایبو \$ کولنه دوکیلور.

3-2432-4

زومبو

1#

آفریقای جنوبیده %زامبز \$ ایرماغنك مجراسنده واقع بر آطه-نك اوزرنده پورتکیز مهاجرلریله مسکون بر قصبه اولوب، %تته \$ نك 400 کیلومتره جنوب غربیسنده واقعدر. آلتون معدنیله فیل دیشی تجارتي واردر.

4-2432-4

زومبور

1#

مجارستانده %باقس \$ ایالتنك مرکزی بر قصبه اولوب، پشته-نك 175 کیلومتره جنوب شرقیسنده واقعدر. 24300 اهالیسی و مربی یتیشدیرمکه مخصوص مکتبی واردر.

5-2432-4

زونزوناته

1#

آمریقای وسطینک %سالوادور\$ جمهوریتنده و %سان سالوادور\$ك 90 کیلومتره غربنده اوله-رق همنامی اولان بر نهرک بحر محیط کبیره منصب اولدیغی محلده واقع بر قصبه و اسکله اولوب، 4000 اهالیسی و بیوک تجارتي واردر.

4-2432-6

زویدرنه

1#

یعنی ((بحر جنوبی)) شمال دکیزینک فلمنک ایچنه کیرمش بیوک بر کورفری اولوب، غرب جهتنده بولنان %هولانده\$ و شمال جهتنده واقع %فریزه\$ خطه-لرینک ایکی برونی آر-سندده اولان مدخلی، کورفرک شمال غربی گوشه-سندده واقع و غربه متوجه اولدیغی حالده، تقریباً 13 کیلومتره وسعتنده اولوب، بو بوغازک خارجنده بر ایکنجی کورفر بولنیور، که بر صره آچق آطه-لرله انکیندن ایرلمش اولوب، بونلرک آر-لر-نده-کی بوغازلردن کیریلیر. %زویدرنه\$ کورفرینک شمال شرفیدن جنوب غربی-یه اولان طول اعظمی 220 و عرض وسطیسی 75 کیلومتره-در. بو کورفرک وقتیله یالکز قسم جنوبیسی %فلو\$ اسمیله بر کول حالنده اولوب، دکیزله اختلاطی وار ایدی. 1170 تاریخ میلادیسندن 1287 تاریخنه-دک دوام ایدن طغیان میاه قسم شمالیسی دخی صو آلتنه بر اقوب، دکیزله اختلاطی آرتیرمشدر. بو کورفرک قورودلمسیله، قهرینک اراضی مزرعه-یه تحویلی متصوردر.

4-2432-7

زونه

1#

اسکی قسطنطنیه روم ایمپراطوریچه-لرندن ایکی قادین اولوب، برنجیسی لئونک معشوقه-سی و بعده زوجه-سی و یدنجی قسطنطنیک والده-سیدر. زوجنک وفاتی اوزرینه، 911 تاریخ میلادیسنده سرایدن طرد اولنمش، و اوچ سنه صکره اوغلی طرفندن جلب اولنهرق، دوستی اولان برنجی رومانله بالاتفاق بیوک بر نفوذ قزانمش ایسه ده، نهایت 919ده بونک طرفندن بر مناستره حبس اولنمش ایدی. *- ایکنجیسی طقوزنجی قسطنطنیک قیزی و اوچنجی رومانک زوجه-سی اولوب، 1024 تاریخ میلادیسنده، دوستی بولنان دردنجی میخالی اقعاد ایتمک ایچون، زوجنی ازاله ایندیرمش؛ و مرقوم دردنجی میخاله وارمش ایسه ده، سو معاملاتنه تحمل ایده-میهرک، بر سنه صکره بونک یکنی بشنجی میخالی اقعاد ایتمش؛ و بونکله ده بختیار اوله-مدیغیچون، 1041ده بر قاریشلق آر-سندده، کندیسی همشیره-سی (تئودوره) ایله مشترکاً اداره-یی اله آلمش؛ و او وقت 63 یاشنده اولدیغی حالده، اوچنجی دفعه اوله-رق اولنوب، اوننجی قسطنطنیه وارمشیدی. حکم و نفوذی ینه لندن بر اقمیوب، تاریخ وفاتی اولان 1052یه قدر حکومت سورمشدر. *- بو اسمله خرسیتیانلرک ایکی عزیزه-لری دخی اولوب، مجهول تاریخلرده بری آناطولینک %پامفیلیا\$ خطه قدیمه-سندده و دیکری روماده قتل اولنمشدر. برنجیسنک یورطیسی مایسک 2سندده و ایکنجیسنک کی تموزک 5نده اجرا اولنور.

4-2433-1

زویله

بلاد سودان ایله افریقیه آر-سندده اجدابیه-دن 14 مرحله-لک و چاد کولنک شرق شمالیسنده بولنان %کانم\$دن 40 مرحله-لک مسافه-ده واقع بر قصبه اولوب، برقه-نک فتحندن صکره عقبه بن نافع طرفندن فتح ایدلمش اولدیغی، و بو قصبه-دن افریقیه-یه کوله و جاریه نقل و فرؤخت اولندیغی جغرافیون عرب آثارنده مسطوردر. *- افریقیه-ده مهدیه-نک بر محله-سی حکمنده اولان دیکز بر زویله دخی وار ایدی، که مهدیه ایله برابر فاطمیوندن عبید الله مهدی جانبدن بنا اولنمشدی. *- قاهره مصرده دخی بو اسمله بر محله وار ایدی.

4-2433-2

زویل

1#

يونان قديم منقدرندن اولوب، شاعر شهير اوميروسك آثاري حقدده-كي تنقيداتيله شهرت بولمشدر. بو تنقيداتدن بشقه تاريخه متعلق بعض كتابلر دخي يازمش ايسه ده، جمله-سي نابود اولمشدر. قبل الميلاذ 300 تاريخلرنده ياشمشدر.

3-2433-4
زهدى بك اسماعيل -*

رجال دولت عليه-دن و متأخرين شعراء عثمانيه-دن اولوب، استانبولليدر. 1214ده طوغوب، ديوان همايون قلمنه دوامله، 1252ده صدارت عظاما مكتوبجیلغنه، 55ده دعاوی نظارتی وکالتی انضماميله حربه نظارتنه، و بعده بالاصاله دعاوی نظارتنه، 257ده ترسانه مستشارلغنه، 59ده صدارت عظاما مستشارلغنه نصب اولنه-رق، رتبه بالایی احراز ایتمش؛ و 264ده ترسانه نظارتنه، 65ده مجلس والا اعضالغنه، 66ده ثانياً ترسانه نظارتنه تعیین بیورلمشیدی. شعر و انشاده مهارتی وارد. شو بیت اونکدر:

@@@
عين عبرتله جهانده چوق کوزه قیلدم نظر
کوردم بر بویله چشم خوب مازاغ البصر
\$

4-2433-4
زهراء

حضرت فاطمه (رضها) بنت رسول الله (صلعم)ك مخلص شريفيدر. ((فاطمه)) ماده-سنه مراجعت بیوريله.]

5-2433-4
زهراء

اندلسده قرطبه-دن 6 ميللك مسافه-ده واقع بر قصبه اولوب، ملوك امويه-دن عبد الرحمن الناصر طرفندن بنا، و فوق العاده صورته تزيين و اعمار اولنمش ایدی. اندلس شعراسی بو قصبه-نك مدحی حقدده يك چوق اشعار سويلمشلردر. مشاهير علمادن بر چوق ذواتك مسقط رأسی بولنمشدر.

6-2433-4
زهراوی، ابو الحسن علی بن سلیمان

اندلس مشاهير اطباستندن اولوب، علوم ریاضیه-ده دخي يد طولاسی وار ایدی. بو فنده ((كتاب الارکان)) عنوانيله مشهور بر تألیفی وارد.

7-2433-4
زهراوی، خلف بن عباس

بوده اندلس مشاهير اطباستندن اولوب، ادویه مفرده و مرکبه-ده و فرط معلوماتی و تداوی امراضده مهارتی وار ایدی. بر چوق تألیفات معتبره-سی اولوب، الك مشهوری ((كتاب التصريف لمن عجز عن التأليف)) عنوانلی اثریدر، که فوائد کثیره-بی جامع اولوب، مؤلفنك اسميله دخي معروفدر.

8-2433-4
زهراوی، سلیمان بن محمد الکرمانی

مشاهیر ادب‌دان اولوب، (آداب الکاتب) کتابنه بر شرح یازمش؛ و 576ده وفات ایتمشدر.

4-2433-9

زهره، بن حویه التیمی

صحابه-دن اولوب، هجر امیری طرفندن نزد حضرت نبوی-یه ابعاث اولنمغله، شرف اسلامه مشرف اولمش؛ و قادیسه محاربه-سنده سعد ابن وقاص (رضه) عسکرینک مقدمه-سنده بولنوب، بعده خیلی وقت یاشامش؛ و حجاج زماننده %سوق الحکمه\$ده سبیب بن یزید خارجی یدیله شهید اولمشدر.

4-2434-1

زهری، محمد بن مسلم

مشاهیر تابعیندن اولوب، 124 تاریخ هجریسنده هشام امونک زمان حکومتنده وفات ایتمشدر. کتابلرینی اطرافنه دیوار کبی دیزوب، ایچنه قیانه-رق، مطالعه ایله امرار اوقات ایلدیکی، و حتی زوجه-سنک بر کون ((بو کتابلر بکا اوچ اورتاقدن اشدر)) دیدیکی مرویدر. بر چوق احادیث شریفه روایت ایدوب، صاحب مذهب امام مالک (رضه) صاحب ترجمه-دن روایت ایتمشدر.

4-2434-2

زُهِیر

مشاهیر شعراء عربدن اولوب، معلقات سبعة-دن برینک صاحبیدر. کندسیسی جاهلیتده یاشایوب، اوغلی (کعب بن زهیر)، که پدردن کری قالماز بر شاعر شیرین زباندر، وقت سعادتیه یتیشمش؛ و ابتدا حضرت رسول الله (صلعم)ک علیهنده بولنمش ایسه ده، بعده مدح نبی (صلعم) ایله تزیین لسان ایدوب، نوازش حضرت پیغمبری-یه نائل و شرف اسلامه مشرف اولمشدر.

4-2434-3

زهری

صحابه-دن بر وجه زیر بر قاچ ذاتک اسمیدر: (زهیر بن الاقمر) که بر روایتده صحابه-دن و بر روایتده تابعیندندر. *- (زهیر بن ابی امیه بن المغیره) که (ام سلمه)نک برادری، خالد بن ولید حضرتلرینک عم زاده-سی و حضرت فخر کائنات (صلعم) افندمزک خاله-لری عاتکه بنت عبد المطلبک اوغلی اولوب، خالد بن معدان کندیسندن روایت احادیث شریفه ایتمشدر. *- (زهیر الثقفی) که بر حدیث شریفک روایسیدر. *- (زهیر بن ابی جبل) که فارسی فتح ایدن عسکر مسلمین امراسندن اولوب، بعض احادیث شریفه روایت ایتمشدر. (زهیر بن خطان الکنانی) که معبوتاً نزد حضرت نبوی-یه کلوب، شرف اسلامه مشرف اولمشیدی. *- (زهیر بن خثمه) که زهیر بن معاویه الکوفینک جدی اولوب، حضرت رسول الله (صلعم) افندمزک ارتحاللری کیچه-سی مدینه منوره-یه کیروب، حضرت ابا بکر صدیق (رضه)ه مسافر اولمشیدی. *- (ابو جرد یاخود ابو جردة الجسمی السعدی) که حنین وقعه-سندن صکره هوازن قومی طرفندن مبعوتاً جعرانه-ده بولنان حضرت رسول الله (صلعم) افندمزک نزدینه کوندریله-رک، قومنک غنیمت اولنان اموالیله سبی اولنان نسا و اولادینی طلب ایدوب، حضور نبویده سویلدیکی بر قصیده-سنده شو ایکی بیت ایراد اولنور:

@@@

امن علینا رسول الله فی کرم

قانک المره ترجوه و تدخر

امن علی بیضة قد عاقها قدر

ممزق شملها فی دهرها غیر

\$

بعده شامده ساکن اولمشیدی. *- (زهیر بن عام) که قومی طرفندن مبعوتاً نزد حضرت پیغمبری-یه کله-رک، شرف اسلامه مشرف اولمشیدی. *- (ابو ملیله زهیر بن عبد الله) که حضرت ابا بکر (رضه)دن روایت ایتمشدر. *- (زهیر

بن عثمان الثقفي) که بعده بصره-ده ساکن اولوب، حضرت حسن بصری (رضه) کندیسندن روایت ایتمشدر. *- (زهیر بن العجوه) که حنین وقعه-سنده شهید اولمشدر. *- (زهیر بن ابی علقمة البجلی) که کوفه ساکنلرندن اولوب، بر روایتده تابعیندن ایدی. *- (زهیر بن ابی علقمة الصبعی) که اهل کوفه-دن اولوب، بر حدیث شریفک روایسیدر. *- (زهیر بن علقمة الفرعی) که معاویه بن ابی سفیانک قاینی و کبشه-نک برادری اولوب، بعده %رمله\$ده ساکن اولمشیدی. *- (زهیر بن عمرو الهاللی) که بعده بصره-ده ساکن اولوب، بعض احادیث شریفه-نک روایسیدر. *- (زهیر بن عیاض الفهری) که مهاجریندن اولوب، بدر و احد غزالرنده حاضر بولنمش، و جانب حضرت نبویدن بنی نجاره کوندرلکده، شرکه رجعت ایدن رفیقی مقیسی بن ضبابه طرفندن شهید اولمشدر. *- (زهیر بن غزبه). *- (زهیر بن قیس البلوی) که هشام بن عبد الملک زماننده برقه والیسی اولوب اوراده وفات ایدن زاهر بن قیسک جدیدر. *- (زهیر بن مخشی). *- (ابو اسامه زهیر بن معاویه الجشمی) که خندق وقعه-سنده حاضر بولنمشدر.

1-2435-4

زیا

1#

یونان آطه-لرندن اولوب، آتیقه خطه-سنگ ساحل شرقیسی قرینده و %قولونه\$ بروننک 117 کیلومتره جنوب شرقیسنده واقعدر. بوی 22 و اکی 14 کیلومتره اولوب، 5000 قدر اهالیسی واردر. اورته-لرنده بو اسمله مسمی و 3000 اهالی-بی جامع بر قصبه-سی واردر. هواسی غایتله کوزل و طوپراغی منبت اولوب، پک اذیذ میوه-لری و کوزل شرابی واردر. اهالیسی ایپک بوجکی بسلیوب، ایپک چبقاریرلر.

2-2435-4

زیات، خالد بن یزید

مشاهیر فقهاء حنفیه-دن و حضرت امام اعظمک اصحابنددر.

3-2435-4

زیاد

صحابه-دن بر وجه زیر برقاج ذاتک اسمیدر: (زیاد الاخرس یاخود ابن الاخرس الجهنی) که انصاردن اولوب، بدر غزاسنده حاضر بولنمشدر. *- (ابو لاغز زیاد النهسلی) که بصره-یه نازل اولوب، توروئی حسان بن الاغر کندیسندن روایت ایتمشدر. *- (زیاد بن جاریة التیمی) که بر حدیث شریفک روایسیدر. *- (زیاد بن الجلاس) که بصره اعرابندن اولوب، اولادی کندیسندن روایت احادیث شریفه ایتمشلردر. *- (زیاد بن جهور) که بر نامه سعادتته نائل اولمش اولدیغی اوغلی نائل طرفندن مرویدر. *- (زیاد بن الحارث الصدائی) که یمنده بولنان (صداء) قبیله-سندن اولوب، حضرت فخر کائنات (صلعم) افندمز بیعت ایتمش، و قبیاه-سنگ اسلامنه سبب اولمش ایدی. حضور نبویده اذان او قومشدر. بعده مصرده ساکن اولمشیدی. *- (زیاد بن خدره) که نزد حضرت پیغمبری-یه کلوب، شرف اسلامله مشرف و دعای رسالتیناهی-یه نائل اولمشیدی. *- (زیاد بن حنظلة التیمی) که جانب رسول الله (صلعم)دن مسیلمه و طلیحه و اسوده قارشی قیس بن عاصمک امدادینه ارسال بیورلمش، و وقت سعادتته عاملک ایتمش ایدی. حضرت علی (رضه) افندمزه مربوط اولوب، کافه محارباتنده معیتلرنده بولنمشدر. *- (زیاد بن سمرة الیعمری) که بر حدیث شریفک روایسیدر. *- سعد بن وقاص (رضه)ک آزادلیسی اولان زیاد. *- (زیاد بن سعد السملی) که پدری صحابه-دن اولوب، کندیسنگ صحبتی مشکوکردر. *- (زیاد بن سکن الاوسی الاشهللی) که انصاردن اولوب، احد وقعه-سنده شهید اولمشدر. *- (زیاد بن عبد الله المری الغطفائی) که اهل رده-دن عینه بن حصندن آیریلوب حضرت خالد بن الولیده التجا ایدنلردندر. *- (زیاد بن عمرو یاخود بن بشر) که انصارک حلیفی اولوب، برادری ضمروه ایله برابر بدر غزاسنده حاضر بولنمشدر. بعضلری (زیاد بن عمرو الاخرس) دیه ضبط ایدوب، یوقاریده ذکر اولنان (زیاد اخرس) ایله التباس ایتدیرمشلردر. *- (زیاد بن عیاض یاخود عیاض بن زیاد الاشعری) که صحبتی مختلف فیهدر. *- (زیاد الغفاری) که اهل مصردن معدوددر. *- (زیاد بن القرد الزهری) که ابن ابی القرد دینمکله دخی معروف اولوب، عمار بن یاسر حقنده ((یقتلک الفنة الباغية)) حدیث شریفنک روایسیدر. *- (زیاد بن کعب) که بدر و احد وقعه-لرنده حاضر بولنمشدر. *- (ابو عبد الله زیاد بن نبید الخزرجی) که مدینه-لی اولدیغی حالده، مکه-یه کیدوب، شرف اسلامله مشرف اولمش؛ و معیت حضرت نبویده مدینه-یه هجرت

ایتمشیدی. بناءً عليه هم مهاجریندن و هم-ده انصردن معدوددر. بدر، احد، عقبه، خندق و سائر غزواتده حاضر بولنوب، بعده جانب حضرت نبویدن حضر موت عاملکنه نصب بیورلمش؛ و معاویه-نک اوائل حکومتی زماننده وفات ایتمشدر. -*(زیاد بن نعیم الحضرمی) که صوم و صلاة و حج ایله ذکاة حقدده بر حدیث شریفک راویسی اولوب، تابعیندن اولدیغی دخی مرویدر. -*(زیاد بن نعیم الفهری) که حضرت عثمان (رضه)ک شهادتی وقعده-سنده شهید اولمشدر. -*(ابو هرماش زیاد الباهلی) که اوغلی هرماش کندیسندن روایات ایلمشدر. -*(زیاد بن ابی هند) که بعضلر طرفندن صحابه-دن عد اولنمش ایسه ده، تابعیندندر.

4-2435-4

زیاد

والده-سنک اسمنه نسبتله (ابن سمیه) دینمکله معروف اولوب، ابو سفیانک ولد نا مشروعی ایدی. علماً پدری مجهول اولمغله (ابن ابیه) لقبیله دخی ملقب ایدی. کنیه-سی (ابو المغیره)در. هجرت نبویه-نک برنجی سنه-سی طوغوب، رؤیت نبی (صلعم)ه و صحبتته نائل اولمامشدر. والده-سی (حارث بن کله)نک جاریه-سی ایدی. بونک قوجه-سی (عبید)ی زیاد بعده بیک در همه اشترا و اعتاق ایتمشدر. زیاد دهات عربدن و فصحا و خطیادان اولوب، حضرت عمر فاروق (رضه) جانبندن بصره و الیلکنه نصب اولنمش؛ و بعده حضرت علی (رضه)ک معیتلرنده بولنوب، فارس و الیلکنده استخدام بیورلمشیدی. حضرت مشار البهک شهادتده فارس و الیسی بولنمغله، معاویه بونک قوت و اقتدارندن اندیشه ایتدیکیچون، زیاده اولان قرابتی اعلان ایله کندیسنی کندی طرفنه جلب ایده-رک، بصره و الیلکنه نصب ایتمش، و بعده کوفه-یی دخی علاوه ایتمشدی. فوق العاده ضابط و اداراه-یه مقتدر بر آدم اولوب، آنجق اجراآتده زیاده شدت کوستردیکیچون، اکثریا عدالت حدودینی تجاوز ایدردی. بناءً علیه معاویه-یه ((صول الم عراقی اداره ایدوب، صاغ الم بوش قالدیغیچون، حجازی-ده عهده-مه و یرک)) دیه یازدیغنده، اهل حجاز خبر آلوب، عبد الله بن زبیر ایله قیام ایتمشدر. حتی ابن زبیر ((یاری! زیادک زائد اولان صاغ النی قوروت!)) دیه دعا ایلدیکی، و چوق کچمه-دن صاغ النده بر چبان چیقوب، اوندن وفات ایتدیکی مرویدر. 53 تاریخ هجریسنده وفات ایتمشدر. یزیدک زماننده حضرت امام حسین (رضه)ه قارشی سوق اولنان عسکرک قاندى اولان (عبید الله بن زیاد) نام خارجی بونک اوغلیدر.

1-2436-4

زیاد، بنی -*

خلفاء عباسیه زماننده یمنده حکومت سورمش بر سلاله اولوب، مؤسس (محمد بن زیاد)در، که 203 تاریخنده مأمون خلیفه زماننده یمنه مأمور اولوب، تهامه-یی تسخیر و قبائل عربی قهر ایده-رک، 204 تاریخنده %زبید \$ قلعه-سنی بنا و یمنی استیلا ایتمشدی. نسلی 403 تاریخنده-دک 200 سنه یمنده حکم سوروب، بر وجه زیر 6 حکمدار دن عبارتدر:

###

1 محمد بن زیاد

2 ابراهیم بن زیاد بن محمد

3 زیاد اول بن ابراهیم

4 اسحق بن زیاد

5 زیاد ثانی بن اسحق

6 ابراهیم ثانی

\$

بونلرک برنجیسیله ایکنجیسنک و دردنجیسنک مدت حکومتلری چوق زمان ممتد اولمشدر. اخیرلری اولان ابراهیم، آل زیاددن بولنمغله، طفل ایکن، موقع اقتداره کچیرلمش ایسه ده، اداره امورده موفق اوله-میوب، بونکله دولت بنی زیاد مندرس اولمشدر.

2-2436-4

زیاده، بن جهور اللحمی

صحابه-دن اولوب، فتح مصرده حاضر بولنمش؛ و بعده فلسطینده ساکن اولوب، اوغلی کندیسندن روایت ایتمشدر.

3-2436-4
زیاده الله، ابو نصر -*

افریقیه-ده حکومت سورن بنی اغلب سلاله-سنگ حکمدار اخیری اولوب، 296 تاریخنده، پدری ابو العباس عبداللهک قنلی اوزرینه، حبسدن چیقاریله-رق، مسند امارته کچمش ایسه ده، لهو و لعب و عیش و عشرته مبتلا اولدیغندن، محافظه ملکه مقتدر اوله-میوب، افریقیه فاطمیون طرفندن ضبط اولمش؛ و صاحب ترجمه مصره و اورادن بغداده قاچوب، مقتدر بالله طرفندن ویریلن عسکرله ملکنی تخلیصه کیدرکن، مصرده خسته-لنوب، عسکری پریشان اولمش؛ و یکیدن عسکر ألمق ایچون بغداده عزیمت ایدوب، رمله-یه اصل اولدقده، وفات ایتمش؛ و بونکله بنی اغلب سلاله-سی مندرس اولمشدر.

4-2436-4
زیادی، ابو اسحق ابراهیم بن سفیان

مؤلفیندن اولوب، میدانینک ((امثال العرب)) عنوانلی کتاب مشهورینی شرح ایتمشدر.

5-2436-4
زیانی، میرزا ابو القاسم مدرک

ایران متأخرین شعراسندن اولوب، اصفهانلیدر. بر خیلی وقت کرمان والیسی بولنمشدر. شو بیت اوتکدر:

@@@
درسینه ام آه سرکشی بود چه شد
درجان داغی زمهوشی بود چه شد
\$

6-2436-4
زیانلیر

(یاخود بنی زیان) جزایرک تلمسان شهرنده حکومت سورمش بر کوچک دولت اسلامیه اولوب، مؤسیسی یغموراسن بن زیاندر.

7-2436-4
زیب

فلسطین ساحلنده و عکا قربنده بر بیوک قریه اولوب، وقتیله بیوجک بر قصبه ایدی. بو قصبه پک اسکی اولوب، فنیکه-لیلر عندنده %اشنی بیبا\$ اسمیله معروف ایدی. بظلمیوسک کتابنده %اکدیبا\$ اسمیله مذکوردر.

8-2436-4
زیبار

موصل ولایت و سنجاغنده و سنجاغک منتهای شرقنده اوله-رق موصلک شرق شمالی جهتده بر قضا اولوب، جنوباً شهرزور سنجاغیله، شمالاً وان ولایتک حکاری سنجاغیله، شرقاً دخی حدود ایرانیه ایله محدوددر. %شیروان\$ و %مروزی بالالا\$ ناحیه-لریله برابر 185 قریه-دن مرکب اولوب، اراضیسی طاغلق و اهالیسی کرددر.

1-2437-4

زیب النسایبکم

هندستان ملوک تیموریہ-سندن عالمکیرک قیزی اولوب، 1408ده طوغمش، و 1113ده وفات ایتمشدر. عربی و فارسی ادبیاتده و اکثر علومده ید طولاسی و حسن خطی اولوب، ((غریب تفاسیر)) عنوانیله بر تفسیر تألیف ایتمش، و بر چوق مصاحف شریفه یازمشدر. آخر عمرینه قدر اولنمه-مشدر. تربه-سی دهلیده-در. طبیعت شعریه دخی اولوب، فارسی دیوانی واردر.

2-2437-4

زیبس

1#

مجارستانده بر قومیتاته یعنی ایالت اولوب، شمالاً غالچیا خطه-سیله، شرقاً ساروس، جنوباً آباویوار، تورنه و کومور، غرباً دخی لپتاؤ ایالتریله محدوددر. بوی 1000 و اکی 35 کیلومتره اولوب، 180000 اهالیسی واردر. مرکزی لایچاؤ قصبه-سیدر. اراضیسنگ بر قسمی قاریات سلسله-سندن عبارت اولوب، بر قاچ نهری واردر. کتن محصولاتی و دمیر و باقیر معدنریله معدن صولری چوقدر.

3-2437-4

زیتان

1#

بحر فارس ساحلیله آره-سنده بر قصبه اولدیغنی یاقوت حموی بیان ایدیور.

4-2437-4

زیتاؤ

1#

صاقسه قرالغنگ %لوزاچه \$سناغنده و %درسده\$نک 80 کیلومتره شرقنده بر قصبه اولوب، 21000 اهالیسی، مکتب اعدادیسی، کتبخانه-سی، تاریخ طبیعی نمونه-خانه-سی و میاه معدنیه-سی واردر. بو ایالنده اعمال اولنان اپیلیک و بزلرک مرکز تجارتیدر.

5-2437-4

زیتنک

1#

هند چینیک %بیرمان \$مملکتنده بر نهردر، که %ایر اوادی \$ایرماغنک بر قولی حکمنده اولوب، %آوه \$ایله %آماره پوره \$شهرلری آره-سنده بو ایرماقدن آیریله-رق، جنوب شرقی-یه، بعده جنوب غربی-یه و نهایت جنوبه طوغری جریانله، تقریباً 700 کیلومتره-لک مسافه قطع ایتمکدن صکره، %رانغون\$ک شرق جهتنده واقع %مارتابان \$کور فزینه دوکیور؛ و منصبنده واسع بر خلیج تشکیل ایدر. مجراسی اوزرنده و %پغو\$نک 35 کیلومتره شرقنده بو اسمله بر قصبه دخی واردر.

6-2437-4

زیتون

یونانده ایالت مرکزی اولان %لامیا \$قصبه-سنه اداره عثمانیه زماننده ویریلن اسم اولوب، الیوم آروپاچه بو اسمله معروفدر. سبب تسمیه-سی زیتون آغاجلرینک کثرتیدر.

7-2437-4

زیتون

حلب ولایتک مرعش سنجاغنده و مرعشك 49 كيلومتره شمال غربیسنده قضا مرکزی بر قصبه اولوب، 5000 اهالیسی وارد، که بونلرکده 1000 قدری کرد و سائره اوله-رق مسلم و قصوری ارمنی، ارمنی قنولیکی و سریانیدر. بر حکومت قوناغیله بر قشله-سی و ایکی کلیسایی وارد. همنامی اولان طاغده مبنی اولوب، اورمانلرله و زیتونلقلرله محاطدر. سبب تسمیه-سی-ده بودر. *- زیتون قضاسی شمالاً البستان، شرقاً نفس مرعش، جنوباً اندرین قضا لرله، غرباً آطنه ولایتک قوزان سنجاغیله محاط و محدود اولوب، 28 قریه-دن مرکبدر، و 24023 اهالیسی وارد. اهالیسنک 8000 قدری کرد و سائره اوله-رق مسلم و قصوری باشلیجه ارمنیدر. اراضیسی طاغلق اولوب، زیتون طاغیله قوری طاغ و تکیر طاغ اسم لرله اوچ جلی وارد. میاه جاریه-سی %جیحان\$ ایرماغنه تابع اولوب، قضانک قسم غربیسنده %تکیر صو\$ و حدود شرقیه-سنده %خرما صویسی\$ جریان ایدر. زیتون قصبه-سی یاننده آقان بر چای دخی بو ایکنجی نهره دوکیلور. طوپراغنک قوه انباتیه-سی آز اولوب، محصولاتی بغدادی، آریه و مصردن و زیتون ایله بعض میوه-لردن عبارتدر. صیغیر و قویونلری چوقجه-در. بر خیلی پرلرنده دمیر معدنی بولنوب، اهالی طرفندن اخراج و مرعشه نقل اولنه-رق، اوراده بوندن زراعت آلاتی، نعل و سائره اعمال اولنور. اهالیسنک بر قسمی ده کراجیقله کچینیر.

8-2437-4

زیتونه، فاطمه *-.

ولیاتدن اولوب، جنید بغدادینک خدمتنده بولنمشدر.

9-2437-4

زیچ

1#

پروسیه-نک %صاقسه\$ ابالتنده و %مرسیورغ\$ک 44 كيلومتره جنوبنده قضا مرکزی بر قصبه اولوب، 11000 اهالیسی و الیوم محبس اتخاذ اولنان اسکی بر قصبه وارد.

1-2438-4

زیخنه

سلانیک ولایتک سیروز سنجاغنده و سیروزک شرق جنوبی جهتنده اوله-رق %تخیانوس\$ کولیه بو کولی شق ایدن قره صویک شمال شرقیسنده واقع بر قضا اولوب، غرب شمالی جهتندن نفس سیروز قضاسیله، شرق شمالی و شرقاً و شرق جنوبی جهتندن درامه سنجاغیله، غرب جنوبی جهتندن دخی مذکور ایرماق و کول ایله محاط و محدوددر. قضایه اسمی ویرن اسکی مرکزی خراب الوب، الیوم مرکزی سیروزک 4 ساعات شرق جنوبیسنده واقع %زلحوه\$ قریه-سیدر. قضا 47 قریه-دن مرکب اولوب، 36419 اهالیسی وارد، که بونلرک تقریباً ثلثی مسلم و ثلثانی روم، بلغار، قبطی و سائره-در. اراضیسی اطرافنده-کی طاغ اتکلرندن و کوله قریب محللری اووه-دن عبارت اولوب، بو اووه-نک قسم اعظمی قیشین صو آلتنده قالیر، و یازین بطاقلقلری چوقدر. درامه سنجاغندن کلن %درومانیچه\$ نهری قضایی شرقاً و شمالاً احاطه ایدن طاغارک آره-سنده بر بوغازدن مرورله، مذکور اووه-یه دوشه-رک، و قضانک همان بتون صولرینی طویلایه-رق تخیانوس کولنه دوکیلور. طوپراعی منبت اولوب، اراضی مزرعه-سی تخمیناً 100000 اسکی دونمدن عبارت اولمغله، 40000 دونمنه پاموق، 30000 دونمنه بغدادی، 12000 دونمنه آریه، 7350 دونمنه چاودار، 4898 دونمنه مصر، 3500 دونمنه سیسام، 2622 دونمن توتون، 650 دونمنه یولاف و 20 دونمنه خشخاش زرع اولنور. باغلری 6880 دونم اولوب، سنوی 800000 قیه شراب اعمال اولنور. چاپرلری 15000 دونم قدردر. حیوانات اهلیه-سی 7676 صیغیر، 5084 آت و استر و مرکب، 108683 قیون، 45358 کچی و 540 طوموزدن عبارتدر. اهالی آری دخی بسلیوب، خیلی مقدار بال چیقاریرلر. قضانک اطرافنده-کی طاغارده 20000 دونم اورمان بولنوب، قاین، قره کورکن و سائر آغاجلر بولنور. محصولاتنک کلنلیسی اولان پاموغ تصفییه-سیچون بر چوق ماکینه-لر و بر بیوک فابریقه بولنوب، اوروپایه

چوق پاموق اخراج اولنور. بعض قریه-لرده بر نوع یرلی بز اعمال اولنور. درون قضاده 25 جامع شریف، 8 مسجد، 1 مدرسه، 1 تکیه، 44 کلیسا، بر رشدیه و بری اناثه مخصوص اوله-رق 18 اسلام و 18 ذکور و 4 اناث روم مکتبی، 467 دکان، 20 خان 3 حمام، 66 مغازه، 102 اون دکرمی، 15 فرون، 5 کرمیت و 1 طوغله عملخانه-سی واردر.

2-2438-4

زید

صحابه-دن بر وجه زیر بر چوق ذواتک اسمیدر: (زید بن ابی ارطاة) که کندیسندن بر حدیث شریف مرویدر. *- (ابو عمر زید ابن ارقم الخزرجی) که انصاردن اولوب، احد غزاسنه صغرسنی سببیله قبول اولنماش ایسه ده، دیگر 17 غزاده معیت حضرت نبویده بولنمش؛ و ابن عباس (رضهما) ایله سائرلری کندیسندن بر چوق احادیث روایت ایتمشلردر. بعده کوفه-ده ساکن اولوب، حضرت علی المرتضی (رضه)ک اخص اصحابی صره-سنه کچمش؛ و صفین محاذبه-سنده حاضر بولنمشدر. 68 تاریخنده و بر روایتده حضرت امام حسین (رضه)ک شهادتنی متعاقب کوفه-ده ارتحال ایتمشدر. *- (زید بن اسحاق) که بهده مصرده ساکن اولمشدی. *- (زید بن اسلم البلوی العجلانی) که انصارک حلیفی و ثابت بن اقرمک عم زاده-سی اولوب، بدر غزاسنده حاضر بولنمشدر. بر روایتده حضرت ابابکر (رضه)ک زمانده %بزاج وقع-سنده طلحه بن خویلد اسدی یدیله شهید اولمش؛ و دیگر بر روایتده حضرت علی (رضه)ک زمان خلافتنه-دک بر حیات اولوب، حضرت مشار الیهک معیتده حرب ایتمشدر. *- (زید بن ابی اوفی الاسلمی) که (عبد الله بن ابی اوفی)نک برادری اولوب، بعده مدینه-ده و بر روایتده بصره-ده ساکن اولمشدی. مواخاة صحابه حدیثی کندیلردن مرویدر. *- (زید بن بولای) که حضرت رسول الله (صلعم) افندمزک آزادلیسیدر. *- (زید بن ثابت) [ماده آتی-یه نظر بیوریله]. *- (زید بن ثعلبة الانصاری الخزرجی) که اوغلی عبد الله کندیسندن روایت ایتمشدر. *- (زید بن جاریة الانصاری الاوسی) که صغر سنلری حسبیله احد غزاسنه قبول بیورلمیانلردن اولوب، خیبر غزاسنده حاضر بولندیگی کی، بعده صفین محاربه-سنده ده معیت حضرت مرتضویده بولنمش؛ و بعض احادیث شریفه روایت ایتمشدر. پدری (جاریه) منافقینده اولوب، (حمار الدار) لقبیله ملقب ایدی. *- (زید بن حارثه) [ماده مخصوصه-سنه مراجعت بیوریله]. *- (ابو حسن زید الانصاری) که بر حدیث شریفک روایسیدر. *- (زید بن خارجه الانصاری الخزرجی) که بایلمش اولدیگی حالده، اولمش ظن اولنه-رق، بعده آیله-رق لقردی سویلمکله، بعد الوفاة تکلم ایتمش اولمغله مشهور اولوب، بعض احادیث شریفه-نک روایسیدر. پدری خارجه دخی صحابه-دن اولوب، احد وقع-سنده شهید اولمشدر. *- (ابو عبد الرحمن زید بن خالد الجهنی) که حدیبیه غزاسنده حاضر بولنمش؛ و فتح مکه-ده %جهینه\$ لواسنی حامل بولنمشدر؛ صحابه-دن بعض ذواتله اوغللری کندیسندن روایت احادیث شریفه ایتمشلردر. 78 تاریخنده 58 یاشنده وفات ایتمشدر. *- (ابو عبد الرحمن زید بن الخطاب القرشی العدوی) که حضرت عمر فاروق (رضه)ک لاب برادری اولوب، حضرت مشار الیهدن بیوک ایدی. ایلك مهاجرلردن اولوب، بدر، احد، خندق، حدیبیه و سائر غزواتده حاضر بولنمش؛ و حضرت فخر کائنات (صلعم) افندمز مهاجرین ایله انصار آره-سنده مواخاة بیوردفقرنده، بو ذاتی (معن بن عدی الانصاری) ایله قرداش ایتمشلر؛ و ایکسی-ده حضرت ابا بکر (رضه)ک زمان خلافتنده %یمامه\$ وقع-سنده شهید اولمشلردر. بو وقع-ده ده رایت مسلمین زید بن الخطابک النده ایدی. حضرت عمر (رضه) شهادتنی خبر آدققرنده چوق متأسف اولمشلردی. *- (زید بن الدثنة الانصاری الخزرجی البیاضی) که بدر و احد غزالرنده حاضر بولنمش، و بعده جانب رسالتیناهیدن عاصم بن ثابت و حبیب بن عدی سریه-سنه مأمور اولوب، قریشک الینه دوشمش؛ و ابو سفیانک امریله هجرت نبویه-نک اوچنجی سنه-سی شهید اولمشدر. *- (زید الدیلمی) که سهم مازنک آزادلیسی اولوب، افندیسیله برابر نزد حضرت نبوی-یه کله-رک، شرف اسلامه مشرف اولمش؛ و صفینده معیت حضرت مرتضویده بولنمش اولان اوغلی (سنان) کندیسندن روایت ایتمشدر. *- (زید یاخود یزید بن ربیعة القرشی الاسدی) که حنین وقع-سنده شهید اولمشدر. *- حضرت رسول الله (صلعم) افندمزک آزادلیسی اولان زیدکه اوغلی و تورونی کندیسندن روایت ایتمشلردر. *- (زید یاخود یزید بن رقیش) که بنی امیه-نک حلیفی اولوب، یمامه وقع-سنده شهید اولمشدر. *- (زید بن سراقه الانصاری الخزرجی) که سعد ابن وقاص (رضه)ک معیتده فرس غزاسنده حاضر بولنوب، جسر مداین محاربه-سنده 15نجی سال هجریده شهید اولمشدر. *- (زید بن سعنة الحبر) که احبار و اغنیای یهوددن اولوب، شرف اسلامه مشرف اولمش، و اکثر غزواتده معیت حضرت نبویده بولنمش؛ و تبوکدن عودتنده وفات ایتمشدر. بعض احادیث شریفه-نک روایسیدر. *- (ابو طلحه زید بن سهل الانصاری الخزرجی النجاری) که عقبه و بدر غزالرنده حاضر بولنمش؛ و جانب رسول الله (صلعم)دن عبیده بن الجراحله مواخاة بیورلمشیدی. حضرت نبی الله (صلعم) افندمزک قبر شریفی حفر و لحدینی انشا ایدن بو ذاتدر. حقتده بعض احادیث شریفه مرویدر، و کندیسی نقل احادیث ایتمشدر. 34 یا 33 و بر روایتده 51 تاریخنده ارتحال ایتمشدر. *- (زید یاخود یزید بن سراحیل الانصاری) جمله رواتدن بر صحابیدر. *- (ابو شهم زید بن ابی شیبه) که کندیسندن قیس بن ابی حازم روایت ایتمشدر. *- (زید بن صامت الانصاری) که اهل حجازدن معدود اولوب، کندیسندن صحابه-دن انس بن مالک و بعض تابعین روایت ایتمشلردر. *- (زید بن صحار العبیدی) که بوده اهل حجازدن معدود اولوب، اوغلی جعفر کندیسندن روایت احادیث شریفه ایتمشدر. *- (ابو سلمان زید بن صوحان الربعی العبیدی) که

قادیسیه محاربه-سنده الی کسلمش، و جمل محاربه-سنده معیت حضرت مرتضویده شهید اولمشدر. عهد سعادتہ یتیشمش ایسه ده، کوچک اولدیغیچون، بالکز حضرت عمر و حضرت علی (رضهما) دن روایت ایتمشدر. *- (ابو حسن زید بن عاصم الانصاری الخزرجی النجاری) که عقبه و بدر غزالرنده و بعده زوجہ-سی ام عماره و ایکی اوغلی حبیب و عبد الله ایله برابر احد وقعه-سنده حاضر بولنمشدر. *- (زید بن عامر الثقفی). *- (زید بن عایش المزنی) که اوغلی حباب کندیسندن روایت ایتمشدر. *- (زید بن عبد الله الانصاری). *- (ابو عبد الله زید) که ((اکرموا الخبز فان الله عز وجل انزل معه برکات السماء و اخرج له برکات الارض)) حدیث شریفنک روایسیدر. *- (زید بن عبید بن المعلی) که بدر غزاسنده حاضر بولنوب، مؤته وقعه-سنده شهید اولمشدر. رافع بن المعینک برادرزاده-سی اولسه کرکدر. *- (ابو العجلان زید) که کندیسندن اوغلی واسطه-سیله بر حدیث شریف مرویدر. *- (زید بن عمرو بن فضیل القرشی العدوی) که عشره مبشره-دن سعید بن زیدک پدری و حضرت عمر بن الخطاب (رضه)ک عم زاده-سی اولوب، وقت جاهلیته اوثانه عبادت ایتمز، و قریشی بو عبادت باطله-دن منع و تبریده چالیشه-رق، حضرت ابراهیم (عم)ک دیننی آرار بر موحد ایدی. حضرت فخر کائنات (صلعم) افندمزله اختلاص و مودتی وار ایدی. حضرت عمر (رضه)ک پدری خطاب، که هم عمی و هم والده-سندن برادری ایدی، اوثانه عدم اعتقادندن طولایی کندیسنه اذا ایدوب، مکہ-یه دخوله مانع اولوردی، و خفیاً دخولنی خبر آدقده چوققلره طاشله تعقیب ایتدیرردی. بعثدن اول ارتحال ایتمشدر. *- (زید بن عمیر) که علاء بن الحضرمی-یه یازیلان نامه سعادتده شاهد یازلمشیدی. *- (زید بن عمیر العبیدی). *- (زید بن عمیر الکندی) که قیزی واسطه-سیله کندیسندن بعض احادیث شریفه منقولدر. *- (زید بن کعب) که قادیسیه محاربه-سنده شهید اولمشدر. *- (زید بن لصیت القینقاعی) که منافقیندن اولوب، بر روایت کوره بعده توبه ایتمشیدی. *- (زید بن مالک). *- (زید بن مریم الانصاری) که اهل حجازدن معدود اولوب، بر حدیث شریفک روایسیدر. برادرلری عبد الله و عبد الرحمن و مراره دخی صحابه-دندر. *- (زید بن المرس یاخود بن المزین) که بدر غزاسنده حاضر بولنمشدر. *- (زید بن معاویه النمیری) که برادر زاده-سی دعووس ایله برابر نزد حضرت نبوی-یه کله-رک، شرف اسلامه مشرف اولمشدر. *- (زید بن ملحان النجاری) که ام سلیمک برادری اولوب، احد وقعه-سنده حاضر بولنمشدر. *- (ابو مکنف زید بن مهلهل الطائی النهانی) که (زید الخیل) دینمکله معروف اولوب، مؤلفه قلوبدن ایسه ده، بعده اصلاح حال ایتمشدر. طقوزنجی سنه هجریه-سنده طی قبیله-سی طرفندن مبعوثاً نزد حضرت نبوی-یه کلمشیدی. اوغللری حریت و مکف دخی اسلامه کلوب، اهل رده قتالنده خالد بن الولید حضرتلری معیتده حرب ایتمشلردر. شاعر و فصیح و شجیع بر ذات اولوب، کعب بن زهیر ایله مهاجرتلری واردر. قبیله-سنه عودتنده و بر روایتده اوخر خلافت حضر فاروقیده وفات ایتمشدر. *- (زید بن ودیعه الانصاری الخزرجی) که عقبه و بدر غزالرنده حاضر بولنوب، احد محاربه-سنده شهید اولمشدر. *- (ابو سلیمان زید بن وهب الجهنی) که ایام جاهلیته یتیشوب، عهد حضرت نبویده اسلامه کلمش، و رؤیت رسول الله (صلعم)ه نائل اولمق اوزره، یوله چیقمش ایسه ده، یولده رحلت حضرت پیغمبری-یی خبر آلمش ایدی. کبار تابعیندن معدوددر. بعده کوفه-ده ساکن اولوب، معیت حضرت مرتضویده بولنمش، و حضرت مشار البهدن روایت ایتمشدر. *- (زید بن یساف بن غزیه) که احد محاربه-سنده حاضر بولنمشدر.

1-2440-4

زید بن ثابت، ابو سعید *- الانصاری الخزرجی النجاری

کبار صحابه و انصاردن اولوب، کتاب وحیدندر. هجرت نبویه-ده اون یاشنده اولوب، پدری درت سنه اول (بعثت) وقعه-سنده قتل اولنمشدی. بدر غزاسنه کیتمک ایتمش ایسه ده، صغرسندن طولایی جانب حضرت نبویدن رد و اعاده بیورلمشیدی. احد غزاسنده بولنوب بولنمدیغی دخی مختلف فیه اولوب، خندق غزاسنده و اوندن صکره-کی غزاوتده بولنمشدر. بو وقعه-ده خندغک حفرنده طوپراق طاشیرکن منظور حضرت نبوی اولوب، حقدده ((نعم الغلام)) حدیث شریفی صادر اولمشدی. تبوک وقعه-سنده بنی مالک بن نجار رایتی (عمارہ بن حزم)ک انده ایکن، حضرت رسول الله (صلعم) آلوب، زید بن ثابتہ تسلیم ایتمش؛ و عماره بندن بر خطامی صادر اولدی؟ دیدکده ((لا ولكن القرآن مقدم و زید اکثر اخذاً للقرآن منك)) بیورمشلر ایدی. صحابه-نک اک عالمردن اولوب، علی الخصوص فرائضده وقوف تامی وار ایدی. حضرت فخر کائنات (صلعم) افندمزه سرپانیجه بعض مکتوبلر کلدیکندن، بوللری اوقومق ایچون، زید بن ثابتہ بو لسانی تعلم ایتسنی امر بیورمشلردی؛ و زید دخی سرپانیجه-یی اوکرنمشدی. حضرت ابا بکر و عمر (رضهما)یه دخی کاتبک ایدوب، حضرت عمر (رضه) ایکی ججنده و شامه سفرنده کندیسنی مدینه-ده وکیل بر اقمشلردی. حضرت عثمان (رضه) زماننده بیت الماله مأمور اولوب، خلیفه مشار الیه دخی حجه عزیمتده مدینه-ده زیدی وکیل بر اقیوردی. بعده حضرت عثمانه منسوب قالبوب، حضرت علی (رضه)ک فضلنی تسلیم ایله، تعظیمنده قصور ایتمدیکی حالده، محارباتنده معینلرنده بولنماشدی. صحابه-دن ابن عمر، ابو سعید، ابو هریره، انس، سهل بن سعد، سهل بن حنیف و عبد الله بن یزید الخطمی و تابعیندن اوغللری خارجه و سلیمان، ابان بن عثمان، سعید بن المسیب، قاسم بن محمد، سلیمان بن یسار، بشر بن سعید و سائرلری روایت ایدوب، کندیسندن پک چوق احادیث شریفه منقولدر. حضرت ابو بکر و عثمان (رضهما) زمانلرنده جمع اولنان قرآن کریمی یازان دخی زید بن ثابتدر. 45 (و دیگر روایته کوره 42 یا 43 یاخود 51 ویا 55)

تاریخ هجریسنده ارتحال ایدوب، جنازه نمازی مروان بن حکم طرفندن قیلنمشدر. وفاتنده ابو هریره ((الیوم مات حبر هذه الامة وعسی الله ان يجعل فی ابن عباس منه خلفاً)) دیمشیدی.

1-2441-4

زید بن حارثه، ابو اسامه - * - الکلبی

حضرت فخر کائنات (صلعم) افندمک کوله-لرینک اک مشهوری و اک سوکیلیسی اولوب، زمان جاهلیتده واده-سی منسوب بولندیغی بنی معن قبیله-سنی زیارتیه کیدرکن، یاننده بولنان بو چوجق اسیر طوتیلوب، مکة مکرمه-یه سوق ایله سوق عکاظه چیقارلمش؛ و حکیم بن حزام طرفندن تیزه-سی خدیجه بنت خویلد (رضها) ایچون صاتین آلمش؛ و حضرت مشار ایله حضرت نبی محترمه هبه ایتمشیدی. بر روایتده-ده حضرت رسول الله (صلعم) افندمز کندیسینی منادی النده کورمکله، حضرت خدیجه (رضها) یه خیر و یروب، مشار الیهانک مالندن صاتین آلمش، و خدیجه کندیسینی قبل النبوه کندیلرینه هبه ایلمش ایدی. هر حالده زید او وقت سکز یاشنده اولوب، جانب حضرت نبویدن اعتاق، و اوغلغه قبول بیورلمشیدی. ((ادعوهم لأبائهم)) آیت کریمه-سنگ نزولنه-دک (زید بن محمد) دینلدیکی ابن عمردن مرویدر. حضرت نبی ذیشان کندیسینی عم بزر کوارلری حضرت حمزه ایله قرداش ایتمشلری. پدی حارثه فقداننه زیاده-سیله مکدار اولوب، بر مرثیه سولمشدی.

بعده بنی کلبدن بر طاقم آدملر حجده زیدی کورمکله، بربرلرینی طانیدقلرنده، زید بونلرله ابویینه شو بیتلری کوندرمشدی:

@@@

احن الی قومی وان کنت تائیا

فانی قعید البیت عند المشاعر

فکفوا من الوجد الذی قد شجاکم

ولا تعملوا فی الارض نص الابعار

فانی بحمد الله فی خیر اسره

کرام مهد کابراً بعد کابر

\$

بو بیتلرله خبر حیاتی قومنه واصل اولدقده، پدریله عمی کعب، کندیسینی فدیله ایله آلمق اوزره، مکة-یه کلوب، حضرت رسول الله (صلعم) افندمزدن زیدی طلب ایتدکلرنده، کندیسینی مخیر بر اقمغی تکلیف بیوروب، زید احضار اولندقده، حضرت نبی ذی شانی ابویینه ترجیح ایده-رک، و بنم آنام و بابام سنسک دیه-رک، ایرلمق ایستمه-مش؛ و حضرت پیغمبر (صلعم) افندمز او وقت زیدی بر طاشک اوزرینه چیقاره-رق: ((یامن حضر اشهدوا ان زیدا ابنی یرئنی وارثه)) بیورمش؛ و بونک اوزرینه اقرباسی ممنون اولوب، کری دونمشلر ایدی. زید بن حارثه اک اول ایمان کتیرنلردن اولوب، بر روایتده خدیجه و علی (رضهما) دن صکره و ابو بکر (رضه) دن اول اوچنجی، و دیگر بر روایتده خدیجه و ابو بکر و علی (رضهم) دن صکره دردنجی اوله-رق اسلامه کلمشدر. بدر غزاسنده حاضر بولنوب، مظفریت بشارتنی مدینه-یه کوتورن کندیسیدر. جانب حضرت نبویدن از ادلیسی (ام ایمن) ایله تزویج بیوریله-رق، بوندن (اسامه) اسمنده بر اوغلی دنیایه کلمشدی. حضرت فخر کائنات (صلعم) افندمک عمه-لرینک قیزی (زینب بنت جحش) دخی زیدک زوجه-سی اولوب، بعده ازواج مطهره حضرت نبوی زمره-سنه داخل اولمشدر. هجرت نبویه-نک سکزنجی سنه-سی روملره قارشی شامی ارسال بیوریلان سربیه-یه امیر نصب بیوریله-رق، %مؤته ده واقع مصادمه-ده شهید اولمشدر. کندیسندن صکره عسکر مسلمینک امارتنی آلان جعفر بن ابی طالب دخی بو محاربه-ده شهادته نائل اولمشدر. خبر شهادتلی واصل سمع نبوی اولدقده، پک چوق اسف و بکا بیورلمشیدی. صاحب ترجمه-دن بشقه هیچ بر صحابه-نک اسمی قران کریمده مذکور دکلدن. زید بن حارثه بیاض و پنبه چهره-لی اولوب، اوغلی اسامه بالعکس زیاده-سیله اسمر ایدی. اوغلی و سائر صحابه واسطه-سیله کندیسندن بر خیلی حدیث شریف منقولدر.

(وولتر) صاحب ترجمه زیدک زوجه-سی حضرت زینبی ذات حضرت رسالتک تزوج بیورملری وقعه-سنی وقوعات تاریخیه ایله طبان طبانیه ضد و صرف ترهان قیلندن اوله-رق بر صورت مفتریانده-ده نظم و تحریر ایله بر تیاترو کتابی میدانه قویمشدر، که حکیمکنه یاقیشمیان بو کتاب نا صواب خصم بانلی اولان پاپا طرفندن ((سوکیلی اوغلم وولتر!)) نطابیه باشلایان بر مکتوبله نوازش ایدلمسینی موجب اولمشدر!.

1-2442-4

زید بن رافع

مشاهیر حکماء اسلامدن اولوب، 370 تاریخلرنده بصره-ده یاشامشدر. عصرینک سائر بعض حکماسیله بالاشترک ((رسائل اخوان الصفا)) عنوانیله (آنسیقلوپدی) طرزنده بر بیوک کتاب یازمشلردر. بو کتاب موجود اولوب، اخیراً بیروتده طبع و نشر اولنمشدر.

2-2442-4

زید بن زین العابدین، بن حسین بن علی بن ابی طالب

هشام بن عبد الملك زماننده، قرق بیک عسکرله کندیسینی تفویه ایده-جکلرینی و عد ایدن علویلرک مواعدینده آلدانه-رق 122 تاریخ هجریسنده کوفه-ده اعلان خلافت ایتمش ایسه ده، بشیوز کشیدن زیاده امدادینه کلمدیکندن، عراق والیسی بولنان یوسف بن عامرک سوق ایتمدیکی عسکره مقاومت ایده-میوب، ایلك مصادمه-ده شهید اولمش؛ و کندی آدلری طرفندن دفن اولنمش ایسه ده، اهل بیت نبوی-یه بغض و خصومتلری کربلا قانلریله اطفا اولنمیان بنی امیه آدلری طرفندن و یوسف بن عامرک امریله جسدی اخراج اولنه-رق، بر مدت آسیلی طور دیرلمش، و بعده باشی قطع و شامه ارسال اولنه-رق، اوراده دخی بر قاچ کون قلعه قپوسنده معلق قالمش؛ و جسدی کوفه-ده احراق اولنمش ایدی. شیعه مذاهبندن بو ذاته اقتدا ایدر (زیدیه) اسمیله بر مذهب مخصوص وارد، که ایوم باشلیجه پمنده منتشردر. اوغلی یحیی پدري معیتنده محاربه-ده بولنوب، بونک شهادتی اوزرینه خراسانه قاچمشیدی.

3-2442-4

زیرباد

% یعنی روزکار آلتی بصره کورفرزنده و فارس ساحلی قارشیسنده بر جزیره-در.

4-2442-4

زیرک

یاخود زیرک زاده (محمد بن محمود الحسینی) فقهدان اولوب، فروعه متعلق ((الاشارات و النظایر)) عنوانلی کتابک صاحبیدر.

5-2442-4

زیری، بنی -*.

مغربده حکومت سورمش بر دولت اولوب، مؤسسی ضهاجه بربرلرندن (بلکین بن زیری بن مناد)در. بو دولت 362 تاریخ هجریسندن 543 تاریخنه-دک 181 سنه سوروب، بو سلاله-دن 8 حکمدار کلمشدر. مرقوم بلکین بن زیری زناته قبیله-سنه غلبه چاله-رق، اکتساب ثروت و اقتدار ایتمش اولمغله، فاطمیوندن (معز الدین الله) مصرک فتحنه کیتدیکنده، کندیسینی افریقیه و مغربه یعنی تونس، جزایر و فاس جهتلرینه وکیل و والی تعیین ایتمشدی. مرور زمانله بلکین کسب استقلال ایدوب، حتی بنا ایتمدیکی % اشیر\$ شهرینی پایتخت اتخاذ ایتمشدی. بعده زناته قبیله-سندن بری مغرب اقصایی ضبطله، اندلسده-کی امویلرک حمایه-سی آلتنه کیردیکندن، بنی زیری مغرب اقصی زناتیلریله و اندلس امویلریله بر خیلی وقت مخاصماتده بولنوب، نهایت مغرب اقصادن صرف نظر ایتمکه مجبور اولمشلردی. بو دولت حکمدارلری اکثریا زناته و سائر بربر و عرب قبائلیله محاربه ایله مشغول اولوب، نهایت 543 تاریخنده اهل صلیب ملکلرینی ضبط ایتمکه، بنی زیری دولتی مندرس اولمش؛ و بعده دولت موحدین عسکری بو یرلری اهل صلیبک لندن استخلاص ایلمشدر. آنجق بنی زیری قبیله-سی بسبتون محو اولمیوب، بر فرعی بعده غرناطه-ده کسب تمیز و اقتدار ایتمش، و بنی سراج قبیله-سیله اولان محاسده و رقابتیله شهرت بولمشدر. فرنکلر عننده % زکریت #1\$ اسمیله معروفدرلر. بنی زیری دولتی حکمدارلریله تاریخ جلوسلری بر وجه زیردر:

####

بلکین بن زیری

362

منصور بن بلکین

373
باديس بن منصور
385
معز بن باديس
406
تميم بن معز
454
يحيى بن تميم
501
على بن يحيى
509
حسن بن على
510
\$

1-2443-4
زيريكزه
1#

فلمنكك زلانده ايلانته و ميدلبورغك 26 كيلومتره شمال شرقيسنده اوله-رق اسقو ايرماغي كنارنده بر قصبه و اسكله اولوب، 7700 اهالييسي، پك يوكسك بر چاك قله-سى، كنيش بر صهرنجي، سفائن اعمالنه مخصوص دستكاهلري، مملحه-لري، چوق باليغي و كوزل استريديه-سى واردر.

2-2443-4
زيلع

حيش ساحلنده 11° 19' عرض شمالي ايله 14' 41° طول شرقيده و همنامي اولان كوچك بر جزيره-نك قارشيسنده بر قصبه و اسكله اولوب، 5000 اهالييسي و خيلي ايشلك تجارتي واردر. اخيراً ايتاليا دولتي او سواحله برابر بو اسكله-يي دخي استيلا ايتمشدر. اصل زيلغ اسمي او جوارده ساكن قومك اسميدر.

3-2443-4
زيله

سيواس ولايتنك توقاد سناغنده و توقادك 60 كيلومتره جنوب غربيسنده اوله-رق قزبل ايرماغه دوكلين شكر آب چايي اوزرنده قضا مركزي بر قصبه اولوب، يالكز 4000 ارمني اولمق اوزره، 20000 اهالييسي، اورته-سندده-كي تپه-نك اوزرنده قديم بر قلعه-سى، 30 جامع شريفي 7 مدرسه-سى، بر رشديه مكتبي، 10 اهالي مسلمه-يه و 2 سي اهالي غير مسلمه-يه مخصوص 12 مكتب ابتدائيسي، 1265 دكاني، 9 خاني، 5 حمامي، 3 تكيه-سى، بر قاچ تربيه و زاويه-سى، 2 كليساسى، هفته-دن بر كره بازاري و بهر سنه تشرين ثانيده قوريلوب بر آي سورر بيوك پنايري واردر. پك اسكي بر قصبه اولوب، اسم قديمي %1# زله در. جغرافيونك پيري حكمنده اولان (استرابون) بو قصبه-نك نينوي ملكه-سى مشهوره سميراميس (كه اسم صحيحى شاه مريم اولسه كركدن) طرفندن بنا، و اورته-سندده-كي تپه-نك صنعتي اوله-رق احداث اولنديغيني بيان ايديور. زمان قديمده %آنانييس\$ الهه-سنه منسوب عد اولنه-رق، بونك عبادتنه مخصوص بيوك بر معبدى وار ايدى. قلعه-نك ديوارلري پك اسكي اولمبوب، يالكز بودوروملري و نهره قدر تحت الارض اولان يولي مهرداد طرفندن بنا ايدلمش اولديغي مرويدر. قصبه-نك اورته-سندده اولوب واسع بر حوضه دوكلين چشمه-نك صوبي نره-دن كلديكي مجهول اولوب، مذكور نهردن كلمسي ملحوظدر. زيله قصبه-سى روماليلرك ايكي مشهور محاربه-سنه ميدان اولوب، بونلرك برنجيسنده (تريانوس) نام روما سرداري مهرداد طرفندن مقلوب اولمش؛ و ايكنجيسنده قيصر فارتاسي مقلوب ايدوب، زيله-دن رومايه اختصارده ضرب مثل حكمنه كچمش اولان (1# يعنى كلدم، كوردم، غالب اولدم) مكتوبنى ياز مشدى. بو قصبه مذكور معبدك پاپاسلري طرفندن اداره اولنوب، بونلرك رئيسي تاج كبيردى.

پومپوس ضبط ایدوب، تشکیل ایتدیکی بر ایالته مرکز اتخاذ ایتمشدی. سلچوقیلر روملردن ضبط ایدوب، ممالک اسلامیة دائره-سنه ادخال ایتمشلردی. 800 تاریخنده یلدیرم سلطان بایزید خان طرفندن ممالک عثمانیه-یه الحاق اولنمشدر. *- زیله قضاسی توقاد سناغناک غرب جنوبی قسمندن عبارت اولوب، جنوباً و غرب جنوبی آنقره ولایتیله، شمالاً و شمال غربی جهتندن آماسیه سناغیله، شرقاً و شرق شمالی جهتندن دخی نفس توقاد و اربعه قضاالر یله محاطدر. 13 ناحیه و 182 قریه-یی حاوی اولوب، 57200 اهالیسی واردر، که بونلرک 10000 قدری ارمنی و ارمنی قتللیک و پروتستانی، 3500 قدری روم و قصوری مسلم و ترکدر. اراضیسی مرتفعجه ایسه ده، هواسی توقادک کنندن ملایمدر. دوه-جی طاغی غرب جنوبیدن شمال شرقی-یه طوغری ممتد اولوب، بونکله زیله-نک شمال غربی جهتنده-کی تپه-لر آره-سنده %شکر آب و ادیسی بولنیور. بو چاپک منصب اولدیغی یشیل ایرماق دخی قسانک حدود جنوبیه و غربیه-سنی تشکیل ایده-رک، آنقره ولایتندن آیریور. طوپراغی اولدقجه منبت اولوب، 55969 دونمدن عبارت اولان اراضی مزروع-سنده حبوبات متنوعه ایله سبزه-لرک انواعی و خیلی مقدار توتون حاصل اولور. میوه-لری دخی چوق و اییدر. باغلی-ده چوقجه اولوب، پکمز می مشهوردر. باشلیجه معمولات صنایعه-سی دوشمه-لکه الویریشلی بعض منسوجاتله کاوساله و سختیاندن عبارتدر. حیوانات اهلیه-سی متوسط مقدارده-در. درون قضاده 140 جامع و مسجد، 39 اسلام و 2 خرسیان مکتبی و شکر آب چاپک چویردیکی متعدد دکرمنلر موجوددر.

1-2444-4

زین الاسلام، ابو القاسم عبد الکریم بن هوازن نيسابوری

مشاهیر علمادن اولوب، 376 تاریخنده طوغمش، و ابو القاسم یمانی، ابو بکر طوسی و ابو بکر بن فوردن تحصیل علوم ایدوب، خراسانده زماننک اجله علماسی صره-سنه کیرمشدی. بیوک بر تفسیر و دیگر بر خیلی تألیفاتی واردر.

2-2444-4

زین الدار، وجیهیه بنت المؤدب علی بن یحیی

فقیهه و فاضله بر خاتوندر. صلاح الدین صفدینک عصری تراجمی حاوی اولان ((عنوان النصر)) کتابنده مذکوردر.

3-2444-4

زین الدین استرابادی

ایران شعراسندن اولوب، شو بیت اونکدر:

@@@

بدیکران کرم و لطف دمبدم کردی

مرا بداع جفا سوختی کرم کردی

\$

4-2444-4

زین الدین بن احمد

اسمی عبد الرحمن اولوب، (ابن رجب) دینمکله مشهوردر. ((شرح ترمیذی)) و ((شرح بخاری)) ایله ((طبقات الحنابله)) عنوانلی کتب معتبره-نک مؤلفیدر. مذکور طبقاتی 526ده وفات ایدن قاضی ابو الحسین بن ابی یعلینک طبقات حنبلیه-سنک ذیلی حکمنده اولوب، بوکا دخی 871ده وفات ایدن (یوسف بن حسن المقدسی) بر ذیل یازمشدر.

5-2444-4

زین الدین الحافظی، سلیمان بن المؤید علی بن خطیب عقرباء

مشاهير اطباى اسلامدن اولوب، ملوك ايوييه-دن جعير قلعه-سندنه بولنان ملك حافظ نور الدين ارسلان شاهك خدمت طبابتنده بولنمش؛ و ملك مذكورك وفاتنده حلبه انتقال ايله، ملك ناصر يوسف بن محمدك توجه و محبتنى قزانمش؛ و حلب رئيسك قيزينى تزوج ايديوب، خيلى ثروته نائل اولمشدى. ملك ناصر دمشقى ضبط ايتديكنده، صاحب ترجمه دخى معيتمده دمشقه كيديوب، كنديسك شعر و انشاده و عسكرلكده دخى مهارتى اولمغله، ملك ناصر ك عندنده قدرى بر تر اولمشدى. هلاكو ملك ناصر بر طاقم شرائط تكليف ايتديكنده، صاحب ترجمه بونك طرفندن ايلچيلكله هلاكونك ياننه كوندريله-رك، تاتارلك اكرام و احساننه نائل اولمغله، عودتنده ملك ناصر بونلك قوتندن تخويف و طرفلرينه اماله-يه چاليشه-رق، نهايت هلاكو حلبى ضبط و نهب ايتديكنده، ملك ناصر خوفندن مصره قاچمش؛ و زين الدين اهل اسلامدن قورقوب، تاتارلره التجا ايتمش؛ و بقيه عمرينى بونلك ياننده كچيرمشدر.

6-2444-4
زين الدين حافى، ابو بكر محمد

مشاهير اولياء اللهدن اولوب، خلوتيه قوللردن طريقته زينيه-نك مؤسسيدر. 838 تاريخنده ارتحال ايتمشدر.

7-2444-4
زين الدين حافى

هندستان مشاهير شعراسندن اولوب، دهلى ملوك تيموريه-سندن همايون شاهك زماننده ياشمشدر.

8-2444-4
زين الدين خوافى

كبار مشايخ و علمادن اولوب، خراسانك %خواف قريه-سندندر. تيمورلنك كنديسنى ياننه دعوتله حقنده حرمت و رعايت كوستر مشيدى.

9-2444-4
زين الدين سيستانى

ايران شعراسندن اولوب، شو رباعى اونكدر:

@@@
مشنو سخن عالم فانى وم كو
واندر طلبش مدار چندين تك وپو
دنيا چو كلست ساعتى بر لب جو
تا چشم زنى نه-رنك بينى و نه بو
\$

10-2444-4
زين الدين صاعد

ايران شعراسندن اولوب، خراسانك جنوشان قريه-سندندر. سلطان اسكندر ك كليدارى بولنمشدر. شو رباعى اونكدر:

@@@
اين عشق كه اشك سرخ و رخ زردكند
كرمم بكرفت تادمم سرد كند
زين بيش زرد خود حكايت نكتم
ترسم كه زرد من دلت درد كند

1-2445-4
زين الدين على السيلي

مشاهير مؤلفين اولوب، ((شرايع الاسلام)) كتابنه ((مسالك الافهام)) عنوانيله بر شرح يازمشدر. (شاهد ثانی) دينمکله مشهوردر.

2-2445-4
زين الدين عمرى

((التحفة البهيه و البهجة الانسية)) عنوانلى كتابك مؤلفيدر. بو كتاب پارس كتبخانه-سنده 928 رقميله مرقم اوله-رق موجوددر.

3-2445-4
زين الدين كرماني، عبد اللطيف بن محمد بن ابى الفتح

فقهاء حنفيه-دن اولوب، دمشق مدرسه جفماقيه-سنده تدريسله مشغول بولنمشدر. تيمورلنكك فوق العاده حرمت و رعايته مظهر اولمشدى.

4-2445-4
زين العابدين، امام *- على بن حسين بن على بن ابى طالب

ائمء اثنا عشرک درنجيسى اولوب، هجرت نبويه-نك 46نجى سنه-سى تولد ايتمش؛ و وقعه دلسوز كربلاده، 15 ياشنده اولديغى حالده، مخدرات اهل بيت نبوى ايله و پدر بزرگوارينك سر مقطوعيله برلكده شامه سوق اولنه-رق، يزيد پليديك و سائر بنى اميه-نك نيجه تحقيقات و اذيتلرينه دوچار اولمشيدى. فوق العده ذكى و متين بر ذات اولمغله، كنديسنه سويلينين كنايه-لى و تحقير اميز سوزلره مسكت جوابلر و پرمشيدى. بولردن قورتلدقن صكره، مدينه منوره-يه چكيلوب، زهد و عبادتله مشغول اولمش ايسه ده، عموم اهل ايمانك وارث خاندان نبوى اولان امام مشار اليه حفته-كى حرمت و تعظيمى چكه-مين بنى اميه كنديسندن انديشه-ده بولنوب، هر وقت راحتسز ايدرلردى. نهايت 94 سنه هجريه-سى ذى الحجه-سنده ارتحال ايدوب، مدينه منوره-نك بقيق مزارستانده عم بزرگوارى حضرت امام حسن (رضه) ياننده دفن اولنمشدر. والده-سى غزاة مسلمينك اليه اسير دوشمش اولان ايران شاه اخبرى يزدرديك قيزى (شهر بانو) ايدى. طقوز اركك و طقوز قيز اولادى اولوب، اركلردن وفاتنده آلتيسى صاغ ايدى. بولنرك بيوكى اولان محمد باقر امامته خلفى اولوب، بشنجى امام اولمشدر.

5-2445-4
زين العابدين، سلطان *-

شيرازده حكومت سورن آل مظفر ملوكنك اوچنجيسى اولوب، شاه شجاعك اوغلى و وارثى و دولت مذكوره-نك بانيسى اولان امير مبارز الدين محمدك تورونيدر. 786 تاريخنده، پدرينك وفاتى اوزرينه، جلوس ايدوب، 790ده تيمور فارسه عسكر سوق اينتكده، خوفندن فرار ايدو-رك، شستر حاكمى بولنان عم زاده-سى شاه منصوره التجا ايتمش ايسه ده، مومى اليه كنديسنى حبس ايدو-رك، ملكنى ضبط ايتمش؛ و بعده صاحب ترجمه بر تقريريله خلاص بولوب، اصفهانى ضبط ايتمش؛ و فارسى استرداد چاليشيركن، مغلوب و شاه منصورك اليه اسير دوشمكله، بونك امريله كوزلرى چيقاريله-رق، حبس اولنمش؛ و تيمورلنك تكرار فارسه كلديكنده، كنديسنى محبسدن چيقاروب، ماوراء النهره كوندرمشيدى. بر مدت صكره اوراده وفات ايتمشدر

6-2445-4
زين العابدين، بن نجيم

مشاهير علما و فقهاين اولوب، ((كنز الدقايق)) كتابه ((البحر الرائق)) عنوانيله بر شرح يازمش ايسه ده، اكمالنه عمرى مساعد اولميوپ، برادرى سراج الدين عمر اتمام ايتمشدر. مشهور ((الاشباه و النظائر)) كتابى دخى صاحب ترجمه-نك تأليفاتنددر. فتوالرى-ده اوغلى احمد طرفندن ((الفتاوى الزينيه)) عنوانيله جمع و تدوين اولنمشدر. وفاتى 970 تاريخنده واقع اولمشدر.

7-2445-4
زين العابدين افندى

دور سلطان محمود خان ثاينده مسند مشيخت اسلاميه-يه كچن علمادن اولوب، سلطان مصطفى خان ثالث زماننده شيخ الاسلام بولنمش اولان اسماعيل عاصم افنديك تورونى و صره امينى زاده محمد سعيد افنديك اوغليدر. 1160 تاريخنده طوغوب، تحصيل علم ايله على الاصول دور مدارس ايتكدن صكره، 1215 تاريخنده اسكدار، 2210ده ادرنه قاضيلغنه نصب اولنمش؛ و 1222ده مكه و متعاقباً استانبول پايم-لرينه نائل اولوب، 223ده نقيب الاشراف و 29ده اناطولى قاضيسكرى اولمش؛ و 1230ده مسند مشيخته ترفيع اولنهرق، 3 سنه-يه قريپ مدت امور فتوايى اداره ايتمش؛ و 33ده عزل و بروسه-يه اجلا اولنهرق، 23ده اطلاق اولنمغله، اسكدارده قوناغنده اقامت ايتمكده ايكن، 1239ده وفات ايدوب، ملاكورانى جامعى قارشيسينده جدى چلبى زاده مرقدى ياننده دفن اولنمشدر. اكثر علومدن بهره-سى اولوب، نكته پرداز و حاضر جواب بر ذات ايدى.

1-2446-4
زين العابدين نويدى، خواجه -* - على عبدى بيك

ايران شعر اسندن اولوب، شيراز ليذر. بر خيلى وقت مستوفى يعنى كاتب بولنمشدى. اك زياده مثنويده مهارتى اولوب، نظامينك خمسه-سنه تقليداً ايكي خمسه-سى و اوچ ديوانى واردر. اشعارنده كاه (نويدى) و كاه (عبدى) تخلص ايدبور. 988ده وفات ايتمشدر.

2-2446-4
زين العرب، بنت تاج الدين عبد الرحمن دمشقى

مشاهير محدثاندى اولوب، (بنت الجويرانى) دينمكله مشهوره-در. عصرى مشاهير محدثيندى اجازت آلوب، بعده تدريسله مشغول اولمشدر. 628 تاريخلرنده طوغوب، 704ده وفات ايتمشدر.

3-2446-4
زينب

فخر كائنات (صلعم) افندمك اك بيوك كريمه-سى اولوب، بر روايتده اكبر اولدلريدر، و ديكر بر روايتده حضرت قاسمدن صكره تولد ايتمشدر. ولادتنده حضرت سيد الثقلين اوتوز ياشنده ايديلر. والده-سى حضرت خديجه الكبرى (رضها) اولوب، مشار اليهانك همشيره-سى هالتك اوغلى ابو العاص بن الربيعه تزويج بيورلمش؛ و على اسمنده بر اوغلى ايله امامه اسمنده بر قيزى دنيايه كلمشيدى. اوغلى كنديلرينك حياتنده ارتحال ايدوب، قيزى خيلى زمان مهمم اولمش؛ و مؤخرأ حضرت على (رضه)ه و حضرت مشار اليهك شهادتندن صكره مغيره بن نوفله وارمشيدى. ذريتى قالمامشدر. حضرت زينب اسلامه كلوب، زوجنه هنوز هدايت نصيب اولمامش ايكن، بالطبع آره-لرنده تفرقه دوشوب، ايكي سنه-لك آيريلقدن صكره ابو العباس دخى اسلامه كلمكله، تجديد نكاحله حضرت زينب زوجنه اعاده بيورلمش؛ و هجرت نبويه-نك سگزنجى سالنده ارتحال ايتمشدر. حضرت رسول الله (صلعم) بو كريمه-سنگ غيبويت ابديه-سنه زياده-سييله محزون و مكر اولمشلردى. زوجى كنديلردن صكره وفات ايتمشدر.

4-2446-4

زینب، ام الحکم - * - بنت جحش الاسدیہ

ازواج مطہرہ حضرت رسول اللہ (صلعم) دن اولوب، عبد اللہ بن جحشک ہمیشہ-سی و عمہ رسول کبریا امیمہ بنت عبد المطلبک قیزیدر. اک اول اسلامه کلن صحابیات و مهاجراتدن اولوب، ابتدا حضرت فخر کائنات (صلعم) افندمزک آزادلیسی و اوغلغی زید بن حارثه-یه تزویج بیورلمش؛ و مومی البیهک وقعہ ۱۰٪ مئوته\$ده شهادتندن صکره هجرت نبویه- نك اوچنجی سنه-سی ازواج مطہرہ حضرت نبوی صره-سنه داخل اولمش ایدی. خیری و تصدقی سور و چوق ال ایشلرینه ماہره بر خاتون اولوب، کرک ایشلدیکی ایشلری و کرک الینه کچن هر شیئی **اقرب؟** و تعلقاتنه و فقرایه ویرردی. حتی عمر بن الخطاب (رضه)، سائر ازواج مطہرہ-یه ویردیکی کبی، کندیسنه ده اون ایکی بیگ درهم ویردیکنده درحال بو مبلغی تصدق ایدوب، بر دها بویله اقچه اخذینه یتیشمه-مسنی جناب حقدن دعا و تمنی ایتمش و فی الحقیقه ابرتی سنه هجرت نبویه-نك 20نجی سالنده ارتحال ایتمشدر. حضرت نبی دیشانندن صکره ازواج مطہرہ-لرندن اک اول وفات ایدن حضرت زینبدر. حضرت رسول اللہ (صلعم) جانبندن تزوج اولندقدہ، ایلك قوجه-سنك پیغمبرک اوغلغی اولمسی سببیلہ، منافقین بیننده خیلی قیل و قال حاصل اولوب، ((ماکان محمد ابا احد من رجالکم)) آیت کریمه-سی دیگر آیات قرآنیہ نازل اولمشدر. حضر زینب بونکله افتخار ایدردی. حضرت خدیجه الکبری (رضها)دن صکره-کی ازواج مطہرہ بیننده، حضرت عایشه رضها مستنتی اولدیغی حالده، اک زیاده حرم و محبت حضرت نبوی-یه نائل اولان حضرت زینبندن ابتدا اسمی (ابره) اولوب، جانب حضرت نبوید زینب تسمیه بیورلمشیدی.

5-2446-4

زینب، بنت ابی سلمه بن عبد الاسد القرشیہ

ازواج مطہرہ حضرت فخر کائنات (صلعم)دن ام سلمه حضرتلرینک قیزی و حضرت نبی اللہ (صلعم) افندمزک اوکی قیزیدر. **والده-سی؟** ایلك زوجی اولان ابو سلمه ایله برابر حبشه هجرت ایدوب، صاحبه ترجمه اوراده طوغمشیدی. عبد اللہ بن زمعه-یه واروب، ایکی اوغلی دنیاپه کلمشیدی. کندیسندن بر خیلی احادیث شریفه منقولدر.

1-2447-4

زینب، بنت خزیمه بن الحارث الهلالیه

ازواج مطہرہ حضرت نبویدن اولوب، کثرت انعم و تصدقی سببیلہ (ام المساکین) لقبیلہ ملقبه-در. ابتدا عبد اللہ بن جحشک تحت نکاحنده اولوب، بونک احد واقعه-سنده شهادتی اوزرینه، جانب نبویدن حفصه-دن صکره تزوج بیورلمشیدی. نزد حضرت رسالپناهیده یالکز ایکی ویا اوچ آی یاشایوب وفات ایتمشدر.

2-2447-4

زینب، بنت علی بن ابی طالب

حضرت فاطمة الزهرا (رضها)نك صوک چوجغی و سید الثقلین (صلعم) افندمزک حفیده-سی اولوب، جد امجدینه یتیشمشدر. غایتله عاقله و صالحه بر قیز اولوب، پدر بزر کواری طرفندن برادر زاده-سی عبد اللہ بن جعفره تزویج بیورلمش؛ و علی، عون اکبر، عباس، محمد و ام کلثوم اسملریله درت چوجق دنیاپه کتیرمشدر. وقعہ دلسوز کربلاده برادر اکرمنک معیتنده بولنوب، سبایای اهل بیت میاننده شامه کتوریله-رک، یزید پلیده و سائر رؤساء امویه-یه ویردیکی جوابلر، که تواررخده مذکوردر، عقل و متانتنک کمالنه دلالت ایدر. مصرده تربه-سی زیارتکاه اولمشدر.

3-2447-4

زینب

قربت حضرت نبوی شرفه نائل اولان آنفة الترجمة بش زیندن بشقه صحابیاتدن بر وجه آتی دها بر قاچ زینب واردر . (زینب بنت اسعد الانصاریه) که همشیره-لری فریغه و اخری ایله برابر حضرت رسول الله (صلعم) افندمک تحت وصایتنده بولنوب، صحابه-دن اولان پدرلری (ابو امان اسعد) وفاتنده کنديلرینی حضرت مشار الیهه وصیت ایتمشدی .

-* (زینب الانصاریه) که ابو مسعود انصارینک زوجه-سی اولوب، تفقد حالنده بر حدیث شریفک روایه-سی و سبب صدوریدر . -* (زینب التیمییه) که بوده بر حدیث شریفک روایه-سیدر . -* (زینب بنت ثابت بن قیس بن شماس الانصاریه) که حضرت نبی الله (صلعم) افندمزه بیعت ایدن نسواندندر . -* (زینب بنت مهاجر بن جابر الاجش) که زمان سعادتیه یتیمش، و حضرت ابا بکر (رضه) دن روایت ایتمشدر . یکنی عبد الله بن جابر کنديسندن روایت ایتمشدر . انس بن مالکک زوجه-سی (زینب بنت نبیط بن جابر)ک عینی اولمسی ملحوظدر . -* (زینب بنت الحارث بن خالد القرشیه التیمییه) که پدر و والده-لری حبشه هجرت ایدن قدمای صحابه-دن اولوب، صاحبه ترجمه همشیره-لری عایشه و فاطمه ایله برابر اوراده طوغمش؛ و عودتلرنده ایچدکلری بر صودن کنديسیله همشیره-سی عایشه و برادری موسی و والده-سی راطه یولده وفات ایوب، ایچلرندن یالکز فاطمه نزد حضرت پیغمبری-یه و اصل اولمشدی . -* (زینب بنت الحباب الانصاریه) که نبی ذیشان افندمزه بیعت ایدن نسواندندر . -* (زینب بنت حمید بن زهیر القرشیه الاسدییه) که صحابه-دن عبد الله بن هشامک والده-سیدر . -* (زینب بنت حنظله) که حضرت فخر کائنات (صلعم) افندمک آزادلیسی و او غلغی زید بن حارثه-نک اوغلی (اسامه)نک زوجه-سی اولوب، بعده بونک طرفندن تطلیق اولنمغله، نعیم بن عبد الله بن التمام تزوج ایتمش ایدی . -* (زینب بنت خباب) که بر حدیث شریفک روایه-سیدر . -* (زینب بنت خناس) که هوازن سبا یاسندن اولوب، جانب حضرت نبویدن حضرت عثمان بن عفان (رضه)ه ویرلمش؛ و بعده سبا یای مذکور-نک قومنه اعاده-سندده عم زاده-سی اولان زوجته رد اولنمش ایدی . -* (زینب بنت ابی رافع) که حضرت رسول الله (صلعم) افندمک ارتحالی رینی منتج خسته-لقلرنده حضرت فاطمه (رضها)نک ایکی اوغلیله کلوب، ((بونلر اولاندکر، توریث ایت)) دیمسنه جواباً صادر اولان ((اما حسین فان له هیبتی و سوددی و اما حسین فان له جراتی و جودی)) حدیث شریفنک روایه-سیدر . -* (زینب بنت ابی سفیان بن حرب القرشیه الامویه) که عروه بن مسعود الثقفینک زوجه-سی و حضرت فخر کائنات (صلعم) افندمک بالذیزیدر . -* (زینب بنت سهل الانصاریه الخزرجیه) که رسول اکرم (صلعم) افندمزه بیعت ایدن نسواندندر . -* (زینب بنت صیفی الانصاریه) که بوده بیعت ایدنلرنددر . -* (زینب بنت العوام) که حضرت زبیر (رضه)ک همشیره-سی و جمل وقعه مؤلمه-سندده قتل اولنان عبد الله بن حکیمک والده-سیدر . شاعره اولوب، برادريله اوغلی حقدده بر مرثیه-سی واردر . -* (زینب بنت قیسی بن مخرمه بن المطلب القرشیه) . -* (زینب بنت مالک) که ابو سعید الخدرینک همشیره-سی اولوب، بر حدیث شریفک روایه-سیدر . -* (زینب بنت مصعب بن عمیر القرشیه البعدریه) که پدری احد وقعه-سندده شهید اولمشدر . -* (زینب بنت مطعون القرشیه الجمحیه) که حضرت عمر فاروق (رضه)ک زوجه-سی و عبد الله بن عمر و عبد الرحمن و حفصه-نک والده-سی اولوب، بر روایتده مکه مکرمه-ده وفات، و دیگر بر روایتده مدینه-یه هجرتله اوراده ارتحال ایتمشدر . -* (زینب بنت معاویه یاخود ابی معاویه الثقفیه) که عبد الله بن مسعودک زوجه-سی اولوب، بر حدیث شریفک روایه-سیدر . -* (زینب بنت نبیط بن جابر الانصاریه یاخود الاحمسیه) که انس بن مالکک زوجه-سی اولوب، بر حدیث شریفک روایه-سیدر .

1-2448-4

زینب

مشاهیر محدثاندن دخی بو اسمله بر وجه آتی بر قاچ خاتون کلمشدر: (ام محمد زینب بنت احمد) که مهندس شیخ محمد بن احمد القصاصک والده-سی اولوب، قدسلیدر . حدیثده عصرینک فریده-سی اولوب، دائما اوغلیله برابر اقامت و سفر ایده-رک، قدس، شام، مصر و مکه-ده تدریس ایتمشدر . 645 تاریخنده طوغوب، 722ده وفات ایتمشدر . (زینب بنت احمد کمال الدین) که بوده قدسلی اولوب، عصری مشاهیر محدثیندن استماع ایتدکدن صکره عمرینی افاده و تدریسله کچیروب، احادیث شریفه-یی علی وجه الاسناد تقریرده فوق العاده مهارتی وار ایدی . ((عنوان النصر فی اعیان العصر)) کتاب قیمتدارینک صاحبی صلاح الدین صفوی بو خاتوندن اجازت آلمش اولدیغنی کتاب مذکورده بیان ایدیور . اعیان علمادن ((اعراب القرآن)) صاحبی ابراهیم بن محمد القیسی دخی صاحبه ترجمه-نک جمله طلبه-سندندر . 740 تاریخنده 94 یاشنده وفات ایتمشدر . -* (زینب بنت اسماعیل) که مسنده الشام دینمکله مشهوره (امه العزیز نجم الدین)ک شیخه-سی اولوب، بو دخی تدریس حدیثله عمرینی کچیرمش؛ و 750 تاریخنده، طقسان یاشنی متجاوز اولدیغنی حالده، وفات ایتمشدر . -* (زینب بنت السعدی) که ابو نافع محیی الدین السعدی الازهرینک قیزی اولوب، امام سیوطینک اشیاخندندر . 817 تاریخنده طوغمشدر . -* (زینب بنت سلیمان الاسعدیه) که عن اصل شاملی اولوب، مصرده اقامت ایتمش؛ و اسناد حدیثده فوق العاده مهارت کوستروب، %مسنده دمشقیه\$ عنواننه کسب استحقاق ایتمشدر . صلاح الدین صفدی استادی (ذهبی)نک صاحبه ترجمه-نک جمله شاکردانندن اولدیغنی بیان ایدیور . 705 تاریخنده طقسان یاشنده وفات ایتمشدر . -* (ام المؤید زینب بنت الشعری) که سائر علومده دخی ید طولی صاحبه-سی اولوب، جار الله زمخشریدن و

سائر اعیان علما و محدثین اخذ، و نیسابورده تدریسه اشتغال ایتمشدر. 524 تاریخنده بلده مذکورده طوغوب، 615ده
 ینه اوراده وفات ایتمشدر. *- (ام الخیر زینب بنت الشنوهی) که امام سیوطینک اشیاخندن اولوب، 879ده وفات ایتمشدر.
 *- (ام حبیبیه بنت الشکوبکی المکیه) که بوده امام سیوطینک اشیاخندن اولوب، 799 تاریخنده مکه مکرمه-ده تولد
 ایتمشدر. *- (زینب بنت عبد الرحمن) که صلاح الدین صفدی-یه و محدث عبد الله بن المحبه اجازت ویرمش؛ و 719ده
 وفات ایتمشدر. *- (زینب بنت عمرو ابن کندی) که بعلبک قلعه-سی محافظی ناصر الدین قرقینک زوجه-سی اولوب،
 خیرات و مبراتی چوق و فقه و حدیثه فریده عصر بر خاتوند. مشاهیر علمادن بر چوق ذواتاً اجازت ویرمش؛ و 699ده
 وفات ایتمشدر. *- (زینب بنت یحیی بن شیخ عز الدین عبد العزیز بن عبد السلام) که صلاح الدین صفدی کبی بر چوق
 مشاهیر علمایه تدریس حدیث ایتمش؛ و 735ده وفات ایتمشدر.

2-2448-4

زینب

اوائل دور اسلامده طبابتده کسب شهرت ایدنلردن بر خاتون اولوب، بنی اود قبیلله-سنه منسوب ایدی. اعمال طبیه-ده و
 مداواتده و علی الخصوص کوز خسته-لقریله یاره-لری ایی ایتمه-ده مهارت نامه-سی وار ایدی. شو بیت مشهور بونک
 حقتده سویلنمشدر:

@@@

الخرتمی ریب المنسون ولم ازر

طیبب بنی ارد علی النای زینبا

\$

1-2449-4

زینب بنت سلیمان، بن علی بن عبد الله بن عباس

خاندان خلفاء عباسیه-یه منسوب مرعی الخاطر بر حاتون اولوب، منصور خلیفه-نک عم زاده-سیدر. ذریتی (زینبیون)
 اسمیله معروفدر.

2-2449-4

زینب بنت الطثریه

دولت امویه زمانی شعر اسندن (یزید قشری) نام شاعرک همشیره-سی بر شاعره اولوب، بر اداری مومی الیه حقتده
 سویلمش اولدیغی و ((حماسه))ده مندرج بولنان مرثیه-سندن مأخوذ اولان شو ایکی بیت جمله اشعارندندر:

@@@

اری الائل من بطن العقیق محاورى

مقیماً وقد غالت یزید غوائله

فتی قد قد السیف لا متضائل

ولا رهل لباته و بادله الخ

\$

3-2449-4

زینب خاتون

عثمانلی شاعره-لرینک اک مشهوره-لرندن اولوب، ابو الفتح سلطان محمد خان زماننده نشأت ایتمشدر. اصحاب تذاکرک
 بعضلری قسطمونیلی و بعضلری آماسیه-لی اولدیغنی بیان ایتمشلردر. شاعره (مهری) ایله همعصر اولوب، بیئلرنده
 بعض مطایبات جریان ایتمشدر. شو بیت جمله اشعار پسندیده-سندندر.

@@@

زینب قومیلی زینت دنیاپه زن کبی

مردانه وار ماده-دل اول ترك ريوز ايت
\$

4-2449-4
زينب المربه

اندلس ادبيه-لرندن بر شاعره اولوب، شو بر ايكي بيت اونكدر.

@@@

يا ايها الرا كب الغادى مطينه
عرج انبيك عن بعض الذى اجد
ما عالج الناس من وجد تضمنهم
الاو وجدى بهم فوق الذى و جدوا
حسبى رضاه و انى فى مسرتة
ووده آخر الايام اجتهد
\$

5-2449-4
زينت، سيد حسن

ايران شعراسندن و اصفهان ساداتندن اولوب، شو بيت اونكدر:

@@@

كر و عده دوزخست و كر خلد شاد باش
بيرون نميبرند ترا ازديار دوست
\$

6-2449-4
زينت النسايكم

هندستان شاعره-لرندن اولوب، دهلى ملوك تيموريه-سندن اورنك زيب عالمكيرك قيزى و سابقه الترجمة شاعره زيب
النسايكم همشيره-سيذر. عالمه و حافظه كلام الله اولوب، اشعارنده (زينت) تخلص ايدبور. شاهجهان آبادده (زينت
المساجد) اسميله مصنع بر جامع شريف بنا اينديروب، كنديسى دخى بو معبد شريفك صحنده مدفوندر. 1122 تاريخده
وفات ايتمشدر. مزارينك طاشنده محكوك اولان شو بيت جمله اشعارندندر.

@@@

مونس ما در لحد فضل خدا تنها بست
سايه از ابر رحمت قبر پوش ما بست
\$

7-2449-4
زينتى

اوننجى قرن هجرى عثمانلى شعراسندن اولوب، سيروزليدر. 963 تاريخده صحنده دانشمند ايكن، كنج ياشنده وفات
ايتمشدر. (فوت زينتى) تاريخ وفاتيدر. شو بيت اونكدر:

@@@

دامن الوده و دستار پريشان يقه چاك
قپوكة كلدى ينه زينتى رسوايى
\$

8-2449-4

زینلی

یاوز سلطان سلیم خان دوری رجالدن و شعرادن زینل پاشانک مخلصیدر. شو بیت اونکدر.

@@@

دور کلدہ دوشمیوب الدن آیاعی لاله-نک

بزم کلشنده ینار پارپار چراغی لاله-نک

\$

9-2449-4

زینون

زنون نام حکیم یونانی اسمنک بین العرب املائی معروفیدر. ((زنون)) ماده-سنه مراجعت اولنه.

10-2449-4

زینی چلبی، کاتب زاده زین العابدین

اوننجی قرن هجری عثمانلی شعرا سندن اولوب، باباسی وزیر اعظم محمد پاشانک کاتب سری ایدی. لالا مصطفی پاشا طرفندن، صره-سی کلمه-دن، محمود پاشا قاضیلغنه نصب اولنه-رق، علمانک خیلی اعتراضاتنه اوغرامشیدی. بعده صدر اعظم عثمان پاشایه انتساب ایتمش؛ و بونک شروانی فتحنده، حفته بر طاقم مدحیه-لر سویلمشدر. لالابالی مشرب و ناملحل سخی بر آدم ایدی. شو مطلع مشار الیه عثمان پاشا حفته سویلدیکی بر قصیده-سندندر:

@@@

بوکون میدان رزم ایچره سن ایتدک فتح شروانی

اومارین ایده-سک من بعد زمین ابران و تورانی

\$

حرف الزانک صوکی

ژ

[تنبیه -* - خطوط اجنبه-ده J یاخود G حرفیله باشلابوب ده بو بابده بولنمیان اسماء خاصه (ج) و (ی) و (ک) حرفلرنده ارانلمیدر؛ چونکه بو حرفلرک امم مختلفه عندنده مختلف تلفظلری واردر.]

(باب الزاء الفارسیه -* - فصل الالف الخ)

1-2450-4

ژارناق

1#

فرانسه-نک %شارنته\$ ایالتنده و شارنته نهرینک صاغ کنارنده اوله-رق %قونیاق\$ک 11 کیلومتره شرقنده ناحیه مرکزی بر قصبه اولوب، 3400 اهالیسی، مذکور نهرک اوزرنده دمیر تلدن بر غریب کوپریسی و شراب، قونیاق، حیوانات، دری و سائره تجارتی واردر.

2-2450-4

ياخود جايمه 1# اسپانياده آراغون حکمدارلرندن بو اسمله ايکي حکمدار کلمشدر:

برنجیسی 1206 تاریخ میلادیسنده مونتیلیه-ده طوغمش؛ و 1213ده آراغون تختته کچوب، اندلس اهل اسلاميله بر چوق محاربه-لر اید-رک، بلنسیه ایله بالیار آطه-لرینی ضبط ایتمشیدی. 1276ده وفات ایدوب، ایکی اوغلی براقمشدر، که بری اوچنجی پدری اسمیله آراغونده و دیگر برنجی ژاق اسمیله مایورقه-ده حکومت سورمشدر.

*- ایکنجیسی اوچنجی پرونگ اوغلی و برنجی ژاق توروئی اولوب، پدینک حیاتنده سیچلیه و ایسی ایکن، پدری وفات ایدوب، بیوک برادری اوچنجی آلفونس آراغون تختته کچدیکنده، جزیره-نک حکمداری اولمش؛ و 1291ده برادری آلفونسک وفاتی اوزرینه آراغون تختته قعود ایدوب، سیچلیه-یی کوچک برادری فردریقه براقمش ایدی. بعده آنزو خاندانندن ایکنجی شارلک قیزی تزوج ایتمکله، سیچلیه-یی بوکا ویرمش؛ و 1327ده وفات ایتمشدر.

*- مایورقه آطه-سندده دخی بو اسمله اوچ حکمدار حکومت سورمشدر:

برنجیسی آراغون حکمداری برنجی ژاق اوغلی اولوب، 1248ده مونتیلیه-ده دره-بکلکنی ویرمشیدی. پدینک وفاتندن صکره بیوک برادری اوچنجی پرویی دخی بو مالکانه-لرینی تصدیقه مجبور اید-رک بونکله و اخلاقی اولان اوچنجی آلفونس و ایکنجی ژاق ایله دائما محاربه-ده بولنمشدر.

*- ایکنجیسی برنجینک توروئی اولوب، 1324ده عمیجه-سی دون سانکه-یه خلف اولمش؛ و (فلیب دووالو)یه قارشی مونتیلیه-یی مدافعه ایچون، فرانسه ایله اتفاق ایتمش ایسه ده، بالیار جزایری آراغون حکمداری درنجی پرو طرفندن ضبط اولنمغله، مونتیلیه-یی ده مرقوم فلیبه صاتمغه مجبور اولمش؛ و 1349ده جزایر مذکور-ه-یی استرداد کیدرکن، قضاء وفات ایتمشدر.

*- اوچنجیسی ایکنجینک اوغلی اولوب، پدینک وفاتنده، برابرنده بولنمغله، اسیر دوشمش ایسه ده، بعده قورتیلوب، ناپولی قرالیجه-سی برنجی ژانه ایله عقد ازدواج ایتمش؛ و ملک موروثی استرداد چالیشمش ایسه ده، مقتدر اوله-میوب، 1375ده بلا ولد فوت اولمشدر.

3-2450-4
ژاق، یاخود جامس
1#

اسقوچیه-ده بو اسمله بر وجه زیر بش حکمدار حکم سورمشدر:

برنجیسی اوچنجی روبرتک اوغلی اولوب، 1391ده طوغمش؛ و 1406ده، پدری وفات ایتمکده، انکلتره-ده محبوس بولنمغله، اسقوچیه عمیجه-سی آلبانی دوقه-سی طرفندن اداره اولنوب، نهایت 1423ده قورتله-رق، ملک موروثی تحت تصرفه آلمش؛ و 1437ده قضاء وفات ایتمشدر. عالم و شاعر بر ذات اولوب، زندانده بر قاچ منظومه نظم و ترتیب ایتمشدر.

*- ایکنجیسی برنجینک اوغلی اولوب، 1430ده طوغمش؛ و پدینک وفاتنده صبی اولوب، آکساندر لیوینغستون طرفندن اجرای وصایت اولنمش؛ و اداره اموری الینه آلدقده، پدینک اثرینه تبعیتله، زادکاندن بر چوق آدملرک محوینه یوریمش؛ و حتی دوقلاس قونتلرندن برینی کندی ایله اولدیرمش ایدی. بو حرکاتی عدم ممنونیتی موجب اولمش ایسه ده، اسایشی محافظه-یه مقتدر اولوب، 1360ده %روقسبورغ ماصر-ه-سندده تجربه ایتمکده اولدیگی بر طوپک پاتلامسیله هلاک اولمشدر.

*- اوچنجیسی ایکنجینک اوغلی اولوب، 1460دن 1488 تاریخنه-دک حکومت سورمشدر.

*- درنجیسی اوچنجینک اوغلی اولوب، 1488ده، 16 یاشنده اولدیگی حالده، تخته چیقمش؛ و بر فسادی باصدیردقن صکره، انکلتره قرالی یدنجی و سکزنجی هنری-یه قارشی محاربه ایتمش؛ و انکلیزلره قارشی فرانسه قرالی اون ایکنجی لویی ایله اتفاق ایتمش ایسه ده، 1513ده سکزنجی هنری-یه قارشی ایتمشده رحلت ایتمشدر. انکلتره قرالی یدنجی هنرینک قیزی تزوج ایتمش اولمغله، بو قرابت صهریه آلتنجی ژاق انکلتره تختته حق وراثتی موجب اولمشدر.

*- بشنجیسی درنجینک اوغلی اولوب، 1513ده واقع پدینک وفاتنده بر یاشنده ایدی. اون اوچ یاشنده ایکن اداره حکومتی الینه آلوب، شارل کینته قارشی فرانسه قرالی برنجی فرانسوا ایله عقد اتفاق، و بو حکمدارک بیوک قیزی (مادلینه)یی تزوج ایتمشیدی. مادلینه-نک وفاتنده ژاق کیزه دوقه-سی قلودک قیزی (ماریه)یی تزوج ایدوب، بوندن مشهوره (ماریه استوارت) دنیایه کلمشدر. ژاق 1542 تاریخنده وفات ایدوب، مومی ایله ماریه استوارت وارثه حکومتی اولمشدر.

1-2451-4
ژاق، ياخود جامس
1#

بو اسمله انكلتره-ده دخى ايكى قرال كلمشدر:
برنجيسى ماده آفهد-ده بيان اولنان ماريه استوارتك و دارنلنك اوغلى و اسقوچيه قرالردن بشنجى ژاڤك تورونى اولوب،
1566ده طوغمش؛ و ابتدا آلتجى ژاق اسميله اسقوچيه-ده حكومت سورمش؛ و والده-سنگ فراغيله، همان طوغار
طوغماز 1567ده قراللى اعلان اولنمش ايدى. بيوك والده-سى ماركرېته انكلتره قرالى بىنجى هنرىنك قىزى اولمغله،
انكلتره تختته دخى حق وراثتى اولديغندن، 1603ده، اليزابته-نك وفاتى اوزرينه، انكلتره تختى كنديسنه تكليف اولنمش؛ و
(بيوك برتانيه قرالى) عنواننى آلوب، انكلتره ايله اسقوچيه-يى كلياً و قطعياً توحيد چالشمشدر. قتولكلرك پك عليهنده
بولنديغندن، بونلرك عداوتنى داعى و پارلمنتو ايله اتفاقنى بادي اولمشدر؛ و بونك اوزرينه، بو ايشه ذى مدخل ظن اولنان
جزويترلى انكلتره-دن طرد و اخراجله، پاپانك انكلتره قراللى اوزرنده-كى نفوذىنى اسقاط و تبعه-سنى صداقت يمينندن
تبريه ايتمك حقوقى لغو ايتمشدى. صلح پرور بر حكمدار اولوب 1625ده وفات ايتمشدر. كندى كندينه حكومت
سورمشدر. محب علم اولوب، اك زياده عقائد دينيه-يه ميلى وار ايدى: و بو بابده بر قاچ كتاب دخى يازمشدر.
*- ايكنجيسى برنجى شارلك ايكنجى اوغلى و برنجى ژاڤك تورونى اولوب، 1633ده طوغمش؛ و ابتدا (بورقه دوقه-
سى) عنوانيله معروف اولوب، اتناى فترتده و (قرومول)ك اداره-سى زماننده فلمنكده و فرانسه-ده ياشامش؛ و حكومت
سابقه-نك اعاده-سنده برادري ايكنجى شارل ايله برابر انكلتره-يه عودت ايدوب، 1685ده قرالغه انتخاب اولنمشدى.
فرانسه-ده اقامتى اثناسنده قتوليك مذهبنى قبول ايتمش اولمغله، هر نه قدر تخته قعودنده دولتك دين رسميسى اولان
پروتستانلغه قارشى بولنميه-جغنه يمين ايتمش ايسه ده، قتولكلرى التزام ايتمكله اتهام اولنه-رق، حقتده بر ناخشوندى
عمومى حاصل اولمش؛ و هر نه قدر ابتدا ظهور ايدن قارشلقى باصديروب، اوك آياق اولان بعض زادكانى قتل ايتمش
ايسه ده، 1688ده فلمنكلى (اورانژ) پرنسى طرفندن برأ و بحراً مغلوب اولوب، فرانسه قرالى اون دردنجى لويينك
معاونتيله برابر، انكلتره-يى ترك ايلمش؛ و بقيه عمرىنى پارس قربنده %سنت ژرمن\$ده كچىروب، 1701ده وفات
ايتمشدر. اوغلى (ژاق استوارت) انكلتره تختته حق وراثت ادعاسنده بولنمش ايسه ده، بو خاندانه بر دها بوقراللق نصيب
اولمامشدر.

1-2452-4
ژاق، سنت *-
1#

خرستيانلرك بو اسمله برى ((اكبر)) و ديكرى ((اصغر)) صفتلريله ايكى عزيزلرى اولوب، برى حواريوندن و ديكرى
شمعونك برادردير. اصل اسملى (يعقوب) در. [(يعقوب) ماده-لرېنه مراجعت اولنه].

2-2452-4
ژاق بونوم
1#

1357 تاريخ ميلاديسنده قرال ژانك انكلتره-ده اسارتى زماننده فرانسه-نك شمال جهتده ظهور ايدن فسادك رئيسى
اولوب، بو قارشلقك كويليلرله چفتجيلرك قيامندن عبارت و رئيسنك اسمنه نسبتله #2 يعنى ژاللق اسميله معروفدر. بونلر
بر طاقم اعتسافات مدهشه-ده بولنمغله، شهر و قصبه-لر اهالييسى زادكانله برلشه-رك حقلردن كلمشدر.

3-2452-4
ژاق
1#

معربى (يحيى) اولان (يوحنا) اسم عبرانىسنك فرانسولر عننده مستعمل غلطى اولوب، روملر عننده (يوآنيس) ياخود
(يانى)، اسلاولرده (يووان)، انكليزلرده (جون)، ايتاليانلرده (جوانى)، اسپانيول و پورتگيزليلرده (جوان)، ارمنيولرده

(اوحانس) صورتلرینی آلمشدر. فرانسز لساننك غلبه استعمالی جهتیله بو اسمله مسمی مشاهیرك چوغنی بو ماده-ده ذكر ایتمکی مناسب كوردك.

4-2452-4

ژان

قسطنطینیة روم ایمراتورلرندن 8 کشینك اسمیدر. ((یانی)) ماده-سنه مراجعت اولنه.]

5-2452-4

ژان

1#

فرانسه-ده بو اسمله ایکی قرال کلمشدر:

برنجیسی اونجی لوبینك اوغلی اولوب، پدربنك وفاتندن صكره طوغمغله (پوستوم) لقبيله ملقبدر. 1316ده طوغوب، ولادتيله برابر فرانسه و ناوارة قراللیغی اعلان اولنمش ایسه ده، آز مدت صكره وفات ایتمكله، عمیجه-سی بشنجی فلیب وراثی اولمشدر. بو چوجك وفات ایتمیوب ده سرایدلمش اولدیغنی ادعا ایدنلر دخی بولنمغله، والده-سی طرفندن قرابتی اولان مجارستان قرالی برنجی لوبی میدانه چیقارلمسنه چالیشمشیدی. بر مدت صكره او ژان اولمق ادعاسیله بری ظهور ایتمش ایسه ده، پرووانسه-ده طوتیلوب، ناپولیده بر قلعه-یه حبس اولنمش، و اوراده وفات ایتمشدر.

*- ایکنجیسی (بون یعنی ایی) لقبيله نلقب اولوب، 1319ده طوغمش، و 1350ده پدري و الوالی فلیبه خلف اولمشدر. ابتدا بر طاقم منازعات داخلیه ایله اوغراشوب، انکلیرلر بو حالدن بالاستفاده، فرانسه-یه سوق عسکرله، غالب کلوب، بر قاچ ایالت ضبط، و ژانی اسیر ایده-رك، 1356ده لوندیره-یه کوتورمشلردی. فرانسه-یه قرالی وکالت ایدن (شارل)ك سو اداره-سی نتیجه-سی اوله-رق (مجالس عمومیه #2) عنوانیله متشکل اولان مجالس منتخبه اعضاسی (اتیان مارسل) نام تجار کتخداسنك ریاستی تحتنده زمام اداره-یی اله آلمش؛ و آنجق او صره-ده ظهور ایدن ((ژافلک)) قاریشقلغی بونك مقاصد سیاسی-سنه نائل اولمسنه مانع اولوب، کندیسی وفات ایتمش؛ و وکیل مومی ایله امور حکومتی ینه ایینه آلمش ایدی. 1360ده انکلتره ایله فرانسه آره-سنده عقد اولنان معاهده اوزرینه، آغر بر فدیة نجاتله ایکنجی ژان تخلیص اولنوب، اوغلی آنزو دوقه-سنی رهن مقامنده انکلتره-ده براقه-رق، فرانسه-یه عودت ایتمش؛ و آنجق بر مدت صكره اوغلی انکلتره-دن فرار ایتمكله، قرال ژان کندی اختباریله لوندیره-یه عودت ایدوب، یکیدن اسارت تحتنه کیرمش؛ و او آراق 1364ده لوندیره-ده وفات ایتمشدر.

6-2452-4

ژان، اراضیسز *-

1#

انکلتره قرالی اولوب، 1166ده طوغمش، و پدري طرفندن کندیسنه هیچ بر مالکانه ویرلمدیکندن، بو لقبه تلقیب اولنمش ایدی. اهل صلیب سفرنده بولنان برادری قرال (ریشار کوردولیون)ك غیبوبتندن بالاستفاده، وکالتی و 1199ده، برادرینك وفاتی اوزرینه، قراللیغی احراز ایلمش؛ و فرانسه قرالی (فلیب اوکوست)ی کندی لهنه چویرمش اولان یکنی کندی ایله از اله ایلمش اولدیغی ظن اولنمشدر. فرانسه دولتی بو قراللیغنی طانیمیه-رق، فرانسه-ده-کی مالکنی ضبط ایتمش؛ و او آراق پایا ایله دخی بوزیشوب، بر طرفندن بونك طرد و تلغینیله و بر طرفدن ده فرانسز عسکرینك انکلتره-یه تجاوزیله تهدید اولندیغندن، پایا ایله اویوشمغه مجبور اولوب، بعده فلیب اوکوسته قارشی آلمانیا ایمرطورری درنجی اوتون ایله و فلاندره قونتیله اتفاق ایتمش ایسه ده، 1214ده ایتمکی محاربه-ده مغلوب اولمغله، صلحه یاتمشیدی. بر سنه صكره تبعه-سنه ((ببوك مشروطیت)) عنوانیله بر طاقم امتیازات ویرمشدر. 1216ده ژان وفات ایتمكله، اوغلی اوچنجی هنری جلوس ایتمشدر.

1-2453-4

ژان، یاخود جوان

1#

اسپانیه-ده قستيله و لیون حکمدارلرندن بو اسمله ایکی کشی کلمشدر:
برنجیسی 1379ده، 21 یاشنده اولدیغی حالده، ایکنجی هنری-یه خلف اولوب، 1390 تاریخنه-دک حکومت سورمش؛ و مدت حکومتی اوغلنی پورتکیز تختنه اوتورتمق مقصدیله دولت مشار الیهاییه قارشی محاربه ایله کچیرمشدر.
*- ایکنجیسی اوچنجی هنرینک اوغلی اولوب، 1404ده طوغمش، و 1453ده وفات ایتمشدر. 22 آیلق ایکن، عمیجه-سی فردیناندک وصایتی تحتنده قرالغی اعلان اولنمش؛ و آراغون و ناوارة قرالریله و غرناطه اهل اسلامیه بر چوق محاربه-لرده بولنمشدر. مسلمانلری اسپانیه-دن بسبتون اخراج ایدن (ایزابله)نک پدریدر.

2-2453-4
ژان، یاخود جوان
1#

اسپانیه-ده آراغون قرالرندن بو اسمله ایکی کشی کلمشدر:
برنجیسی 1387ده پدري درنجی پرویه خلف اولوب، 1397ده 44 یاشنده وفات ایتمشدر.
*- ایکنجیسی آراغون و ناوارة قرالی اولوب، فردیناندک اوغلیدر. شارلک قیزی (بلانشه)یی تزوج ایتمکه 1425ده %ناوارة\$ تختنه جلوس ایتدکن صکره، 1458ده، بیوک برادری آلفونسک وفاتی اوزرینه، آراغون تختنه ده فعود ایتمش؛ و زوجہ-سی بلانشه وفات ایتدکده، ناوارة تختنی اوغلی دون قارلوسه ترک ایتمش اولدیغندن، بابا اوغلی آره-سندده بر خیلی وقت محاربه وقوع بولمش؛ و دون قارلوس وفات ایتدکده، ناوارة حکمدارلغی حقی همشیره-سی %بلانشه\$یه کچدیکنن، ژان کندی قیزینه قارشی 1462ده فرانسه قرالی اون برنجی لویی ایله اتفاق ایتمشدی. فرانسه پرسنلرندن آنزولی %9نه\$ قرالغه انتخاب اولنمش؛ و بو دخی اون برنجی لویینک یاردیمیه ژانه قارشی عسکر سوق ایلمش ایسه ده، او آراق 1479ده ژان وفات ایدوب، اوغلی (فردیناند قتلایک)، که ایزابله ایله بر ابراهل اندلسدن چبقارمشدر، قستيله تختنه کچمشدر.

3-2453-4
ژان

اسپانیه-ده ناوارة قرالرندن بو اسمله اوچ قرال کلمشدر:
برنجیسی طوغار طوغماز فرانسه و ناوارة قرالغی اعلان اولنان و طفل ایکن وفات ایدن (ژان پوستوم)در. [فرانسه قرالرندن برنجی ژان اسمیله ذکر کیچدی].
*- ایکنجیسی 1425دن 1479 تاریخنه-دک ناوارة قرالغنی ده حائز اولان آراغون قرالرندن ایکنجی ژاندر. [ماده آفہ-یه مراجعت بیوریلہ].
*- اوچنجیسی (دالبرت) لقبیله ملقب اولوب، آلبرت پرنسی (آلن)ک اوغلیدر. 1484ده ناوارة قرالی (فرانسو آقبوس)ک همشیره-سی و ولیة العهدی قاترینه-یی تزوج ایتمکه، 1494ده مملکت مذکوره تختنه اوتورمش ایسه ده، فردیناند قتلایک 1512ده ناوارة-یی لندن آلوب، قستيله-یه الحاق ایتمش؛ و ژان فرانسه-یه چکیلوب، اوراده وفات ایتمشدر. اوغلی ایکنجی هنری اسماً ناوارة قرالی اولوب، بونک قیزی (ژانه دالبرت) فرانسه قرالی درنجی هنرینک والده-سی اولمشدر.

1-2454-4
ژان، یاخود جوان
1#

پورتکیز قرالرندن دخی بو اسمله آلتی حکمدار کلمشدر:
برنجیسی ((بیوک)) لقبیله ملقب اولوب، برنجی پدرونک ولد غیر مشروعیدر. 1357 تاریخنده طوغوب، طریق رهبانہ سالک اولمش ایکن، 1383ده، برادری فردیناندک وفاتی اوزرینه، پورتکیز تختنه کچه-رک، پدرونک قیزی و قستيله قرالی برنجی ژانک زوجہ-سی اولان (بیاتریکس)ی وراثتدن محروم براقمشیدی. بو سببندن قستيله قرالی کنديسنه اعلان حرب ایتمش ایسه ده، مغلوب اولمشدی. 1415ده مغرب اهل اسلامنه قارشی سوق عسکر ایدوب، سبتہ-یی ضبط ایتمشدی. بونک زماننده پورتکیز لیلر بحری سفرلره کیریشوب، مادره، قناریه، یشیل برون و آسور آطہ-لرینی و کینه سواحلی کشف ایتمشلردی. برنجی ژان 1433ده وفات ایتمشدر.

*- ایکنجیسی بشنجی آفونسک اوغلی اولوب، 1445ده طوغمش، 1481ده تخته چیقمش، و 1495ده وفات ایتمشدر. سوء مقصدلرندن شبهه-لندیکی قاینی (ویژئو)یی و قاریسنگ انیشته-سی براغانسه دوقة-سنی کندی الیه اولدیرمشدر. بحری سفرلره و کشفیاته حصر دقت ایدوب، بونک زماننده %دیغودی غامه\$ آفریاده بتین و قونغویی و %دیاز\$ فرطونه بروننی کشف ایتمش، و صاحب ترجمه بو برونه %امید برونی\$ نامنی ویرمشدر. قریستوف قولومب ابتدا بوکا مراجعتله سفائن ایستمس ایسه ده، کندیسسی بو کاشف اعظمک عزمی تقدیر ایده-مه-مشدی.

*- اوچنجیسی 1502ده طوغوب، 1521ده پدری امانولله خلف اولمش، و 1557ده وفات ایتمشدر. لیسبونه-ده انکیزیسیون جمعیت ملعنت کارانه-سنی تأسیس ایتمشدر. زماننده وقوع بولان برزلزه ایله تاج ایرماغنک بر طغیانی کلیتلی نفوسک محوینه سبب اولمشدر. بو دخی اسفار بحریه-یه و تجارته اهمیت ویروب، زماننده پورتکیز بحریونی جاپونیه-یی کشف ایتمشلردر. معارفک ترقیسنه دخی چالیشوب، (قوئیمبره) آقادمیاسنی احیا ایتمشدر.

*- دردنجیسی براغانسه سلاله-سنگ مؤسسسی اولوب، 1604ده طوغمشدر. ابتدا براغانسه دوقة-سی اولوب، برنجی ژانک ولد غیر مشروعی آفونسک نسلندن ایدی. 1580 تاریخندن بری پورتکیز اسپانیوللرک الینه کچمش ایکن، 1640ده براغانسه دوقة-سنگ زوجه-سی (لوییزه کوزمان) ایله دوقة-نک کاتبی (پینتو) بو مملکته استقلالی قزاندیروب، صاحب ترجمه-یی قرال طانیمشدر. بر طاقم داخلی فسادلری باصدیردقندن صکره، اسپانیوللری مغلوب ایتمش و برازیلیانک تصرفی ادعاسنده بولنان فلمنکلیرره غلبا چالوب، مملکت واسعة مذکور-نک صاحب مستقلی قالمش ایدی. 1656ده وفات ایدوب، اوغلی آفونس، والده-سی مرقومه لوییزه کوزمانک تحت وصایتنده اوله-رق، خلفی ایتمشدر.

*- بشنجیسی 1689ده طوغوب، 1706دن 1750 تاریخنه-دک قراللق ایتمش؛ و اسپانیا قراللیغک وراثتی مسئله-سنده فرانسه قرالی اون دردنجی لویی-یه قارشی آوستریا ایله اتفاق ایدوب، فرانسزلر طرفندن مغلوب اولمش؛ و %اوترخت\$ معاهده-سندن صکره، امور داخلیه-سیله مشغول اولوب، مملکتتی حسن اداره ایتمشدر.

*- آلتنجیسی اوچنجی پدری ایله برنجی ماریه-نک ایکنجی اوغلی اولوب، 1767ده طوغمش، و 1826ده وفات ایتمشدر. 1792ده، والده-سنگ عته کنترمسسی اوزرینه، قرال وکیلی اولوب، 1807ده فرانسز عسکری طرفندن مغلوب اولمغله، برازیلیه-یه چکیلره-ک اورانک ایمپراطوری عنوانی آلمش؛ و 1816ده والده-سنگ وفاتی اوزرینه بالاصاله پورتکیز قرالی اولمش ایسه ده، 1821ده آوروپایه عودت ایده-بیلمش؛ و مشروطیتی قبول ایلمش ایسه ده، ایکی سنه صکره لغو ایتمشدر. کندیسنگ حرکتندن صکره برازیلیه اعلان استقلال ایدوب، پورتکیز قرالنه یالکز بر ایمپراطورلق نامی قالمش ایدی. ایی بر حکمدار ایدیسه ده قرالیچه ایله (شاو) مارکیسی اجرای نفوذ ایدرلردی بینلرنده-کی خصوصتله شهرت بولان دون پدری ایله دون میکل اسملرنده ایکی اوغلی قالمشدر.

2-2454-4

ژان، لوکسمبورغلی *-

#1

چهستان قرالردن اولوب، یدنجی هنرینک اوغلیدر. 1295 تاریخ میلادیسنده طوغوب 1310ده %قارینتیه\$ دوقة-سنگ تابعیتندن کندیلرینی قورتارمش اولان کبرا طرفندن چهستان قراللیغنه انتخاب اولنمش؛ و 1327ده لهیلردن %سلیزیای\$یی ضبط ایتمشدی. 1331ده ایتالیا ایدوب، قرمونه، پارمه، پاپویه و مودنه-یی ضبط ایتمش؛ و او وقت پاپا یکرمی ایکنجی ژان طرفندن کندیسنه ایتالیا قراللیغی تکلیف اولنمشدی. ایمپراطور بشنجی لویی بونی خیر آنچه، چهستانده بر فساد اویاندیرمش ایسه ده، صاحب ترجمه درحال کیدوب، قاریشقلغی باصدیردقندن صکره، مور اوپیه-یی دخی ضبطله، الکاسنی توسیع ایتمش ایدی. 1346ده انکلیرلره قارشی و الوالی فلیپک امدادینه کیدوب، %قرسی\$ محاربه-سنده وفات ایتمشدر. اواخر عمرنده کوزلرینه عمی طاری اولمغله، ((کور)) لقبیله دخی مشهوردر.

1-2455-4

ژان، برنجی *- یاخود *- آلیرت

#1

لهستان قرالی اولوب، دردنجی قازیمیرک ایکنجی اوغلیدر. 1459ده طوغوب، 1501ده وفات ایتمشدر. 1492ده پدرینه خلف اولوب، محافظه صلح و صلاح و ترقی معارفله اوغراشمشدر.

2-2455-4

ژان

اسوجده دخى بو اسمله 3 حكمدار كلمشدر:
برنجيسى كنج (اسوكر)ك اوغلى و اواننجى (اريك)ك خلفى اولوب، 1216 تاريخ ميلاديسندن 1222 تاريخنه-دك قراللق ايتمش؛ و خريستانلغى نشر ايتمك مقصديله %استونيه\$يه بر سفر ايتمش ايسه ده، موفق اوله-مامشدر. بلا ولد وفات ايتمشدر.

*- ايكنجيسى آتيدده بيان اولنه-جق دانيمارقه قراليدر.
*- اوچنجيسى (كوستاواوسه)ك اوغلى اولوب، 1537ده طوغمش، و 1592ده وفات ايتمشدر. 1568ده برادري اون دردنجى (اريك)ك يرينه كچوب، سلفى زماننده باشلانمش اولان دانيمارقه محاربه-سنه دوام، و پروتستانلغك نشرينى منعه سعى ايتمش ايسه ده، مقتدر اوله-ميوب، بعده (ايوان واسيلويچ)ه اعلان حربله، غالب كلمش؛ و اوغلى سيجيسموندى لهستان قراللغنه انتخاب اينديرمشدى.

3-2455-4

ژان

دانيمارقه و اسوج قراللردن اولوب، اسوجده ايكنجى ژان اسميله معروفدر. دانيمارقه-ده 1481ده پدري برنجى قريستيانه خلف اولوب، هولستايين دوقة-لغنى برادري فرديقله مفاصمه ايتمشيدى. 1497ده اسوج تختنه ده جلوس ايتمش ايسه ده، اسوجليقلر آياقلاوب، 1501ده زوجه-سى قريستينه-يى استوقهولمدن اخراج ايتمشلردر. دانيمارقه-ده 1513 تاريخنه-دك حكومت سورمشدر.

4-2455-4

ژان

صاقسه قراللردن اولوب، 1801ده طوغمش، و 1873ده وفات ايتمشدر. (ماقسيميليان)ك كوكچ اوغلى اولوب، 1854ده برادري فرديق اوكوسته خلف اولمش؛ و بعض اصلاحاته موفق اولمشدر. 1866ده وقوع بولان پروسيه ايله اوستريا محاربه-سنده اوستريانك طرفنى التزام ايتمش ايسه ده، 1870 محاربه-سنده فرانسه-يه قارشى پروسيه ايله متفق بولمشدر. تخته چيقدان اول معارف و ادبياتله مشغول ايدى.

5-2455-4

ژان

بو اسمله روماده بر وجه زير 23 كشى پاپالق ايتمشدر:

####

عن

الى

برنجى ژان

523

526

ايكنجى ژان

533

535

اوچنجى ژان

560

573

دردنجى ژان

640

642

بشنجى ژان

685
686
آلتنجی ژان
701
705
یدنجی ژان
705
707
سکزنجی ژان
872
882
طقوزنجی ژان
898
900
اوننجی ژان
914
928
اون برنجی ژان
931
936
اون ایکنجی ژان
956
963
اون اوچنجی ژان
965
972
اون درنجی ژان
983
985
اون بشنجی ژان
*_
985
اون آلتنجی ژان
985
996
دیگر اون التنجی ژان
*_
997
اون یدنجی ژان
*_
1003
اون سکزنجی ژان
1003
1009
اون طقوزنجی ژان
1024
1033
یکرمنجی ژان
1045
1046

یکرمی برنجی ژان
1276
1277
یکرمی ایکنجی ژان
1316
1334
یکرمی اوچنجی ژان
1410
1415
\$

بونلردن برنجیسی اوسترو غوتلر حکمداری (تئودوریک) طرفندن سفارتله ایمپراطور برنجی یوستنیانوسک نزدینه کوندریلوب، امور مأموره-سنه موفق اوله-مدیغیچون، عودتته زندانه قونیله-رق، سفالتدن وفات ایتمکله، قتلکیلر عندنده اعزه صره-سنه کچیریله-رک، مایسک 18 نده یورطیسی اجرا اولنور.

اوننجیسی سیچلیه-دن قلابره-یه کچن غزاة مسلمینه قارشی طورمش، و طوسقانه دوکه-سی طرفندن اسقاط و حبس اولنه-رق، زندانده وفات ایتمشدر.

اون ایکنجیسی ایتالیا قرالی برانجر ایله اوغلی آدلبرتدن اندیشه ایده-رک، جرمانیا قرالی اوتونه التجا ایتمش؛ و بوکا ایتالیا قرالی و آلمانیا ایمپراطوری عنوانی ویرمش ایسه ده، بعده بونک علیهنده آدلبرتله اتفاق ایتمشکندن، ایمپراطور حدت ایدوب، کندیسنی بر مجلس روحانی معرفتیه عزل، و یرینه سکرنجی لئونی نصب ایتمشدی. ژان رومایه عودتله پک دهشتلی انتقاماته قالدیشمش؛ و اوچ آی صکره، ظن اولندیغنه کوره، مقتولاً وفات ایتمشدر.

اون طقوزنجیسی فرانسه قرالی فلیپ هاردی ایله قستیله قرالی آلفونس آر-سنده محاربه-یی منع ایله بونلری بر اهل صلیب محاربه-سنه تشویق ایتمش ایسه ده، سوزی نافعد اوله-مامش؛ و کندیسنی % ویتربه-ده بیقلان بر قوناقدن انقراض آلتنده قالب، تلف اولمشدر. لیسبون-لی اولوب، طب و فلسفه-دن بهره-سی وار ایدی.

یکرمی ایکنجیسی % آوینیون-ده اقامت ایدن پاپالرک ایکنجیسی اولوب، فرانسه-یی التزام، و لوپینک آلمانیا ایمپراطوری اولمسنه ممانعت ایتمش؛ و چهستان قرالی لوکسمبورغلی ژانی ایمپراطور طانیمش ایدی. لویی حدت ایدوب، بوکا قارشی بشنجی نیقوله نامیله دیکر بر پاپا انتخاب ایتمش ایسه ده، صاحب ترجمه بو پاپایی طوتوب حبس ایتمشدی. طبدن و سائر فنوندن بهره-سی اولوب، بر خیلی تألیفاتی-ده وارد.

یکرمی اوچنجیسی بشنجی آکساندرک وفاتنده بولونیه-ده 16 قاردینال طرفندن پاپالغه انتخاب اولمش ایسه ده، دیکرلری اون اوچنجی (بنوا) اسمیله دیکر بر پاپا انتخاب ایتمش اولدقلرندن، ایمپراطور سیجیسموند طرفندن اجبار اولنه-رق، قونستانسه-ده بر مجلس عقدینه رضا ویرمش ایسه ده، بو مجلسک کندیسنی ترجیح ایتمیه-جکئی آکلایه-رق، تبدیلاً قاقمش؛ و آنجق طوتیلوب، پاپالقدن اسقاط اولنمغله برابر، حبس اولنه-رق، اوچ سنه محبوس قالمش و 1419 ده بشنجی (مارتین)ی مشروع پاپا طانیمغه راضی اولمغله، سبیلی تخلیه اولنه-رق، آز مدت صکره وفات ایتمشدر.

1-2456-4
ژان، سنت -*.
1#

خرستیانلرک بو اسمله بر قاچ عزیزلری وارد:

برنجیسی (ژان بابتیست) که حضرت یحیی بن زکریا (عم-در). ((یحیی)) ماده-سنه مراجعت. [-* ایکنجیسی (اوانکلیست) یعنی ((انجیلی)) لقبیله ملقب اولوب، حواریوندن یوحنا-در. ((یوحنا)) ماده-سنه مراجعت بیوریله.]

-* اوچنجیسی (ژان خریسوستوم) در. ((خریسوستوم ماده-سنه مراجعت بیوریله. [-* درنجیسی (زان قالیبیست) یعنی ((کلبه نشین ژان)) در، که قسطنطنیه اغنیاسندن برینک اوغلی اولوب، بشنجی قرن میلادیده یاشامشدر. 12 یاشنده ایکن، پدرینک خانه-سنی ترکله، بر کلبه-ده ریاضتله عمر کچیرمکه باشلامشدی. نیسانک 11 نده یورطیسی اجرا اولنور.

-* بشنجی (امونیه) یعنی ((صدقه-جی)) لقبیله ملقب اولوب، 559 تاریخ میلادیسنده قیریس جزیره-سنک % آماتونته \$ قصبه-سنده طوغمش. و اسکندریه بطریق اولمش ایدی. بر قحط و ویا زمانلرنده فقرايه چوق باقمشیدی.

-* آلتنجیسی ((دمشقی)) لقبیله ملقب اولوب، 676 تاریخلرنده دمشقه طوغمش، و 654 ده وفات ایتمشدر. خلفا طرفندن بعض عالی مأمورینلره قوللانمش ایکن، منصبی ترکله، قدسک قرینده بر زاویه-یه چکلمش؛ و خرسنیانلرده برنجی اوله-

رق آرسطونك منطق و آدابني علم عقابده قوللانه-رق برخيلي كتابلر يازمشدر. آثار جمع و نشر اولمشدر. مایسك 16سنده يورطیسی اجرا اولنور.

*- يدنجیسی (ماته-لی) دینمکله معروف اولوب، 1160 تاریخنده بارسلونته وادیسنده طوغمش و 1213ده وفات ایتمشدر. (ماتوریان) اسمیله معروف و تخلیص اسرا وظیفه-سیله موظف بر طریق رهبانك مؤسسیدر. شباطك 8نده يورطیسی اجرا اولنور.

*- سکزنجیسی (قولومین) لقبیله ملقب اولوب، خسته-لره باقمق وظیفه-سیله موظف اولان (ژزوات) طریق رهبانك مؤسسیدر. تموزك 31نده يورطیسی اجرا اولنور.

*- اوننجیسی ((خاچلی ژان)) دینمکله معروف اولوب، اسپانیولدر. (سنته ترزه) ایله بالاتفاق (قمار) طریق رهباننی تعدیل ایله، یالین آیاق کزیمک اصوللرندن بولنان بر قول ایجاد ایتمشدر. 1542ده طوغوب، 1591ده وفات ایتمشدر. بر قاچ تألیفی وارد. يورطیسی کانون اولك 14نده اجرا اولنور.

1-2457-4

ژان

روما غرب ایمپراطورلرندن هونوریوسك کاتبی اولوب، بو ایمپراطورك 423 تاریخ میلادیسنده واقع وفاتنده ایتالیا و فرانسه و اسپانیا جهتلرینی ضبط ایتمش ایسه ده، 425ده اوچنجی و انتینیان طرفندن اخذ و قتل اولنمشدر.

2-2457-4

ژانتیبی

1#

فرانسه-ده سینه ایالتنده و پارسك 5 کیلومتره جنوبنده اوله-رق %بیوره\$ نهری اوزرنده 16000 اهالی-بی حاوی اسکی بر قصبه اولوب، ایوم پارسك محلاتندن معدوددر. اسکی فرانق حکمدارلرینك مقری ایدی.

3-2457-4

ژانزه

1#

فرانسه-نك %ایله مع ویلنه\$ ایالتنده و %رنه\$ نك 22 کیلومتره جنوب شرقیسنده ناحیه مرکزی بر قصبه اولوب، 4000 اهالیسی وارد.

4-2457-4

ژان ژاق روسو

[[روسو]] ماده-سنه مراجعت اولنه.]

5-2457-4

ژانن، ژول *-

1#

فرانسه ادبایسندن اولوب، 1804 تاریخنده %لواره\$ ایالتنك %قوندریو\$ قصبه-سنده طوغمش، و 1874ده وفات ایتمشدر. غزته-لره ادبیاته متعلق بحثلر یازمغه باشلايوب، 1830 تاریخندن وفاتنه-دك ((دبا)) غزته-سی محررلرندن بولنمشدر. بر چوق حکایه و تیاترو کتابلریله تاریخ و سیاحت و سیاسیاته متعلق بعض آثار بر اقمشدر.

يو اسمله اوروپاده مشاهير نساندن بر قاچ قادين كلمشدر:

(ناواره-لی -#2) که ناواره قرالی و شمپانیه قونتی برنجی هنرینک قیزی اولوب، 1284 تاریخ میلادیسنده فرانسه قرالی (فلیپ بل)ه وارمش؛ و پدرن موروث ممالکی-ده کندیسسی اداره ایدوب، ناواره-دن انکلیزلرله اسپانیوللری اخراج، و شامپانیه-یی استیلا ایتمش اولان (ابار) قونتتک عسکرینی کلیاً منهزم ایتمشدی. -#* حفیده-سی ایکنجی ژانه (فلیپ دورو) ایله ازدواج ایدوب، 1328دن 1349 تاریخنه-دک ناواره-ده حکومت سورمشدر.

-#* (بور غونیه-لی -#3) که بور غونیه قونتی فرانسه دردنجی اوتونک قیزی اولوب، 1307ده فرانسه قرالی اوزون فیلیپه وارمش؛ و 1314ده همشیره-سی (بلانشه) و کورمجه-سی (مارگریته) ایله برابر زنا ایله اتهام اولنه-رق، حبس اولنمش ایسه ده، بعده قوجه-سی طرفندن یکیدن زوجه-لکه قبول اولنه-رق، 1329ده %رویه-ده وفات ایتمشدر. پارسده %بور غونیه-سی مکتبک مؤسس-سیدر. -#* دیگر بر بور غونیه-لی ژانه بور غونیه قونتی ایکنجی روبرتک و فرانسه قرالی سنت لوبینک قیزی (آنس)ک قیزی اولوب، 1313ده والوالی فلیپه وارمش، و 1348ده وفات ایتمشدر.

-#* (فرانسه-لی -#4) که فرانسه قرالی اون برنجی لوبینک قیزی اولوب، 1464ده طوغمش، و مؤخرأ اون ایکنجی لویی نامیله فرانسه تختنه کچن اورلیان دوقه-سی لویی-یه تزویج اولنمش ایسه ده، نهایت درجه-ده چرکین اولدیغندن، قوجه-سی طرفندن سویله-میوب، بونک تخته کچمسيله برابر تطلیق ایدلمش؛ و %بورژ-ده چکیلوب، بر مناستر تأسیس و بر راهبه-لر طریقی ایجاد ایتمشدی. 1505 تاریخنده وفات ایدوب، عزیزه-لر زمره-سنه الحاق اولنمشدر. شباتک 4نده یورطیسی اجرا اولنور.

-#* (ژانه دالبرت -#5) که فرانسه قرالی دردنجی هنرینک والده-سی و ناواره قرالی هنری دالبرت ایله برنجی فرانسوانک همشیره-سی مارگریته-نک قیزی اولوب، 1528ده طوغمش، و 1548ده %واندوم-ده دوقه-سی بوربونلی آنتوانه وارمش ایدی. قوجه-سنگ وفاتنده وارثه-سی اولوب، مملکتنه پروتستانلغی ادخال و نشر ایتمشدی. بعده اوغلنک طقوزنجی شارلک همشیره-سی مارگریته ایله ازدواجی وسیله-سیله قرانسه سرای قرالیسنه جلب اولنه-رق، پروتسانلرک %بارتلمی-سی اسمیله مشهور اولان قتل عامدن ایکی آی اول، ظنه کوره مسموما، وفات ایتمشدر. عاقله و مدیره بر قادین اولوب، اوغلنه فوق العاده بر تربیه ویرمشدی.

-#* (ژانه هنریکز) که قستیله آمیرانتی فردریق هنریکزک قیزی اولوب، 1444ده ناواره قرالی ایکنجی ژانه وارمش، و اهل اسلامی اندلسدن اخراج ایدن فردیناند قتولیک طوغورمشدر. زوجی برادری آلفونسه خلف اوله-رق، 1458ده آراغون مملکتنی تصرف ایتدکده، صاحبه ترجمه اورانک قرالیچه-سی طانینمشدی. اوکی اوغلی دون کارلوس حقنده پک غدارانه حرکتده بولنوب، بابا و غل آره-سنده بر محاربه-یه سبب اولمشدر. اهالی دون کارلوسی سودکلرندن، صاحبه ترجمه-یی %جبرونه-ده محاصره ایتمکله، 1463ده %فوا- قونتی طرفندن تخلیص اولنمش؛ و 1467ده قوجه-سنه قارشی قتالونیه-یی تصرف ادعاسنده بولنان لورنه دوقه-سنه قارشی محاربه ایده-رک، بو محاربه-ده فوق العاده بر فعالیت و متانت کوسترمشدی. بر سنه صکره وفات ایتمشدر.

-#* (دلی ژانه) که فردیناند قتولیک ایله ایزابله-نک قیزی اولوب، قستیله قرالیچه-سیدر. 1496ده اوستریا آرشیدوقی کوزل فلیپه واروب، شارل کینت اسمیله شهرت بولان اوستریالی شارلی دنیایه کتیرمشدر. قوجه-سنی فوق العاده سووب اونک طرفندن سولمدیکندن، بر حزن و مراقه دوچار اولوب، نهایت بو حالی جنته منجر اولمشدر. والده-سی ایزابله-نک وفاتنده 1504ده قستیله قرالیچه-سی اولوب، قوجه-سنی ده حکومته تشریک ایتمش؛ و قوجه-سی حکومتی بسبتون بونک النده آلمق تشبیتنده ایکن، 1506ده وفات ایتمکله، اوغلی شارل بیوک پدري فردیناندک وصایتی تحتنده قرال طانلمش ایدی. 1516ده فردیناند وفات ایدوب، شارل بالاصاله قرال اولمش؛ و ژانه 1555 تاریخنده 75 یاشنده وفات ایتمشدر.

-#* بو اسمله ناپولیده دخی ایکی قرالیچه کلوب، برنجیسی 1343ده جدی آنژولی روبرته خلف اولمش، و اقرباسندن مجاری آندریایه وارمش ایدی. ایکی سنه صکره دوستی بولنان تارنته-لی لویی مرقوم آندریایی قتل ایله، صاحبه ترجمه-یی تزوج ایتمش ایسه ده، 1347ده آندریانک برادری مجارستان قرالی لویی، اخذ انتقام ایچون، اوزرینه یوریمکله، تحت تصرفنده بولنان پرووانسه-یه قاچوب، بعده حکم نصب اولنان پایا کندیسینک فعل قتله مدخلی اولمدیغنه حکم ایتدکده، ناپولی-یه عودت ایدیه-بیلمش؛ و 1362ده تارنته-لی لوبینک وفات ایتمسيله، مایورقه قرالی ژان ایله عقد ازدواج ایتمش ایسه ده، اولادی اولماق حسیبیه، اوغلغه قبول ایتمش اولدیغی دوراسلی شارل، بو تاهلی چکه-میهرک، دشمنلریله بالاتحاد، کندیسيله حرب ایتمش، و کندیسینی اله کچیروب، 1382ده 67 یاشنده ازاله ایتدیرمشدر. فوق العاده حسنی بر قاری اولوب، سرایی مجمع ادبا ایدیسده ده، اداره-سی پک یولسز ایدی. شاعر (لاهارپ) بونک حالنی بر هائله صورتنده نظم ایتمشدر.

-#* ایکنجیسی مرقوم دوراسلی شارلک قیزی اولوب، 1414ده برادری لادیسلاسه خلف اولمش؛ و سفاهت و فسق و فجوره طالبوب، دوستی بولنان (آلویو)یه و سائرلرینه پک مسرفانه احسانلر ایتمش؛ و بعده مارشه قونتی ژانه وارمغله، دوستلری بونک طرفندن قتل، و کندیسینی حبس اولنه-رق، 1416ده تبعه-سی طرفندن تخلیص، و یرینه زوجی حبس

اولنمش؛ و 1419ده مومی الیه فرانسه-یه قاچمش ایدی. او وقت ژانه (قارچولی) اسمنده یکی بر دوست طوتوب، بر قاچ سنه صکره قتل ایتدیرمش، و آراغونلی بشنجی آفونسی اوغلغه قبول ایتمش ایدی. بو ایسه، وراثته قویمق ایچون، ژانه-نک وفاتته انتظار ایده-میوب، علیهنده محاربه-یه کیریشمش؛ و بونک اوزرینه ژانه آنزولی ایکنجی لوی-یی و بر قاچ سنه صکره بونک وفاتی اوزرینه برادری رنه-یی اوغلغه قبول ایتمش؛ و 1435ده وفات ایدوب، آخرت اولادینک تعددی جهتیله، وراثتی منازع فیه قالوب، نهایت آراغونلی آفونس خلفی اولمشدر.

1-2458-4

ژانه دارق

1#

فرانسه-لی مشهوره بر قهرمان قیز اولوب، 1409 تاریخنده %ووقلوزه\$ قرینده واقع %دومرمی\$ قریه-سندده طوغمشدر. ژاق دارق اسمنده بر کویلینک قیزی اولوب، کندیسسی دخی 18 یاشنه-دک چوبانلق ایتمش؛ و بوسنده ایکن، فرانسه-نک داخلی تفرقه-لره دوشمسلیله، انکلیز عسکری طرفندن ضبط اولنمقده اولوب، خرابه یوز طوتمش اولدیغنی کوره-رک، و فرانسزلرک اعتقاداتنه کوره، بر طاقم حارق عاده مشاهده-لر و هاتفلر طرفندن وطنی بوورطه هلاکدن تخلیصه سوق اولنه-رق، کویندن خروجله، بیک درلو مشکلات ایچنده %تورنه\$-یه کلوب، %شینون\$ کوشکنده اقامت ایتمکده بولنان قرال یدنجی شارلی، بر چوق موانعدن صکره، کورمکه موفق اوله-بیلیمش؛ و کندیسسه هاتفدن بر وظیفه تبلیغ ایدلمش اولدیغنه قرالی قاندیروب، کندیسسه کمال احترازه بر طاقم عسکر ویرلمش ایدی. بو جزئی عسکرله انکلیزلرک تحت محاصره-سندده بولنان و فرانسه ایچون درجه اهمیتی درکار اولان اورلیانی 1424ده تخلیص ایتمش ایدی. بو وجهله عسکرک امنیتتی جلب ایدوب، هیجانلرینی موجب اولدقدن صکره، قرال شارلی دشمنلرک لنده بولنان بر مملکتک ایچندن %ریمس\$ه سوق، و یولی اوستنده بولنان بر چوق یرلری ضبط ایتمش، و او وقت وظیفه-سنی اکمال ایتمش ظنیه چکلمک ایستمش ایسه ده، قرالک ابرامی اوزرینه قالوب، 1430ده پارس اوکنده بر مغلوبیته اوغرادقدن صکره، بورکینیونلرله انکلیزلرک محاصره-سی تحتنده بولنان %قومپینه\$نک اوزرینه هجوم ایتمش ایسه ده، بو محاربه-ده بورکینیونلرک الینه اسیر دوشوب، بونلر طرفندن انکلیزلره تسلیم ایدلمش؛ و انکلیزلر طرفندن کندیسسه سحر باز معامله-سی اولنه-رق، %بووه\$ پسخپوسنک حکمیله، 1431 مایسک 30نده روئنده حیا آحراق اولنمشدر. فرانسزلرک اسمنی تعظیم ایدوب، قریه-سی هر ویرکیدن عفو اولنمش؛ و پاپا اوچنجی (قالیکست) 1456ده تقدیس ایتمشدر. اورلیان شهرنده بهر سنه مایسک سکزنده نامنه بر مطنطن جنازه آلابی اجرا اولنور. 1820 تاریخنده قریه-سندده خانه-سنگ عرصه-سندده بر هیکل رکز ایدلمش اولدیغی کی، اورلیانده دخی 1845ده هیکلی یاپلمشدر. حکایه-سی بر چوق ادبا طرفندن نثرأ و نظماً یازیلوب، فاجعه صورتته دخی قونمشدر.

1-2459-4

ژبا

1#

آفریقای غریبده سنگامبیا مهجر فرانسویسندده بر نهر اولوب، '45° 11 عرض شمالیده واسع بر خلیجدن بحر محیط آطلاسی-یه دوکیلور. منصبندن تقریباً 137 کیلومتره یوقاریده و صاغ یعنی شمالی ساحلنده پورتکیز لیلرک بر تجارتگاهی واردر. بو نهرک منصبنده واقع بر اطه-ده ینه پورتکیز لیلرک بر قلعه-سی و قلعه-نک اوکنده صاغلام بر لیمان واردر. مجراسی تمامیه معلوم اولمیوب، فوتاجالو جبالندن ایندیکی مظنوندر. منصبنه قریب محللرده کلیتلی پرنج حاصل اولور.

2-2459-4

ژرس

1#

فرانسه-نک جنوب جهتنده بر نهردر، که یوقاری پیرنه ایالتنده %لاممزان\$ طاغندن نیغانله، شمال شرقی-یه طوغری آقه-رق، همنامی اولان ایالته کیرر، و بو ایالتی جنوبدن شماله شق ایتدکدن صکره، %لوت مع غارونه\$ ایالتنه دخول ایدوب، اوراده صول کنارندن %غارونه\$ نهرینه دوکیلور. مجراسی 170 کیلومتره طولنده اولوب، عادی و قتلرده صویبی پک آز اولمغله، سیر سفائنه صالح دکلدر.

3-2459-4

ژرس

1#

فرانسه-نك جنوب جهتنده بر ايالت اولوب، ايچندن كچن نهرک اسميله تسميه اولنمشدر. غرباً لاندە، جنوباً يوقارى پيرنه، شرقاً يوقارى غارونه غارونه و تارن مع غارونه شمالاً دخى لوت مع غارونه ايالتريله محدوددر. مساحه سطحيه-سى 6152 مربع كيلومتره اولوب، 283546 اهاليى و اردر. مركزى %اوش\$ شهريدر. اراضيسى عموميت اوزره طاغلق اولوب، جنوبن شماله طوغرى ممتد بر چوق و اديلرى و اردر، كه ايچلرندە غارونه نهرينه تابع بر طاقم چاپلر آقيور. بونلرک اڭ بيوكى همنامى اولان آنف البيان نهردر. اراضيسى اولدقجه منبت اولوب، حبوبات متنوعه ايله كتن، سبزه، كلپتلى صوغان و صارمساق، اوزرم و سائره حاصل اولور. قيرمزي و يشيل مرميله آلچى و اسفالتو بولنور. صيغير، آت، استر، مركب، طوموز و طاوق، قاز، اوردك كى حيوانات اهليه-سى چوقدر. مشهور اوردك پازارى و اردر. شراب و قونياغى مشهور اولوب، سائر معمولات صنايعيه-سى چيني، جام، بز و سائره-دن عبارتدر. ايالت: اوش، ميرانده، غوندوم، لکنوره و لومبز اسملريله بش قضايه منقسم اولوب، 20 ناحيه و 684 دائره بلديه-يى حاويدر.

1-2460-4

ژرمن، سنت -*

1#

بو اسمله قتوليكلك ايكى عزيزى اولوب، برى %اوقزه\$ده و ديكرى پارسده پسيپوس بولنمشدر. برنجيسى 380ده طوغوب 448ده وفات ايتمشدر. ايكنجيسنك ولادتي 496 و وفاتي 576ده واقع اولمشدر.

2-2460-4

ژنلى، قونتسه -*

1#

فرانسه-نك اڭ مشهور محرره-لرندن اولوب، 1746 تاريخنده %اوتون\$ قزبنده %شانسرى\$ قصرنده طوغمش، و 1830ده وفات ايتمشدر. اصيل و آنجق فقير بر عائله-يه منسوب اولوب، مكممل صورتده تربيه كورمش، و 15 ياشنده ژنلى قونتنه و ارمش ايدى. خفياً اورليان دوقة-سييله عقد ازدواج ايتمش اولان مادام دو مونتسونك يكنى اولمغله، اورليان دوقة-سنگ سرابينه قبول اولنوب، اولادى مادام ادلاييده، لوبى فليب، دوق دوشارتر، دوق دو مونتپانسيه و قونت دو بوژوله-نك امر تربيه-سى كنديسنه احاله اولنمشدى. اورليان دوقة-سنگ كنديسنه ده نفوذيني تاثير ايتديره-رك، سرايه قارشى بر خط حركت طوتدير مشيدى. 1792 وقوعاتنده فرانسه-يى تركه مجبور اولوب، بعده بوناپارته مخابره-ده بولمغله، (قونسولا) زماننده فرانسه-يه عودت ايتمش، و كنديسنه معاش تخصيص اولنمش ايدى. بوناپارته سقوطندن صكره حكومت نزدنده اعتباردن دوشمش ايسه ده، اورليان خاندانندن مخصص اولان معاشنى وفاتنه-دك آلمشدر. قوجه-سندن ايكى قيزى اولوب، مشهوره (يامله)نك ده والده-سى اولديغى مظنوندر. 80دن زياده تاليفاتى اولوب، حكايات و نوادر و تياترو كتابلرندن عبارت اوله-رق، جمله-سى اخلاق و تربيه-يه خدمت ايدە-جك يولده يازلمشدر. تربيه اطفال حقتده دخى پك مقبول اثرلى و اردر. طرز افاده-سى ده پك سليس و دلنشيندر.

3-2460-4

ژوان

1#

فرانسه سواحل جنوبيه-سنگ شرق جهتنده و پروانسه خطه-سنگ ((بحرى آلپ)) ايالتنده اوله-رق %ناپوله\$ كورفزيناك شرق جهتنده بر كوچك كورفز اولوب، هر طرفى تپه-لرله محفوظ و درينلكى بعض محللرندە 50 متره-يه واصل اولمغله، سفائن ايچون امين بر ملجأدر. اطرافنده-كى تپه-لر اورمانلرله و سواحلى پورتقال، ليمون، زيتون و مرسين آغاجلريله مستور اولوب، منظره-سى لطيف و هواسى ملايمدر. اطرافنده بر چوق كوزل كوشكلر بولنور. مارسل يادن ايتاليه كيدن دمير يول خطى كنارندن كچيور.

4-2460-4

ژوانویل

1#

فرانسه-نك %یوقار مارنه\$ ایالتنده و %واسی\$نك 16 کیلومتره جنوب شرقیسنده ناحیه مرکزی بر قصبه اولوب، 1840 اهاالیسی و پاموق منسوجات دستکاهلریله دمیر خانه-لری واردر.

5-2460-4

ژوانیی

1#

فرانسه-نك %یونه\$ ایالتنده و اوقزره-نك 34 کیلومتره شمال غربیسنده اوله-رق %یونه\$ نهری کنارنده قضا مرکزی بر قصبه اولوب، 5541 اهاالیسی، قلعه-سی، مکتبی، کوزل بر ریختمی، دباغخانه-لری و طوغله فابریقه-لری واردر.

6-2460-4

ژوبی

1#

بحر محیط کبیره یکی کینه جزیره کبیره-سنگ ساحل شمالیسی قارشیسنده بر آطه اولوب، "45' 37° 1° عرض جنوبییه و 20° 133' ایله 40' 134° طول شرقی آره-سندده واقع اوله-رق، یکی کینه-نك شمالنده-کی بیوک کورفك مدخلنی قیایان آطه-لرک اک بیوکیدر. شمالاً %شوتن\$ و نام دیکرله %میسوری\$ آطه-سندن همنامی اولان بر بوغازله آیرلمشدر. طار و اوزون بر آطه اولوب، شرقدن غربه بویی 160 و اک کنیش اکی 15 کیلومتره-در. مساحه سطحیه-سی 3480 مربع کیلومتره اولوب، 7200 اهاالیسی واردر. صیق اورمانلرله مستور بر طاغ اطه-نك بوینجه اوزانوب سواحل شمالیه-سی دیک و صرپ و سواحل جنوبیه-سی ده میلانلیدر. اهاالیسی ایکی جنسیته منسوب اولوب سواحلده-کیلر یاپو جنسندن مونس آدملر اولدقلری حالده، طاغده-کیلر دیکر بر جنسه منسوب وحشیلر اولوب، انسان اتی دخی یرلر. بو ایکی قوم بینلرنده دائمی صورتده محاربه-ده بولنورلر. آطه %تیدور\$ جزیره-سنگ حکومت اسلامیه-سی تحت اداره-سندده اولوب، فلمنک مستملکاتندن معدوددر.

1-2461-4

ژوپیتر

1#

و اصل لاتین تلفظنجه (یوپیتر) که بوده ایکی اسمدن مرکب اولوب، (پیتر) پدر دیمک اولدیغندن، اصل اسمی (یو)در. اسکی یونانیلر عنندنه (زوس) اسمیله معروفدر. اسکی یونان و لاتین اساطیرنده آله-نك پدری و اک بیوکلری اولوب، مشتری سیاره-سندن کنایه ایدی. اساطیر مذکوره-یه کوره بواله کاذب زماندن کنایه اولان (ساتورن) یاخود (خرونوس) ایله (ریا)نك اوغلی اولوب، ساتورن، برادری بولنان جن طائفه-سنگ رئیس (تیتان) ایله ایتدیکی معاهده اوزرینه، ارکک اولادینی یمک شرطیله تخته کچمش اولدیغندن، ژوپیتر طوغنجه، والده-سی ساتورنه قونداقلمش بر طاش ویره-رک، یوتدیرمش؛ و ژوپیتری کرید طاغلرنده صاقلابوب، اوراده (آمالتیا) اسمنده بر کچینک سودیله بسلتمشدی. جنلر بوندن خبر آنجه، ساتورنی اسقاط و حبس ایتمشلرسه ده، ژوپیتر، بر یاشنده اولدیغی حالده، جنلری مغلوب ایدوب، پدرینی قورتارمش. ساتورن بو چوجغک قوتندن اندیشه ایده-رک، کندیسنه پوصی قورمش ایسه ده، ژوپیتر، خبر اوب، کندیسینی پایتختی اولان %لیمبوس\$ طاغندن اخراجله، یرینه کچمش؛ و برادرلری (نپتون) و (پلوتون)ه دکیزی و جهمی ویره-رک، کندیسی کویا یرله کوکه حاکم اولمش؛ و جنلرله دیولرک هجومه مقاومت ایدوب، بوللری یلدیرمله مغلوب ایتمش. اسکی یونانیلر ژوپیتری بیگ قابیلره صوقه-رق، بر چوق قادینلرو پریرله مناسبات زوجیه-ده بولندیغنی، و بولنردن آلهه و قهرمانلر و حکمدارلر دنیایه کتیرتدیکنی زعم ایدرلردی. بر چوق معبدلری اولوب، اک بیوکلری اپیرده یعنی یانیه قربنده بولنمش اولان %دودونه\$، یونانک الیده خطه-سندده-کی %اولیمبیا\$ و مصرده-کی %آمون\$ معبدلری ایدی. قره

قوش و ميشه آغاجی ژوپيتره منسوب عد اولنوردی. آلتون ويا فيل ديشندن بر تختك اوزرينه اوتورمش، صول اليه بر عصا طوتار و صاغ اليه بلديرمی صالديرر صورتده تصوير اولنوردی. اك مشهور هيكلی هيكلتراش شهير (فيدياس)ك فيل ديشيله آلتوندن ياپمش اولديغی هيكل ايدي، كه عجائب سبعة-دن معدوددر. اسكى يونانيارله لائيتلرك اعتقاد ايتدكلری آلهه كاذبه بونك اولادی زعم اولنه-رق، حكمت الهه-سى اولان %آنته\$ و نام ديكرله (ميزوه)نك مسلح اوله-رق و والده-سز ژوپيترك قفاسندن طوغمش اولديغنه اينانيرلردی. بو اساطيرك اساسی بر طاقم رموزاتدن عبارتدر.

2-2461-4

ژورا

1#

فرانسه ايله اسويچره آره-سندده جنوب غربيدن شمال شرقی-يه ممتد بر طاغ اولوب، اسويچره-نك %باله\$ ناحيه-سنی فرانسه-نك دوب، ژورا و %ان\$ ايالتلرندن آيريور. بويی 310 كيلومتره اولوب، اكي 65 كيلومتره قدردر. اك يوكسك ذروه-لری: 1732 متره ارتفاعی اولان %ركوله\$، 1734 متره ارتفاعده بولنان %مونت ناندر\$ و 1690 متره يوكسكلكنده بولنان %دوله\$در. صاغ و صولنه اوزانديغی قوللرله بر طاقم واديلر تشكيل ايديور. اسويچره-يه ناظر اولان يوزی ديك و صرب اولوب، فرانسه-يه باقان يوزی ايسه سطح مائل صورتده-در. بو طاغدن %دوب\$ نهرينه دوكيلور بر قاچ چای آقوب، نهر مذکور ايسه ژورا ايله %ووسز\$ طاغلی آره-سندده-كى وادیده جريان ايتمكله، بعض جدولر واسطه-سيله %رين\$ و %رونه\$ مجرالرينی بربرينه ربط ايدر. ژورا سلسله-سنگ اراضيسی بر نوع اتریه كليه-دن عبارت اولوب، بو جنس طوپراق علم الارضده %كلس ژورایی\$ اسميله معروفدر.

3-2461-4

ژورا

1#

فرانسه-نك ايالات شرقيه-سندن اولوب، شرقاً اسويچره حدوديله، جنوباً %ان\$، غرباً سائونه مع لواره و قوت دور، شمالاً دخی يوقاری سائونه و دوب ايالتلريله محدوددر. مساحه سطحيه-سى 5034 مربع كيلومتره اولوب، 288823 اهاليسی واردر. مركزی %لون لسونيه\$ قصبه-سيدر. اراضيسی همنامی اولان سلسله جبالك غربی اتكلرندن عبارت اولوب، طاغقدر. بو طاغلك اكثر طرفلری و على الخصوص شرق و جنوب جهتلری اورمانلرله مستورددر. انهاری چوقدر. %رين\$ ايله %رونه\$ ايرماقلری آره-سندده-كى جدول بو ايالتك ايجندن كچيور. محصولاتى باشليجه آرپه، مصر، چاودار، يولاف و سائر حبوباتله، شالغم و سائره-دن عبارتدر. بوياجيلقده و طبده مستعمل نباتاتی-ده چوقدر. طاغلرنده اورمانلريله مرعالی و اسعدر. صيغیر، قویون و خرکله-سى و آو حیواناتی-ده چوقدر. قیا طوزی، معدن كموری، آلچی و مرمر بولنور. صناعی دمير جيلكله ساعتجیلیق و تخته و باغه و بوبنوزدن انواع مواد اعمالندن عبارت اولوب، تجارتي خیلی ايشلكدر. باغلی چوق اولوب، كوزل شراب اعمال اولنور. پينیری دخی مشهوردر. ايالت: لون لسونيه، دوله، پولينیی و سنت قلود اسملريله 4 قضايه منقسم اولوب، 32 ناحيه و 584 دوائر بلديه-یی حاويدر.

1-2462-4

ژورژ

[[جورج]]-ماده-سنه مراجعت بيوريله.]

2-2462-4

ژورژ ساند

1#

فرانسه-نك اك مشهور ادبييه-لرندن حكايه-نويس بر قادين اولوب، 1804 تاريخنده پارسده طوغمش، و 1876ده نوهاننده وفات ايتمشدر. لهستان قرالی ايكنجی اوكوستك ولد غير مشروعی صاقسه-لی موريسك كسلندن اولوب، بيوك والده-سى مومی اليه موريسك غير مشروعی قیزی ایدی. پدري ايلك جمهوريت و ايمپراطورلق زماننده ضابط بولنوب، 1808ده

آنتدن دوشه-رك وفات ايتمكله، صاحبه ترجمه %0 بری خطه-سنده %لاشتره\$ قربنده واقع %نو هانت\$ قريه-سنده-کی کوشکنده بیوک والده-سی طرفندن بیودلمشدر. تا کوچکلکندن کوی و قیر منظره-لرندن تلذذه آلیشوب، بر فکر شاعرانه حاصل ایتمش؛ و هنوز طفل ایکن کندیکنندن بعض حکایه-لر قورمغه باشلامشیدی. پدربینک وفاتی اوزرینه ایرلمش اولان والده-سی کنديسني ایتیشوب، بیوک والده-سیله والده-سندن خانگیسنی ترجیح ایده-جکني شاشیردیغندن، 1817ده پارسده بر راهبه-لر مناستری مکتبینه کیرمش، و 1820ده بو مکتبدن چیقمش ایدی. مناسترده-کی تربیه-نک نتیجه-سی اوله-رق ابتدا تعصب درجه-سنده دیندار اولوب، حتی راهبه اولمق فکرینه بیله صاپمش ایکن، بعده بعض حکمانک و علی الخصوص ژان ژاق روسونک آثارینی اوقودقجه، تبدیل افکار ایتمش؛ و انسانلرک مصائبی جمعیت بشریه اصول و عاداتک فساد و نقصانندن ایلری کلدیکنه کسب اطمینان ایدوب، بوندن طولایی حاصل ایندیکی مایوسیتله اتلاف نفس ایده-جک راهبه وارمش؛ و حتی بر کون بو مقصدله آنتی درین بر خندغه سورمش ایدی. بیوک والده-سنگ وفاتندن صکره والده-سنگ یاننه کیدوب، بونک خرچین طبیعتندن چوق زحمت چکمش؛ و 1822ده موسیو (دودوان)ه وار-مرق، بوندن بر اوغلیله بر قیزی دنیاچه کلمش ایدی. 1831ده کندی کدیمینیله پارسده یاشامسنة قوجه-سنگ موافقتنی استحصال ایتمکله، قیزی آله-رق پارسه کیتمش؛ و ابتدا کتاب و سائره ترجمه-سیله و قورشون قلم رسملریله معیشتتی چیقارمغه چالیشوب، نهایت توتون طبقه-لریله چیغاره-لقلرک اوزرینه غایتله کوچک و مصنع رسملر یاپه-مرق، بو صنعتده موفق اولمشدی. سربست کزه-بیلمک و علی الخصوص تیاترولره کیروب چیقماق ایچون، چوققلغنده چوق وقت کیمش اولدیگی ارکک قیافتنه کیره-رک، بعض ادبایه-ده تقدیم اولنش ایسه ده، (کراتری) بر قادینه یازی یازمق یاقیشمیدیغنی درمیان ایده-رک، کنديسني صوتودیغی کی، بالزاق دخی جسارت ویرمه-مشدی. همشهریسی بولنان (دلابوش) کنديسني فیغارو غزته-سی محررلری میاننه ادخال ایتمش ایسه ده، ژورژ ساند بو محررلکده بوشنه اضاعه وقت ایندیکنی درک ایده-رک، حکایه کتابلری تحریرینه باشلامش؛ و (ژول ساندو) ایله مشترکاً ایلك اثری اولان ((پنبه و بیاض)) عنوانلی حکایه-بی 5 کوچک جلد اوزرینه نشر ایتمش ایدی. 1832ده ((ایندیانه)) عنوانیله 2 جلد اوزرینه بر ایکنجی حکایه کتابی نشر ایدوب، کندي اسمی (آمانتینه دوپن) و بعد التاهل قوجه-سنگ اسمنه نسبتله (مادام دودوان) ایکن، بو کتابلری (ژورژ ساند) اسم کاذبیله چیقارمش؛ و فیما بعد بو اسمی محافظه ایدوب، بونکله شهرت بولمشدر. بربرینی متعاقب بر قاچ حکایه کتابی ده نشر ایله، کسب شهرت ایتمش و 1833ده (آلفرد دوموسه) ایله برابر ایतालایه سیاحت ایدوب، بو سیاحتک تأثیراتنی ((بر سیاحک مکتوبلری)) عنوانیله یازمشدر. بو آره-ده آوقات (میشل دوبورژ)، (لامنه) و (پیرلرو) کی مشاهیرله کسب الفت ایتمش؛ و بونلرک مسلکلی بر درجه ده توسیع افکارینی موجب اولمش ایدی. 1836ده قوجه-سیله آره-سی بسبتون بوزیشوب، محکمه معرفتیه ایرلمش؛ و چوققلرینک تربیه-سی کنديسنة حاله اولنش ایدی. بعده اسویچره-یه بر سیاحت ایدوب، عودتنده والده-سی وفات ایتمشدی. او وقت (فردریق شوپن) ایله کسب معارفه ایدوب، سکز سنه بونکله برلکده یاشامش، و %مایورقه\$یه برابر سیاحت ایتمشدر. 1833دن 1838 تاریخنه-دک ((روو ده دوموند)) عنوانلی رساله موقته مشهوریه 6 حکایه کتابی درج ایندیروب، بونلر ایریجه دخی نشر اولمشدر. (لامنه)نگ تأسیس ایندیکی ((موند)) و (پیرلرو)نگ چیقاردیغی ((روو اندباندانت)) غزته-لرینه دخی بر چوق حکایه-لر درج ایندیرومشدر. 1848ده فرانسه-ده جمهوریتک اعلانی ژورژ ساندک هیجاننی موجب اولمغله، امور سیاسییه-یه قاریشه-مرق، ((بولتن رپوبلیک)) عنوانلی غزته-یه پک فصیح بر مقدمه و ایکی مهیج خطبه نشر ایندکدن صکره، بو غزته دخی تأسیس، و (ماچینی)نگ سیاسیاته متعلق مشهور بر کتابنی ترجمه ایتمش؛ و دهها بو کی بعض نشریاتده بولنوب، حقنده حکومتک نظر دقتنی جلب ایلمش ایدی. اوندن صکره حکایه کتابلری نشرینه دوامله برابر، بر چوق فاجعه-لر و سائر تیاتر و کتابلری دخی یازوب، بونلردن بعضلری پک او قدر قبول عامه-یه مظهر اوله-مامش ایسه ده، بعضلری ایلرجه بر تیاتروده هر کیجه اوینانه-جق درجه-ده مظهر قبول و تحسین اولمشدر. بونلرک برینی اوغلی (موریس ساند) ایله مشترکاً یازمشدر. 1854ده @ ((پرسه)) غزته-سنده کندي ترجمه حالنی یازوب، بو اثری ایریجه دخی 20 جلد اوزرینه نشر اولمشدر. باشلیجه افکار و مسلک ادبی و فلسفیسینی مبین بر کتابدر. اواخر عمرنده پدردن موروث اولان %نو هانت\$ کوشکنده اقامت ایدوب، سنه-ده یالکز بر قاچ هفته بو اقامتکاهنی ترک ایدردی. %لاشتره\$ قصبه-سنده بر هیکلی رکز اولمشدر. دامادی (قلز نیژه) دخی بر هیکلنی یاپمشدر. ژورژ ساندک بتون اثرلری بر عیارده اولمیوب، بعضلرنده فلسفه و معاشرت بشریه حقنده-کی مطالعات و ملاحظاتی ملال ویره-جک درجه-ده ایسه ده، اکثری هر نوع عیب و قصوردن عاریدر. هله حسیاتک تدریجاً حصولنی تعریفده یکتادر. قوه مخیله-سی پک واسع اولمغله برابر، عباره-سی دخی غایتله سلیس و فصیحدر. الحاصل ژورژ ساند بو عصرک اک بیوک ادباسندن معدوددر. رسمده دخی مهارتی و موسیقیدن بهره-سی وار ایدی.

1-2463-4

ژوزف

1#

فرانسزلرک یوسف (عم)ه و بو اسمله مسمی دیگر ذواته ویردکلری اسمدر. [(یوسف)] ماده-سنه مراجعت اولنه. [

2-2463-4

ژوزفینه

1#

فرانسه ایمپراطوریچه-سی و بیوک ناپولیونک زوجه-سی اولوب، 1763ده مارتینیق آطه-سندھ طوغمش، و 1814ده وفات ایتمشدر. اون بش یاشنده ایکن، (ویقونت دو بوشارنه)یه واروب، بوندن بر اوغلیله بر قیزی اولمشدی. انقلاب کبیر زماننده زوجی اعدام اولنوب، کندیسسی دخی حبسه القا اولنمش؛ و آنجق (تالیان)ک شفاعتیله قورتله-بیلمشیدی. بر استدعا تقدیمیچون بوناپارتک حضورینه چیقدیغنده، حسن و آنیله بونک نظر تعجبینی جلب ایتمکله، بوناپارتک تکلیفی اوزرینه، 1796ده کندیسنه وارمش؛ و قوجه-سنگ ایمپراطورلغی زماننده بیوک بر نفوذ و اقتداره مالک اولوب، بو اقتدارینی خیر یولنه صرف ایتمش؛ و آنجق اییلک ایتمه-ده بر آز مصرفاته کیتمش ایدی. بوناپارت بوندن اولادی اولمامسندن بالاستفاده، 1809ده کندیسنی بوشامش؛ و صاحبه ترجمه بقیه عمرینی کاه %ناواره-ده-کی کوشکنده و کاه %مالمزون-ده کچیروب، ایمپراطورک انفکاکندن آز وقت صکره وفات ایتمشدر.

3-2463-4

ژوسیو

1#

قرن سابقده و قرن حاضر میلادیده فرانسه-نک لیون شهرنده نشأت ایتمش اوچ برادر ایله بونلرک یکنی و اونک اوغلی اوله-مرق بش کشینک عائله اسمی اولوب، جمله-سی ده علم نباتاتده و بعضلری طب و هندسه-ده دخی شهرت بولمش؛ و علم نباتاتده دائر بر قاچر کتاب یازوب، تحریات نباتیه ایچون بعضلری بلاد سائره-یه دخی سیاحت ایتمشلردر.

4-2463-4

ژوفروی

1#

واپورک موجدلرندن بر فرانسر اولوب، 1751ده %فرانشه قونته-ده طوغمش، و 1832ده متقاعدین دائره-سندھ وفات ایتمشدر. انقلابدن اول نیاده یوز باشیسی ایدی. بخارله کمی تحریکنی دوشونوب، 1776ده %دوب-نهرنده و 1783ده لیونده %سائونه-نهرنده تجربه-سنی اجرا ایتمشدی. آنجق کندیسنگ سرمایه-سی اولمدیغی کبی، حمایه و معاونت ایده-جک کیمسه دخی ظهور ایتمدیکندن، ایشی ایلر یلته-مه-مش؛ و او صره-ده بشقه-لری واپوری ایجاد ایدوب، بونک موجدلکی دخی مجهولیتده و تردد آلتنده قالمشدر. *- فلسفه ایله اوغراشان علمادن دخی بو اسمده بری اولوب، 1796ده طوغمش، و 1842ده وفات ایتمشدر. فلسفه-یه متعلق آثار معتبره-سی واردر.

1-2464-4

ژولیت

1#

ممالک مجتمعه-نک %ایلیونیس-جمهوریتنده، %اسپرینغیلد-ک 320 کیلومتره شمال شرقیسنده و شیکاغونک 50 کیلومتره غرب جنوبیسنده، بر نهرک اوزرنده و ایکی دمیر یولک نقطه تقاطعنده واقع %ویل-ایالتنک مرکزی بر قصبه اولوب، 16670 اهالیسی واردر. جوارلری پک منبت اولمغله، ذخایر تجارتنک بیوک بر مخزنی حکمنده-در.

2-2464-4

ژولیت

1#

دومینیون قطعہ-سنگ %۰کبک\$ خطہ-سندہ و %۰مونترال\$ 68 کیلومترہ شمالندہ ہمنامی اولان ایالتک مرکزی بر قصبہ اولوب، 3270 اہالیسی و ایچندن کچن %۰سنت لوران\$ ایرماغنہ تابع %۰آسومپسون\$ نہریلہ چویریلیر پک چوق ماکیہ- لری واردر۔ جوارندہ اولوب ایکی محلہ-سی حکمندہ اولان ایکی قریہ ایلہ برابر اہالیسی 6300 کشی-یہ بالغ اولوب، کوندن کونہ دخی تزاہد ایتمکدہ-در۔

4-2464-3

ژوانسہ

1#

اساطیر قدیمہ یونانیہ-یہ کورہ ایٹالیادہ بر پری اولوب، ابو الالہہ زعم ایٹکلری مشتری طرفندن سولمکلہ، بر چشمہ-یہ تحویل ایڈیلہ-رک، کویا بو چشمہ-نک صویندہ بیقاتانلر یکیدن کنجلیشیرلرمش۔

4-2464-4

ژوانو

1#

بری آفرد -*- و دیکری تونی -*- اسملریلہ ایکی قرداش اولوب، رساملقدہ شہرت قزانمشلردر۔ برنجیسی 1800دہ طوغمش، 1837دہ وفات ایتمش؛ و ایکنجیسنک ولادتی 1803دہ وفاتی 1852دہ واقع اولمشدر۔ عن اصل فرانسز اولوب، اوفنباحدہ طوغمش، و پارسدہ یاشامشلردر۔ یاغلی بویا ایلہ بر قاچر رسلری اولوب، بعض مشهور کتابلرک رسلرینی دخی ترسیم ایتمشلردر۔

4-2464-5

ژیتومیر

1#

روسیہ-نک %۰ولہیتیہ\$ ایالتندہ و موسقوہ-نک 850 کیلومترہ جنوب غربیسنده بر قصبہ اولوب، قسم کلیسی یهودی اولمق اوزرہ، 17000 اہالیسی و شاپقہ چوخہ، ایپک قماشلر، بز فابریقہ-لریلہ دباغخانہ-لری و بال، بال مومی، ایچ یاغی، شراب و سائرہ تجارتی واردر۔

4-2464-6

ژیرودہ

1#

فرانسہ-نک اک مشهور رساملرندن اولوب، 1767دہ %۰مونترال\$دہ طوغمش، و 1824دہ وفات ایتمشدر۔ بر چوق کوزل رسلری واردر۔

4-2464-7

ژیروندنلر

یاخود ژیروندہ-لیلر 1# فرانسه انقلاب کبیرندہ کسب اشتہار ایتمش بر فرقہ اولوب، باشلیجہ ژیروندہ ایالتی مبعوثانندن مرکب اولدیغندن، بو اسملہ شہرت بولمشدر۔ بونلرک دہشت دورندہ روبسپیرک اجرا ایٹدیکی اعتسافاتی تقدیر ایڈہ-میوب، اعتدالی توصیہ ایٹدکلرندن، 1793 سنہ-سی مایسنده ایچلرندن 29 مبعوثان توقیف، و سنہ مذکورہ تشرین اولی نہایتندہ بونلردن 20سی اعدام اولنمش؛ بری حضور محکمہ-دہ کندینی قما ایلہ اتلاف ایتمش، و دیکری دخی تعقیب و اتلاف اولنمشدر۔ طاغلیلر بونلرہ قارشی ایدی۔ شاعر شہیر لامارتین ژیروندنلرک تاریخی کوزل بر طرزده یازمشدر۔

8-2464-4

ژیرونده

1#

فرانسه-نك غرب جنوبی جهتنده آقان %غارونه\$ ایرماغك %دوردونیه\$ نهریله برلشدكن صكره یعنی منصبه قریب آدیغی اسمدر. [(غارونه)) ماده-سنه مراجعت اولنه.]

9-2464-4

ژیرونده ایالتی

1#

فرانسه-نك سواحل غربیه-سنده-کی ایالاتندن اولوب، ایچندن جریان ایدن ایرماغك اسمیله مسمادر. غرباً بحر محیط آطاسی ایله، شمالاً آشاغی شارنته، شرقاً دوردونیه و لوت مع غارونه، جنوباً دخی لاندی ایالتلریله محاط و محدوددر. مساحه سطحیه-سی 10250 مربع کیلومتره اولوب، 735242 اهالیسی واردر. مرکزی مشهور %بوردو\$ شهردر. اراضیسی جنوب غربی جهتنده قوملق و بطاقلق ایسه ده، شمال و شرق جهتلرنده پك منبت و محصولدار اولوب، حیوانات متنوعه ایله بوردو نامیله مشهور اولان کوزل شرابلری ویرن کلیتلی اوزوم حاصل اولور. بو شرابلرك اجناسی میاننده (مدوق) و (لافیت) کیی پك مقبول جنسلری واردر. ساحله قریب طرفلرنده چام و میسه آغاجلرینی حاوی بعض اورمانلری واردر. جنوب و غرب جهتلرنده قوملر آفریقا چوللرنده اولدیغی کیی، روزکارله تحریک اولنه-رق، متحرک تپه-لر تشکیل ایتدکلرندن، بو حالک اوکنی آلق ایچون، دکیز چاملری غرس اولنمشدر. بو جهتنده ناقابل زراعت یرلر و بطاقلقر و کوللر دخی چوقدر. قویونلریله سائر حیواناتی کلیتلیدر. اسکله-لرنده خیلی سفائن اعمال اولنور، و بر چوق خلاط و ایپ، جام، چینی، مسکرات، سرکه، توتون، قطران، شکر و سائر فابریقه-لری واردر. تجارت بحریه-سی پك ایشلک اولوب، علی الخصوص آمریکا و هندله و سائر ممالک بعیده ایله معاملات تجاریه-سی چوقدر. ایالت: بوردو، بلیه، باز، لیبورن، لسیار و لارئوله اسملریله 6 قضایه منقسم اولوب، 48 ناحیه و 552 دائره بلدییه-یی حاویدر.

1-2465-4

ژیزدره

1#

روسیه-نك قالوغه ایالتنده اوچه نهرینه تابع بر چای اولوب، همنامی اولان قصبه-نك 12 کیلومتره شمالنده نیغانله، جنوبیه و بعدی شرق شمالی-یه طوغری آقه-رق، 160 کیلومتره-لك جریانندن صکره صولدن نهر مذکوریه دوکیلور. حوضه-سی 8729 مربع کیلومتره وسعتنده-در. رژته، و یتب و سرته چایلرینی اخذ ایدر. سیر سفانته صالح اولمیوب، یالکز کراسته یوزدیرمکه یارار.

2-2465-4

ژیزدره

1#

روسیه-نك قالوغه ایالتنده و قالوغه-نك 130 کیلومتره جنوب غربیسنده اوله-رق همنامی اولان نهرک اوزرنده قضا مرکزی بر قصبه اولوب، 11625 اهالیسی و جام و چوخه فابریقه-لری واردر. *- قضاسنك مساحه سطحیه-سی 7275 مربع کیلومتره و اهالیسی 165000 کشیدر. اورمانلری چوقدر. کمور و دمیر معدنلری و خیلی فابریقه-لری-ده واردر.

3-2465-4

ژیزور

1#

فرانسه-نك % اوره \$ ايلتنده و % آندلی \$ نك 76 كيلومتره شرقنده ناحیه مرکزی بر قصبه اولوب، 400 اهالیسی، داخلی مکتبی، بعض استحکامات خرابه-لریله ایکی قله-سی و پاموق ایپلیکله باصمه فابریقه-لری واردر.

4-2465-4

ژیلبر

1#

فرانسه شعراسندن اولوب، 1751 ده % قونتتوآی لشاتو \$ ده طوغمش، و 1780 ده 29 یاشنده وفات ایتمشدر. بیوک بر شاعر اولمق استعدادینه دلالت ایدر اشعاری و از آن جمله ((وداع عمر)) عنوانیله بر قصیده-سی واردر.

5-2465-4

ژیلبر، سنت -*

1#

قتولیکلرک عزیزلردن اولوب، (اورنیه) زادکانندن اولمغله، ابتدا قرالک سراینده یاشامش؛ و کنج لویینک معیننده 1146 ده اهل صلیب سفرینه کیتمش ایدی. عودتنده دنیادن چکیلوب، % نوق قونتتو \$ مناسترینی تأسیسه، کشیش اولمشدی. 1152 ده وفات ایدوب، حزرانک 6 سنده یورطیسی اجرا اولنور.

6-2465-4

ژیلبر آطه-لری

1#

بحر محیط کبیرک پولینسیا قسمنده و مارشال جزایرینک جنوب شرقیسنده اوله-رق خط استوانک ایکی طرفنده واقع بر طاقم آطه-لر اولوب، 22° 3' عرض شمالیدن 40' 2° عرض جنوبی-یه قدر شمالی غربیدن جنوب شرقی-یه متوجه بر زنجیر صورتی ابراز ایده-رک، 20' 170° ایله 40' 174° طول شرقی آره-لرنده بولنیورلر. بونلر مذکور زنجیرک خارجنده و آچقده بولنان ایکی آطه ایله برابر 15 عددنده اولوب، مجموعنک مساحه سطحیه-سی 430 مربع کیلومتره-دن عبارتدر. اهالیسی او جوارده-کی آطه-لره نسبتله چوق اولوب، حین کشفلرنده 60000 قدر تخمین اولنمشلر سه ده، صکره-کی تخمینلره کوره 40000 دن زیاده دکلردر. اکثریا اسن شرق روزکارینک تعدیلله هوالری کوزلدر. طوپراغی پک آز منبت اولوب، صیجاقلری دخی پک چوق اولدیغندن، اروپا حبوبات و سبزه-لرینی یتیشدیرمک ایچون اولنان مساعی مثمر اوله-مامشدر. هندستان جوزی و (پاندانوس) آغاجلری چوق اولوب، اهالینک باشلیجه مدار معیشتی بونلرک میوه-لریله بیوک بر مهارتله طوتدقلری بالیقدر. هندستان جوزندن کلینلی یاغ و ایچدکلری بر نوع اسپیرتو دخی چیقاریرلر. قایقجیلقده دخی مهارتلی واردر. کندیلری ایری و اولدقجه متناسب الاعضا آدملر اولوب، شن و مونس و شرقی و رقصه پک ماندرلر. لسانلری میقرونسیا آطه-لرینک لساننه مشابه اولوب، پولینسیا آطه-لری لسانندن دخی بر چوق کلماتی حاویدر.

1-2466-4

ژیمونه

1#

فرانسه-ده برنهردر، که پیرنه سلسله جبالنده % ویلمور \$ قربنده نبعانله، 110 کیلومتره-لک جریاندن صکره، % قاستل سارازن \$ یعنی ((عرب قلعه-سی)) قربنده صول کنارندن غارونه ایرماغنه دوکیلور.

2-2466-4

ژین

1#

فرانسە-نك % لوآره \$ اياالتنده و اورليانك 64 كيلومتره جنوب شرقيسندە اوله-رق % لوآره \$ نهرينك صول كنارنده قضا مركزى بر قصبه اولوب، 6000 اهاليسى و نهرده كوزل ليمانى و چينى فابريقه-لريله بغداى و يوك و شراب تجارتي وارد.

3-2466-4

ژيو

1#

رومانيه-نك افلاق خطه-سندە بر نهر اولوب، همان متوازيًا شمالدن جنوبه آقان انهارينك اك غربيسيدر. ترانسيلوانيە آلپلرينك شمالي اتكلرندن مجارستانك % هونيداد \$ اياالتنده نبعانله، ابتدا شمال شرقي-يه طوغرى آقار، و بعدە جنوبه دونوب، سلسله مذكوره-نك بر بو غازندن مرورله، افلاقه كيير، و راخوه-نك قاشيسندە طونه-يه دوكيلور. مجراسى پك طولاشيقلى اولوب، 300 كيلومتره طولنده-در.

4-2466-4

ژبورى

1#

فرانسە-نك % سائونه مع لوآره \$ اياالتنده، % سالون سور سائونه \$ نك 9 كيلومتره غربنده اوله-رق % اورببزه \$ نهرى اوزرنده ناحيه مركزى بر قصبه اولوب، 3000 اهاليسى و جوارنده كوزل اورمانلريله مشهور باغلى وارد.

5-2466-4

ژئوفرن، مادام *-

1#

حسن و انيله و نكاوت ون كته پردازلغيله شهرت بولمش بر فرانسز قادين اولوب، 1699ده طوغمش، و 1777ده وفات ايتمشدر. قرالك والده-سنگ خدمتنده بولنان بر قادينك قيزى اولوب، 15 ياشنده ايكن بر زنكين تاجرە وارمش؛ و آز وقت صكره طول قالوب، خانه-سى مجمع علما و ادبا اولمش ايدى. (استانيسلاس بونياتووسكى) ايله دخى مناسبات دوستانه-سى اولوب، بو ذات لهستان تختنه چيقدیغنده كنديسنى % وارسويه \$ يه جلب ايتمشدى. دالمبر و سائر مجموعه فنون محررلى اولان حكما ايله الفتى وار ايدى. زياده-سيله سخيه و محمتلى اولوب، ((احسان و عفو)) كلمه-لرى مسلكنك اساسى ايدى. كنديسندن ضرور امثال حكمنه كچمش بر چوق اقوال حكيمانه منقولدر.

6-2466-4

ژئوفروى سنت هيلر

1#

فرانسە مشاهير طبيعيونندن بابا اوغلى ايكي ذات اولوب، برنجيسى (اتين) 1772ده طوغمش، و 1844ده وفات ايتمشدر. علم حيواناتله اوغراشوب، بو فنده بر خيلى معتبر كتابلر يازمش؛ و كافه حيواناتك تركيبات جسمانيه-سنگ بر اولديغنى اثبات ايدە-رك، مقايسه-لى تشریح و علم منافع الاعضا حقنده بر چوق حقيقتلر كشف ايتمشدر. هله علم حيوانات فلسفه-سنگ يعنى بو فن اوزرينه مؤسس حكمنك موجدى عد اولنه-بيلوب، بو بابده پك حكيمانه بعض كتابلر تأليف ايتمشدر. مشاهير طبيعيونندن (كويه) يى حمايه ايدوب، عالم فنده طانيتديرمغه سبب اولمش؛ و مشتركاً بر كتاب يازمشلر سه-ده، بعدە بر مسئله فنيه حقنده بينلرنده مباينت حاصل اولوب، معارضه-لرى خيلى وقت ارباب فنى اشغال ايتمشدى. *- اوغلى (ايزيدور) 1805ده طوغوب، 1861ده وفات ايتمشدر. پدريتك فلسفه-سنى تشریح و ايضاحله اوغراشوب، بر قاج كتاب تأليف ايتمشدر. ايكيسى-ده آقادميا و سائر جمعيات فنيه اعضاسندن بولنمش؛ و فنى بعض مأموريتلرده ده استخدام اولنمشلر در.

7-2466-4

ژیور

1#

فرانسه-نک رونه ایالتنده، %رونه\$ ایرماغنک ساحل یمیننده و %ژیور\$ نهرینک بو ایرماغه دوکلدیکی محله اوله-رق، لیونک 22 کیلومتره جنوب غربیسنده واقع ناحیه مرکزی بر قصبه اولوب، 10000 اهالیسی، چام، بویا و دمیر فابریقه-لری، دمیر یولی و بر جدولی وارد.

1-2467-4

ژیوه

1#

فرانسه-نک %آردنه\$ ایاتنده %موزه\$ ایرماغی اوزرنده و %روقروآی\$ک 40 کیلومتره شمال شرقیسنده اوله-رق بلجیقه حدودی قریبنده ناحیه مرکزی بر قصبه اولوب، 6000 اهالیسی، متین استحکاماتی، نهرده کوچک بر لیمانی، دمیر یولی و چینی، تونقال و ساتره فابریقه-لریله دباغخانه-لری وارد.

حرف الراء الفارسیه-نک صوکی

س

(باب السین - *فصل الالف الخ)

1-2468-4

سأ

ده میرانده 1# پورتکیزک اک مشهور شعراسندن اولوب، 1495ده %قویمبره\$ده طوغمش، و 1858ده؟ وفات ایتمشدر. بر خیلی اشعاری اولوب، پورتکیز لسان و ادبیاتنک اصلاحنه سبب اولاندردنر.

2-2468-4

سآچ

1#

چهنستانده پراغه-نک 75 کیلومتره غرب شمالیسنده واکر نهری اوزرنده قضا مرکزی بر قصبه اولوب، 4500 اهالیسی، مکتب اعدادیسی و شراب و شربتجی اوتی محصولاتی وارد.

3-2468-4

سآردام

و فلمنکجه زآندام 1# فلمنکک شمالی هولانده ایالتنده و %هاریم\$ک 13 کیلومتره شرقنده اوله-رق %زان\$ نهری اوزرنده بر قصبه اولوب، 12000 اهالیسی، شایان تصویر منظره-سی، یشیل بو ایالی اخشاب خانه-لری، اودون تجارتی، خیلی سفاینی، صید ماهیسی، کمی اعمالنه مخصوص دستکاهلری، خلاط و قطران فابریقه-لری و 700 یل دکرمی وارد. بیوک پترو بو قصبه-ده خیلی وقت بر ایشجی قیافتنده کمی اعمالنی اوکرنمکله مشغول اولمشدر. اقامتکاهی الیوم باقیدر.

4-2468-4

سآلفلد

1#

المانیه-نک %صاقسه-منینکن \$ حکومتده، رودولستادک 9 کیلومتره جنوب شرقیسنده و صاقسونیه-نک %سآله \$ نهری اوزرنده بر قصبه اولوب، 5000 اهالیسی، صنایع مکتبی، چوخه و سائر یوک قماشلرله توتون و اجزای کیمیویه فابریقه-لری و جوارلرنده دمیر معدنی واردر.

5-2468-4

سآله

1#

آلمانیه-ده بو اسمله بر قاچ نهر اولوب، اک بیوکلی صاقسونیه سآله-سی دینلیدر، که باویره-نک فیختلبرغ طاغندن نبعانله، رایس، صاقسه آلتنبورغ، آنهالت بر نبورغ، صاقسه مایتینکن، اشوارچبورغ، رودولستاد حکومتلرینی و پروسیه-نک صاقسه ایالتنی شق ایده-رک، و بر چوق قصبه-لرک ایچندن کچه-رک، 380 کیلومتره-لک جریاندن صکره، %زربست \$ک 11 کیلومتره جنوب غربیسنده %آلبه \$ ایرماغنه دوکیلور. - * - ایکنجیسی %فرانقونیا سآله-سی \$در، که یینه باویره-ده نبعان ایدوب، 110 کیلومتره-لک جریاندن صکره %کموندن \$ قربنده %ماین \$ نهرینه منصب اولور. - * - اوچنجیسی %اوستریا سآله \$در، که %سالچبورغ هاؤزن \$ قربنده %سالجه \$ نهرینه دوکیلوب، مجراسی 100 کیلومتره طولنده-در.

6-2468-4

سآنه

یاخود سارینه 1# اسویچره-ده بر نهردر، که %برنه \$ ناحیه-سنک %سانچ \$ دینلن بوز دره-سندن نبعانله، %وود \$ و %فریبورغ \$ ناحیه-لری ایچندن کچه-رک، 150 کیلومتره-لک جریاندن صکره، صولدن %اره \$ نهرینه دوکیلور.

7-2468-4

سابادل

1#

اسپانیه-ده قتالونیه خطه-سنک بارسلونه ایالتده و بارسلونه-نک 18 کیلومتره شمال غربیسنده و بارسلونه-دن سار اغوسه-یه کیدن دمیر یول خطی اوزرنده بر قصبه اولوب، 18250 اهالیسی، 100 قدر یوک و پاموق منسوجات فابریقه-سیله دباغخانه-لری و کاغد و مسکرات فابریقه-لری واردر. صنایعک کثرتی جهتیه ((قتالونیه-نک مانچستری)) دینمکله شهرت بولمشدر.

8-2468-4

سابارماتی

یاخود سیرمتی 1# هندستانک راجپوتانه و کجرات خطه-لرنده جریان ایدر بر ایرماق اولوب، %موار \$ده نبعانله، جنوب غربی-یه طوغری آقه-رق، و احمد آبادک کنارندن کچه-رک، قامبای %یاخود کمپی \$ کور فزینیه دوکیلور. مجراسنک طولی 400 کیلومتره-دن زیاده اولوب، احمد آباد اوکنده 500 متره کنیشدر. منصبه قریب محلی ایسه 12 کیلومتره وسعتنده بر خلیج صورتنده-در. حوضه-سی 24600 مربع کیلومتره وسعتنده-در. قور اقلق موسملرنده ثانیه-ده یالکز 42 و فیضاننده 2550 مکعب متره صو دوکر. صولری چوق دفعه اطرافی باصوب، کلیتلی خساری موجب اولور، منصبک اطرافی بطاقتدر. آغزی صیغ اولوب، سیر سفانته صالح دکلدر.

1-2469-4

ساباره

ياخود ويلا رال دو - * - # 1 برازيليا ممالك مجتمعه-سنگ %ميناں جرائس \$ جمهوريتنده و %ساباره \$ ايله %ريوداس ولاس \$ نهرلرينك ملتقاسنده اوله-رق %ويلا ريغه \$نك 90 كيلومتره شمالنده %ريوداس ولاس \$ سناغانك مركزى بر قصبه اولوب، 9000 اهاليسى واردر. نهرنده آلتون ريزه-لرى بولنوب، اخراج اولنيور.

2-2469-4

ساباس، سنت - * -

1#

خرستيانلرك عزيزلرندن اولوب، 439 تاريخ ميلاديسنده طوغمش، و 532ده وفات ايتمشدر. فلسطينده بر چوق مناسترلر تاسيس ايتمشدر. كاتون اوللك 5نده يورطيسى اجرا اولنور.

3-2469-4

ساباط كسرى

مدائن قربنده اسكى بر بلده اولوب، اسكى ايرانيلىر عننده %پلاش آباد \$ اسميله معروف بولنديغى جغرافيون عرب تاليفاتنده مسطوردر. اهاليسى حجاملقله مشهور ايدى. - * - ساباط اسميله ما وراء النهرده %اشروسنه \$ قربنده خجنددن 10 و سمرقنددن 20 فرسخلى مسافه-ده كوچك بر قصبه اولوب، اهل علم و ادبى بعض ذواتك مسقط راسى بولنمش اولديغى (ابو سعد)دن روايه ياقوت حموى بيان ايديور.

4-2469-4

ساباكي

1#

آفريقانك ساحل شرفيسندن بحر محيط هندى-يه دوكيلور بر ايرماق اولوب، 10' 3° عرض جنوبيده و %ملينده \$ قربنده منصب اولور. بر چوق انهارك برلشمسندن حاصل اولوب، اك بيوكلى %آتى \$ ياخود %آدى \$ نهريدر.

5-2469-4

سابانه

1#

آمريقاي وسطيده %پانامه \$ برزخنده و %قولومبيه \$ جمهوريتنده بر نهر اولوب، %تويره \$ نهريله برلشدكن صكره %داريان \$ كورفرينه دوكيلور. دكيزك مدى بو نهرك منصبندن 30 كيلومتره يوقارى-يه قدر تاثير ايدوب، او حالده وسعتى 4 كيلومتره-يه بالغ اولور. جريانى شمالدن جنوبه-در. بو نهرك مجراسندن بحر محيط آتلاسى-يه قدر بر جدول حفريله پانامه برزخنك اورادن آچلمسى دفعاتله تصور اولنمشدر.

6-2469-4

سابراؤ

1#

بحر محيط كيبيرده واقع سونده آطه-لرندن اولوب، %فلوره \$ جزيره-سنگ شرفنده 15' 8° عرض جنوبى ايله 5' 12° طول شرفيده واقعدر. بويى 50 و اكي 20 كيلومتره اولوب، مركزى %آدناه \$ قصبه-سيذر. اهاليسنك قسم اعظمه پورتكيز ليلى طرفندن قتلوك مذهبي قبول ايتديلمشدر.

7-2469-4

سابسته

فلسطينده نابلس قربنده 100 قدر خانه-بی حاوی بر قریه اولوب، زمان قدیمده %سامریه\$ ویا %شمرون\$ اسمیله بر شهر ایدی، که میلاددن 925 سنه اول تأسیس اولنوب، بر آره-لق اسرائیل دولتتک پایتختی اولمشیدی.

8-2469-4

سابط، بن ابی حمیصه القرشی الجمعی

صحابه-دن اولوب، کندیسندن اوغلی عبد الرحمن بر حدیث شریف روایت ایتمشدر.

9-2469-4

سابق

صحابه-دن اولوب، حضرت فخر کائنات (صلعم) افندمک خدمت نبویلرنده بولنمشدر. بعده حمصده ساکن اولدیغی مروی و کندیسندن بر حدیث شریف منقولدر.

10-2469-4

سابق

بنی مرداس دولتتک یدنجی و صوک حکمداری اولوب، محمودک اوغلیدر. برادری نصردن صکره حلبده کرسی حکومته کچوب، 472 تاریخنده موصل حاکمی شرف الدوله مسلم شهر مذکورری ضبط ایتمکله، بو سلاله منقرض اولمشدر.

11-2469-4

سابق، ملا علی تقی

ایران شعر اسندن اولوب، مزاندانلی اولدیغی حالده، دهلی ملوک تیموریه-سندن اورنک زیب عالمکیرک زماننده هندستانه رحلتله، حکمدار مشار الیهک ملازمانی سلکنه داخل اولمش؛ و مشار الیهک غزواتنی حاکی اولمق اوزره، بر مثنوی نظم ایتمشدر. شو بیت اونکدر:

@@@

دیده هر سوفکتیم از تو نشان می بیتم

نیست بیهوده درین باریه حیرانی ما

\$

-* (ویلیام بیل) (تراجم احوال شرقیون)) عنوانلی تذکره-سنده (میرزا یوسف بیگ) اسمنده بر شاعرک %سابق\$ تخلص ایلدیکنی، و بونک برادرلری اورنک زیب عالمکیرک منصبدارلرندن اولدقلری حالده، کندیسنگ درویش مشرب بر آدم اولوب، 1098ده وفات ایلدیکنی بیان ایدیور.

1-2470-4

سایله

1#

فرانسه-نك %سارته\$ ايلتنده و %سارته\$ ايله %اروه\$ نهرلرينك ملتقاسنده اوله-رق %فلشه\$ نك 28 كيلومتره شمال غربيينده ناحيه مركزى بر قصبه اولوب، 5894 اهالييسى، سياه مرمردن كوزل بر كوپرييسى، اوستنده بر قلعه-سى، كوزل تفرجگاهلرى، دمير يولى، غانت فابريقه-لرى، ايشلك تجارتي و جوارنده كمور معدنييله مرم او جاقلرى واردر.

2-2470-4

سابله

ياخود سابله دولونه #1 فرانسه-نك %وانده\$ ايلتنده و %روس سوريون\$ ك 34 كيلومتره غرب جنوبيينده قضا مركزى بر قصبه و اسكله اولوب، 9775 اهالييسى، سفائن اعمالنه مخصوص دستكاهلرى و تنكه ايچنده محفوظ ساردليه و اوستاقوز و سائره اخراجاتي واردر.

3-2470-4

سابله

ريوير او -* - #1 يعنى ((قوم دره)). بو اسمله آمريقاي شماليك ممالك مجتمعه و دومينيون قطعه-لرنده بر قاچ نهر واردر.

4-2470-4

سابله ايسلاند

#1

يعنى ((قوم آطه-سى)) بحر محيط آتلاسيده يكي اسقوچيه ساحلنك 167 كيلومتره آچيقلرنده و هاليفاقسك تقريباً 300 كيلومتره شرق جنوبيينده، 44 عرض شمالي ايله 63' 62° طول غربيده بر آطه اولوب، بر فنارى و بر تخليصيه اداره-سى واردر. اكثر يا بلوط و سييس ايچنده بولنمغله، هر وقت دكيز قضالرينك محلل وقوعى اوليور. خالى اولوب، اوستنده-كى چاپيرلرده بياني حالنه كيرمش بر طاقم صيغيرلر اوتلار.
-* - بو اسمله ياخود %قاب سابله ايسلاند\$ اسميله هاليفاقسك 200 كيلومتره جنوب غربيينده دومينيون قطعه-سك يكي اسقوچيه ايلتته مربوط ديكز بر آطه دخى بولنوب، قورو قيادن عبارت اولمغله، 2000 نفوس راده-لرنده اولان انكليز اهالييسى باليقجبلقله و كميجيلكله تعيش ايدرلر.

5-2470-4

سابور

%واصل فارسييسى شاپور\$ فارسده واقع بر ناحيه اولوب، كازرون و نوبندجان شهرلريله بر چوق قصبه-لر بو ناحيه-دن معدود ايدى. مذكور شهرلردن كوچك و آنجق وقتيله پك معمور بولنمش %سابور\$ اسميله بر قصبه-سى دخى وار ايدى. بعض جغرافيون عرب بو ناحيه-نك لطافت و عمراني تعريفنده مبالغه ايدوب، شهر و قصبه-لرى پك صيق، قريه-لرى همان بر برلرينه ملاصق، اشجاري كونلرجه كولكه آلتنده كيديله-جك درجه-ده چوق و چيچكلرى بتون اورته-لغى بر رايحه طيبه قاپلايه-جق صورتده مبذول اولديغنى، و پورتقال، ليمون، خرما، زيتون، انجير، جوز، بادم، اوزوم كبي ميوه-لر ك انواعيله شكر قامشى و سائره حصوله كلديكنى بيان ايديورلر. بو ناحيه-دن علما و سائره-دن بر چوق مشاهير نشئت ايتمشدر.

6-2470-4

سابور بن سهل

خلفاي عباسيه زماننده ظهور ايدن مشاهير اطبان اولوب، نصراني المذهب ايدى. پدري (سهل الكوسج) دخى اطبان اولوب، عن اصل اهوازلى يعنى خوزستانلى اولمغله، كرك كنديسى و كرك اوغلى (خوزى) نسبتيله معروفدرلر. سابور

طیبه و اکثر علومده پدینه تفوق ایدوب، جندی سابور بیمارستاننده مأمورایدی. خلیفه متوکل باللهک و خلفرینک توجهنی قزانوب، مهتدی باللهک زماننده 255 تاریخنده وفات ایتمشدر. تألیفاتی بر وجه زیردر: ((القرابذین الکبیر))، ((کتاب فی قوی الاطعمه و مضارها و منافعها))، ((کتاب الرد علی حنین فی کتابه فی الفرق بین الغذاء و الدواء المسهل))، ((القول فی النوم و البیظة))، ((کتاب ابدال الادویه)). تألیفاتنک اک بیوکی ((القرابذین))ی اولوب، امین الدوله بن التلمیذک بو اسمله اولان تألیف مشهوری چیقنجه-یه قدر صاحب ترجمه-نک بو کتابی پک متداول و خسته-خانه-لرده و اجزاجیلر بیننده دستور العمل ایدی. ((کتاب ابدال الادویه))سی دخی مشهوردر.

1-2471-4
سابورخواست

%یاخود شاپورخواست\$ ایرانده خوزستان ایله اصفهان آره-سنده نهاونددن 22 و لوردن 30 فرسخلق مسافه-ده بر قصبه و ناحیه اولدیغی جغرافیون عرب آثارنده مدکوردر.

2-2471-4
سابولقس
1#

مجارستانک ایالاتندن اولوب، شمالاً %ز میلیون\$، شمال شرقی جهتندن %اونکواری و %برک\$، شرقاً %ساتمار\$، جنوباً %بیهار\$ و %بکس\$ غرباً دخی %هوش\$ و %بوسود\$ ایالتزلیله محدود و محاطر. بوی 160 و اکی 80 کیلومتره اولوب، 170000 اهالیسی وارد. اراضیسی دوز و بطاقلزلی چوقدر. مرکزی %ناکی قالو\$ قصبه-سیدر.

3-2471-4
سابه

یاخود سبا ویا سیق 1# بورنو جزیره کبیره-سنگ شمال شرقی قسمندن عبارت بر خطه اولوب، انکلتزه دولتتک تحت حمایه-سنده اوله-رق بر انکلز قومانیه-سنگ تحت اداره-سنده بولنیور. 3° 52' ایله 7° 2' 30" عرض شمالی و 113° ایله 54' 116° طول شرقی آره-لرنده ممتد اولوب، غرباً %برونی\$ حکومت اسلامیة مستقله-سیله و جنوباً اسماً فلمنکه تابع یرله محدود اولوب، بو جهتندن حدودی غیر معین و منازع فیهدر. بناءً علیه مساحه سطحیه-سی دخی مختلف مقدارلرده کوستریلوب، هر حالده اطرافنده-کی آله-لرله برابر 75000 مربع کیلومتره وسعتنده تخمین اولنه-بیلیر. اهالیسی دخی 200000دن زیاده-در. سواحلی بورنونک سائر جهتلرندن زیاده کیرنتیلی چیقنتیلی اولوب، قوی و لیمانلری چوق ایسه ده، ساحلی اکثر یرلرده دیک و صرپ اولدیغندن، معمور بر اسکله-سی یوقدر. آنجق جوارنده-کی آله-لرده صاغلام و اکتساب عمرانه صالح بر قاچ لیمان بولنیور. مملکتک ایچنده شمالدن جنوبه طوغری یوکسک بر سلسله جبال ممتد اولوب، بونک بعض ذروه-لری 4500 ارتفاعنه قدر چیقار. بو سلسله-نک صاغ و صوله اوزانیر قوللری وارد. غربی اتکلری دیکجه و شرق جهتنده-کیلر سطح مائل حالنده اولمغله، بو جهتنده بر قاچ آقوب، بونلرک اک بیوکی اولان %کیناباتانغان\$ک مجراسی 300 کیلومتره طولنده-در. هر نه قدر خط استوایه پک قریب ایسه ده، دائمی صورتده اسن ملتلمر سایه-سنده هواسی اولدقجه معتدل اولوب، حد وسطی اوزره میزان الحراره سانتیغراد حسابیله مایسده 34 و کانون اولده 19 درجه کوسترر. قیشین روزکار شمال شرقین و یازین جنوب غربیدن اسوب، برنجیسی یواش و ایکنجیسی بعضاً سرته ایسه ده، شدتلی فرطونه-لر وقوع بولماز. تشرین ثانیدن و بعضاً تشرین اولدن شباطه قدر یاغور موسمی اولوب، شباطدن حزیران ابتدالرینه قدر قوراقلق حکم سورر؛ و حزیراندن صکره بعض اینجه یاغورلر یاغمه باشلار. اراضیسی پک منبت اولوب، اهالیسی من القدیم پرنج، بتل، پتاس، تاپیوقه، مصر و سائر زرع ایدرلرسه ده، صبان و قازمه-دن بیله خبرلری اولمیوب، آنجق سیوری بر قازیقله یرده دلیکلر آچه-رق تخمی اکرلر، و بونک محصولتی بیچنجه یکیدن تخم اکرلر. اکر زراعت لایققله اجرا اولنه-جق اولسه، کلینتی محصولات آنه-جغنده شبهه یوقدر. انکلزیرلر توتون زرعی ادخال ایدوب، خیلی مقدار توتون استحصال ایدیورلر. شکر قامشی، قهوه، پاموق، چوبید، قره بویر و سائر اقالیم حاره محصولاتی دخی تجربه اولنه-رق، جمله-سی پک کوزل بیتیشمش ایسه ده، ایشلیه-جک آدملرک نقصانندن هنوز بو محصولاتک بیتیشدیرلمسی ایلری-یه کورتوریه-مه-مشدر. جنجفیل و هندستان جویزی کبی بهارات خدای نابت اوله-رق بیتیشیر. موص و سائر میوه-لری ده وارد. اورمانلری پک صیق و چوق اولوب، اراضیسنک قسم اعظمی اورمانله مستوردر. اشجارینک چوغی کوزل کراسته-لک و ذی قیمت آغاچلردن عبارت اولوب، بعضلرندن کافور، ضمغ، کونه-

برقه و قاچوق كى شيلر چيقار. بالطه كورمه-مش اورمانلرينك كثرتي و اهاليسنك قلتى حسبيله حيوانات وحشيه-سى پك چوق اولوب، فيل، كركدان، بيانى مانده، قپلان، پارس، بر قاچ نوع كيك، بر نوع آبي، طوموز، اورانغ اوتانغ ديلنن نساسك ايكي جنسى، اون جنس قدر ميمون، مسك كديسى و سائر حيوانلر كثرت اوزره بولنيور. طيوري نسبة از ايسه ده، سولونك بر قاچ نوعيله كوكرجين، فيرلانغيچ و سائر قوشلرى چوقدر. يووه-سى ينيور بر نوع قوش دخى پك كثرتلى اولوب، بونلرى طوپلامغله مشغول اولان چين مهاجرلرى بوندن سنوي يوز بيك فرانق قدر تجارت ايدرلر. كرك دكيزلرده و كرك نهرلرده باليغك انواعى چوقدر. بيلان و سائر حشراتى پك آز وهله سمليلرى نابود ايسه ده، انهارنده تمساخلر چوق اولوب، خيلى تلفاتى موجب اولورلر. باقير و قلاى كى بعض معدنلر بولنديغي تحقق ايتمش ايسه ده، هنوز تحريات فنيه اجرا اولنمامشدر. اهاليسى داياق، ملايي، چينلى و انكليز جنسيتلرينه منسوب اولوب، اهالى اصلية قديمه-سى اولان داياكلر نيم وحشى بر حالده طاغلرده ياشارلر. دين اسلامه متدين اولان ملاييلر سواخلده و نهرلر كئارلرنده ساكن اولوب، باشليجه كميجيك و باليغچيلقله مشغولدرلر. كوندن كونه چوغالمقده اولان چينليلر ايسه زراعت و تجارته و سائر ايشلرله مشغولدرلر. مملكت 9 ايالت ويا سناغاه منقسم اولوب، راس حكومته بولنان ذات مجلس تميزك و واليلر دخى محلى محكمه-لر ك رئيسلر يدر. بر هيئت مديرانى و بونلرله رؤساء اهاليدن مركب بر مجلس عموميسى دخى واردر.

1-2472-4

سابه

1#

آمريقاده-كى %آنتيل\$ جزايرينك كوچكلرندن بر آطه-در، كه %سنت اوستاش\$ جزيره-سنگ 27 كيلومتره غرب شماليسنده و %سنت مارتن\$ك 46 كيلومتره جنوب غربيسنده اوله-رق "10 3' 17° عرض شمالى ايله "30 35' 65° طول غربيه واقع اولوب، كوچك آنتيل جزايرينك تشكيل ايتدكلرى اونكك منتهاي شمال غربيسنده بولنيور. مساحه سطحيه-سى يالكز 13 مربع كيلومتره-دن عبارت اولوب، 2505 اهاليسى واردر. مدور الشكل و قبالق بر تيه-دن عبارت اولوب، ساحل جنوبيسنده-كى اسكله-دن طولاشيقلى بر يول ايله پاموق و چيوييله مزروع بولنان تپه-سنة چيقييلر. مركزى %لوروق\$ قريه-سيدير. اهاليسى همان كاملا اسقوچيه-لى اولمغله، لسان محلى انكليزجه-در. وقتيله دانيمارقه-يه تابع اولوب، شمديكى حالده فلمنك مستملكاتندن معدوددر.

2-2472-4

سابى

1#

آفريقاى شرقيه بر ايرماق اولوب، سفاله-نك 100 كيلومتره قدر جنوب شرقيسنده بحر محيط هندى-يه منصب اولور. زامبز حوضه-سنى طوغرىدن طوغرى-يه بحر محيطه دوكيلن انهارك منابعندن ايران سلسله جبالك 1076 متره ارتفاعنده بولنان بر محلندن نبعانله، ابتدا شرقه بعده جنوبه و نهايت شرق شمالى-يه طوغرى آقه-رق، و صاغ و صولدن بر چوق انهار آله-رق، تقريباً 800 كيلومتره-لك جرياندى صكره، 20° 55' عرض جنوبيه واسع و بطاقلقى بر داليه تشكيل ايده-رك، بحر محيطه دوكيلور. فيضان مياهي زماننده كنيشلكى ايكي اوچ كيلومتره ايسه ده، جريان پك سرعتلى اولديغندن، سبر سفانته صالح دكلدر. قورالوق موسملرنده 30 متره قدر اولوب، اورته-سند بيله درينلكى ياريم متره-دن زياده دكلدر.

3-2472-4

سابير

1#

يشنجى و آلتنجى قرن ميلاديه %قوبان\$ نهريله قافقاس سلسله جبالى اره-سند ساكن بر قوم اولوب، آلتنجى قرن اواسطنده روسيه-نك دسنه و دنبيير جهتلرينه نقل و توطن ايتمگله، اورالرى %سابيريه\$ ياخود %سبيرييه\$ اسمنى آلمشدى.

4-2472-4

سابین

1#

ایتالیاده روما جوارنده و %آپنین\$ سلسله جبالی اتکلرنده %سابینه\$ خطه-سندھ ساکن بولنمش بر قوم قدیم اولوب،
رومالیلرله بر قاچ محاربه-لری اولمشیدی. بو محارباتدن برینک نتیجه-سی اوله-رق عقد اولنان معاهده اقتضاسنجه بونلر
دخی روماده ساکن اولدقلری حالده، ایریجه حکمدارلری و مجلس اعیانلری وار ایدی. بعده مغلوب اولوب، بسبتون
رومالیلره التحاق ایتمشلردی.

5-2472-4

سابینه

1#

ایتالیاده روما قربنده آنف البیان سابین قومیله مسکون بر خطه قدیمه اولوب، آپنین سلسله جبالیه %تیبیر\$ و %آنیو\$
نهرلرینک مجرالری و اتروریه خطه-سی آره-سندھ واقع ایدی. الیوم %ریتی\$ ایله %آبروچه اولتریوره\$ ایالتلری آره-
سندھ منقسمدر.

6-2472-4

سابینه

1#

ممالک مجتمعه-نک جنوب جهتنده مکسیقه کور فزینه دوکیلور بر ایرماق اولوب، تکزاس جمهوریتنده نبعانله، بو
جمهورینک ایچنده و بعده بونکله لوزیانه جمهوریتی آره-سندھ جنوب شرقی-یه و بعده جنوبه طوغری آقه-رق، تقریباً
500 کیلومتره-لک طولاشیقلی بر جریانندن صکره، اورانک سائر انهاری کبی، دکیزله اختلاطی اولان بر کوله دوکیلور.

1-2473-4

سابینیان

1#

بیوک غرغوردن صکره 604 تاریخ میلادیسندن 606 تاریخنه-دک ایکی سنه پایالق ایدوب، خرستیانلری کلیسیایه دعوت
ایچون چاک چالینمسی عادتتی ایجاد ایتمشدر.

2-2473-4

سابیونته

1#

ایتالیانک لومباردیا خطه-سندھ و %قرمونه\$ ایله %مانتووه\$ آره-سندھ بر قصبه اولوب، 6500 اهالیسی و قلعه-سی
واردر.

3-2473-4

ساتمار

1#

مجارستانک همنامی اولان ایالتنده و %بوده\$نک 380 کیلومتره شرقنده اوله-رق %ساموس\$ نهری اوزرنده بر قصبه
اولوب، 19000 اهالیسی، داخلی مکتب اعدادیسی و پاپاسلره مخصوص مدرسه-سی واردر. *- ساتمار ایالتی شمالاً
%برک\$ و %اوغوچ\$ شرقاً %ماروش\$، جنوب غربی جهتندن %بیهایه\$، غرباً %سابولقس\$ ایالتلریله، جنوباً دخی

ترانسیلوانیه ایله محدود اولوب، بوی 140 و اکی 100 کیلومتره اولدیغی حالدده، 225000 اهالی ایله مسکوندر. شرق جنوبی قسمی طاغلق و سائر طرفلری دوز اولوب، بطاقلقلری ده چوقدر. تیسسه، ساموس و تور نهرلری ایالتی شق ایدوب، دیگر انهاری ده چوقدر. حبوبات و شراب و میوه محصولاتی چوقدر. آلتون، کومش، دمیر، آنتیمون و چنقو معدنلری وارد. دمیر خانه-لریله جام فابریقه-لری ده وارد.

4-2473-4

ساتورن

1#

و یونانیلر عندنده (خرونوس #1) یعنی ((زمان)) اسکی یونان و روما اساطیرنده زماندن و زحل سیاره-سندن کنایه براله کاذب اولوب، ابوالالهه زغم اولنان ژوپیتر یعنی مشتری و دکیز و جهنم الهلری زغم اولنان (نپتون) ایله (پلوتون) ک پدری و سمدان کنایه اولان (اورانوس) ایله ارضدن کنایه (سیپله) نک اوغلی ایدی. جنلرک پدری زغم اولنان برادری (تیتان) ک موافقتیله و کندی اولاد ذکورینی طوغار طوغماز یوتوب وفاتنده برادری خلفی اولمق شرطیله تخته اوتورمش؛ و نپتون ایله پلوتونی یوتمش ایسه ده، ژوپیتر طوغار طوغدیغده قاریسی کندیسنه بونک برینه بر طاش یوتدیره-رق، ژوپیتری قورتاردقن بشقه، کویا قوتلی بر مقیی واسطه-سیله نپتون ایله پلوتونی دخی قارندن چیقارمش. بونک اوزرینه تیتان کندیسنی سمدان ایندیره-رک، حبس ایتمش ایسه ده، ژوپیتر کندیسنی قورنارمش؛ و آنجق ساتورن بو اوغلنک فوتندن اندیشه ایده-رک، کندیسنه سوء قصد ایتمکله، ژوپیتر پدرینک بو نیتندن خبردار اولوب، کندیسنی تختندن اسقاط ایتمش، و او وقت ساتورن رومانک جوارلردن عبارت اولان %لاتیوم\$ خطه-سنه کیدوب، (یانوس) نام اله ویا حکمدارک قیزی (ونیلیه) بی تزوج ایتمش، و قانن پدرینه خلف اولوب، لاتینلره زراعتی اوکرنمش؛ و کویا صلح و عدالتله حکم سوره-ک، قوم مذکور ایچون بر برکت و سعادت دورینی کتیرمش ایتمش. (فیلیره) اسمنده بر پری-یه کندینی بکندیرمک ایچون، آت صورتته کیروب، بونکله اجتماعدن (خیرون) اسمنده یاری انسان و یاری آت بر شخص طوغمش اولدیغنه اینانیرلردی. اساساً لاتینلرک ساتورنی بشقه و یونانیلرک خرونوسی بشقه اولوب، برنجیسی زراعت و ایکنجیسی زمان الهی زغم اولنوردی. بعده توحید اولنمشلردی. اک زیاده رومالیلر بو اله کاذبه عبادت ایدوب، عبادتنه مخصوص روماده جسیم بر معبد و ارایدی؛ و ساتورنال اسمیله بونک نامنه بهرسنه پک بیوک آیینلر و شنلکلر اجرا اولنوردی. بلنه قدر چپلاق و ضعیف صقلی و قنادلی بر اختیار صورتنده تصویر ایدوب، برالینه بر اوراق دیگر الینه بریابه ویررلردی.

5-2473-4

ساتی

1#

اسکی مصریلر عندنده ارواح اموانه موکل زغم اولنور بر پری اولوب، دیز اوستنه طورمش و روحدن کنایه اولان بر قوشی محافظه اطرر صورتده تصویر اولنان رسمی آثار عتیقه مصریه-ده کورینور. هندستان اساطیرنده دخی بو اسمله بر الهه کاذبه اولوب، (سیوا) نک زوجه-سی زغم اولنور، و کویا قوجه-سنگ قاین پدری طرفندن تحقیر اولدیغنی کورنجه کندینی آتسه آتوب، یاندیغنه اینانیلیر. زوجلرینک جنازه-لریله یانان بر همنی قاریلره ده بو اسم ویریلیر.

6-2473-4

ساتیر

1#

اسکی یونان و روما اساطیر قیرلرده یاشار و عشرت الهی زغم اولنان (باقخوس) ک یاننده بولنوب خوره تیر، شرقی سویلر و تنبلک چالار و بعضاً اورمان پریرلرینی تعقیب ایدر صورتده و یاری تکه یاری انسان رسمنده تصویر اولنور بر طاقم اشخاص موهومه ایدی.

1-2474-4

ساجیناو

1#

ممالك مجتمعه-نك قسم شماليسنده واقع %هورون\$ كولنك غربى ساحلنده بيوك بر قوى اولوب، بويى 46 و اكى 40 كيلومتره-در. كوزل آطه-لرى و پك چوق باليغى واردر. *- ممالك مذكور-نك ميشيغان كولنه دوكيلور بو اسمله بر نهر دخى واردر.

2-2474-4

ساجيناوسيتى

1#

ممالك مجتمعه-نك ميشيغان جمهوريتنده و %لالسينغ\$ك 86 كيلومتره شمال شرفيسنده اوله-رق ساجيناو نهرى كنارنده و بو نهرك منصبندن 47 كيلومتره يوقاريدنه سنجاق مركزى بر قصبه اولوب، 10525 اهالييسى، پك ايشلك تجارتى، بخارله دونر حرارلرى، دوكمخانه-لرى، ماكينه و سائره فابريقه-لرى، دباغخانه-لرى و سائره صنايعى واردر. قارشيسنده بولنان %است ساجيناوسيتى\$ ايله برابر اهالييسى 30915 نفوسه بالغ اولوب، 19 كليساسى، 5 كتبخانه-سى و متعدد مکتبلريله سائره مؤسسات علميه-سى واردر.

3-2474-4

ساجشته

[[سچشته]](ماده-سنه مراجعت بيوريله.)

4-2474-4

ساجيله

1#

ايتالياده ونديك خطه-سك %اودينه\$ ايلاننده و اودينه-نك 50 كيلومتره غرب جنوبيسنده اوله-رق، %ليويچه\$ نهرى اوزرنده واقع ناحيه مركزى بر قصبه اولوب، 4000 اهالييسى، يوك منسوجات دستكاهلرى، شراب تجارتى و دمير يولى واردر.

5-2474-4

ساحرى

ايران شعراستندن اولوب، عن اصل رؤساء اثر اكدندر. شو رباعى اونكدر:

@@@

اى آن كه دلتره خبرى از من نيست

تاميمكرى؟ خود اثرى از من نيست

رحمى بدلم كن مكو كلين دل كيست

آن كار كه هست از ديكرى از من نيست

\$

6-2474-4

ساحل

معناى لغويسى معلوم اولان بو كلمه آفريقاده ساحل بحرده بولنان بعض خطه-لره علم اولمشدر. بونلرك باشليجه-لرى بحر احمر ك ساحل غربيسنده و مصوعك شمالنده واقع خطه ايله جزاير و تونسك ساحله قريب قسملريدر. آفريقانك سواحل

شرقیه-سنه یعنی زنبکار و سفاله ایله او جوارلرده-کی ممالکه دخی بو اسم اطلاق اولنوب، اورانک اهاالیسنه و بونلرک سویادکلری لسانه دخی %ساحلی\$ یاخود %سواحلی\$ دینلیر.

7-2474-4

ساحل

بیروت ولایتده بو اسمله ایکی ناحیه بولنوب، بری عکا سنجاق و قضااسنده واقع و 18 قریه-یی جامع، و دیکری لاذقیه سنجاق و قضااسنده کائن و 58 قریه-دن مرکبدر. *- طرابلس غرب ولایتک مرکز قضااسنده دخی بو اسمله بر ناحیه واردر.

8-2474-4

ساخالین

1#

یاخود 2# سیبرییه-نک ساحل شرقیسی قارشیسنده و اوخوچق دکیزنده بر بیوک جزیره اولوب، 52° 45' ایله 22° 54' عرض شمالی و 29° 139' ایله 25° 142' طول شرقی آرهلرنده ممتد اولدیغی حالده، غرباً ساحل مذکور دن %تاتارستان بوغازی\$ دینلن طار و اوزون بر بوغازله و جنوباً جاپونیه-نک %یزو\$ جزیره-سندن %پروزه\$ بوغازیله ایرلمشدر. اهاالیسی عننده %قرافتو\$ اسمیله معروف اولوب، %ساخالین\$ اسمی مانچولسانندن مأخوذ بر اسمدن غلطدر. شمالدن جنوبه ممتد بالیق شکلنده طار و اوزون بر آطه اولوب، بوی 957 و اکی اک کنیش یرنده 195 و اک طار محلنده 28 کیلومتره-در. مساحه سطحیه-سی 75365 و اطرافنده-کی کوچک آطه-لرله بر ابر 75978 مربع کیلومتره-در. اهاالیسی آنجق 7000 راده-لرنده-در. اراضیسی طاغلق اولوب، اک یوکسک طاغی 1500 متره ارتفاعنده-در. یالکز أمور ایرماغنک منصبی قارشیسنده واقع اولان قسم شمالیسنده بعض واسع اووه-لری واردر. سواحلی دوز اولوب، شرق جهتده %ترپینیا\$ و جنوبنده %انیوه\$ اسملریله ایکی بیوک کورفزی وار ایسه ده، بیوک سفانک بارینه-جغی هیچ بر لیمانی یوقدر. %تیمیر\$ و %بورونای\$ اسملریله ایکی نهری اولوب، برنجیسی جنوبن شماله و ایکنجیسی شمالدن جنوبه طوغری آقار. برنجیسنک مجراسی 395 کیلومتره طولنده اولوب، منصبه قریب محلی سیر سفانته صالحدر. سائر میاه جاریه-سی بر طاقم سیلاردن عبارتدر. بر قاچ کولی دخی واردر. هواسی سیبرییه-نک کینه مشابه اولوب، یالکز سواحل غریبه و جنوبیه-سی جاپونیه دکیزینک صیجاق آقنتیسیله ایصینه-رق نسبة معتدلدر. شمال و شرق جهتده میزان الحراره قیشین تحت الصفر 37 درکه-یه قدر اینر، و دکیز طونار؛ غرب و جنوب جهتده میزان الحراره 25 درکه-دن آشاعی-یه اینمز. قار و بوز اکثریا تموزه قدر طورور. یاغوزلری دخی چوق اولوب، یازین اکثریا سیس آلتنده بولنمغله، دائمی صورتده حزن انکیز بر منظره ابراز ایدر. بر قاچ یرنده معدن کموری و نطف بولنوب، سواحلنده دخی کهریا کثرتلیدر. نباتاتی چوقجه اولوب، ایچ طرفلری چام و سائر اشجاری حاوی اورمانلرله مستوردر. سواحلنه کلنجه، شمال و شرق جهتی نباتاتجه سیبرییه-یه و جنوب و غرب قسمی جاپونیه-یه مشابهدر. حیوانات وحشیه-سی آبی، تیلکی، سمور و سائر-ه دن عبارت اولوب، رن دینلن کیک نوعی دخی وحشی حالنده بولنور. قیلانلر بعض دفعه أمور وادیسندن یوزه-رک آطه-یه کچرلر. حیوانات قیزاق چکمه-ده و یوک طاشیمه-ده استعمال ایدرلر. روسلر و جاپونیه-لیلر بر مقدار صیغیر و آت دخی ادخال ایتمشدر. دکیزنده بالیغک انواعی کثرتلی اولوب، بالینه و دکیز آبیسی و سائر بیوک حیوانات بحریه دخی بولنور. اهاالیسی (کیلیاق) و (اینوس) دینلن ایکی قوم و جنسیتنه منقسم اولوب، بر مقدار چینلی، قوره-لی مانچو و جاپونیه-لی دخی بولنور. جزیره-نک حاکمی اولان روسیه دولتی آطه-نک مناسب محللرنده بر طاقم قره-غوللر و قریه-لر تأسیس ایدوب، جانیلری و پولتیقه متهملرینی اورایه نفی ایتمکله، اسکاننه چالیشمش ایسه ده، بو آطه دهشتلی بر منفا و صوئوق بر زنداندن بشقه بر شی اولمامشدر.

1-2475-4

ساخالین اولا

1#

ونام دیکرله %آیغون 2# \$ چین دولتتک مانچوریه مملکتنده %أمور\$ ایرماغنک ساحل یمیننده و 55° 0' 50' عرض شمالی ایله 14' 125° طول شرقیده اوله-رق روسیه-نک النده بولنان % بلاخوویچنسک\$ ک 35 کیلومتره جنوبنده بر قصبه اولوب، 10000 اهاالیسی و خیلی تجارتی واردر.

2-2475-4

سادو

1#

پورتکیزک قسم جنوبیسنده بر ایرماق اولوب، %آلمتیو\$ ایالتنک %سرادوقالدیراؤ\$ طاغندن نیغانله، منبت بر اووه-نک ایچنده جریان ایده-رک، ابتدا آلمتیو ایالتنی استرمادور ایالتندن تفریق، و بعده بو ایکنجی ایالتنه دخول ایدر؛ و 150 کیلومتره-لک جریانندن صکره بحر محیط آطلاسی-یه دوکیلور. بر چوق تابعلری واردر.

3-2475-4

سادوه

1#

چهستانک %کونیراچ\$ سنجاچ و قزاسنده و کونیراچک 14 کیلومتره شمال غربیسنده بر کوچک قریه اولوب، یالکز 115 اهالیسی اولدیغی حالده، پروسیه-لیلرک 1866 سنه-سی تموزینک 3نده بو موقعده آوستریا عسکرینه فارشی قزانقلری محاربه قطعیه ایله شهرت بولمشدر. *- غالیچیاده دخی بو اسمله 3883 اهالی-یی جامع بر کوچک قصبه واردر.

4-2475-4

سادیات

1#

صاروخان جهتندن عبارت اولان %لیدییا\$ خطه قدیمه-سی حکمدارلرندن اولوب، ثروتیله مشهور اولان (قرسوس)ک بیوک پدری و (آلیات)ک پدری ایدی.

5-2475-4

ساراتوغه

1#

ممالک مجتمعه-نک %نیویورق\$ جمهوریتده و نیویورقک 260 کیلومتره شمالنده بر قصبه اولوب، 4000 اهالیسی و قره جکرله باغرساق خسته-لقلرینه نافع مشهور میاه معدنیه-سی واردر.

6-2475-4

ساراتوف

1#

روسیه-ده %ولغه\$ نههری کنارنده و پترسیورغک 1590 کیلومتره جنوب شرقیسنده همنامی اولان ایالتک مرکزی بر شهر اولوب، 122829 اهالیسی، مکتب اعدادیسی، نباتات باغچه-سی، پک ایشلک تجارتی، آت تجارتنه مخصوص پنایری و جوارنده شاب معدنیله پک چوق طوت آغاجلری واردر. موسفوه ایله اژدرهان آر-سندده-کی تجارتک بر اهمیتلی موقعیدر. *- ساراتوف ایالتی شمالاً %پنزه\$ و %سیمبرسک\$، شرقاً %اورنبورغ\$، جنوباً %اژدرهان\$، غرباً دخی دون قزاقلری اراضیسیله و %ورونییه\$ و %تامیوف\$ ایالتلریله محدود اولوب، بویی و اکی تقریباً 600 کیلومتره و مساحه سطحیه-سی 84494 مربع کیلومتره-در. 2346333 اهالی ایله مسکوندر. اراضیسی شمال شرقی جهتنده پک منبت و محصولدار اولوب، جنوب شرقی قسمی غیر مزروع و یوکسک اوتلرله مستور واسع اووه-لردن عبارتدر. ولغه ایرماغندن بشقه اوزن، ایرکیز و خویر نههرلری دخی اراضیسی سقی ایدرلر. %آلتان\$ اسمیله بر طوزلی کولی دخی واردر، که سنوی 180 ملیون کیلو طوز ویرر.

1-2476-4

ساراغوسه

1#

اسپانیه-نك % آراغون \$ خطه-سنده و مادريدك 28 كيلومتره شمال شرقيسنده اوله-رق % ابره \$ ایرماغی اوزرنده همنامی اولان ایالتك مرکزی بر شهر اولوب، 92407 اهالیسی، دار الفونوی، متعدد مکتبیلری، صنایع نفیسه آقادیسی، کتبخانه-سی، بر قاچ مصنع کلیساسی، بر طرفه مائل بر قله-سی، کوزل بر کوپریسی، دمیر بولی، چوخه و مسکرات فابریقه-لریله حرازلری و جوارلرنده پک کوزل موقعلری و مشهور مرعالی و اردر. پک اسکی بر شهر اولوب، فنیکه-لیلر طرفندن تأسیس ایدلمش اولدیغی مرویدر. رومالیلرک الینه کچدکن صکره آوغستوس طرفندن توسیع و تزیین اولنه-رق، %سزاریا آوغسته \$ یاخود %قیصریه آوغسته \$ تسمیه اولنمشدی. شمیدیکی اسمی بونک غلطیدر. عربلرک الینه کچدکن صکره %سرقسطه \$ تسمیه اولنه-رق، اک مشهور مدن اسلامییه صره-سنه کیرمش؛ و کسب عمران ایدوب، مشاهیر علما و ادبای اسلامدن بر چوق ذواتک مسقط رأسی بولنمشدر. اندلس طوائف ملوکی ظهورنده مستقل بر حکومت اسلامییه-نک مقری اولوب، بعده 1118ده آراغون قرالی آلفونس طرفندن اوزون بر محاصره-دن صکره ضبط، و پایتخت اتخاذ اولنمش ایدی. * - ساراغوسه ایالتی شمال شرقی جهتندن هونسقه، شرقاً تاراغونه، جنوب شرقی جهتندن قاستلون، جنوباً ترونل، غرباً سوریه و لوغروتو، غرب شمالی جهتندن دخی یامپلونه ایالتلریله محدود اولوب، مساحه سطحیه-سی 17424 مربع کیلومتره و اهالیسی 415195 کشیدر.

2-2476-4

ساربروق

1#

پروسیه-نك % رین \$ ایالتنده \$ تروه \$ دن 28 كيلومتره-لك مسافه-ده و فرانسه حدودی قرینده اوله-رق % ساره \$ نهری اوزرنده سنجاق مرکزی بر قصبه اولوب، 10000 اهالیسی، دمیر بولی، پورسلین و اویون کاغدی فابریقه-لری، دمیر خانه-لری و کمور معدنی واردر. مذکور نهرک اوزرنده کوزل بر کوپریسی اولوب، اسمی دخی ((ساره کوپریسی)) معناسنی افاده ایدیور.

3-2476-4

ساریته

1#

سوریه ساحلنده صور ایله صیدا آره-سنده اسکی بر فنیکه قصبه-سی اولوب، الیوم %سرقند \$ اسمیله بر قریه حالنده-در.

4-2476-4

ساریته

1#

روسیه-نك % ساراتوف \$ ایالتنده و ساراتوفک 132 كيلومتره جنوب غربیسنده اوله-رق %ساریته \$ نهری اوزرنده بر قصبه اولوب، 5000 اهالیسی و قونیاق ایله توتون فابریقه-لری واردر.

5-2476-4

ساریدون

1#

اساطير يونانيه-ده (ژوپيتر) ايله (اوروپه)نك اوغلى اولوب، كويا تختنى تصرف ايچون، برادري مينوس ايله محاربه ايتمش؛ و مغلوب اولنجه، طرفدارلريله برابر، اناطوليناك %ايكيا\$ خطه-سنه كچه-رك، اوراده بر كوچك حكومت تاسيس ايلمش ايدى. شاعر شهير اوميروس بونك تروآيليرك امدادينه كيدين پرنسلردن اولديغنى، و (پاتروقليس) طرفندن قتل اولنوب، كونشدن كنايه اولان (اپولون) طرفندن جنازه-سى رفع و ليكيايه سوق اولنديغنى بيان ايدبور.

6-2476-4

سارتنه

1#

قورسيقه-ده آياچونك 50 كيلومتره جنوب شرقيسنده قضا مركزى بر قصبه اولوب، 4406 اهالييسى و حيوانات محصولاتييله بال و بال مومى تجارتي وارد.

7-2476-4

سارته

1#

فرانسه-ده بر نهردر، كه %اورنه\$ اياالتنده نبعانله، جنوبه و بعده غربه طوغرى آقه-رق، و مذكور اياالتله سارته و منه مع لوآره اياالتلرينى شق ايدوب، بر طاقم چايليرك صولرينى آله-رق، 275 كيلومتره-لك جريانندن صكره %مانيه\$ نهرينه دوكيلور. مجراسنك 120 كيلومتره-لكى سير سفانته صالحدر.

8-2476-4

سارته

اياتلى 1# فرانسه اياالتندن اولوب، ايچندن جريان ايدن آنف البيان نهرك اسميله مسمادر. شمالاً %اورنه\$، غرباً %مانيه\$، شرقاً دخى %لوار مع شر\$ اياالتلريله محدود اولوب، 6216 مربع كيلومتره مساحه سطحه-سى و 446239 اهالييسى وارد. مركزى %مان 2# قصبه-سيدر. اراضيسى مختلف اولوب، بىغداى و سائر حبوباتيله سيزه و ميوه-لرك انواعى و كنوير و سائر محصولاتى وارد. شرابلرى اييجه-در. طيور اهليه-سى مشهور اولوب، آربلرى دخى چوقدر. بز، باصمه و سائر منسوجاتله، موم، جام، كاغد، غانت و سائر فابريقه-لرى و تنكه ايچنده محفوظ سيزه و ات و سائر اخراجاتى وارد. اياالت مان، مامر، سنت قاله و لاملس اسملريله 4 قضايسه منقسم اولوب، 33 ناحيه و 386 دائره بلديه-يى حاويدر.

1-2477-4

سارد

ايدين ولايتنك صاروخان سناغنده واقع صالحلى قضايسنده و صالحليناك كيلومتره غربنده اوله-رق قصبه-دن آلاشهره كيدين دمير يول خطى اوزرنده و غايته كوزل بر اووه-نك ايچنده بر كوچك قصبه الوب، ليديه خطه قديمه-سناك پايتختى بولنمش اولان سارد ياخود ساردس 1# شهر قديمك خرابه-لرى اوزرنده مؤسدر. بو شهر معموريت و ثروثليه مشهور بولنمش اولوب، ميلاددن 547 سنه اول ايران شاهى كيخسرو قرسوسى اسير ايد-رك، ليديه دولتنه ختام ويردكدن صكره، سارد اياالت مركزى اولوب، ايرانلرله يونانيلر اره-سنده بر نقطه اختلاط و مركز تجارت اولمغله، ينه اهميت و معموريتنى محافظه ايتمش؛ و روماليلرك ضبطنه كچدكدن صكره دخى پك معمور بر شهر حالنده قالبوب، %تبير\$ زماننده زلزله-دن خراب اولمش ايسه ده، ينه تعمير اولنمش ايدى. بعده بيز انتين زماننده تدنى-يه يوز طوتوب، نهايت تيمورلنك طرفندن تخريب اولنمشدر.

2-2477-4

سار دانابعل

برنجی آثور دولتک صوگ حکمداری اولوب، قبل المیلاد 797دن 759 و دیگر بر روایت کوره 836دن 817 تاریخه-دک حکومت سورمشدر. کوشک و ذوق و سفاهته دوشکون اولمغله، ارباک (یاخود ارباسس) اسمنده بر میدیه-لی و بلز (یاخود بلزیس) اسمنده بر کلدانی طرفندن علیهنده فساد اویندیریله-رق، صاحب ترجمه ایلک محاربه-یی قزانمش ایسه ده، ایکنجیسمنده مغلوب اولوب، %نینوی\$ شهرینه قیانمش: و ایکی سنه محاصره آلتنده قالدقندن صکره، دجله-نک طغیانی دشمنلرینه بر یول اچمغله، شهره دخوللرنده ساردانابعل کندی نفسنی و زوجه-لریله اموالی یاقه-رق، تسلیم اولنمامشدر. بوندن صکره آثور دولتی مندرس اولوب، یرینه میدیه، بابل و نینوی و دولتلی شکل ایتمش ایدی. اوغلی (پهلول) ایکنجی ساردانابعل اسمیله نینوی حکمدار لغنی محافظه ایده-بیلمشدر.

3-2477-4

سار دنیه

1#

آق دیکیزک سیچلیه-دن صکره اک بیوک آطه-سی اولوب، تابع بولندیغی ایتالیا ساحلیله فرانسه و تونس سواحلندن همان مساوی مسافه-ده یعنی آشاغی یوقاری 200 کیلومتره بعدنده واقعدر. شمالنده بولنان قورسیقه جزیره-سندن %بونیفاجو\$ بوغازیله آیرلمشدر. شمالدن جنوبه ممتد غیر منتظم بر مستطیل شکلنده اولوب، اسکی یونانلرک و الیوم عربلرک کیدکلری نعلین رسمنه مشابه اولدیغندن، قدیماً بو معنایی افاده ایدن %ایخنوسه% اسمیله معروف ایدی. '12° 38 ایله '10° 41 عرض شمالی و '45° 5° ایله '43° 7 طول شرقی آره-لرنده ممتد اولوب، طولی 270 و عرض وسطیسی 115 کیلومتره-در. مساحه سطحیه-سی 24342 مربع کیلومتره اولوب، 1017 کیلومتره طولنده سواحلی واردر. اراضیسی عمومیت اوزره طاغلق اولوب، آنجق سواحلی دوز و آچقدر. جزیره-نک وسطلرنده واقع اک یوکسک طاغی اولان %جنار جنتو\$ نک 1783 و شمال قسمنده کائن %لیمپاره\$ نک 1300 متره ارتفاعی واردر. جنوب غربی جهتنده-کی %الیناس\$ طاغی 1235، جنوب شرقی قسمنده واقع %سریدی\$ 1076 و شرق شمال جهتنده کائن %آلوو\$ 1128 متره ارتفاعنده-در. میاه جاریه-سی چوق اولوب، اک بیوک نهری %تیرسو\$ در، که مذکور %جنار جنتو\$ و %آلوو\$ طاغلرندن نیعان ایدن بر چوق چایلرک اجتماعندن بالمشکل، غربه طوغری جریانله، %اوربستانو\$ کورفرزینه دوکیلور. سواحل شرقیه-سنه اینن انهارینک اک بیوکی %فلومندوزه\$، ساحل شمالیسنه دوکیلنرینک باشلیجه-سی %غوئری\$ نهری اولوب، ساحل جنوبیسنه دخی %قالیاری\$ نهری دوکیلور. سواحلنه قریب بر چوق کوللر اولوب، اک بیوکلری ساحل غربیسنه واقع %غوسپینی\$ کولیدر، که %اوربستانو\$ کورفرزینه دوکیلور بر آباغی واردر. سواحلی خلی کیرینتیلی چیقنتیلی اولوب، بیوک و کوچک کورفرز و قویلیری چوق ایسه ده، او جهتلرده هواسی پک آغیر و صیتمه-لی اولوب، اهالیسی دخی اوت-دن بری قورصانلرک قورقوسندن ایچ طرفلره و مدافعه-یه الیریشلی یوکسک یرله چکیلرک، کمجیلکه میل ایتمکلرندن، تجارت بحریه-یه آچیق لیمانلری و اسکله-لری پک آزدر. ساحل جنوبیسنده %قالیاری\$، ساحل غربیسنده %اوربستانو\$ و ساحل شمالیسنده %آسیماره\$ کورفرلری ذکره شایاندر. اراضیسی پک منبت و محصولدار اولوب، علی الخصوص حبوبات و ذخائر یتیشدیرمکه استعدادی پک چوق اولمغله، و قتیله ((رومانک مغدیه-سی)) نامنی آلمشیدیسه ده، شمیدیکی حالده، اهالیسنک قلتی، هواسنک آغیرلغی و زراعتک هنوز اسکی اصولده اجرا اولنمسیله ترقیات عصریه-دن محرومیتی بو قوت و قابلیت طبیعی-سندن @1 استفاده ایتدیره-مه-مکده-در. طاغلی و قتیله اورمانلرله مستور بولنمش ایکن، الیوم، اورمانلری چوق تدنی ایتمش ایسه ده، ینه نیلی اورمانلری و پک چوق بیانی زیتون آغاجلری واردر. معادنی پک چوق اولوب، دمیر، باقیر، قورشون، آنتراسیت، کمور معدنلری و مرمر و سائر-نک چوق ایسه ده، پک آزی اخراج اولنمقده-در. سواحلنده بالیغی چوق ایسه ده، بوندن پک آز استفاده اولنه-بیلیور. هواسی طاغلرده و یوکسک محللرنده صاغلام ایسه ده، آچق محللرنده و سواحلده و علی الخصوص ساحل غربیسنده واقع %اوربستانو\$ کورفرزی اطرافنده، بطاقلارک کثرتندن طولایی، هوا پک آغیر و صیتمه-لری مهلکدر. صنایع و سائر اسباب ترقی و تمدن پک کری اولوب، اهالیسی عمومیت اوزره فقیر و جاهلدر. جزیره سیچلیه-دن آز کوچک اولدیغی حالده، اهالیسی سیچلیه اهالیسنک بر ربعی بیله اولمیوب، آنجق 726522 نفوسدن عبارتدر. ساردنیه-لیلر اساساً اسپانیه و پورتگیز اهالی قدیمه-سیله همجنس اوله-رق (ایبر) قوم قدیمی افراندندن اولوب، بربرینی متعاقب جزیره-یی تصرف ایتمش اولان فنیکه-لیلر، قارتاجیلر، رومالیر، عربلر و بربرلرله و رومالیر زماننده جزیره منفا اتخاذ اولنمغله، اورایه نفی اولنان اجناس مختلفه افرادیله اختلاط ایده-رک، اقوام مختلفه امتزاجندن متولد بر قوم اولدقلری حالده، ایتالیان لساننک لاتینجه-یه اک زیاده قریب بر نوعیله متکلمدرلر. اک بیوک شهری و مرکز تجارتی ساحل جنوبیسنده و همانمی اولان کورفرز داخلنده واقع %قالیاری\$ اسکله-سیدر. جزیره ایکی ایاتنه منقسم اولوب، نصف شمالی %ساساری\$ و نصف جنوبیسی %قالیاری\$ ایالتنی تشکیل ایدیور.

ساساری شهرينك %آسيمااره \$ كور فزنده واقع %پورتورتورس \$ اسكله-سندن قاليارى اسكله-سنه قدر ممتد اولان بر دمير بول خطى جزيره-يى طولاً شق ايتديكى كى، شرق شمالى ساحلنده واقع %ترانووه \$ و غرب جنوبى ساحلنده كائن %پورتوسقورو \$ اسكله-لرينه دخى برر شعبه-سى واردر.

ساردنيه زمان قديمه (ايبير) قوميله مسكون اولوب، پلاسج و اتروسك قوملريله يونان قديم اهايسندن دخى بعض جماعتلر و بر طاقم فنিকে-ليلر بو آطه-يه هجرت و توطن ايتمشلردى. ميلاددن 512 سنه اول قارتاجليلر جزيره-يه داخل اولوب، ايكبوز سنه-يه قريپ مدت حكم سور مشلر؛ و روماليلر قبل الميلااد 259ده داخل اولوب، 238ده آطه-يى بسبتون ضبط ايتمشلردى. ميلادك 436 تاريخنده وانداللز قرالى (جنسريق)ك ضبطنه كچوب، بعده قسطنطينيه روم ايمپراطورلرينك الينه كچمش؛ و بعده افريقيه واندلسى ضبط ايدن غزاة مسلمين بو جزيره-يى دخى فتح ايدنه-رك، 1022 تاريخ ميلاديسنه-دك ممالك اسلاميه دائره-سنده قالدقندن صكره، جنوه و پيزه جمهوريتلرينك امداديله، ساردنيه عربلردن استخلاص اولنه-رق، درت كوچك حكومته منقسم اولمش ايسه ده، چوق كچمه-دن مذكور ايكي جمهوريت آر-سندنه مقاسمه اولنمش ايدى. ايمپراطور ايكنجى فرديق ساردنيه-يه استقلال قزانديره-رق، كندى اوغلى قرالغنه نصب ايتمش ايسه ده، متعاقباً پيزه جمهوريتى آطه-يى يكيدين ضبط ايتمش؛ و 1297ده آراغون قرالى ايكنجى ژاڤك يد ضبطنه كچمش ايدى. او تاريخدن 1714 تاريخنه-دك آراغون و بعده اسپانيه دولتنك يد ضبطنده قالب، تاريخ مذكورده اوستريايه كچمش؛ و متعاقباً بو دولت طرفندن سيچليه-يه بدل (ساووا) قرالى (ويقتور آمده)يه ترك اولنمش ايدى. بونك اوزرينه (ساووا) قرالرينه ساردنيه قرالى عنوانى ويريلوب، بونلردن (شارل امانوئل) ايله (ويقتور امانوئل)، قره-ده-كى ملكلرينى فرانسه-يه قايديردقننده، بو جزيره-يه چكيله-رك، 1798دن 1814 تاريخنه-دك ساردنيه-ده اقامت ايتمشلردى. نهايت ايتاليانك اتحاننده ساردنيه جزيره-سى دخى بو دولته التحاق ايدنه-رك، بر وجه مذكور ايكي ايالته تقسيم اولنمشدر.

1-2479-4
ساردنيه دولتى
1#

ياخود #2 اوروپا دولندن ملغى بر دولت اولوب، ساردنيه جزيره-سييله قره-دن عبارتدر. قره قسمى آلپ سلسله جبالنك شرق و غرب جهتنده واقع اولوب، غرباً فرانسه، شمالاً اسويچره، شرقاً لومبارديه، جنوباً دخى آق دكيزله محدود اولديغى حالده، ساووا دوقه-لغيله پيامونته و موننترات خطه-لرندن و %نيسه \$ قونتلغيله %سالوچه \$ ماركيزلكندن و جنوه دوقه-لغيله ميلانز خطه-سنگ بر قسمندن و الحاصل ايتاليانك شمال غربى قسميله اليوم فرانسه-يه تابع بعض يرلردن عبارت ايدى. ساردنيه جزيره-سييله برابر بو دولتك مساحه سطحه-سى 76268 مربع كيلومتره-يه و اهاليسى 5000000 نفوسه بالغ اولبوردى. بو دولت 14 ايالت و 50 سناغه منقسم ايدى. پايختى %تورينو \$ شهرى ايدى. ساردنيه قرالغلك اساسى %موريانه \$ قونتلغندن عبارت اولوب، %آرله \$ قرالنه تابع بولنمش اولان خطه مذكوره قونتلرى 1027 تاريخنده كسب استقلال ايتمكه برابر، بتون %ساووا \$ مملكتنه حاكم اولمش؛ و تدريجاً توسيع ممالك ايدنه-رك، پيامونته-يى و لومبارديه-نك بر قسمينى دخى ضبط ايتمشلر ايدى. 1714 تاريخنده سيچليه-يى التحاق ايدوب، آلتى سنه صكره بو جزيره-يى ساردنيه جزيره-سييله مبادله-يه مجبور اولمشلر. و او وقته قدر حائز اولدقلى ساووا دوقه-لغى عنواننى ساردنيه قرالغى عنواننه تحويل ايلمشلردر. بيوك ناپوليون پيامونته و ساووايى ضبط ايتديكنده، ساردنيه قرالى ساردنيه جزيره-سنه چكلكم مجبوريتنده بولنمش ايسه ده، بو ايمپراطورك سقوطنده پيامونته و ساووا ساردنيه قرالنه اعاده اولندقندن بشقه جنوه ملغى جمهوريتيله نيسه قونتلغى دخى الحاق اولنمشدى. شارل آلبرت 1848 تاريخنده اوستريانك نفوذىنى كسر ايدنه-رك، الكاسنه بر نوع مشروطيت اداره ويرمش؛ و ايتاليا اتحاديچون چاليشمغه باشلامش ايدى. اوغلى ايكنجى ويقتور امانوئل پدريونك اثرينه تبعيته، مقصدينه نائل اولمق ايچون، فرانسه و انكلتره ايله برلشه-رك، قريم محاربه-سنه دخى اشتراك ايتمش. و 1860ده، ايتاليا اتحادى ميسر اولدقده، بتون ايتاليانك قرالغنه انتخاب اولنمشدى. بو وجهله ساردنيه قرالغى ايتاليا قرالغنه قلب اولنمشدر.

بو دولته حكومت سورنلرك اساميسيله تاريخ جلوسلرى بر وجه زيبردر:

####

1 - * - موريانه و بعده ساووا قونتلرى
بر تولد موريانه قونتى

999

برنجى هومبرت (ساووا قونتى)

1027

برنجى آمده

1048

ايكنجى آمده

1060
ايكنجى هومبرت
1072
اوچنجى آمده
1088
اوچنجى هومبرت
1118
برنجى توماس
1188
دردنجى آمده
1233
يونيفاس
1253
پير (پنرر)
1363
برنجى فليب
1268
يشنجى آمده (بيوك -*)
1285
ادوارد
1323
ايمون
1329
آلتنجى آمده (يشيل)
1343
يدنجى آمده (قرمزى)
1383
(2 -*) ساووا دوقه-لرى
سكزنجى آمده
1391
لويى
1459
طقوزنجى آمده
1405?
برنجى فيليبيرت
1472
برنجى شارل
1482
ايكنجى شارل
@11489
ايكنجى فيليب
1496
ايكنجى فيليبيرت
1497
اوچنجى شارل
1504
امانوئيل فيليبيرت
1553
برنجى شارل امانوئيل
1580

برنجى ويقتور آمدە
1630
فرانسوا ياسينت
1637
ايكنجى شارل امانوئل
1638
(3 - *- ساردنيه قراللىرى)
ويقتور آمدە
1675
ايكنجى شارل امانوئل
1730
ايكنجى ويقتور آمدە
1753
ايكنجى شارل امانوئل
1796
برنجى ويقتور امانوئل
1802
شارل فنيكس
1821
شارل آلبرت
1821
ايكنجى ويقتور امانوئل
1849
\$
(مشار اليه ايكنجى ويقتور امانوئل 1860 دە ايتاليا قرالى اولمشدر.)

2-2479-4
سارديقه
1#

ياخود %اوليا سارديقه #2\$ صوفيه شهرينك اسم قديميدر.

3-2479-4
سارزانه
1#

ايتاليانك جنوه خطه-سندە و اسيجيه-نك 12 كيلومتره شرق جنوبيسندە اوله-رق %ماغره\$ قرينده بر قصبه اولوب، 8000 اھاليسى وارد.

1-2480-4
سارزو
1#

فرانسە-نك %موربيھان\$ ايلتندە و %وانه\$نك 22 كيلومتره جنوبندە ناحيه مركزى بر قصبه و اسكله اولوب، 5654 اھاليسى، ليماى، مملحه-لرى و دكيز حماملرى وارد. ابدادن (لساژ)ك وطنيدر.

2-2480-4

سارق
1#

مانشه دكيزنده %جرسی\$ و %كرنسی\$ آله-لری آرہ-سندہ نورماندیا ساحلندن 30 كيلومتره-لك مسافه-ده واقع و انكلترہ دولتنه تابع بر آطه اولوب، بوی 4 و اکی 2 كيلومتره اولدیغی حالده، 600 اهالیسی و كموش و باقیر معدنلری واردر.

3-2480-4

سارکمیנה

یاخود سارکموندد #1 آلساس لورن ایالتنده و %مچ\$ك 75 كيلومتره شرقنده اوله-رق %ساره\$ ایله %بلیزه\$ نهرلرینك ملتقاسنده واقع بر قصبه اولوب، 6075 اهالیسی، قطیفه و بیون باغی ایله کچی دریسی و پورسلین و سائره فابریقه-لری واردر. وقتیله مستحکم ایدی.

4-2480-4

سارلات
1#

فرانسه-نك %دوردونیه\$ ایالتنده و %پریکو\$ك 72 كيلومتره جنوب شرقیسندہ اوله-رق بر وادینك ایچنده واقع قضا مرکزی بر قصبه اولوب، 6074 اهالیسی، داخلی مکتبی، دکرمن طاشلری و حیوانات و جوز یاغی تجارتی واردر.

5-2480-4

سارلویی
1#

و آمانجه #2 پروسیه-نك رین ایالتنده و %تروه\$ك 65 كيلومتره جنوب شرقیسندہ اوله-رق %سآر\$ نهری اوزرنده قضا مرکزی بر قصبه اولوب، 7000 اهالیسی و اسلحه فابریقه-لریله دباغخانه-لری واردر.

6-2480-4

سارماتیا
1#

اسکی یونان جغرافیوی بو اسمی قره دكیزك شمالنده و بحر خزر ایله بالطیق دكیزی آرہ-سندہ واقع اولان واسع و حدودی مبهم بر قطعہ-یه ویرلردی. سارمات تعبیر ایندکلری اهالیسی، که اقوام تاتاریه-دن اولملری ملحوظدر، ساکن اولدقلری ممالکی اسکیتلردن ضبط ایتمشلردی؛ بعده غوتلرک ید ضبطنه کچوب، مؤخرأ بونلره قارشى هونلرله اتفاق ایتمش؛ و بونلرله برابر اروپاده یغماکرلکده بولنمشلردر.

7-2480-4

سارنن
1#

اسویچره-نك %اونتروالد\$ ناحیه-سندہ و %برنه\$ك 80 كيلومتره شرقنده اوله-رق %آ\$ نهری اوزرنده و همنامی اولان کولک کنارنده بر قصبه اولوب، 3600 اهالیسی، لاتینجه-یه مخصوص مکتبی و طوپخانه-سی واردر.

8-2480-4

سارنو
1#

ایتالیاده ملغی ناپولی قرالغنگ %9 پرچیپاتو اولتریوره \$ ایالتنده و % سالرنه \$ 17 کیلومتره شمال غربیسنده اوله-رق
همنامی اولان چایک اوزرنده بر قصبه اولوب، 15500 اهالیسی، کاغد و ایپک منسوجات فابریقه-لری و چلیکلی و
کوکوردلی میاه معدنیه-سی وارد. پک اسکی بر قصبه اولوب، پلاسجلر طرفندن تأسیس ایدلمش اولدیغی مرویدر.

9-2480-4

ساروس

کور فزی 1# آطه-لر دکیزنده کلیبولی شبه جزیره-سنگ خارجنده بر کور فزدر.

10-2480-4

ساره

و آلمانجه سار 1# آلمانیاده بر نهردر، که % دونون \$ طاغندن نیعانه، آلساس لورن ایالتنی شق ایتدکن صکره، % رین \$
ایالتنه دخول، و سار بروق و سالویی قصبه-لری ایچندن مرور ایده-رک، 220 کیلومتره-لک جریانندن صکره، رین
ایرماغنه تابع % موزله \$ نهرینه دوکیلور.

11-2480-4

ساره

حضرت ابراهیم (عم)ک زوجه-سی اولوب، نبی مشار الیه مصره عزیمتلرنده همشیره-سی اولدیغنی اعلان ایتمکله،
فراعنه-دن اپوفیس ساره-یه عاشق اولوب، کندیسنی طلب ایتدیکندن، حضرت ابراهیم مصری ترکه مجبور اولوب،
عمالقه-دن (ابی ملک)ک الکاسنه کیتدیکنده، بو دخی ساره-یی ألمق تشبثنده بولنمش ایسه ده، من طرف الله قورتارلمش
ایدی. ساره عقیم اولدیغیچون حضرت ابراهیمه کندی جاریه-سی هاجری تزویج ایتمش؛ و هاجردن حضرت اسماعیل
(عم) طوغدقن صکره، کندیسی دخی، روایته کوره طفسان یاشلرنده اولدیغی حالده، حضرت اسحق (عم)ی
طوغورمشدر. بعده هاجری قیصقاندیغندن، حضرت ابراهیمی بونی اوغلیله برابر ارض حجازه کوتوروب براقمغه
مجبور ایتمشدر. ساره 127 یاشنده وفات ایتمشدر.

1-2481-4

ساره

عصر رسالت نسوانندن و بنی هاشم نسلندن بر قاری اولوب، رؤساء قریشه خاننده-لک ایدر.

2-2481-4

ساره بنت الربعی

مشاهیر محدثاتدن و امام سیوطینک اشیاخندن اولوب، شیخ الاسلام سراج الدین بن الملقتک حفیده-سیدر. علم حدیثی مشار
الیهدن اوکرنوب، 869ده وفات ایتمشدر.

3-2481-4

ساره بنت عبد الرحمن

قدسلی محدثه بر خاتون اولوب، صلاح الدین صفدینک استادی علم الدین برزالی کندیسندن اخذ حدیث ایتمشدر. وفاتی 716ده واقع اولمشدر.

4-2481-4

ساری

ایرانک مازندران خطه-سندھ و طهرانک 160 کیلومتره شمال شرقیسنده و مازندران نهری اوزرنده بر قصبه اولوب، 15000 اهالیسی و اژدرهائله بیوک تجارتی وارد. پک اسکی بر قصبه اولوب، کتب قدیمه-ده %زادراقارته\$ و دهها طوغریسی %زدرکرد\$ اسمیله مذکوردر.

5-2481-4

ساریه

صحابه-دن ایکی ذاتک اسمی اولوب، بری (ساریه بن اوفی)در، که نزد حضرت پیغمبری-یه کلوب، شرف اسلامه مشرف اولدقن صکره، قومه عودت ایده-رک، بونلری طوعاً اسلامه کتیره-مدیکچون، استعمال سیف ایله بو مقصده موفق اولمشیدی. *- ایکنجیسی (ساریه بن زینم)در، که حضرت فاروق (رضه) خطبه ایراد بیورمقده ایکن، کندیسنی غزا محلنده کوروب، مغلوبیتدن محافظه ایچون، ((یاساریه الجبل الجبل)) بیورمش؛ و صاحب ترجمه بو صدایی ایشیدوب، موجبجه حرکت ایلمش ایدی.

6-2481-4

سازان

1#

آدریاتیک دکیزنده اولونیه اسکله-سی قارشیسنده اوله-رق اچیقده خالی بر آطه اولوب، مرعالاله مستور اولمغله، بعض موسملرده چوبانلر طرفندن زیارت اولنور.

7-2481-4

ساساری

1#

ساردنیه جزیره-سنگ ساحل شمالیسی قرینده و قالبارینک 157 کیلومتره شمال غربیسنده اوله-رق، اسکله-سی اولان %پورتوتورس\$ک 16 کیلومتره جنوب شرقیسنده ایالت مرکزی بر شهر اولوب، 25000 اهالیسی، دار الفنونی، داخلی مکتب اعدادیسی، کتبخانه-سی، اسکی بر قلعه-سی، مصنع کلیساسی، ایکی سرایی، کوزل بر چشمه-سی، جوارنده کوزل تفرجگاهلری، مشهور باغچه-لری و توتون و زیتون یاغی تجارتی وارد. *- ساساری ایالتی ساردنیه-نک نصف شمالیسندن عبارت اولوب، تفصیل احوالی ((ساردنیه)) ماده-سندھ بیان اولنمشدر.

8-2481-4

ساسان

ملوک ایرانیه-نک درنجی طبقه-سی اولان (ساسانیان) سلاله-سنگ باشی و بو دولتک مؤسسی اولان آردشیر بابکانک پدریدر. کندیسی کیانیانن بهمین بن اسفندیارک اوغلی ساسانک نسلندن اولدیغی حالده، اسکندرک ایرانی فتحندن و بو جهانگیرک وفاتندن صکره ظهور ایدن ملوک طوائف زماننده اجدادی فارس اقلیمنده یاشایوب، کندیسی بابک اسمنده بر زنکینک چوبانی ایدی؛ و بونک قیزینی تزوج ایتمشدی. بو ازدواجن آردشیر طوغوب، ملک و سلطنته نائل اولمس؛ و

کندیسی و الده-سنگ پدری اسمنه نسبتله بابکان لقبيله تلقیب اولمنش ایسه ده، تأسیس ایلدیکی خاندان سلطنت پدرینگ اسمنه نسبتله (ساسانیان) تسمیه اولنمشدر.

9-2481-4

ساسانیان

ایران ملوک قدیمه-سنگ درنجی و صوک طبقه-سنگ اسمی اولوب، بو دولت میلادک 226 تاریخده آنف الترجمه آردشیر بابکان بن ساسان طرفندن تأسیس اولنه-رق، 652 تاریخ میلادیسنه یعنی عهد خلافت حضرت فاروقیده ایرانک سعد ابن ابی وقاص حضرتلری یدیله فتح و ممالک اسلامییه الحاق اولندیغی تاریخه-دک 426 سنه شمسیه دوام ایتمش، و 28 حکمدار کلمشدر. بیوک اسکندردن صکره ایران ماکدونیه-لی و ایرانلی بر طاقم طوائف ملوکه منقسم اولوب، بونلرک بیننده اشکانیان خیلی قوت و مکنت قرانمش، و ایرانک اکثر طرفلرینی تحت اداره-لرینه ألمشدر ایدیسه ده، ایران دولتی کیانیان زماننده-کی فرو شوکتی بوله-ما-مشدی. ساسانیلر زماننده ایسه شرقاً و شمالاً حدود قدیمه-سنی بولوب، آنجق غرب جهتدن رومایلرک قوتنه تصادف ایتمکله، بو ایکی بیوک دولت آره-سندده همان متمادیا محاربه-لر وقوع بوله-رق، کاه دجله و کاه فرات مجراسی خط حدود یرینی طوتاردی. مع هذا ساسانیلر زماننده ایران دولتتک شوکت و شکوهی و جاه و ثروتی پک بیوک اولوب، اکاسره-نک دارات و دبدبه-سی ضرب مثل حکمنه کچمشدر. بونلر خسرو عنواننی آلدقردن، عربلر طرفندن بونک معربیله %کسری\$ و جمع صیغه-سیله %اکاسره\$ تسمیه اولنمشدر. اکاسره-نک حیره و انبار ایله سائر بلاد عربیه و بر آره-لق یمنه دخی حکملری جاری اولمشدر. مرکزلری ابتدا فارسده %اصطحز\$ و بعده عراقده-کی %مداین\$ شهری ایدی. پایتختلرینک محلی مناسبتیله سریانیلرله مناسباتده بولنوب، (پهلوی) اسمیله معروف لسانلرینه سریانیجه-دن مأخوذ بر چوق کلمات و تعبییرات و اصطلاحات قاریشمش اولدیغی کبی، استعمال ایتمکلری خط پهلوی دخی خط سریانیدن مأخوذ ایدی. کیانیان زماننده مستعمل بولنمش اولان (خط میخ) متروک اولوب، زند لسانی دخی اهالی طرفندن آکلاشلامغه باشلامش اولدیغدن، مذهبلرینک دستور العملی حکمنده اولان %زند **انتا\$?** دخی لسان پهلوی-یه ترجمه و خط پهلوی ایله تحریر اولنمشدی. ساسانیان ملوکنک اسامیسيله تاریخ جلوسلری بر وجه زیردر.

####

میلادی

آردشیر بابکان

226

شاپور اول بن آردشیر

238

هرمز اول بن شاپور

271

بهرام اول بن هرمز

273

بهرام ثانی بن بهرام

276

بهرام ثالث بن بهرام

293

ترسی بن بهرام

296

هرمز ثانی بن ترسی

303

شاپور ثانی ذو الاکتاف

310

آردشیر ثانی

380

شاپور ثالث بن شاپور

384

بهرام رابع بن شاپور

390

یزدگرد ائیم بن بهرام

399	بهرام کور (رابع) بن یزدکرد
420	یزدکرد ثانی بن بهرام
440	هرمز ثالث بن یزدکرد
457	میلادی
460	فیروز بن یزدکرد
484	پلاس بن فیروز
484	قباد بن فیروز
498	نوشتیروان بن قباد
541	هرمز رابع بن نوشتیروان
579	خسرو پرویز بن شیروان
591	شیرویه بن خسرو پرویز
629	آرشیور ثالث بن شیرویه
629	شهریار (ساسانیلردن دکلدر)
630@1	پوراندهخت بنت خسرو
631	آزرمبدهخت بنت خسرو
631	فرخ زاد بن خسرو پرویز
633	یزدکرد ثالث بن شهریار بن خسرو پرویز
621	الی 652
\$	

1-2482-4

ساسی، سیلوستر دو -*

1#

فرانسه-نك الك مشهور مستشرقیندن بر علامه اولوب، 1758ده طوغمش، و 1838ده وفات ایتمشدر. علم حقوق تحصیلیه مشغول اولدیغی حالده، همان معلمسز اوله-رق السنه شرقیه-یی و علی الخصوص عربی، فارسی سربانی، عبرانی و ترکی لسانلرینی اوکرنوب، ابتدا ضربخانه-جه بعض مأموریتلرده استخدام، و آقادمیا اعضالغنه انتخاب اولنه-رق، بعده اعضالقله برابر آقادمیانك دائمی کتابتنه تعیین اولنمشدی. 1795ده تأسیس اولنان السنه شرقیه مکتبنده عربی معلمکنه و 1806ده فرانسه مکتبنده فارسی خواجه-لکنه نصب اولنمش ایدی. 1814ده دار الفنون مجلسی اعضالغنه نصب اولنمش ایسه ده، اعضای سائر-نك افکاريله کندی افکارینی ناقابل توفیق کوردیکندن، استعفايه مجبور اولوب، 1822ده فرانسه مکتبيله السنه شرقیه مکتبنك مدیری اولمش؛ و ینه او سنه (آسیا جمعیتی #2) اسميله معروف و مشهور اولان جمعیت علمیه-یی تأسیس ایده-رك، بونك ده ریاستنه انتخاب اولنمش ایدی. 1832ده پارس کتبخانه-سنده ال یازیسيله

محرر كتبك حفظنه مأمور اولمغله برابر، اعيانلغه دخى نائل اولمش ايدى. يوقاريدده صابيلان السنه شريقيه ايله برابر يكرمى لسانه واقف ايدى. بر چوق تاليفات مقبوله-سى اولوب، باشليجه-لرى بر وجه آتيدر: ((صرف لسان عرب #3))، ((منتخبات عربيه #4))، عبد اللطيفك مصر تاريخنك ترجمه-سى، پند عطارك ترجمه-سى، ابو الفدا تاريخنك ترجمه-سى، ميرخونك ساسانيلر تاريخنك ترجمه-سى، درزيرلر مذهبي حقهده تحقيقات، ادبيات شريقيه حقهده مطالعات و سائره. *- (استا؟ زاده) تسميه ايتمش اولديغى اوغلى دخى فرانسه ادبياتنه دائر بعض اثرلر بر اقه-رق 1879 ده وفات ايتمشدر.

2-2482-4

ساعاتى، محمد بن على بن رستم

اك مشهور ساعاتجیلردن اولوب، هيئت ونجومده دخى يد طولاسى وار ايدى. عن اصل خراسانلى اولوب، دمشق شامه ورودله، ملك عادل نور الدين محمود بن زكينك التفات و احساننه نائل اوله-رق، بونك امريله جامع كبير قپوسى ياننده-كى ساعتلى اعمال ايتمش ايدى. ايكي اوغلى اولوب، بونلردن (ابو الحسن بهاء الدين على بن الساعاتى) شعرده و (فخر الدين رضوان بن الساعاتى) دخى طبده كسب شهرت ايتمشدر ((ابن الساعاتى)) ماده-لرينه مراجعت اولنه.]]

1-2483-4

ساعاتى، محمد *-.

اونجى قرن هجرى شعراء عثمانيه-سندن اولوب، اناطولييلير. وعظ و نصيحتله مشغول اولوب، طلاقت لسانى حسييله سوزى يك مؤثر ايدى. انجق افعالى اقولنه موافق اولميوب، عيش و نوشه و كثرات اكله-ميلي وار ايدى. اكثر اشعارى هجو و هزليات و مهملاندر عبارتدر. شو بر ايكي بيت اونكدر:

@@@

نيجه بيل چكدم محبت عالمنده محنتى
بر نظر كوسترمديلر جانه روى راحتى
كرچه ديرلر دردى اغلا طبييه ساعتى
قنغى بيرين اغلايم بيك درلو دردم واربتم
\$

2-2483-4

ساعى

ينه اونجى قرن هجرى شعراء عثمانيه-سندن ايكي ذاتك مخلصيدر:
برى (عبد الكريم) مردمى چلبينك كوچك برادرى و غلظه امينى على چلبينك اوغلى اولمغله، (امين زاده) دينمكله شهرت بولمشدر. ابو السعود افنديك درسنه مدوامتله، طريق قضايه كيرمشيدى. شو بيت اونكدر:

@@@

زلفك آلتنده عرقريز اولدى صالحه عارضك
دوستم ناركلكدندر بلوطدن نم قاپار
\$

*- ايكنجيسى (مصطفى *-) استانبوللى اولوب، نقاشلقده دخى مهارت تامه-سى وار ايدى. 1004 تاريخنده وفات ايتمشدر. شو بيت اونكدر:

@@@

سينه-مه چكدم او نازك بدنك سينه-سنى
داغ عشقك بر كيجه نازه لدم پنبه-سنى
\$

*- متأخرين شعرا و خطاطيندن برساعى افندى دخى واردر، كه عن اصل تبريزلى اولوب، 1218 ده طوغمش، و 1240 ده بايزيده و بعده در سعادتله كله-رك حكاقلقه كچنمكده ايكن، 1251 ده، محمد على پاشا مرحومك طلبى اوزرينه، جانب مصره عزيمتله، اورا دار الطبيعهده استخدام اولنمش؛ و پاشاى مشار اليهك وفاتندن صكره در سعادتله عودتله، مطبعه عامره مديريت ثانيه-سنه تعيين اولنمش؛ و بعده كندينه مخصوص بر مطبعه آچوب، بر مدتدن صكره ينه مصره

عزیمت ایتمشیدی. اکثر فنوندن بهره-سی و خیلی هنرلری اولوب، تعلیق خطنه دوکمه حروف ترتیب و حک و اصاغه ایتمشدر. قصیده کونه بر نعت شریفی وارد، که مطلعی شودر:

@@@

زهی سلطان ذی قدرت که بی مانند و همتادر
قدیم و فرد بیچون صانع وحی و تو انادر
\$

3-2483-4

ساغار

1#

[[سکار]] ماده-سنه مراجعت اولنه.]

4-2484-4

ساغان

1#

پروسیه-ده سیلریا ایالتنک %لینیچ\$ سناغنده و لینیچک 72 کیلومتره شمال غربیسنده اوله-رق ایکی دمیر یول خطک نقطه تقاطعنده واقع قضا مرکزی برقصبه اولوب، 12010 اهالیسی، بیوک بر مکتبی، دار المعلمینی، خسته-خانه-سی، تیمارخانه-سی و یوک و کنویردن ایپلیک ایله چوخه و کاغد و سائره فابریقه-لری وارد.

5-2483-4

ساغایی

1#

سیبرییه-نک %تومسق\$ ایالتنده %آباقان\$ نهری وادیسنده و مغولستانک شمال غربی جهتنده ساکن بیوک بر ترک قبیله-سی اولوب، قاجینز، تویبال و قزیل اسملریله اوچ شعبه-یه منتسمدر.

6-2483-4

ساغری

قدمای شعراء عثمانیه-دن اولوب، ادرنه-لیدر. مملکتنده (قزاز علی) دینمکله معروف ایدی. ابو الفتح سلطان محمد خان دورندن قانونی سلطان سلیمان خان دورینه-دک معمر اولوب، ابتدای حالنده عیش و نوشه منهمک و هجوه مائل و ساز و بربط چالمقده ماهر بولنمش ایسه ده، اوخر عمرنده توبه ایدوب، عبادتله اشتغال ایتمشدی. شو بر ایکی بیت اونکدر:

@@@

چنک خمیده قامته دوندی قدی هنوز
نه سازی قودی ساغری الدن نه ساغری
پیر اولدی ساغری قومز الدن پیاله-یی
دوشدی عصایه نرکس و زرین قدح کبی
\$

7-2483-4

ساغری

ایران شعر اسندن و مولا باجامینک معاصرینندن اولوب، اشعاری لطافتدن عاری اولدیغی حالده، ادعاسی پک بیوک اولمغله، حقنده ملا جامینک بعض لطیفه لری وارد. هر اتده وفات ایتمشد. شو بیت اونکدر:

@@@

تاشنیدم که توان لعل تراجان کفتن
آتشی در دلم افتاد که نتوان کفتن

\$

8-2483-4

سافو

1#

یونان قدیمک مشهور بر شاعره-سی اولوب، میلاد عیسی (عم) دن 612 سنه اول لسبوس % یعنی مدلی \$ جزیره-سنگ مدلی شهرنده طوغمشدر. پک کنج ایکن طول قالمشدی. مملکتنده اجرای اعتساف ایدن (پیتاقوس) ه قارش (آکپوس) ایله اتفاق ایتمش چون نفی اولنه-رق، سیچلیه کیتمش، و بعده دلداده-سی اولدیغی (فائون) طرفندن رد اولمغله، کندینی % لوقاده \$ اوچورمندن آتوب تلف نفس ایتمش اولدیغی مروی ایسه ده، اقوای احتماله کوره بو وقوعات مدلی جزیره-سنگ % ارسوس \$ قصبه-سندده صکره-دن ظهور ایتمش و شو خلقده شهرت قزانمش دیکر بر سافویه عاتددر. سافونک اشعارینک حسن و لطافتی حقنده مقدمین متفق اولوب، بو اشعاردن یالکز حسن الهه-سی زعم اولنان زهره حقنده سویلمش اولدیغی بر قصدیه ایله بعض متفرق غزللر و بیتلر باقی اولوب، جمع و دفعاتله طبع اولنمشدر.

1-2484-4

ساقاتو

یاخود سکتو 1# سودان وسطینک حوصه مملکتنده 6' 13° عرض شمالی ایله 52' 3° طول شرقیده و % نیجر \$ ایرماغنه دوکلین بر نهرک مجراسی قزبنده بر قصبه اولوب، 30000 اهالیسی، سوری، ایکی بیوک جامع شریفی، حاکمنه مخصوص واسع بر سرایی، بیوک چارشیبسی و آفریقای وسطی ایله پک ایشلک تجارتی وارد. بو شهر بوندن 90 سنه اول اورالرده بر حکومت تاسیس ایدن (فلانه) قومنک رئیسی (عثمان دنفود) طرفندن بنا و پایتخت اتخاذ اولنمشدر.

2-2484-4

ساقاته

1#

جاپونیه-ده % نیبون \$ جزیره-سنگ ساحل شمالیسندده واقع % اوغو \$ ایالتنده و % ساقانه غاوه \$ نهرینک منصبنده بر قصبه و اسکله اولوب، 18000 اهالیسی و خیلی ایشلک تجارتی وارد. خانه-لری سیرک و باغچه-لرله محاط اولوب، بر بیوک کوی صورتنده-در.

3-2484-4

ساقار

یاخود سقار 1# روسیه-نک النده اولان ترکستانده جیچونک صول کنارنده سرخس قزبنده ساکن ترک اقوامندن بر قوم اولوب، بر روایتده 3000 و دیکر بر روایتده 10000 نفوسدن مرکبدر.

4-2484-4

ساقالاه

1#

مداغاسقار جزیره-سنگ سواحل غربیه-سی قریبده-کی اووه-لرده ساکن بر قوم اولوب، تخمیناً 500000 نفوسدن عبارتدر. بونلر ملایی ایله زنجی جنسلرینک اختلاطندن متولد اولوب، طمارلرنده هندلی و عرب قابی دخی واردر. تندرست و جکاور آدملر اولوب، استقلاللرینه زیاده ارتباطلری واردر.

5-2484-4

ساقایی
1#

هند چینیده سیام مملکتک ایچ طرفلرنده طاغلرده وحشی بر قوم اولوب، بونلردن بعضلری بر درجه-یه قدر کسب انس و الفت ایده-رک، شهر مجرالرنده قازیق اوزرنده یاپدقلری براقه-لرده اقامت ایدرلرسه ده، اکثری هنوز بسبتون وحشی حالنده طاغلرده کزوب، آغاجلرک آلتنده یتار قالقار، و بعضاً آغاچ داللرندن و یاپراقدن موقت تنته-لر یاپارلر. زیاده اسمر و قیصه بویلی آدملردر.

6-2484-4

ساقایی
1#

جاپونیانک نییون جزیره-سند و %توکیو\$نک 329 کیلومتره غرب جنوبیسنده اوله-رق %یاماتو غاوه\$ نهرینک منصبنده بر شهر اولوب، 44000 اهالیسی، کنیش و دوز سوقاقلری و بر تفنک فابریقه-سی واردر. *- بو اسمله جزیره مذکوره-ده اوچ کوچک قصبه دخی واردر.

7-2484-4

ساقتی
1#

و نام دیکرله (مایه) هند بر همینلرینک معبوده-لرندن اولوب، (براهمه)نک زوجه-سی زعم اولنور.

8-2484-4

ساقرا منتو
1#

ممالک مجتمعه-نک قالیفورنیا جمهوریتنده بر نهردر، که قالیفورنیا وادی کبیرینک شمالنده 40° عرض شمالیده واقع %شاسته\$ طاغندن نبعانله، وادی مذکورک اورته-سندن جنوبه طوغری جریان ایده-رک، 800 کیلومتره قطع ایتمکدن صکره، وادی مذکورک جنوبی قسمنی شق ایله جنوبدن شماله آقان %سان یوآکیم\$ نهریله برلشه-رک %سان فرانسسکو\$ کورفزینه دوکیلور. حوضه-سی 151942 مربع کیلومتره وسعتنده-در. صاغ و صولدن و علی الخصوص صولدن %سیرانواده\$ سلسله جبالندن اینن بر چوق چایلر اخذ ایدر.

9-2484-4

ساقرا منتو
1#

ممالک مجتمعه-نک جماهیر غربیه-سندن %قالیورنیه\$ جمهوریتنک مرکزی بر شهر اولوب، ممالک مذکوره-نک بحر محیط کبیرده اک بیوک اسکله-سی اولان %سان رانسسکو\$نک 126 کیلومتره شرق شمالیسنده و همنامی اولان نهرک صول کنارنده اوله-رق بحر محیط آتلاسیدن بحر محیط کبیره قدر ممتد اولان بیوک دمیر یول خطیله دیکر ایکی خطک نقطه تقاطعنده واقع بر شهر اولوب، 21240 اهالیسی، نهر مذکورک اوزرنده کوزل بر کوپریسی، یوک منسوجات و شکر

فابریقه-لریله دمیرخانه-لری و پک ایشلک تجارتی وارد. دامه رسمنده اولوب، سوقاقلری دوز و پک کنیشدر. تجارتیه مخصوص ابنیه-سی طوغله-دن و خصوصی خانه-لری اخشاب اولوب، واسع باغچه-لرله محاط اولدیغندن، شهر نهر بویجه 5 کیلومتره-لك مسافه-ده ممتد اولور. اطرافنده-کی اووه-لر پک منبت و محصولداردر. قالیفورنیه-نگ مرکزی ایسه ده، جسامت و اهمیتجه بو جمهوریتک اوچنجی شهریدر. برنجیسی %سان فرانسسکو\$در.

1-2485-4

ساقز

1#

آطه-لر دکیزنده-کی جزایر عثمانیه-نگ اک بیوکلرندن اولوب، آناتولی سواحل غربیه-سندن چشمه و قره برونگ قارشیسینده اوله-رق $38^{\circ} 10'$ و $38^{\circ} 37'$ عرض شمالی آره-سنده و $23^{\circ} 43'$ طول شرقیده واقعدر. آناتولی ساحلیله بو جزیره آره-سنده-کی بوغازک اک کنیش محلی 18 کیلومتره وسعتنده-در. جزیره شمالدن جنوبه ممتد قالین بر قوس شکلنده اولوب، آناتولی-یه آرقه-سنى چوپر مش اولدیغی حالده، ساحل غربیسی آچیق بر قوی تشکیل ایدیور. شمالدن جنوبه بوی 55 و اکی آشاغی یوقاری 20 کیلومتره اولوب، مساحه سطحیه-سی 826 مربع کیلومتره و اهالیسی 70000 نفوسدن عبارتدر. ساحل شرقیسینده مرکزی اولان ساقز شهرینک لیمانندن بشقه ینه او ساحلده و دها شمالده %لانغه\$ و %قولوکیته\$، ساحل غربیسینده %آلوتته\$ و %مسته\$، ساحل شمالیسینده ده %قاردامیله\$ لیمانلری وارد. اراضیسی عمومیت اوزره طاغلق و اراضی برکانیه-دن عبارت اولوب، شمال جهتنده اولان و %ای ایلایس\$ دینلن اک یوکسک طاغلق 1267 متره ارتفاعی وارد. جزیره-نگ اورته-لرنده واقع %پروواتو\$ طاغی 940 متره ارتفاعنده-در. جنوب جهتی دها دوزدر. میاه جاریه-سی چوق ایسه ده، قابل زرع طوپراغی پک آز درین اولوب، آلتی طاش اولدیغندن، ساقز لیلر چالیشقانقلری سایه-سنده سدلر یاپه-رق منبت طوپراغک سیلر طرفندن کوتورلمسنى منع، و صولری خندقلرله سوق ایده-رک، اراضیلرینی سقى ایدرلر. جنوب جهتنک قوه انباتیه-سی دها زیاده و اهالیسی دها چوقدر. زراعتی پک ایلری اولوب، ایشلمه-مش هیچ بر قاریش طوپراغی یو غیسه ده، ذخیره-سی احتیاجات محلیه-یه کفایت ایتمز. اکثر اراضیسی پورتقال، لیمون، ترنج، مندلینه، نار، بادم، انجیر و سائر اشجار مثمره-یه حصر اولنه-رق، بو میوه-لردن و علی الخصوص پورتقال و لیموندن کلینتی اخراجات اولیور. باغلری دخی چوق اولوب، خیلی کوزل شراپلر چیقار. زیتونلری آنجق احتیاجات محلیه-یه کفایت ایده-جک قدر یاغ ویرر. ساقز آغاجلری پک چوق اولوب، اصل اسمی %کبو\$ اولدیغی حالده، لسانمزه ده %ساقز آطه-سی\$ تسمیه اولنمسی بو محصولنک کثرتنه منبیدر. بر مقدار پاموق دخی حاصل اولور، و خیلی ایپک چیقاریلوب، صنایع محلیه بو ایکی ماده-نگ ایشلمسنى و چناق چوملک کبی بعض شیلرله دباغله منحصردر. اورمانلری یوق حکمنده اولوب، دمیر و آنتیمون کبی بعض معدنلری و مرمک انواعیله کیل و سائره بولنور. حیوانات وحشیه-سی آز اولوب، باشلیجه تلکی و طاوشاندن عبارتدر. ککلیک و سائر آو قوشلری پک چوقدر. هواسی ملایم و صاغلام ایسه ده، تحولاتی چوق اولوب، بعضاً شدتلی صغوقلر دخی اولور. اهالیسی اکثریت اوزره روم اولوب، ساقز شهرنده و دیگر بعض طرفلرنده بولنان اهالی مسلمه-سی دخی روم لساننه آشاندر. ساقز لیلر تجارته پک مستعد اولوب، ایچلرندن بیوک شهرلرده تجارت و بانکلرک ایدر بر چوق اغنیا ظهور ایتمشدر. ساقز جزیره-سنگ اهالی قدیمه-سی (یونیا) یونانیلرندن اولوب، بعض فنیکه-لی و بعده یهودی مهاجرلرک دخی بو آطه-یه کله-رک توطن ایتمکلری مرویدر. بر خیلی وقت جنوه جمهوریتنک یدنده بولنمغله، جنوه-لیلرک احفاندن بعض اهالیسی دخی وارد، که مرور زمانله روملاشمشلسه ده، قتللیک مذهبنی محافظه ایتمشلردر. بولنر 1350 و اهالی مسلمه 1500 مقدارلرنده اولوب، 250 قدرده یهودی وارد. جزیره-ده اهالی مسلمه-یه مخصوص بر رشديه و بری ذکوره دیگرى اناته مخصوص ایکی ابتدائی مکتبی و ایکی مدرسه روملره مخصوص بر اعدادیه و بر رشديه ایله 72 ابتدائی، قتللیکره مخصوص 3 و یهودیلره مخصوص بر مکتب وارد. روملرک رومجه و فرانسزجه و سائر السنه-ده محرر 12000 جلدی حاوی بر کتبخانه-لری دخی وارد. مرکزی اولان ساقز شهرندن بشقه قصبه-سی اولمیوب، آنجق کویلرینک بر چوغی اسکی زمانده برر قصبه بولنمشدر.

1-2486-4

ساقز

شهری. آنف البیان ساقز جزیره-سنگ مرکزی بر شهر اولوب، محلنده %قاسترو\$ یعنی ((قلعه)) اسمیله معروفدر. جزیره-نگ ساحل شرقیسینده و چشمه-نگ قارشیسینده اولوب، 3000 قدری مسلم اولمق اوزره، 25000 اهالیسی، قلعه-سی، 9 جامعی، 2 مدرسه-سی، 3 تکیه-سی، 1 خسته-خانه-سی، بر رشديه و ایکی ابتدائی مکتبی، روملره مخصوص بر اعدادی و بر رشدی ایله بر قاچ ابتدائی مکتبی، 143 مغازه-سی، 10 یاغخانه-سی، 16 دباغخانه-سی و 55 یل دکرمی

وارد. خیلی تجارتگاه بر قصبه اولوب، بهر هفته بر قاچ واپور اوغرار. سنجاك مرکزی اولوب، دفعاتله جزایر بحر سفید ولایتته مرکز دخی اتخاذ اولنمشدر. بر قاچ سنه اول حرکت ارضدن خیلی رخنه-دار اولمش ایسه ده، ینه تعمیر اولنمشدر. *- ساقز قضاسی همنامی اولان سنجاك مرکز قضاسی اولوب، ساقز جزیره-سندن عبارتدر. و جزیره-ده واقع %قالمودی\$ %ووالیو\$ و %قاردامیلو\$ ناحیه-لرینی ده جامعدر. بوندن اول کی ماده-ده تفصیلات ویرلمکله، تکرارینه حاجت یوقدر.

2-2486-4

ساقز

سنجاغی. جزایر بحر سید ولایتتی ترکیب ایدن درت سنجاك بری اولوب، مرکز لوا اولان ساقز آطه-سندن بشقه اییصاره، قاریوط %نیقاریه\$، باطنوس، لریوز، قالیمنوز، استانکوی، آستروپالیه آطه-لرینی و دها بر طاقم کوچک جزایری حاویدر. بونلردن اییصاره، قاریوط، لریوز، قالیمنوز و استانکوی قضا اولوب، باطنوس لریوزه و آستروپالیه قالیمنوزه ملحق برر ناحیه صورتنده اداره اولنور. جزایر مذکوره-دن بهری حقتده اسمی صره-سنده معلومات لازمه ویرلدیکندن، شوراده زیاده تطویل مقاله حاجت کورلمدی.

3-2486-4

ساقز

ایرانک اردلان ایالتنده و تبریزک 192 کیلومتره جنوبنده اوله-رق %ارمیه\$ کولنه دوکلین بر نهرک اوزرنده و آذربيجان ایالتی حدودنده بر قصبه اولوب، اکثری کرد اولمق اوزره، 6000 اهالیسی واردر.

4-2486-4

ساقسون

[و ساقسه ((صاقسون)) و ((صاقسه)) ماده-لرینه مراجعت اولنه.]

5-2486-4

ساقو

1#

ممالک مجتمعه-نک شمال شرقی جهتنده بر نهردر، که %نیوهمپشیر\$ جمهوریتنده نبعانله، جنوب شرقی-یه طوغری آقه-رق %منه\$ جمهوریتنه دخول ایدر؛ و شماله طوغری دوندکن صکره، ینه جنوب شرقی-یه طوغری توجه، و مذکور جمهوریتی شق ایدر-ک، 257 کیلومتره-لک جریاندن صکره، همنامی اولان قصبه-نک آلت طرفنده بحر محیط آتلا سینک بر قوینه دوکیلور. حوضه-سی 3500 مربع کیلومتره-در. بر قاچ شلاله-سی اولوب، اک بیوکلرینک 22 متره ارتفاعی واردر. طغیانلری چوقدر.

6-2486-4

ساقو

1#

ممالک مجتمعه-نک %منه\$ جمهوریتنده %بورق\$ سنجاغنده و %پورتلاند\$ 23 کیلومتره جنوب غربیسنده اوله-رق همنامی اولان آنف البیان نهرک صول کنارنده و ایکی دمیر یول خطی اوزرنده واقع بر قصبه اولوب، 6395 اهالیسی، سفائن اعمالنه مخصوص دستکاهلری، چوق کمیلری، پاموق منسوجاتیله قوندره، قایش، بیره و سائره فابریقه-لری و حرازلری واردر. *- قارشیسنده یعنی نهرک صاغ کنارنده بولنان و فابریقه-لری چوق اولان %بییدفورد\$ قصبه-سنه درت کوپری ایله مربوطدر.

7-2486-4

ساقونداغه

1#

ممالك مجتمعه-نك %نيويورق\$ جمهوريتنده بر نهردر، كه بر طاقم كوللردن چيقوب، جنوب شرقى-يه بعده شماله و نهايت شرقه طوغرى جريان ايده-رك، و ديكر بر طاقم كوللرك آياقلىرى حكمنده اولان بر چوق چاپلر آله-رق، 200 كيلومتره-لك جريانندن صكره %هادلى\$ده %هودسون\$ كورفيزينه دوكيلور.

8-2486-4

ساقويل

1#

آمريقاي شماليه دومينيون قطعه-سنگ يكي برونسويق خطه-سندھ %اوستمور لاند\$ سناغنده و %سنت جون\$ك 146 كيلومتره شرق شماليسنده اوله-رق %هاليفاق\$دن %كومبر لاند\$ه كيدن دمير بول خطى اوزرنده بر قصبه اولوب، 4900 اهاليسى، كوزل ليمانى، سفائن اعمالنه مخصوص دستكاهلرى و داخلى مكاتبى واردر.

1-2487-4

ساقه

1#

حبشك جنوب جهتنده واقع %ليمو\$ خطه-سندھ و %انقوبر\$ك 352 كيلومتره غرب جنوبيسنده اوله-رق %باسوناروق\$ كولنه دوكلين %اومو\$ نهرينه تابع %كيبه\$ چايى اوزرنده و 1795 متره ارتفاعنده بر قصبه اولوب، 12000 اهاليسى و قهوه تجارتي واردر.

2-2487-4

ساقى، بالدبر زاده على

اونجى قرن هجرى عثمانلى شعراسندن اولوب، فلبه-ليدر. شو بيت اونكدر:

@@@

كورديلر سيل اشكمك جوشن

قندن اولدى بو قاتلو صوديديلر

\$

3-2487-4

ساقى

فرس شعراسندن دخى ايكي ذاتك مخلصيدر:

برنجيسى (ميرزا شاه حسين) ابتدا معمار اولوب، بعده امور دولته ملازمتله، شاه اسماعيل صفوى زماننده وزارتته نائل اولمشيدى. مهتر شاه قلى طرفندن قتل اولنمشدر. شو بيت اونكدر:

@@@

ان ما وتو يك كدام ناچار

بى مهر و وفاست ياتويامن

\$

*- ايكنجيسى هندستانده اكبر شاهه منسوب ايدى. شو بيت اونكدر:

@@@

زجانم گاه كریه گاه درد آلود بر خیرد
بلی چون آب بر آتش فشانی دود بر خیرد
\$

4-2487-4

ساکت، میرزا محمد امین

ایران شعرا سندن اولوب، تبریز لیدر. هندستانه رحلتله، عالمکیرک منصبدار لری زمره-سنه کیرمش؛ و شایسته خانک
رفاقتنده بنکاله-ده امرار عمر ایتمشدر. شو قطعه جمله اشعار ننددر:

@@@

چه نویسم ای جفا جو زدل خراب بی تو
که نبوده است کارش بجز اضطراب بی تو
تو و جلو عاکه هرکز ترسد بیادت از من
من و چشم خون فشانی که نکرده خواب بی تو
\$

5-2487-4

ساکتی

ایران شعرا سندن اولوب، چوق سویلمک عادتی اولدیغی حالده، عکسیله تخلص ایتمشدر. شو بیت اونکدر:

@@@

عمرم درین خیالی سر آمد که وه چرا
روز وصال چون شب هجران درانز نیست
\$

6-2487-4

ساکن، میرزا عنایة الله

هندستان شعرا سندن اولوب، شاهجهان آباد لیدر. 1160 تاریخنده لکهنویه کیدوب، %اود\$ حاکمی (وزیر الممالک نواب
شجاع الدوله بهادر)ک خدمتنه کیرمش؛ و بعده قلندر لکه سلوکلله %بنارس\$ه کیتمش ایدی. شو بیت اونکدر:

@@@

ندارم هیچ کس ساکن بقول حضرت جامی
همان بهتر که خود بر حال زار خویشتن کریم
\$

7-2487-4

ساکنای

1#

امریقای شمالیده دومینیون قطعه-سنک قناده خطه-سنده و %کبک\$ ایالتنده %سنت لوران\$ ایرماغنه تابع بر نهر اولوب،
%سنت ژان\$ کولندن خرچوله، %آلمه\$ جزیره-سنی قوجاقلیه-رق، کوزل بر شلاله دخی تشکیل ایتدکن صکره، 500
ایله 1000 متره آره-سنده بر کنیشلکده سرعتلی بر جریانله آقار، و بعده کسب سکونت ایدوب، 1020 متره کنیش و 100
و 200 و 140 و بر محلنده 269 متره درین اولدیغی حالده، چام آغاجلریله مستور تپه-لر آره-سندن کچه-رک، 198
کیلومتره-لک جریانندن صکره مذکور سنت لوران ایرماغنه دوکیلور. غریب اوله-رق منصبنده درینلکی یالکز 12 متره-
در. تابعلرینک اک مشهوری %هاها\$ نهری اولوب، بونک ملتقاسنده ینه بو اسمله مسمی بر واسع قوی تشکیل ایدیور.

حوضه-سی 70000 مربع کیلومتره و آباغی حکمنده اولدیغی کوله دوکلین انهار دخی داخل حساب اولورسه، بوندن چوق
دها واسعدر.

8-2487-4

سال

1#

روسیه-ده %دون\$ ایرماغنک صول تابعلرندن بر نهر اولوب، قره سال، اکشیبای سال و چوراک سال اسملریله اثره هانک
غرب جهتنده نبعان ایدن اوچ چایک اجتماعندن بالتشکل، غربه طوغری جریانه، میلانی پک آز بر وادیده و آلچق کنارلر
ایچنده آقه-رق، 654 کیلومتره-لک جریاندن صکره مذکور ایرماغه دوکیلور. حوضه-سی 22403 مربع کیلومتره
وسعتنده-در.

9-2487-4

سالات

1#

فرانسه-نک جنوب غربی جهتنده %غارونه\$ ایرماغنه تابع بر نهر اولوب، پیرنه طاغلرندن نبعانله، ابتدا طار بوغازلر و
قیالر ایچندن کمال سرعتله آقه-رق، و بعده اووه-لرده یاییله-رق شماله طوغری جریان ایدره-رک، 78 کیلومتره-لک مسافه
قطع ایتدکن صکره مذکور ایرماغه دوکیلور. مجراسی پک قیصه اولدیغی حالده، صویبی پک چوق و طغیانلری
تهلکه-لیدر.

1-2488-4

سالاد

1#

مجارستان ایالاتندن اولوب، شمال شرقی جهتنده %وسپرین\$، جنوب شرقیدن %شومک\$، شمال غربی طرفندن
%ایزنبورغ\$ ایالتیریه، غرباً %استیرییه\$، جنوباً دخی خرواستان خطه-لریله محدوددر. بوی 150 و اکی 20 کیلومتره
اولوب، 280000 اهالیسی واردر. مرکزی %ساله\$ چایی اوزرنده و پشته-نک 188 کیلومتره جنوب غربیسنده واقع
%ساله اکرسک\$ قصبه-سیدر.

2-2488-4

سالادو

ریو -*- 1# ((طولی چای)) دیمک اولان بو اسمله آمریقای جنوبیده 3 و مکسیقه-ده 1 که جمعاً 4 نهر واردر:
برنجیسی آرجنترین جمهوریتنک %بوئوس آیرس\$ ایالتنده %سانته-فه\$ ایالتی حدودنده بر طاقم بطاقلردن نبعانله، جنوب
شرقیه طوغری آقه-رق، 670 کیلومتره-لک مسافه قطع ایتدکن صکره، %سامبورومبون\$ قرینده بحر محیط آطلاسی-یه
دوکیلور. منبعنک 200 کیلومتره غربنده %کینتو\$ نهری یره باتمغله، مذکور بطاقلردن چیقان %ریوسالادو\$نک
%کینتو\$ نهرینک آلت طرفندن عبارت اولدیغی مظنوندر.
*- ایکنجیسی ینه آرجنترین جمهوریتنده %آند\$ سلسله جبالنک شرقی اتکلرندن نبعانله، سائر بر چوق انهارله متوازیاً
%پامپه\$ تعبیر اولنان او واسع اولتی اووه-لرک ایچنده جنوب شرقی-یه طوغری آقه-رق، 1800 کیلومتره-لک مسافه قطع
ایتدکن صکره، %پارانه\$ ایرماغنه دوکیلور. مجراسنک 600 کیلومتره-لکی طاغلرده و 1200 کیلومتره-لکی اووه-ده-
در. صاغ و صولدن بر چوق چایلرک صولرینی طویلایه-رق، بیوک بر نهر حالنه کیرر.
*- اوچنجیسی شیلینک شمال جهتنده %آند\$ سلسله جبالنک غربی اتکلرندن و 5560 متره ارتفاعی اولان بر محلدن
نبعانله، غربه طوغری جریان ایدره-رک، %آتاقامه\$ چولنه دوشر، و 200 کیلومتره-لک جریاندن صکره 20' 26° عرض
جنوبیده بحر محیط معتدله دوکیلور.

*- درنجبی مکسیقه-نک قسم شمالیسنده بر قاچ چایک اجتماعندن بالتشکل جنوبه آزیجق میل ایله شرقه طوغری آقه-رق، 450 کیلومتره-لک جریاندن صکره %ریوبر اوو\$ ایرماغنه دوکیلور. صویبی چوق ایسه ده، مجراسنک جوارلری همان اهلیدن خالیدر.

3-2488-4

سالادیلو

1#

آرجنتین جمهوریتنده بو اسمله بر قاچ نهر اولوب، اک بیوکی %بوننوس آیرس\$ ایالتنک پامپه-سنده نبعانله، شماله، بعده شمال شرقی-یه و نهایت شرقه طوغری آقه-رق، 300 کیلومتره-لک جریاندن صکره %سامبورومیون\$ قوینه دوکلین آنف البیان %سالادو\$ ایرماغنه منصب اولور.

*- ینه آرجنتین جمهوریتنک بوننوس آیرس ایالتنده و بوننس آیرسک 168 کیلومتره جنوب غربیسنده اوله-رق همانمی اولان نهر ایله %ریودلا قورس\$ نهری آره-سنده دخی بوا اسمله قضا مرکزی بر قصبه اولوب، 4000 اهالیسی و دمیر یولی وارد.

4-2488-4

سالازار

1#

آمریقای جنوبیده %قولومییه\$ جمهوریتنک %سانتاندر\$ ایالتنده و %قوقوته\$نک 60 کیلومتره غرب جنوبیسنده اوله-رق همانمی بر چایک صول کنارنده بر قصبه اولوب، 6020 اهالیسی و جوارلرنده کلیتلی قهوه محصولاتی وارد.

5-2488-4

سالاه

و دها طوغریسی سراحه 1# آفریقای غربیده یوقاری کینه-نک %غونجه\$ و نام دیکرله %غواندیوه\$ خطه-سنده و ((آتون ساحل)) دینلن انکلیز مهجرینک شمالنده اوله-رق ساحلن 335 و %وولته\$ نهرینک صوک کنارندن 35 کیلومتره-لک مسافه-ده، 8' 32° عرض شمالی ایله 3° طول غربیده واقع بر قصبه اولوب، 6000 اهالیسی و خیلی ایشلک تجارتی وارد. مقدما قرق الی بیگ اهالیسی وار ایدی. بر حکومت اسلامیه-نک النده اولوب، حاکمی قصبه-نک 5 کیلومتره جنوب شرقیسنده واقع %پامی\$ قریه-سنده اقامت ایدر.

6-2488-4

سالامانقه

1#

اسپانیانک قسم غربیسنده ملغا %لیون\$ قرالغنده و مادریدک 178 کیلومتره غرب شمالیسنده اوله-رق %دویرو\$ ایرماغنک صول تابعلرندن %تومس\$ک صاغ کنارنده ایالت مرکزی بر شهر اولوب، 22200 اهالیسی، دار الفونوی، دباغخانه-لری، چناق چوملک عملخانه-لری، اسکی رومالیلردن قالمه 3½ مترو اکنده و 400 متره بوینده اوله-رق 27 کمر اوزرینه مینی بر کوپریسی، 60000 جلدی حاوی کتبخانه-سی، پک چوق قیمتدار رسملری و سائر صنایع نفیسه آثارینی حاوی موزه-سی و متعدد مصنع کلیساسی وارد. خانه-لری پنبه رنکنده و قولای ایشلنیر بر نوع طاشدن معمول اولمغله، منظره-سی پک کوزلدر. صنایع و تجارتجه هیچ بر اهمیتی یوغیسه ده، آثار عتیقه-سنک کثرتی سببیله ((اسپانیانک روماسی)) تسمیه اولنمشدر. پک اسکی بر شهر اولوب، رومالیلرک و اوندن اول قارتاجیلرک الینه کچمزدن اول دخی خیلی اهمیتی وار ایدی. اندلس دولت اسلامیه-سی زماننده دخی بیوجک بر شهر اولوب، عربلر عتدنده %سلمنکه\$ اسمیله معروفدر.

*- سالامانقه ایالتی شمالاً لیون خطه-سنک %زاموره\$، شرقاً اسکی قاستیله-نک %اوله\$ و %الودولید\$، جنوباً %استر-مادوره\$نک %قاسرس\$ ایالتلریله، غرباً دخی پورتکیز حدودیله محدود اولوب، مساحه سطحیه-سی 12510 مربع

کیلومتره و اهالیسی 314472 کشیدر. ایالت همان کاملاً غرب شمالی حدودینی ایران %دویرو\$ ایرماغنگ حوضه-سی داخلنده اولوب، مذکور ایرماغه دوکیلن باشلیجه انهاری %تورمس\$ یلتس و آقونده-در، که جمله-سی جنوب شرقین شمال غربی-یه طوغری آقارلر. قسم جنوبیسی طاغلق اولوب، %سیراده غانه\$ ایله %پنیده فرانچه\$ طاغلی بو جهته جنوب غربین شمال شرقی-یه طوغری ممتد اولورلر. جنوب شرقی حدودنده دخی %سیراده غردوس\$ سلسله جبالنگ بعض اتکلری اوزانبور. بو طاغلق جنوبی مانله-لری صرب اولدیغی حالده، شمال اتکلری سطح مائل حالنده ایالتک ایچنده پک اوزاقلره قدر ممتد اولمغله، اورمانلره مستور بر طاقم قوللر اوزاتیرلر. بو طاغلردن برنجیسنک اک یوکسک ذروه-سی 1723 متره ارتفاعنده-در. طاغلق جهتلری غیر منبت ایسه ده، آلق یرلری و علی الخصوص نهر و وادیلری پک منبت اولوب، بغدای بره یکرمی و اوتوز و یولاف بره قرق و قرق بش محصول ویرر. چایر و مرعاری دخی چوقدر. انهارینک هیچ بری سیر سفاننه صالح اولدیغی کبی، یتاقلری پک درین اولدیغندن، سقی اراضی-یه دخی یارایه-میور. معدنلری پک چوق ایسه ده، همان هیچ بری اخراج اولنمامقده، و کثرت اوزره بولنان میاه معدنیه حال طبیعیلرنده بولنمقده-در. هواسی پک اویغونسز اولوب، یازین زیاده صیجاق و قیشین پک صوئوق اولور. هر طرفدن طاغله محاط اولدیغندن، یاغمولری پک آز و سیرکدر. صنایع و تجارت پک کری ایسه ده، ایالتی بر قاچ دمیر یول خط و شعبه-سی شق ایدوب، اسپانیانک هر طرفیله و پورتکیزله اختلاط و ارتباطی واردر. ایالت سکز قضایه منقسم اولوب، 388 ناحیه ویا دوائر بلدییه-یی حاویدر.

1-2489-4

سالامانقه

1#

مکسیقه ممالک مجتمعه-سنک %غوانایو اتو\$ جمهوریت و ایالتنده و غوانایو اتونک 54 کیلومتره جنوبنده اوله-رق %لرما\$ نهرینک صاغ کنارنده و شهر مذکوردن مکسیقویه کیدن دمیر یول خطی اوزرنده اوله-رق 1757 متره ارتفاعنده واقع قضا مرکزی بر قصبه اولوب، 10000 اهالیسی و پاموق منسوجات فابریقه-لری واردر.

2-2489-4

سالاموریا

1#

تسالیه-ده-کی کوستم نهرینک رومجه اسمیدر. [(کوستم)) ماده-سنه مراجعت بیوریله].

3-2488-4

سالامینه

1#

یونانک %اکینه\$ کورفرنده و آتیقه خطه-سنک ساحل جنوبیسی قارشیسنده بر آطه اولوب، الیوم %قولوری\$ اسمیله دخی معروفدر. شمالدن جنوبه بویی 12 کیلومتره اولوب، 93 مربع کیلومتره مساحه سطحیه-سی واردر. هلال رسمنده اولوب، قوینک ایچنده همنامی اولان بر کوچک قصبه و ساحل شمالیسنده یونانک ترسانه-سی و باشلیجه عسکری لیمانی بولنیور. آطه هر نه قدر طاشلق و قورو کورینورسه ده، خیلی حبوبات و اوزوم محصولی واردر. اهالیسی 4570 مقدارنده اولوب، جمله-سی ارناؤد جنسیتنه منسوب و ارناؤد لسانیه متکلمدر. %آتیقه مع بنوتیا\$ ایالتک %مغاریده\$ قضاسنه ملحق بر ناحیه صورتنده اداره اولنور. میلاددن 480 سنه اول آتته-لیلر بو آطه-نک اوکنده ایران ذونماسنی مغلوب ایتمشلردر. آتته-نک مشهور شارعی (سولون) ایله مشاهیر شعراء قدیمه-دن (اوریبیدی)نک وطنیدر. 1456 تاریخ میلادیسنده عثمانلیلر طرفندن فتح اولنه-رق، یونان استقلالنده ترک اولنمشدر.

1-2490-4

سالامینه

1#

قبريس جزيره-سنگ ساحل شرقيسنده بر مدينه قديمه اولوب، بر خيلي وقت بر كوچك حكومت مستقله-نك مركزي بولنمش؛ و بعده مصر بطالسه-سى و صكره روماليلر طرفندن ضبط اولنه-رق، قسطنطين زماننده زلزله-دن خراب اولمغله، دها جنوبده %قسطنطيا\$ ياخود %قوستانچه\$ اسميله يكيدين تاسيس اولنمش؛ و هراقليوس زماننده عربلر طرفندن ضبط و تخريب اولنمشدر. اليوم ويرانه-لرنده %آى سرجى\$ اسميله بر قريه بولنيور.

4-2490-2
ساليتريره
1#

پارسه اورليان موقفي قربنده بيوك بر خسته-خانه اولوب، 5000 يتاق استيعاب ايديور. 1656ده تاسيس اولنوب، ابتدا خسته-خانه عمومي تسميه اولنمشدى.

4-2490-3
سالت
1#

انكلتره سياحينندن اولوب، 1809 تاريخنده دولت متبوعه-سى طرفندن مأموريت مخصوصه ايله حبشه كوندرلمش، و بعده مصره قونسولوس تعيين اولنمشدى. بر حبش سياحتنامه-سييله مصر هير و غليف خطنه دائر بر كتاب يازمشدر.

4-2490-4
سالت لاکه
1#

يعنى ((طوزلى كول)) ممالك مجتمعه-نك جماهير غربيه-سندن %اوانه\$ جمهوريتنده بيوك بر كول اولوب، سطحى 1265 متره ارتفاعنده اولديغى حالده '40° 40' ايله '45° 41' عرض شمالى و '10° 114' ايله '30° 115' طول غربى اره-سند جنوب شرقيدن شمال غربى-يه طوغرى ممتد اولور. بويى 125 و اكي 80 كيلومتره اولوب، مساحه سطحيه-سى 5000 ايله 6000 مربع كيلومتره آره-سند تخمين اولنيور. وقتيله چوق دها بيوك اولديغى آكلاشيلبور. ايچنه بر قاچ چاي دوكيلوب، آياغى اولمديغى حالده، تبخراتله صويى آزالمقده-در. ياغمور و قارلرك اريمسى موسملرنده صويى چوغالوب، ايچنده بولنان آطه-لر كوچولور؛ و صولر چكلدكده، بولنرك بعضلرى ساحلله برلشوب، شيه جزيره صورتته كيير. درينلكى هيچ بر يرنده 1212 متره-دن زياده اولميوب، بعض محللرى آنجق بر ايكي متره عمقده-در. صويى پك طوزلى و آجيدر.

4-2490-5
سالت لاکه سیتی
1#

يعنى ((طوزلى كول شهري)) ممالك مجتمعه-نك قسم غربيسنده %اوانه\$ اراضيسنك مركزي بر شهر اولوب، سالت لاکه كولنه دوكلين %يوردان\$ نهرينك صاغ كنارندن 3 كيلومتره-لك مسافه-ده و بو نهرك منصبندن 17 كيلومتره بوقاريدنه اوله-رق %سان فرانسسكو\$ نك 1005 كيلومتره شرق شماليسنده، 1311 متره ارتفاعنده، بر قاچ دمير بولك نقطه تقاطعنده و '45° 40' عرض شمالى ايله '22° 114' طول غربيه واقعدر. سوقاقلرى دوز و غايتله واسع بر شهر اولوب، 20770 اهالييسى واردر. 1847 تاريخ ميلاديسنده مورمونلر طرفندن تاسيس اولنه-رق، بولنرك مركزيدر. خانه-لرى بر قاتلى و باغچه-لر ايله محاطدر. اورته-سند مورمونلرك عبادتخانه-سى مقامنده اولان و اون بيك كشي استيعاب ايدر غريب بر بنا بولنيور.

4-2490-6

سالتی
1#

انکتره-نک %وارویق\$ ایالتنده و %بیرمینغهام\$ک شمالنده 6420 اهالی-یی جامع بر قصبه اولوب، شهر مذکورک بر محله-سی حکمنده-در.

7-2490-4
سالته
1#

آمریقای جنوبیده آرچنتین جمهوریتنده و %بونوس آیرس\$ک 1324 کیلومتره شمال غریبسنده اوله-رق %سالادو\$ نهرینه تابع %آریاس\$ چاینک صول کنارنده و 1202 متره-لک ارتفاعده همنامی اولان ایالتک مرکزی بر شهر اولوب، 20000 اهالیسی، رصدخانه-سی، کنیش و تمیز سوقاقلری و پک ایشلک تجارتی واردر. هواسی پک مختلف اولوب، میزان الحراره 43 درجه-یه قدر چیقوب، تحت الصفر 6 درکه-یه قدرده اینر.

8-2490-4
سالته
1#

آمریقای جنوبیده آرچنتین جمهوریتنک منتهای شمال غریبسنده و %آند\$ سلسله جبالنک اتکلرنده واقع واسع بر ایالت اولوب، شیلی ایله بولیویا حدودی آره-سندده بر زاویه تشکیل ایدیور. شمال شرقیدن جنوب غربی-یه اولان طول اعظمی 800 کیلومتره اولوب، 128266 مربع کیلومتره-لک مساحه-سی اولدیغی حاده، آنجق 145000 اهالی ایله مسکوندر. بونلر اسپانیولرله یرلیلر اختلاطندن متولد اولوب، ساکن و حلیم آدملردر. طاغلرده بولنان وحشیلر بو عدده داخل دکلدر. اراضیسی مختلف اولوب، آند سلسله-سنگ خیلی یوکسک یرلرندن %شاقو\$ صحرای کبیرینه-دک ممتد اولمغله، قسم غریبسی 6000 متره ارتفاعرینه قدر چیقوب، قسم شرقیسی حدای بحردن 200 متره-لک ارتفاعلره قدر اینر. بناءً علیه محصولاتی دخی اوکا کوره مختلف اولوب، شکر قامشی، قهوه، موس، مصر، بغدادی، یولاف، کتن، پتاتس، اوزوم و میوه و سبزه-لرک انواعی حاصل اولور. حیواناتی دخی پک چوق اولوب، کلپتلی آت و صیغیر ایله پیاغی، یاغ، پینیر، دری و سائر حیوانات محصولاتی اخراج اولنور. معادن-ده چوق اولوب، آلتون، کموش، باقیر، کمور، آسفانتو، پترول و سائر معادن مختلف محللرنده بولنیورسه ده، هنوز هیچ بری اخراج اولنما-مقده-در. میاه معدنیه-سی و طوزی-ده چوقدر. دمیر یوللری بوندن بر قاچ سنه اول 250 کیلومتره ایدیسه ده، کیتدکجه تمدید و تزئید اولنمقده-در. ایالت 20 قضایه منقسمدر. همنامی اولان مرکزندن بشقه شهر و قصبه-سی یوقدر.

1-2491-4
سالتیلو
1#

مکسیقه ممالک مجتمعه-سنگ قسم شمالیسنده %قواهوئیلا\$ جمهوریتنک مرکزی بر شهر اولوب، مکسیفونک 710 کیلومتره شمال غریبسنده و 1553 متره ارتفاعنده واقع و 22800 اهالی-یی جامعدر.

2-2491-4
سالچاخ
1#

آلمانیانک قسم جنوبیسنده طونه-یه تابع %این\$ نهرینه دوکیلور بر چای اولوب، آوستریانک سالچبورغ ایالتنده و تیرول حدودنده 2463 متره-لک ارتفاعده ایکی دره-نک اجتماعندن بالتشکل، شرقه، بعده شماله و نهایت شمال شرقی-یه طوغری جریانله، 60 کیلومتره-لک محله آوستریا ایله باویره حدودینی آیردقن صکره مذکور %این\$ نهرینه دوکیلور. مجراسی

315 كيلومتره طولنده و حوضه-سنگ مساحه سطحه-سى 6552 مربع كيلومتره وسعتنده-در. باشليجه تابعى %ساله\$ نهريدر. اشاغى قسمى سير سفائنه و يوقارىسى صالح يوزديرمكه صالحدر. كنارى بويجه بر دمير يول خطى تمديد اولنمشدر.

3-2491-4

سالچبورغ

1#

اوسترياده ويانه-نك 253 كيلومتره غرب جنوببيسنده و آنف البيان سالچاخ نهرى اوزرنده بر شهر اولوب، 24950 اهالييسى، پاموق منسوجاتله آيينه، چينى، توتون و سائره فابريقه-لرى، دميرخانه-لرى، دباغخانه-لرى، نهرك اوزرنده 4 كوپريسى، مكتب اعداديسى، داخلى مكتبى، دار المعلمينى، بيوك كتبخانه-سى، حكمت طبيعیه و تاريخ طبيعى نمونه خانه-سى، موزه-سى، نباتات باغچه-سى، غايت كوزل منظره-سى و اطرافنده پك مفرح موقعلرى و كوشكلرى واردر.

*- سالچبورغ ايالتى ويا دوقه-لغى شمالاً و شمال شرقى جهتندن يوقارى اوستريا، شرقاً استيريا، جنوباً قارينتيا و تيروول، غرباً دخى ينه تيروول و باويره ايله محدود اولوب، "20' 57' 46° ايله 2' 48° عرض شمالى و '45' 9° ايله '39' 11° طول شرقى آر-لرندده ممتد اولور. مساحه سطحه-سى 7152 مربع كيلومتره اولوب، 163570 اهالييسى واردر.

اراضيسى طاغلق اولوب، آلب سلسله-سنگ %هوهه تايرله\$ قولى و بونك شعبه و اتكلرى ممتد اولور. اك يوكسك ذروه-لرنده %غروس غلوزك\$ 3797 و %ونديكر\$ 3673 متره ارتفاعى واردر. طونه حوضه-سندده واقع اولوب، باشليجه نهرى %اين\$ه تابع %سالچاخ\$در. بو نهره دوكلمك اوزره بر خيلى چايلرى و طوغريدن طوغرى-يه طونه-يه دوكلين %انس\$ و %دراوه\$يه تابع %مور\$ اسملريه ايكي نهرى دخى واردر. بر قاچ كوچك كول دخى اولوب، اك بيوكلرى %زل\$ كوليدر. هواسى صوئوق، شدتلى و سريع التحول اولوب، فرطونه-لرى چوقدر، و اكثرثيا ياغان طولو ايله بهار موسمنده وقوع بولان طولنر محصولات حقنده پك مضردر. يالكز بعض آلچق اووه-لرله محفوظ واديلرده هوا نسبه معتدلدر. اراضيسى طاغلق اولمغله، قسم اعظمى اراضى خاليه-دن عبارت اولوب، اورمانلريه مرعالى دخى چوقدر. قابل زراعت اراضيسى يوزده طقوز نسبتنده اولوب، ذخايردن بغدادى و آرپه محصولاتى پك آز و يولاف و چاودار نسبه دها چوقدر. اورمانلردن خيلى كراسته قطع اولنوب، نهرلرده يوزديريله-رك، ايندريلير. حيوانات اهليه-سى پك چوق اولوب، 1880 استاتستيقته كوره، 11050 ات، 149581 صيغير، 58290 قيون، 19621 كچى و 10913 طوموز واردر. آرى قوغانلرى-ده 12709 عددنده-در. آنلرى بيوك و قوتلى اولوب، آرابه چكمكه پك الويريشليدر. صيغيرلرينك جنسى دخى اييدر. معادنى پك چوق اولوب، دمير كيتنكجه توكنمكده ايسه ده، آنتون، باقير، نيكل، آرسنيك و سائر معدنلر كليته اخراج اولنور. اسمندن دخى آكلاشليدىغى اوزره، ايالتك هر طرفنده كليته قيا طوزى چيقار. مرمرى دخى چوق و پك مقبولدر. صنايع محليه باشليجه معادنك اخراج و اعمالنه دائر اولوب، بر چوق دميرخانه و قالخانه-لرى واردر. سائر صنايعى بيره، قونياق، جامه متعلق شيلر و جزئى يوك منسوجاتله چوقلاته و سائره اعمالندن عبارت اولوب، حرازلرى دخى پك چوقدر. تجارتي باشليجه محلى اولوب، يالكز ات و صيغير ايله معادن و كراسته و طوز اخراجاتى چوقدر. اهالييسى همان كاملاً آلمان و قتوليكدر. ايالت 4 قضايه منقسم اولوب، 155 ناحيه-يى حاويدر. 26 اعضادن مركب بر مجلس منتخبي واردر، و ويانه مجلس مبعوثاننه 5 مبعوث كوندركم حقتى حائزدر.

1-2492-4

سالچودل

1#

پروسياه-نك صاقسه ايالتنده %ماغدبورغ\$ قضايسنده و ماغدبورغك 85 كيلومتره شمال غرببيسنده ناحيه مركزى بر قصبه اولوب، 8780 اهالييسى، دمير يولى، داخلى مكتبى، قيزلره مخصوص مكتب عالييسى، اسكى بر سرايى و بيكه، باصمه، چوارب، اجزاء كيميويه، ايكنه، زراعت ماكينه-لرى، شكر، بيره، مسكرات، زيتون ياغى و سائره فابريقه-لرى و دباغخانه-لرى واردر.

2-2492-4

سالخوره

1#

يانيه ولايت و سناغنگ % لوروس قزاسنده و نارده كور فزنيك ساحل شماليسنده اوله-رق، پروزه-نك 16 كيلومتره شرق شماليسنده بر قريه و اسكله اولوب، بطاقلقار آره-سنده بولنمغله، هواسي پك آغير و صيتمه-ليدر. بر كمرك دائره-سي واردر.

3-2492-4

سالرته

1#

ايتالياي جنوبيده % قامپانيه خطه-سنده و ناپولينك 45 كيلومتره شرق جنوبيسنده همنامي اولان كور فزك ساحل شماليسنده ايلت مركزي بر شهر اولوب، 23010 اهاليسي و پاموق منسوجات، طوغله مقارنه و سائره فابريقه-لر يله دمير و باقير دوكمخانه-لري، بر قاچ دمير يول خطي و تجارته پك چوق الويريشلي موقعي وار ايسه ده، ليماي مسدود اولوب، اخيراً صناعي ليماي انشاسته تشبث اولنمشدر. يوللري طار و ابنيه-سي طرز قديمده-در. پك اسكي بر شهر اولوب، بر آره-لق عربلرك الينه دخي كچمش ايدى.

-* سالرته ايلتي % پرنچيپاتو چيتريوره اسميله دخي مسمي اولوب، قامپانيه خطه-سني تركيب ايدن بش ايلتك بريدر. شمال غربي جهتندن ناپولي، شمالاً اولينو و نام ديكرله پرنچيپاتو اولتريوره، شرقاً پوتنچه و نام ديكرله بازيلقانه، ايلتلر يله جنوباً و غرباً دخي دكيزله محاطدر. مساحة سطحه-سي 5506 مربع كيلومتره اولوب، 550160 اهاليسي واردر. ايلت 4 قزادن مركب اولوب، 158 ناحيه-يي حاويدر. اراضي عموميت اوزره طاغلق اولوب، قسم شماليسنده % آپنين سلسله-سنگ بر قولي ممتد اولور، كه اك يوكسك ذروه-سي 1790 متره ارتفاعده-در. مياه جاريه-سي ايلتك داخلنده ويا حدودنده نبعانله كور فزه دوكلين بر طاقم قيصه چاپلردن عبارت اولوب، بونلرك اك بيوكي اولان % سله-نك مجراسي انجق 60 كيلومتره طولنده-در. ايلتك 200 كيلومتره-لك ساحلي وار ايسه ده، بو ساحل يالكز بر طاقم كوچك ليمائلري حاويدر. اراضي پك منبت اولوب، بغدای، مصر، پورتقال، ليمون، زيتون، اوزوم و سائر محصولاتى چوقدر. خيلى مقدار توتون دخي حاصل اولور. اراضي سگ بر ثلثي مزرعو در. اورماتلري چوق اولوب، خيلى كراسته اخراج اولنور. مرعالري دخي چوق اولوب، 166000 ي صيغير اولمق اوزره، 236000 حيواناتى واردر. پينير اخراجاتي دخي چوقدر. صناعي دخي خيلى ايلري اولوب، على الخصوص % سالرته قزاسنده بر قاچ دميرخانه و دوكمخانه ايله كيرج فزونلري و جام، باروت اپيليك، مختلف منسوجات، بويا، كاغد، مقارنه و سائره فابريقه-لري واردر. تجارتي-ده خيلى ايشلك اولوب، كرك بحراً و كرك دمير يوللر اجرا اولنور.

4-2492-4

سالسته

و هندجه ساچي 1# هندستانك ساحل غربي سي قارشيسنده و % بمباي شهرينك بولنديغي جزيره-نك قرينده بر آطه اولوب، 19° 2' 30" ايله 19° 18' 30" عرض شمالي و 70° 31' 16" ايله 70° 32' 45" طول شرقى آره-لر نده ممتد اولور. طول اعظمي 29 و عرض اعظمي 18 كيلومتره اولوب، 624 مربع كيلومتره لك مساحة سطحه-سي و 108150 اهاليسي واردر، كه بونلردن 7035 ي مسلمدر. ساحل شرقيسنده واقع اولوب مركزي بولنان % طانه شهرندن بشقه % بندره و % كورله اسملر يله ايكي قصبه-سي اولوب، برنجيسنك 15000 و ايكنجيسنك 9715 اهاليسي واردر. آطه-نك بر باشندن بر باشنه-دك درت بش يوز متره ارتفاعده بر طاغ ممتد اولوب، ساحله قريب محللري دوزدر، و بر قاچ چايي دخي واردر. اراضي پك منبت اولوب، باشليجه محصولي پرنجدر. بر مقدار داري دخي حاصل اولور. هندستان جوزيله خرمالري-ده چوقدر. هواسي پك صيچاق و صيتمه-ليدر.

1-2493-4

سالف، بن عثمان النقي

صحابه اولوب، جانب نبويدن قومي اولان بنى ثقيفك صدقه-سي جمعنه مأمور اولمش؛ و بر روايته كوره، بعده طائفه دخي عامل تعيين بيورلمش ايدى.

2-2493-4

سالفورد

1#

انكلتره-نك لافقاستر ايالتنده و مانچسترك غربنده 101585 اهالي-بي جامع بر شهر اولوب، مانچستر شهرينك بر قسمي حكمنده-در. بز و چوخه بيوك فابريقه-لريله دميرخانه-لري واردر.

3-2493-4

سالك

ايران شعراسندن بر وجه زير درت ذاتك مخلصيدر:
برنجيسي (محمد ابراهيم) قزوینلی اولوب، بر مدت اصفهانده یاشامش؛ و شاهجهان زماننده هندستانه سیاحت ایدوب،
عودتنده قزوینده وفات ایتمشدر. شو بیت اونکدر.

@@@

چین بر جبین زجنبش هرخس نمیز نند
دریا دلان چو آب کهر آرمیده اند

\$

*- ایکنجیسی اصفهانلی اولوب، شو بیت اونکدر:

@@@

جست و جودی دکری داشت چو پرسیدم ازو
منفعل کشت و یمن کفت ترامیجو یم

\$

*- اوچنجیسی کاشانلی اولوب، شو رباعی اونکدر:

@@@

بی روی توای مردم کاشانه چشم
پر باده حسر تست پیمانه چشم
تو جای دکر گرفته خانه و من
بهر توسفید کرده ام خانه چشم

\$

*- دردنجیسی یزدلی اولوب، بر مدت عراق و فارسده یاشامش؛ و نهایت هندستانه رحله ایدوب، اوراده وفات ایتمشدر.
شو بیت اونکدر:

@@@

دوستان دربوستان چون عزم کل جیدن کنید
اول ازپاران دور افتاده یاد من کنید

\$

4-2493-4

سالکی

اسکی عثمانلی شعراسندن اولوب، ادرنه-لیدر. می و محبوبه دوشکون اولوب، اکثر عمرینی بلاد عربده سیاحتله
کچیرمشدر. شو بیت اونکدر:

@@@

یاز سه-م عجب می سن شه نا مهربانه جونک
ران درونی یازمغه اولور بهانه جونک

\$

5-2493-4

سالکیر

قریمده بر نهردر، که چادر طاغندن نبعانله، ابتدا شمال غربی-یه و بعده شمال شرقی-یه جریان ایدوب، سیمفر و پولک ایچندن مرور، و منبت بر وادینک ایچندن جریان ایده-رک، قره صو نهریله برلشدکن صکره، آراق دکیزینه دوکیلور. مجراسی 181 کیلومتره طولنده و حوضه-سی 5467 مربع کیلومتره وسعتنده-در.

6-2493-4

سالم

صحابه-دن بر وجه زیر برقاچ ذاتک اسمیدر: (ابو عبد الله سالم بن عبید یاخود بن معقل) که قریشدن ابو حذیفه-نک زوجه-سی انصاریاتدن (ثبیته) نک آز ادلیسی و مشار الیه ابو حذیفه-نک آخرت اوغلی اولوب، هجرت نبویه-دن اول مدینه منوره-یه انتقال ایتمش اولمغله، هم مهاجریندن و هم ده انصاردن معدوددر. افاضل صحابه-دن اولوب، قرآن کریمی بیلمه-ده جانب حضرت نبویدن تمییز و توصیه بیوریلان درت ذاتک بریدر. حضرت عمر فاروق (رضه) نک صاحب ترجمه-یه پک چوق حرمت و اعتمادی وار ایدی. عن اصل اهل قارسدن ایدی. بدر، احد، خندق غزالرنده و سائر غزواتده حاضر بولنوب، بعده یمامه وقعه-سنده شهید اولمشدر. *- (سالم بن حرملة العدوی) که کنج ایکن نزد حضرت نبوی-یه واروب، شرف اسلامه مشرف اولمشدی. *- (ابو هند سالم بن ابی سالم) که حجاملقله مشغول اولوب، حضرت رسول الله (صلعم) افندمزی حجامت ایتمش، و مبارک قاننی ایچمش اولمغله، قانک حرمتندن طولایی توبخ حضرت نبوی-یه مظهر اولمشدی. *- (سالم بن عبید الاشجمی) که اهل الصفة-دن معدود اولوب، بعض احادیث شریفه-نک راویسیدر. *- (ابو شداد سالم بن ابی سالم الحمصی) که وفات حضرت نبوی-یی مشاهده، و بعده حمصده توطن ایدوب، اوراده وفات ایتمشدر. *- (سالم بن عمیر العمری) که عقبه، بدر، احد غزالرنده و سائر غزواتده حاضر بولنوب، معاویه زماننده وفات ایتمشدر. بکائین سعیه-نک بریدر. *- (سالم بن وابسه) که بر حدیث شریفک راویسیدر. *- فخر کائنات (صلعم) افندمک آز ادلیلرندن بر سالم دخی واردر.

1-2494-4

سالم

ایران شعرا سندن بر وجه زیر اوچ ذاتک مخلصیدر:
برنجیسی (محمود بیگ) تبریز امرای ترکمانندن و علمادن اولوب، نسخه-سی نابود اولان بر یوسف زلیخا منظومه-سی و سائر اشعار و اردر. شو بر ایکی بیت مذکور منظومه-سندندر:

@@@

تعالی الله زنان خو برویان
مژه عاشق کش و لب عذر کویان
کشیدن خیچر مژگان که بر خیر
کشادن غنجه خندان که بکریز

\$

*- ایکنجیسی (عبد الففار) کاشانلی اولوب، شو رباعی اونکدر:

@@@

یک لحظه غم تو بیوفائی نکند
باتیر دل من آشنائی نکند
غم بارل خون کرفته عهدی کرده است
تا او باشد ازو جدائی تکند

\$

*- اوچنجیسی (میرزا محمد علی) سلطان عبد الحقک احفاندن اولوب، کنج یاشنده 1182 تاریخنده بغدادده طاعوندن وفات ایتمشدر. شو بین اونکدر:

@@@

وقت دل خوش که خبر داشت بکوباتوزکار
او بیا ماند و من از بیخیری بستم بار

\$

2-2494-4

سالم

شعراى عثمانیه-دن دخى درت ذاتك مخلصيدر:
برنجیسی طربزونلری اولوب، سلطان محمود خان اول دورنده سفارتله هندستانه اعزام اولنه-رق، اثنای راهده وفات
ایتمشدر. شو بیت اونکدر:

@@@

کزدم نهاد اولانلره اقبال ایدر بو چرخ
احکام وقتی باق ساعته عقربنده-در

\$

*- ایکنجیسی (میرزا زاده محمد *- افندی) شیخ الاسلام میرزا مصطفی افندینک اوغلی اولوب، طریق علمی-یه سلوک
ایله، روم ایلی صدارتی پایه-سنه اصل اولدقدن صکره 1156 تاریخنده وفات ایتمشدر. بر قاچ شرح و حاشیه-سی و
عربیدن مترجم بعض رسائلیله ((ماهیه العاشق)) عنوانیله تصوفه دائر 4 خلددن مرکب بر تألیفی و اسمنه نسبتله یاد
اولنور بر تذکره الشعراسی وارد، که فطین دیلنی یازمشدر. شو مطلع جمله اشعار ننددر:

@@@

اشک ترمی دیده رخ یاره دوشوردی
افتاده-لکی شبنمی کلزاره دوشوردی

\$

*- اوچنجیسی (محمد *- افندی) چرکسی الاصل اولوب، سرعسکر اسبق خسرو پاشانک آزادلیلرندن ایدی. ادبیات
عربییه و فارسیه-یه آشنا و طریقت سعديه-یه منسوب ایدی. 1267ده قلعه سلطانیه-ده وفات ایتمشدر. شو مطلع اونکدر:

@@@

دل بیمار حسرت دوندی ناله اینجه-دن اینجه
ایدوب هب پستر هجرکده ناله اینجه-دن اینجه

\$

*- درنجیسی آناتولیده-کی عثمانجق قصبه-سندن اولوب، 1209ده طوغمش، و بعض مأموریتلرله آناتولی و روم
ایلیده کزمشدر. شو بیت اونکدر:

@@@

عاشقم زهد و ریادن سالمم
شاعرم تبغ زباتمدن صقین

\$

3-2494-4

سالم

اندلسده %باروشه\$ اعمالندن میاه جاریه-سیله و اشجارینک کثرتیله مشهور بر قصبه اولوب طارق بن زیاد طرفندن اثنای
فتحه تخریب و بعده دور اسلامده اعمار ایدلمش اولدیغنی و کندی زماننده فرنکلرک آنده بولندیغی یاقوت حموی بیان
ایدیور.

4-2494-4

سالم

یاخود چلام 1# هندستانک مدارس دائره-سنده و مدراسک 282 کیلومتره جنوب غربیسنده و مدارسن کلکته-یه کیدن دمیر
یول خطی اوزرنده اوله-رق واسع بر اووه-ده سنجاچ مرکزی بر شهر اولوب، 4670ی مسلم اولمق اوزره، 50665
اهالیسی، کنیش سوقاقلری، پک چوق منسوجات دستکاهلری، هفته-ده بر قریلور بازاری و بعض اسکی سرائلری وارد.
هواسی مقدما پک آغیر ایدیسه ده، بطاقلرک تطهیری اوزرینه اصلاح اولنمشدر. اطرافنده-کی اووه-ده 200 کوچک کولی
و 2000 قدر میاه جاریه بولنوب، بو اووه-ده کلینتی چبویید و توتون و پاموق حاصل اولور.

*- سالم سنجاغی '2° 11' ایله '54° 12' عرض شمالی و '13° 75' ایله '46° 76' طول شرق آره-لرنده ممتد اولوب، مساحت سطحیه-سی 19820 مربع کیلومتره و اهالیسی 1599595 نفوسدن عبارتدر. اهالی مذکورده-دن 51090 سی مسلمدر. اراضیسی عمومیت اوزره طاغلق اولوب، بر قاچ صره طاغلق ایالتی شق و بر چوق نهرلر دخی ایچندن جریان ایدر. اووه-لری و غایتله منبت وادیلری دخی چوق اولوب، داری و سائر حبوباتله، پاموق، چبید، خشخاش و بهارات و نباتات طبیه-نک انواعی حاصل اولور. طاغلرینک اکثر طرفلری اورمانله مستورددر. حیوانات اهلیه-سی و علی الخصوص صیغیرلریله قیون و کچیلری دخی پک چوقدر. حیوانات وحشیه-سی کیتکدجه آزالمقده-در. هواسی صیجاق و آغیر اولوب، یاغورلر موسمنده مهلك بر صیتمه خیلی تلفاتی موجب اولور، وقولره دخی پک صیق ظهور ایدر. قوراقلق دخی آره صره قحطی و کلیتلی تلفاتی موجب اولور.

1-2495-4

سالم

1#

ممالک مجتمعه-نک %مساچوست\$ جمهوریتنده و بوستونک 25 کیلومتره شمال شرقیسنده و ایکی خلیجک آره-سندده بر شهر و اسکله اولوب، 27565 اهالیسی، متعدد مکاتبی، آقامیاسی، ایکی بیوک کتبخانه-سی، تاریخ طبیعی موزه-سی، جمعیات علمییه-سی، پک ایشلک تجارتی و بر چوق فابریقه-لری وارددر.

*- ممالک مذکورده-نک %نیویرسی\$ جمهوریتنده %ترنتون\$ک 91 کیلومتره جنوب غربیسنده دخی بو اسمله بر قصبه اولوب، 5055 اهالیسی و خیلی تجارتیله فابریقه-لری وارددر.

*- ینه ممالک مذکورده-نک %اوهیو\$ جمهوریتنده و %فلولاند\$ک 94 کیلومتره جنوب شرقیسنده بو اسمله بر قصبه اولوب، 4040 اهالیسی و پک ایشلک حبوبات تجارتی وارددر.

*- ممالک مذکورده-نک غرب جهتنده واقع %اورغون\$ جمهوریتنک مرکزی دخی بو اسمله مسمی اولوب، %یورتلاند\$ک 69 کیلومتره جنوب غربیسنده و %سان فرانسسکو\$ک 815 کیلومتره شمال غربیسنده واقع و 5010 اهالی-یی جامعدر. جوارلری غایتله کوزلدر.

*- ممالک مجتمعه-ده بو اسمله بر چوق قریه-لر دخی وارددر.

2-2495-4

سالم

1#

بلجیقه-نک %لوکسمبورغ\$ ایالتنده %باستونییه\$ قضاسنده و باستونییه-نک 35 کیلومتره شمال شرقیسنده اوله-رق همنامی اولان چایک شایان تصویر وادیسای ایچنده بیوک بر قریه اولوب، 3270 اهالیسی وارددر. طقوزنجی قرن میلادین اعتباراً مستقل بر پرنسلک مرکزی اولوب، پرنسه مخصوص سراسی خراب حالنده باقیدر. *- سالم پرنسلکی آشاغی و یوقاری سالم اسمیله ایکی-یه منقسم اولوب، آشاغی سالم بر وجه مذکور لوکسمبورغه و یوقاری سالم %ووسژ\$ طاغلرنده آلساس لورن خطه-سی داخلنده ایدی. سالم پرنسلری خاندانی دخی ایکی قوله منقسم اولوب، هر بری ایکی پرنسلک برنده حکم سورردی. یوقاری سالمده دخی بو اسمله بر کوچک قریه وار ایسه ده، مرکزی %سنون\$ قصبه-سی ایدی.

3-2495-4

سالم، پرنسس دو -*

1#

فرانسه-نک اک مشهور ادیبه-لرندن اولوب، اسمی قونستانسه-در. 1767ده %نانتیه\$ده طوغوب، 1845ده پارسده وفات ایتمشدر. هنوز 18 یاشنده ایکن پک کوزل اشعار نشر ایتلمکه، شهرت بولوب، بتون فرانسه-ده انتشار ایدن بعض معیندار شریقلر دخی نظم ایتمشدی. 1794ده (سافو) عنوانیله بر هائله منظومه ترتیب ایدوب، تیاتروده موقع تماشایه وضعنده عمومک رغبت و تحسیننه مظهر اولمشدی. دیگر بر تیاترو کتابی قبول عامه مظهر اوله-مامغله، بو مسلکدن صرف نظر ایده-رک، غزلیات و سائر اشعارله تربیه-یه متعلق نظملر یازمغه حصر اوقات ایتمشدی. اشعاری فوق العاده لطیف و معینداردر. بر طاقم امثال و حکمیاتی دخی وارددر. کلیات آثاری 4 بیوک جلد اوزره جمع و نشر اولنمشدر. پک کنچ ایکن

قرالک طبيبی دوقتور (بپيله)یه وارمش ایسه ده، بونکله حسن امتزاج میسر اوله مدیغندن، بینلرنده مفارقت وقوع بولوب، 1803ده مفتون عقل و جمالی اولان پرنس (سالم دیق)ه وارمش ایدی.

4-2495-4

سالمانصر

1#

نینویده حکومت سورن آثور حکمدارلرندن اولوب، قبل المیلاد 724 تاریخندن 712 تاریخنه-دک حکم سورمشدر. فلسطینی ضبط ایدوب، بر چوق آثوریلر اورایه اسکان، و بنی اسرائیلدن خیلی نفوس دجله کنارلرینه نقل ایتمش؛ و بعده فنیکه-یی ده استیلا ایلمش ایسه ده، صور شهرینی ضبط ایده-مه-مش ایدی.

1-2496-4

سالم بن عبد الله، ابو عبد الله

حضرت عمر ابن الخطاب (رضه) افندمک تورونی اولوب، کبار تابعیندن و مشاهیر فقهاء مدینه-دندر. زهد و تقوی و قناعتیله شهرت بولوب، ملوک امویه-دن عمر بن عبد العزیز و هشام بن عبد الملكه بعض نصیحت آمیز خطابلری مشهوردر. 106 و بر روایتده 108 تاریخنده وفات ایدوب، او تاریخده هشام بن عبد الملك مدینه منوره-ده بولنمغله، بقیعه جنازه-سی نمازینی قیلمشدر. بدر عالیلرندن و سائر ذواتدن روایت احادیث شریفه ایتمش؛ و کندیلرندن زهری و نافع روایت ایلمشدر.

4-2496-2

سالم بن عیاش، ابو بکر -*

مشاهیر محدثیندن و روات قرأتدن اولوب، 193 تاریخنده وفات ایتمشدر.

4-2496-3

سالم الخاسر

مشاهیر شعراء عربدن اولوب، خلفاء عباسیه-دن مهدی و رشیدک زماننده یاشامش، و مدحلرینی متضمن اشعار سولیوب، پک چوق انعام و احسانلریله نائل اولمش ایدی. فسق و سفاهتله مألوف اولوب، بر مصحف شریف صاته-رق، اثمانیله بر طنبور صاتین آلمش اولدیغندن، (خاسر) لقبیله تلقیب اولنمشدی. هارون الرشید اوغلی محمد امینه بیعت ایتدیردیکی وقت، صاحب ترجمه بو باده بر قصیده سولمکله، امینک والده-سی شاعرک آغزینی اینجی ایله طولدیرمش؛ و سالم بو اینجی-یی یکرمی بیگ آلتونه صاتمیش ایدی. 186 تاریخنده وفات ایدوب، اوتوز آلتی بیگ آلتون ترک ایده-رک، وارثی بولنمدیغندن، بو مبلغ هارون طرفندن ابراهیم موصلی-یه احسان اولنمش ایدی. شو ایکی بیت مذکور قصیده-سندندر:

@@@

قل للمناظر باللثیب الا عفر

سقیبت بغادیه السحاب الممطر

قد بایع الثقلان مهدی الهدی

لمحمد ابن زبیده ابنة جعفر

\$

4-2496-4

سالمرن

1#

جزويت طريقك موجدلرندن و (اينياس لويوله) نك اصحابندن اولوب، 1515ده اسپانيانك تولده شهرنده طوغمش، و 1585ده وفات ايتمشدر.

5-2496-4
سالم سمرقندی

مشاهير شعرا و علمادن اولوب، مشهورالغ بلك درس آرقداشی و مصاحبی ایدی. پك بی پروا اولوب، بعض مناسبتسز سوزلرده بولنمغله، سمرقنددن اخراج اولنهرق، هراته كیتمش، و وفاتنه-دك اوراده اقامت ایتمش ایدی. شو بیت جمله اشعارنددر:

@@@
ماسیه بختیم و بدروزیم و خرمن سوخته
شمع مقصودی بعمر خودشی نفروخته
\$

6-2496-4
سالمون
1#

ممالک مجتمعه-ده بو اسمله بر قاچ نهر اولوب، اك بیوکی %ایداهو\$ جمهوریتنده بولنانیدر، که ممالک مذکورہ-نك اك مجهول بر محلنده همنامی اولان طاغك برکانلری آلتنده نیعانه، ابتدا شماله و بعده غربه طوغری آقه-رق، و بر چوق چاپلرک سولرینی آله-رق، %لویستون\$دن 80 کیلومتره یوقاریده بحر محیط معتدله منصب اولان %سناکه\$ ایرماغنه دوکیلور. مجراسنک طولی 680 کیلومتره تخمین اولنیور.

7-2496-4
سالمی

ایران شعرا سندن اولوب، شو بیت اونکدر:
@@@
بروز تشنکی آب روان نیود هوس مارا
دم تیغ تراکر بر کلو یابیم بس مارا
\$

8-2496-4
سالمی
1#

ایتالیاده سیچیلہ-نك %تراپانی\$ ایالتنده %مازاره دل والو\$ قضا سنده و بونك 24 کیلومتره شمال شرقی سنده و پالرمودن تراپانی-یه کیدن دمیر یول خطی اوزرنده بر قصبه اولوب، 15425 اهالیسی و اطرافنده پك منبت اراضی سیله کوزل مرعالی و اردر. قصبه-نك اوزرنده عربلر زمانندن قالمه بر قلعه خرابه-سی بولنیور.

9-2496-4
سال میدسه
1#

قره دکیز ساحلنده-کی میدیه قصبه-سناک اسم قدیمیدر.

10-2496-4

سالن

1#

فرانسه-نك % ژورا\$ ايلتتده و % پولينيي\$ نك 24 كيلومتره شمال شرقيسنده ناحيه مركزى بر قصبه اولوب، 5776 اھاليسي، استحکاماتي، داخلي مکتبي، کتبخانه-سي، تياتر-وسي، دميرخانه-لري، دباغخانه-لري، اودون و شراب تجارتي و طوزلي مياھ معدنيه-سي واردر.

1-2497-4

سالنتين

1#

ايتاليای جنوبي اقوام قديمه-سندن اولوب، باشليجه معموره-لري (هيدرونته) و (بروندوسيوم) ايدي. روماليلره قارشي سامنبتلرله اتفاق ايدوب، ميلاددن 267 سنه اول روماليلر طرفندن بسبتون مغلوب اولمش، و بونلرک تحت اطاعتنه کيرمشلر ايدي.

2-2497-4

سالو

1#

ايتاليانک % لومبارديا\$ خطه-سنده % برشيه\$ نك 25 كيلومتره شمال شرقيسنده و % غارده\$ کولنک شمالي ساحلنده بر قصبه اولوب، 5000 اھاليسي، پک اسکی بر زراعت جميعتي، جام فابريقه-سي، دباغخانه-لري، پک ايشلک ميوه تجارتي و بعض آثار عتيقه-سي واردر.

3-2497-4

سالو

1#

اسپانيانک % اتاراغونه\$ ايالت و قضااسنده و تاراغونه-نك 11 كيلومتره غرب جنوبيسنده و آق دکيزده واقع بر قوبک ايچنده بر قصبه و اسکله اولوب، 8000 اھاليسي و اولدقجه ايشلک ليماي واردر.

4-2497-4

سالواتي

1#

بحر محيط کبيرده يکي کينه جزيره کبيره-سنک شمال غربي گوشه-سي قارشيسنده بر طاقم آطه اولوب، % تيدور\$ حکومت اسلاميه-سنه تابعدر. % سالواتي\$ و % باتانتته\$ اسملريله ايکي بيوچک و بر چوق کوچک جزايردن مرکب اولوب، 0° 35' ايله 1° 30' عرض شمالي و 126° 30' ايله 128° 48' طول شرقي آره-لرنده بولنيور. اک بيوکلري اولان نفس سالواتي آطه-سي يکي کينه-دن قيالر و آطه-جققلرله مملو طار بر بوغازله ايرلمش اولديغي حالده، مساحه سطحيه-سي تقريباً 18000 مربع كيلومتره و اھاليسي اوچ درت بيک و بر روايتده 10000 کشيدن عبارتدر. شرفدن غربه بر طاغ آطه-يي شق ايدوب، اک يوکسک ذروه-سي 600 متره ارتقاعنده-در. قسم جنوبيسي سطح مائل حالنده-در. محصولاتي خدایي نابت هندستان جوزيله او اقاليمه مخصوص بعض اتماردن عبارتدر. مرکزی اولان % ساماته\$ قصبه-سي او جهتک اک تجارتهکاه محيلدر. سواحلنک اھاليسي (ملايي) جنسيته منسوب و دين اسلامه متدين اولوب، ايچ طرفلري وحشي

ياپولرله مسكوندر. سائر آطه-لراك اهالى دائمه-سى مفقود ويا پك آز اولوب، يالكز او موسملرنده ديكر طرفلردن اوچيلر كله-رك، دكيز قابلمباغه-سى و سائر باليقلر صيد ايدرلر.

5-2497-4

سالواتيره

1#

مكسيقه ممالك مجتمعه-سنده % غواناپواتو \$ جمهوريتنك % سلايه \$ ايلتنده و سلايه-نك 34 كيلومتره جنوبده اوله-رق % لراما \$ نهرينك صاغ كنارنده قضا مركزى بر قصبه اولوب، 14320 اهاليلى، دمير يولى و پاموق منسوجات دستكاهلرى واردر.

-* اسپانياده استر مادوره خطه-سنگ % بادايوز \$ ايلتنده و بادايوزك 47 كيلومتره جنوب شرقيسنده دخى بو اسمله بر قصبه بولنوب، 3180 اهاليلى واردر.

-* اسپانياك ايلات شماليه-سندن % الاوه \$ ايلتنده و % يتوريا \$ نك 23 كيلومتره شرقنده دخى بو اسمله بر كوچك قصبه بولنوب، 2000 اهاليلى و مشهور دكر منلرله دباغخانه-لرى واردر.

6-2497-4

سالوادور

1#

آمريقاي وسطى-يى تركيب ايدن بش جمهوريتنك برى اولوب، وسعت اراضيجه اك كوچكلرى، كثر اهاليجه ايكنجىلرى و اراضييه نسبة كثر نفوسجه برنجيلر يدر.

شكلى، حدود و مساحه-سى. -* سالوادور جمهوريتى بحر محيط معتدل ساحلى بويجه شمال غربيده جنوب شرقى-يه ممتد غير منتظم بر مستطيل شكلنده اولوب، جماهير مذكوره-دن ديكر لر ينك آنتيل دكيزنده دخى ساحللى و ار ايكن، بونك حدودى خط تقسيم ميايه قدر بيله و اره-ميو، تاميله بحر محيط معتدل مائه-سنده واقعدر. شمال غربى جهتندن % غواتماله \$، شمال شرقى جهتندن و شرقاً هوندوراس جمهوريتلر يله، جنوباً دخى بحر محيط معتدل ايله محاط اولوب، % نيكارا غوا \$ جمهوريتنك غرب شمالى گوشه-سندن دخى % فونسه \$ كورفزيه ايرلمشدر. " 22' 2' 13° ايله " 20' 27' 14° عرض شمالى و " 57' 89° ايله " 55' 26' 92° طول غربى آره-لرنده ممتد اولوب، طول اعظمى 230 و عرضى 80 ايله 100 كيلومتره آره-سنده-در. مساحه سطحه-سى 18720 مربع كيلومتره-در.

احوال طبيعىه-سى، جبال و انهارى. -* سالوادور خطه-سى عموميت اوزره بر سطح مائل حالنده ايسه ده، ميلانى بر دوزى-يه اولميو، جهت شماليه-سنده و حدودك خارجنده بولنان سلسله جبالك اتكلرى 600 متره-لك ارتفاعلره اينجه، دوز و واسع بر يايه تشكيل ايدرلر، كه مملكتك همان بتون معموره-لرى بو يايه-ده بولنيور. بونك كنارنده غريدن شرقه بر صره بركانلر اوزانوب، بو بركانلر صره-سى غواتماله جمهوريتى ايچنه دخى كيير. بو يايه مملكتك قسم اعظمى تشكيل ايدوب، آلت طرفنده ساحل بويجه طار بر اووه ممتد اولور. يايه-نك كنارنده-كى طاغلرينك اك بوكسكلرى: 2280 متره ارتفاعى اولان % شيفونتيك \$ سونمش بركانيله 2106 متره بوكسك بولنان و اليوم آتش فشان اولان % سانته آنا \$ بركانى و آشاغى يوقارى 2000 متره ارتفاعلرنده بولنان % آپانقه \$ و نام ديكرله % شيشيقاس تپك \$ طاغلك طقوز ذروه-سى و سائر-در. بو طاغلرك ساحله طوغرى اولان اتكلرى بالظه كورمه-مش پك صيق اورمانلرله مستور اولوب، يالكز بعض واديلرنده ساكن بولنان اصل يرليلر بو اورمانلرك ايچنه كيير-بيليرلر. ميايه جاريه-سى چوق اولوب، اك بيوك نهرى % لمپا \$ در، كه غواتماله-ده نبعان و هوندوراسك بر گوشه-سنى شق ايدره-رك، سالوادوره دخول ايله، بونك حدود شرقيه-سنده واقع % غونيبا \$ كولنك اياغى حكمنده بولنان % دسقوييتا \$ چاينى و يايه-نك بتون صولرينى آله-رق، و درينجه بر وادى تشكيل ايدره-رك، بحر محيط معتدله دوكيلور. مجراسى 300 كيلومتره طولنده-در. ايكنجى نهرى % سان ميكل \$ در، كه مملكتك قسم شرقيسنده همنامى اولان شهرك ايچندن كچه-رك، % لمپا \$ منصبنك 20 كيلومتره شرقنده دكيزه منصب اولور. غرب جهتنده ساحله قريب محللرده نبعان ايدر بر چوق قيصه نهرلر دخى واردر، كه اك مهملرى % غواتماله \$ حدودينى ايران % پازه \$ نهرى اولوب، بونك آنجق 50 كيلومتره-لك مجراسى واردر. مذكور % غونيبا \$ كولندن بشقه يايه-نك اورته-لرنده % ايلوپانغو \$ اسميله بيوجك بر كولى دها واردر، كه 200 متره درين اولوب، اوزاقدن كوورد قوقوسى طويلديغى حالده، باليغى پك چوقدر. بر چوق كوچك كوللرى دخى واردر.

سواحلى، جزاير و ليمانلرى. -* سالوادورك سواحلى 320 كيلومتره طولنده اولوب، يالكز % لمپا \$ منصبنك اطرافنده آلچاقجه و سائر طرفلرده غواتماله سواحلندن بوكسكدر. شرق جهتنده سواحل قيرمى طويراقدن عبارت اولوب، اكثر محللرى آلتدن اويله-رق مغاره-لر حاصل اولمشدر. غرب جهتنده ايسه اكثر يرلرى قيلقندر. ساحلى كيتدكجه دكيزه

طوغری اوزانمقده-در. باشلیجه لیمانلری اونیون، الزیونقو، قونقوردیا، لیبرتاد و آقایتله-در. %فوسقه\$ کورفری ایچنده سالوادوره عائد بر قاچ کوچک آطه بولنوب، باشلیجه-لری: پونته-ده زاقاته قونشا کیته، میانکره و %مارتین پرز\$-در. اقلیم و هواسی. *- سالوادورک هواسی مختلف اولوب، بو اختلاف اراضیسنک درجه ارتفاعنه تابعدر. شمالده-کی یوکسک طاغلرده هوا معتدل اولوب، یایله-ده، بر صره تشکیل ایند برکانلر دکیز روزکارینک ایشلمه-سنه مانع اولدیغندن، هوا صیجاقدنر. سواحله ایسه ده صیجاقل اولدیغی حالده، دکیز ملتلمریله تعدیل اولنور. آنجق ساحله قریب محللرده بولنان بطاقللر اورانک هواسنی تسمیم ایتمکله، صیتمه اکسیک اولماز. و صاری صیتمه و قولره دخی وقت وقت ظهور ایدر. بناءً علیه اک مسکون محلی یایله-سی اولوب، همان بتون شهر و قصبه-لری و تجارت و زراعتی اوراده-در. بو یایله-ده میزان الحراره-نک درجه وسطیه-سی سانتیغراد حسابیله 20 ایله 27 آره-لرنده-در. ایکی موسمی اولوب، نیساندن تشرین اوله-دک، یاغمور، و تشرین اولدن نیسانه قدر قور اقلق موسمی دوام ایدر. یاغمورلر موسمنده و علی الخصوص تموز و آغستوسده پک شدتلی فرطونه-لر و بور-لر وقوع بولور. ایلول و تشرین اولده ایسه او قدر کثرتلی یاغمور یاغار، که اکثریا نهرلرک طغیانندن یوللر دخی منقطع اولوب، آمد و شد و تجارت تعطیل اولنور. مع هذا سالوادورک یاغموری یالکز بحر محیط معتدلن کلوب، اورالرده اک زیاده یاغمور یاغدیران روزکار ایسه بحر محیط آطلاسیدن اسنی اولمغله، سالوادور هواجه آمریقای وسطینک دیگر ممالکنندن ده معتدل و بوسبیه مینی اهالیسی ده چوقدر.

محصولات و حیواناتی، منابع ثروتی. *- طوپراغی پک منبت و هواسی محصولات متنوعه یتیشدیرمکه مساعد اولوب، بغدادی و سائر حبوباتله، مصر، پرنج، فصولیه، شکر قامشی، قهوه، چیویت، قاقائو و سائر حاصل اولور. اورمانلرنده کراسته-یه، مرانغوزلغه و طاوشانلغه یاران پک چوق قیمتدار آغاجلر بولندیغی کی، نباتات طبیه-سی و بویاجیلقه مستعمل نباتلر دخی پک چوقدر. حیوانات اهلیه-سی متوسط حالده اولوب، حیوانات وحشیه-سی-ده آزدنر. معدنی و علی الخصوص آلتون و کموش معدنلری پک چوق اولوب، البیوم اخراج اولنمقده-در. 100 آلتونلی کموش، 2 آلتون، 20 کموش، 9 دیمیر، 7 باقیر، 5 کوموشلی قورشون، 1 قلا، 1 جیوه-لی آنتیمون، 3 قورشون، 4 کمور معدنی و 15 کیرج طاشیله 2 آچی و 6 ابنیه طاشی معدنی، که جمعاً 180 معدن اوجاغی واردنر.

تقسیماتی، اهالیسی، جنسیت و لسان و مذهبلیری. *- سالوادور جمهوریتی 14 ایالته منقسم اولوب، اهالیسی 1887ده 664513 نفوسدن عبارت اولدیغی حالده، 1891ده 77395 مقدارینه بالغ اولمشدر، که درت سنه ظرفنده 113000 قدر نفوس تزیاید ایتمش دیمک اولوب، بوده نفوسجه کلیتلی بر ترقیدر. بو حسابجه بهر مربع کیلومتره باشنه 37 کشی دوشر، که بو نسبت آمریکا ایچون پک چوق اولوب، آمریقای وسطینک سائر جمهوریتلرندن غواتماله-نک بهر مربع کیلومتره باشنه 10، هوندوراسک 4، قوسته-ریقانک 3 و نیقار اغوانک 2 اهالیسی اولدیغنه باقیلیرسه، سالوادورک نسبة نه قدر چوق مسکون اولدیغی آکلایشیلیر. صوک استاتستیقه کوره ایالاتنک آیری آیری مقدار اهالیسی معلوممز اوله-میوب، 1887ده بر وجه آتی

ایدی.

####

ایالت

مرکزی

مقدار اهالیسی

سانته آند

سانته آند

77597

سان سالوادور

سان سالوادور

62987

قوسقاتلان

قویوتپک

61498

سان میکل

سان میکل

58233

شالاتنانغو

شالاتنانغو

53389

لالیبرتاد

نونووه سانسالوادور

48611

اوزولوتان

اوزولوتان
41340
سان ویسنته
سان ویسنته
40405
سونسواته
سونسواته
40295
لاپاز
زاقاتولوقه
29577
آهواشاپان
آهواشاپان
26414
لاونیون
لاونیون
24904
غاباینیاس
سنسونتیک
24679
مورازان % غوتره
غوتره
34584
جمعا (1887-ده)
664512
\$

مرکزی و اک بیوک معموره-سی اولان %سان سالوادورک \$ 20000 اهالیسی واردر.
اسپانیوللرک دخولنده سالوادورک قسم غربیسنک اهالیسی مکسیقه-نک (ازنک) قومیه همجنس و (پیبیل) اسمیله معروف اولوب، اولدقجه مدنی آدملر ایدی. قسم شرقیسنده ایسه (شونتال) اسمیله نیم وحشی بر قوم بولنیوردی. اسپانیوللر مملکتی کشف و ضبط ایتدکلرنده، اهالی اصلیه-یی اسپیر کبی قوللانوب، حتی دمیر نمغا ایله بدنلرینی توسیم ایده-رک، تفریق ایدر-لردی. آنجق کندیلی قاریله محتاج اولدقلرندن، یرلی قاریلرله تزوج ایدوب، بو ازدواجلردن ملز بر قوم تولد ایتمشدر، که الیوم سالوادور اهالیسنک بر بیوک قسمی یعنی یوزده 40 ی بولنلردن عبارت اولوب، اختلاط ایتمه-مش اهالی اصلیه-سی یوزده 55، صرف اسپانیولدن متولد اولانلری یوزده 4½ و زنجیلر دخی یوزده یاریم نسبتنده بولنیورلر. ملز اولانلر کندی لسانلرینی اونودوب، آنجق سویلدکلری اسپانیول لساننده لسان اصلیلرندن قالمه بر چوق کلمات و تعبیرات استعمال ایدرلر. اختلاط ایتمه-مش اولان اهالی اصلیه ایسه لسان قدیمیلرله متکلم و کندیلرینه مخصوص بر نوع قلبه-لردن مرکب قریه-لرده ساکندرلر.

معارف و صنایع و تجارتی. *- معارفک نشر و تعمیرنه زیاده غیرت اولنمقده اولوب، 1889ده 795 مکتب و 29631 شاگرد وار ایدی، و سنه مذکوره ظرفنده یکیدن 50 مکتب کشاد اولندیغنه باقیلیرسه، بو مقدارک کیتدکجه ترقی ایتمکه اولدیغی آکلاشیلیر. قصبه-لرده ذکور و اناته مخصوص عمومی و خصوصی رشديه و اعدادیه مکتبلری بولنوب، مرکزده طب، فن جراحی، صیدلانی، علوم طبیعی، حقوق، هندسه، فن معماری، طوپوغرافیا و سائر فنونه مخصوص شعبه-لری حاوی بر دار الفنون ایله بر دار المعلمین، بر دار المعلمات، بر مکتب صنایع، بر موزه، بر علوم طبیعی نمونه خانه-سی، بر رصدخانه و 7350 جلدی حاوی بر کتبخانه موجوددر. جمهوریت داخلنده 13 غزته نشر اولنوب، 10 ی مرکزده و 3 ی ایالاتده چیقار.

سالوادورده اهالینک مساعی اراضی-یی آچوب، احتیاجات محلیه-یه لازم اولان حبوباتدن بشقه، کلیتله اخراج اولنان قهوه، چیبوت، توتون، قاقائو و سائر محصولات یتیشدیرمک جهتنه و برده کموش، آلتون و سائر معادنک اخراجنه مصروف اولمغله، صنایعه او قدر اهمیت ویرلمدیکندن، صنایع محلیه باشلیجه شکر و اسپیرتو استحصالی و سائر محصولات ارضیه-نک تهینه-سیله معادنک اذابه-سنه مخصوص اولوب، سائر فابریقه-لری آزدر. تجارتی پک ایشلک اولوب، بحر محیط آطلاسیده اولان اوچ بیوک اسکله-سندن کرک طوغریدن طوغری-یه بحرأ و کرک بحر محیط آطلاسیدن کلن دمیر یول خطرلینک منتهالری اولان سان فرانسسکو و قولون اسکله-لری واسطه-سیله اروپا ایله و ممالک مجتمعه ایله خیلی مناسبات تجاریه-سی واردر. مذکور اسکله-لردن ایچ طرفلرینه طوغری کیتدکجه ایلر یلمکده و تشعب

ایتمکده اولان اوچ دمیر یولی و بر چوق شوسه-لری وارد. بتون تجارتی سنوی حد وسطی اوزره 45 ملیون فرانق راده-لرنده اولوب، اخراجاتی دایما ادخالاتنک ایکی مثلی نسبتده-در، که بوده مملکتک ثروت طبیعی-سنه و اهالیسنک سعی و غیرتته بر دلیلدر.

اصول اداره-سی، قوه مالیه و عسکریه-سی. -* - سالوادور جمهوریت مفرطه ایله اداره اولنوب، 1861 ده تأسیس و 1886 ده تعدیل اولنان قانون اساسینه کوره، رئیس جمهورت درت سنه مدتله اجرای حکومت ایدن 42 اعضادن مرکب بر مجلس مبعوثانی دخی اولوب، اعضاسی بهر سنه طوغریدن طوغری-یه افراد اهالی طرفندن انتخاب اولنور. 21 یاشنی طولدیریمش اولان اهالیکنک بهر فردی انتخاب ایتمک و اولنمق حقی حائزدر. 7 نظارتی 4 کشی طرفندن اداره اولوب، هیئت وکلاسی درت ذاتدن مرکبدر. واردات سنویه-سی 20 ملیون و مصارفی 26 ملیون فرانق راده-لرنده اولوب، وارداتنک ثلثانی کمرکن و بر ثلثی توتون و مسکرات انحصارندن حاصل اولور، و سائر ویرکیلیری یوق حکمنده-در. دیون داخلیه-سی 7½ ملیون دولار و دیون خارجیه-سی 300000 انگلیز لیراسندن عبارتدر. عسکری 2000 نظامیه و 12000 عساکر ملیه-دن عبارت اولوب، اوچ عسکری مکتبی دخی وارد.

احوال تاریخیه سی. -* - 1524 تاریخ میلادیسنده اسپانیول سردارلرندن (پدرو آوارادو) سالوادور خطه-سنه داخل اولوب، اهالیسی بولنان و اولدقجه بر مدنیته ممالک اولان (پیبیل) قومی پک شدتلی بر مقاومتده بولنمشلر سه ده، نهایت مغلوب اولمغله، مملکت مذکوره اسپانیا دولتی نامنه ضبط، و درت سنه صکره مرقومک برادری (ژورژ آوارادو) طرفندن %90 سان سالوادور \$ شهری تأسیس اولنمش ایدی. او تاریخدن 1821 سنه-سنه-دک سالوادور دیگر آمریقای وسطی ممالکیله برابر غوآتماله ایالتی تشکیل ایدوب، اسپانیولر طرفندن بو قومه مخصوص بر اصول ایله اداره اولنمشدر. تاریخ مذکوره مکسیقه، ارباب شورشنک موفقیتی اوزرینه، سالوادور لیلر سائر آمریقای وسطی خطه-لری اهالیسیله برابر صلحاً اعلان استقلال ایدوب، غوآتماله ایله برابر بر حکومت تشکیل ایتمکه چالیشمشلر سه ده، مکسیقه-ده تأسیس ایدن ایمرطورلق حکومتی بو طرفلری دخی التحاقه چالیشمش؛ و سالوادور لیلر بو تجاوزه قارشی ممالک مجتمعه-نک قوجاغنه آتلمغه قصد ایتمشدر ایدی. بو تهله-دن قورتلقدن صکره، بتون آمریقای وسطی ممالیکنی بر جمهوریتیه ویا بر جماهیر متفقه هیئتیه قویمق فکری اوینوب، اک زیاده بو فکره خدمت ایدن سالوادور دیگر آمریقای وسطی ممالکیله لاینقطع محارباتده بولنوب، بر چوق داخلی فتنه و فسادلره دخی میدان اولدقن صکره، نهایت 1886 ده شمذیکی جمهوریت تأسیس ایتمشدر. 1889 ده آمریقای وسطی-یی ترکیب ایدن بش جمهوریت آره-سنده بو بش مملکتی بر جمهوریتیه جمع ایتمک اوزره بر اتفاق عقد اولنه-رق، بو قرار، 1900 ده قطعاً اعلان اولنمق اوزره، 1890 ده موقتاً و لاجل التجربه موقع اجرایه قونیه-جق ایکن، سالوادور ایله غوآتماله آره-سنده ظهور ایدن اختلاف تأخیری نی موجب اولمشدر.

1-2500-4

سالوچو

1#

ایتالیانک قسم شمالیسنده واقع %قونی \$ اباتنده و قونینک 29 کیلومتره شمال غربیسنده و %پو \$ ایرماغیله بوکا تابع %وارایتیه \$ نهری آره-سنده قضا مرکزی بر قصبه اولوب، 9710 اهالیسی، دمیر یولی، داخلی مکتب اعدادیسی، ایپک و شاپقه فابریقه-لری، دمیرخانه-لری، دباغخانه-لری و حبوبات، شراب و حیوانات تجارتی وارد. وقتیه مستقبل بر مارکیزلک مرکزی ایدی.

1-2501-4

سالوده

1#

ممالک مجتمعه-نک جنوبی قارولینه جمهوریتنده بر نهدر، که %آغانی \$ سلسله جبالندن نبعانله، جنوب شرقی-یه جریان ایده-رک، جمهوریت مذکور-نک مرکزی اولان %قولومبیا \$ شهرندن مرورله، 320 کیلومتره-لک مسافه قطع ایتدکن صکره، بحر محیط آطلاسی-یه دوکیلور. مجراسنک اطرافی پاموقله مزررو عدر.

2-2501-4

سالور

(پاخود سالیبر) ترکمان قبائلندن بر قبیله اولوب، هر پرود ایله جیحون آره-سندده و مرو جوارلرنده ساکندرلر. اوتوز قرق بیک نفوس قدر اولوب، مقدما خیمه-نشین اولدقلری حالده، اخیراً حیوانلری سائر قبائل طرفندن یغما ایدلمکله، بر طاقم قلبه-لرده اسکان ایدوب، زراعتله اشتغاله مجبور اولمشلردر.

3-2501-4

سالور

1#

اسپانیانک %قاسرس\$ ایالتنده تاج ایرماغنه تابع بر چای اولوب، سان پرودو طاغندن نبعانله، ابتدا شماله و بعده غرب شمالی-یه جریان ایده-رک، 125 کیلومتره-لک مسافه قطع ایندکدن صکره، پورتکیز حدودنده مذکور ایرماغه دوکیلور.

4-2501-4

سالور

ترکمان اقوامندن بر قومک رئیسی اولوب، دردنجی قرن هجری اواسطنده کندیسی شرف اسلامله مشرف و قومنه دخی اسلامی قبول ایندیرمکه موفق اولمش، و اخلاقی کاشغاره و چین حدودینه قدر توسیع ممالک ایدوب، ترک اقوام و قبائل بیننده نشر اسلام اینمشلردر. چناق خان و قره-خان دینمکله دخی معروفدر.

5-2501-4

سالوست

1#

اسکی روما مشاهیر مورخینندن اولوب، میلاددن 86 سنه اول %امیرتنه\$ده طوغمش؛ و قبل المیلاد 36 تاریخلرنده وفات اینمشدر. زادکاندن بر عائله-یه منسوب اولدیغی حالده، عوام طرفنی التزام اینمش؛ و امور سیاسی-یه قاریشوب، قیصره طرفدارلق اینمش؛ و افریقا نومیدییه والیکنده و سائر مناصبه بولنه-رق، کلینتی ثروته مالک اولمش ایدی. بعده امور سیاسی-دن چیکلوب، %کیرینال\$ طاغنده یاپدیرمش اولدیغی مکمل و مزین باغچه-لرله محاط کوشکنده روما تاریخی یازمغه حصر اوقات اینمش ایدی. امور سیاسی-ده-کی مهارتنی کوسترن و بیوک بر فصاحتله یازلمش اولان بو تاریخک یالکز بر ایکی فصلی باقی اولوب، سالوستک قیصره یارمش اولدیغی ایکی رساله دخی موجوددر.

*- بو اسمله دردنجی قرن میلادیه بر حکیم دخی کلمشدر، که ایمپرطور قونستانسک زماننده غالباً الیسی اولوب، اوراده متفی بولنان بولیانسک محافظه-سی دخی کندیسنه احاله اولمش، و بو پرنسک محبتتی قرانوب، ایمپرطور لغنده مناصب عالی-یه ترفیع ایدلمش، و معیننده ایران سفرینه کیده-رک، 370 تاریخلرنده وفات اینمشدر. الوهیت و عالم حقنده بر کتاب مقبولک صاحبیدر.

6-2501-4

سالوم

1#

آفریقای غربیده فرانسه-نک سنغال مهجرنده بر نهردر، که 6' 14° عرض شمالی ایله 4' 18° طول غربیده نبعانله، غربه و بعده جنوب غربی-یه طوغری جریان ایده-رک، بر قاچ قوله آیرلدقندن صکره 30' 49' 13° ایله 30' 41' 13° شمالی شمالی و 56' 18° ایله 45' 7' 11° طول غربی آره-لرنده، واسع بر دالیه تشکیل ایده-رک، بحر محیط آطلاسی-یه دوکیلور. منصبی بر درجه-یه قدر قومله مسدود ایسه ده، 160 کیلومتره محلی سیر سفاننه صالح اولوب، بیوجک کمیلر دخی ایشلر؛ و (سینه) دیلنن باشلیجه تابعنه دخی کیررلر. کنارلری آلچق اولوب، طغیاننده اطرافنده بولنان واسع اووه-لری صو باصار، و بر چوق بطاقلقلر تحصیل ایدر. بو اووه-لرده بر چوق صو قوشلریله غزاللرک انواعی و فیل، قیلان و زرافه کی حیوانات دخی بولنور. *- بو نهرک حوضه-سی دخی بو اسمله مسمی اولوب، یرلی بر حاکمک تحت اداره-سندده و فرانسه-نک حمایه-سی آلتنده-در. دین اسلام بو خطه-یه داخل اولوب، کیتدکجه ترقی و توسع اینمکده ایسه ده،

اهالينك اكثرى حالا بيلانه عبادت ايدرلر. حاكملرينك مقرى قارشيسنده و نهرك كنارنده فرانسزلر (قائولاق) اسميله بر تجار تكاه تاسيس ايدوب، او جوارلرك قوماندانى اوراده اقامت ايدر.

1-2502-4

سالومون

1#

حضرت سليمان (عم)ه يهود و نصارى طرفندن ويريلن اسمدر.

2-2502-4

سالومون

1#

مجارستان قراللرندن اولوب، برنجى آندريانك او غيلدر. 1045ده طوغوب، 1050ده پدرى طرفندن تخته اجلاس اولنمش ايسه ده، پدريك 1061ده واقع وفاتنده عميجه-سى (بلا) حكومتى ضبط ايدوب، 1063ده بونك وفاتى اوزرينه، حكمدار اولمش؛ و 1074ده اسقاط اولنهرق، 1078ده وفات ايتمشدر.

*- فرانسه-ده برتانيه دوقه-لرندن دخى بو اسمله اوچ كشي كلوب، اوچنجيسى طقوزنجى قرن ميلاديهده حكم سورمش؛ و فرانسه قralى (شارل شوف)له بالاتفاق، نورماندلردن (آنژر)ى ضبط ايدهرك، قرال عنواننى آلمش ايدى.

3-2502-4

سالومون آطه-لرى

1#

بحر محيط كبيرك %ملايسيا\$ قسمنده، يكي كنيه-نك شرق جهتنده يكي برتانيه ايله يكي ايرلانده-نك جنوب شرقيسنده و يكي هيريدده آطه-لرينك غرب شماليسنده واقع بر جزاير مجتمعه هيئتى اولوب، غرب شماليدن شرق جنوبى-يه طوغرى ممتد بر صره تشكيل ايدرلر، و جمله-سى بو استقامنده طار و اوزون آطه-لردر. تقريباً 2° ايله 30' 13° عرض جنوبى 45' 151° ايله 162° طول شرقى آر-لرندده واقعدرلر. مجتمعاً مساحه سطحه-لرى 43899 مربع كيلومتره اولوب، اهاليسنك مقدارى هنوز مجهول و غير معيندر. جزاير مذكوره: بو كنويل، شو آزول، ايزابل، يكي ثورورثريا، مالاتيه، غوادالفتار و سان قريستودال اسملريله 6 بيوك و بر چوق كوچك آطه-دن مركب اولوب، بيوكلرينك جمله-سيله كوچكلرينك بر طاقى اراضى بر كانيه-دن و كوچكلرينك بعضيسى اراضى جديده مر جانيه-دن متشكلدر. كوچكلرندن %ساوو\$ آطه-سندده بو جزايرك اسپانيوللر طرفندن كشفنده آتش افشان بولنمش اولان %سزارغه\$ بر كاني اليوم سونمش حالنده اولوب، يالكز بيوكلرندن %بوكنويل\$ آطه-سنگ ايچ طرفلرندده واقع %باغانه\$ بر كاني اليوم آتش افشاندر. بو آطه-لرده حركت ارض پك صيق وقوع بوليور. بو آطه-لرك جمله-سنى طاغلق اولوب، بو كنويل آطه-سنگ اك يوكسك طاغى 3100، سان قريستوالك 2440، مالاتيه-نك 1303 و ايزابلك 1188 متره ارتفاعنده-در. بو طاغلك همان جمله-سى غايتله صيق اورمانلرله مستور اولوب، آطه-لرك بعضلرندده يوكسك اوتلرله مستور واسع يرلر دخى واردر. اكثرينك بر ايكي متره عمقنده منبت اترية نباتيه-لرى اولوب، مياه جاريه-لرى دخى چوقدر. بو آطه-لرده پك چوق ياغمور ياغوب، كانون اولدن نيسانه قدر اسن شمال غربى روزكارى دخى پك صيچاق و سيكيلرلى مهيج اولديغندن، هوالرى آغيردر. مایسدن تشرین ثانی-یه قدر اسن جنوب شرقى روزكارلرى ايسه دها سرین و صحتته دها نافعدر. میزان الحراره-نك حد وسطيسى 24 ايله 32 درجه-لرى آر-سندده بولنيور. ممه-لى حيوانلرندن بو آطه-لرده يالكز طوموز، كوپك، ساريغ و بر نوع فاره بولنوب، جنوبى آطه-لرك اورمانلرندده بر نوع نسناس دخى بولنديغى اهالى محليه طرفندن روايت اولنمش ايسه ده، هيچ بر سياح طرفندن كورلمه-مشدر. طيورك پك چوق انواعى بولنوب، هله كوور جينلرلى پك چوقدر. بو جكلرك ده پك چوق و پك كوزل نوعلرى واردر. بيلان و بعض نهرلرده تمساح دخى بولنوب، اهالى بيلانه عبادت ايدرلر. آغاجلرك و سائر نباتاتك انواع كثيره-سى بولنوب، يرليلرك بولنلرى تفریقه بيوك بر مهارتلى واردر. كويلرى هندستان جوزى آغاجلريله محاط اولوب، بو ميوه باشليجه مدار تغديرلر. اهاليسى ايكي جنسيته منسوب اولوب، سواحلده ساكن بولنانلرى ملايسيا جنسندن اورته بولى، تندرست و زياده-جه اسمر آدملردر. بولنر بدنلرينك هر طرفنى و يوزلرينى توسيع ايدوب، قولاقلرينى دله-رك پك بيوك شيلر صوقارلر، و كميك و بونجق و سائر-دن غريب كردانلقلر و باز و بندلر ياپارلر. ار ككلرى قاديئلردن زياده سوسلنير. ار ككلر همان چيلاق كزوب، يالكز ستر عورت ايچون بر اينجه يشتمال قوللانيرلر.

قاديئار بللردن ديزلرینه قدر بدنلرینی اورته-جك بر نوع فيستان كيبيرلر. ناموس و حياعدلرندە مجهول اولوب، قيزلر اولنجه-ه قدر كنجلر ايچون مباح عدا اولنور؛ و چوق دفعه اولی آدملر قاريلرینی بينلرندە موقتاً مبادلە ايدلر. وحشی و خائن آدملر اولوب، اكثری كسكين طاشدن معمول غارغی، بالطه، طوپوز، قالقان و بعض اطه-لرده اوق ايله مسلح اوله-رق كزرلر؛ و اللرینه دوشن دشمنلرینی كسوب يرلر. انسان اتی يمكه او قدر آليشمشلر، كه چوق دفعه اولولری بيله مزاردن چيقاروب يرلر. طاغلرده %نغزيتو\$ جنسنه منسوب دها سپاه و دها وحشی ديكر بر قوم ساكن اولوب، بو ايكي قوم بينلرندە دائمی صورته محاربه و مجادله-ده بولنورلر؛ و يكديكلر ينيك مقتول و اسيرلرینی اكل ايدرلر. هندستان جويزيله اكملك آغاجی ميوه-سندن بشقه موس و بر نوع پتاتس ايله سائر بعض شيلر يتيشديروب، زراعت ايشلری و سائر بتون ايشلر قاريلره عاندر، و بو بيچاره-لری حيوان كبی قوللانيرلر. قايقجیلده يك چوق مهارتلری واردر. خانه-لری آغاج داللردن و چالیدن و بعضلری صويك ايچنده قازيق اوزرنده معمولدر. بو اطه-لر 1568 تاريخ ميلاديسنده اسپانيا بحريونندن (مندانه) طرفندن كشف اولنوب، بعده يولی غائب اولمش؛ و 1768ده فرانسه بحريونندن بو كنویل طرفندن بولنه-رق، بعده بر قاچ سياح طرفندن زیارت اولنمش؛ و قرن حاضر ميلادیده بر طاقم مسيونرلر و تاجرلر بو اطه-لرده يرلشمشلردی. اليوم سائر بحر محیط كيبير جزايرندن زياده مجهول الاحوالدرلر. اخيراً آلمانیا دولتی سالومون جزايرینی مستملكانی صر-ه-سنه قويمشدر.

4-2503-1

سالون

1#

فرانسه-نك ايالات جنوبيه-سندن رونه آغزی ايالتنك، %اكس\$ قضااسنده و اكسك 30 كيلومتره غرب جنوبيسنده و بر جدول ايله بر دمير يولك محل تشعلرنده واقع ناحيه مرکزی بر قصبه اولوب، 5920 اهالیسی متعدد زيتون یاغی و صابون فابریقه-لری و كوزل باغلی و واردر.

4-2503-2

سالونه

1#

دالماچیه-نك %اسپالاتو\$نك سناغنده و اسپالاتونك 5 كيلومتره شمال شرقيسنده بر قصبه اولوب، شمديکی حالدە آنجق 1210 اهالی-یي جامع اولدیغی حالدە، وقتيله بتون دالماچيانك مرکزی اوله-رق بيوك بر شهر ایدی. اسکی شهرك خرابه-لری اسپالاتو شهرینه قدر ممتد اولور.

4-2503-3

سالونه

و نام ديكرله آمفيسه #1 يونانك فتیوتیده مع فوكیده ايالتنده و آتنه-نك 132 كيلومتره غرب شماليسنده %پارناسيس\$ قضااسنك مرکزی بر قصبه اولوب، 5000 اهالیسی و جوارلرنده توتون و زيتون ايله حبوبات محصولاتی واردر. ايچندن جريان ایدن بر چای جنوب جهتنده و قورينته كورفی ايچنده واقع %سالونه\$ قوينه دوكيلور. مذکور قوينه بر كوچك اسكله-سی دخی واردر. اسکی زمانده بيوك بر شهر اولوب، بعض آثار عتيقه-سی اليوم باقيدر.

4-2503-4

سالونينه

1#

روما ايمپراطورلردن (غاليان)ك زوجه-سی اولوب، حسن اخلاق و درايته شهرت بولمشیدی. علمایی و علی الخصوص (پلوتين)ی حمایه ايتمشدر. زوجيله برلكده سفر ايدردی. 267 تاريخ ميلاديسنده ميلان شهری قپوسنده زوجيله برابر قتل اولنمشدر.

5-2503-4

سالون

1#

تیبیت و هند چینیده بیوک بر ایرماق اولوب، تیبت طاغلرندن نبعانله، شرق جنوبی-یه طوغری جریان ایدیه-رك، %لوکیانغ\$ اسمیله چینك %یوننان\$ خطه اسلامیه-سنی شق ایندکدن صکره، جنوبه طوغری دونه-رك، %چان لوتن\$ اسمیله برمان ایله سیام آره-سندده جریان، و بعده %مارتابان\$ مملکتنی شق، و %مارتابان\$ ایله %مولمین\$ شهرلرینی سقی ایدیه-رك، تقریباً 1600 کیلومتره-لك جریاندن صکره مارتابان قوبینه دوکیلور. منصبه قریب 5 کیلومتره وسعتی اولوب، منصبده واسع بر دالیه تشکیل ایدر. بر چوق بیوک نهرلرک صولرینی-ده جمع ایدر. ثانیه-ده 17000 و بعضاً 20000 مکعب متره صو دوکر.

6-2503-4

ساله

1#

انکتره-نك %چستر\$ ایالتنده و مانچسترک 8 کیلومتره و جنوب غربیسنده بر قصبه اولوب، 7000 اهالیسی و سیزه باغچه-لری وارد. مانچسترک بر محله-سی حکمنده-در. * - اوسترالیاده %ویکتوریا\$ حکومتنده %تانجیل\$ ایالتنده و ملبورنك 182 کیلومتره شرق جنوبیسنده دخی بو اسمله بر قصبه اولوب، 400 اهالیسی وارد. منبت و مرعاری چوق بر اووه-نك اورته-سندده واقع اولوب، ایچندن جریان ایدن %تومیسون ریور\$ چاپنده و بونك دوکلدیکی %لاتروبه\$ ایرماغنده سفائن قصبه-یه قدر ایشلر. خیلی دکرمنلری و دباغانه-لریله بیره فابریقه-لری وارد.

1-2504-4

ساله قونسیلینه

1#

ایتالیانك سالرنه ایالت جنوبیه-سندده و سالرنه-نك 75 کیلومتره شرق جنوبیسنده قضا مرکزی بر قصبه اولوب، 6110 اهالیسی وارد.

2-2504-4

سالیان

1#

فرائق اقوامندن اسکی بر قوم اولوب، آلمانیه-نك %ساله\$ نهری وادیلرنده ساکن بولنمغله، بو اسمله شهرت بولمشلردی. کندیلرینه نسبتله 2# تسمیه اولنان بر قانون مخصوصلری وار ایدی.

3-2504-4

سالیبابو

1#

[(سانکی)] ماده-سنه مراجعت اولنه. [

4-2504-4

سالیبوری

1#

و نام ديكرله %نيوساروم #2\$ انكلتره-نك جنوب جهتده %ويلچ\$ فونتلغك يعنى ايالت ويا سنجاغك مركزى بر قصبه اولوب، %اؤون\$ نهرينك %بورنه و %نادر\$ نهرلريله تلاقى اينديكى محلده و بر قاچ دمير بول خطنك نقطه تقاطعنده واقعدر. 14000 اهاليسى، حيوانات تجارتي، بيوك حيوانات بازاری و بيچاق و سائر چليك آلاتله ايپ و بيره و سائر فابريقه-لرى واردر. غايته منتظم بر قصبه اولوب، سوقاقلرى دوز و كنيش و صو جدوللرى چوقدر.

5-2504-4

ساليناس

1#

آمريقاي وسطينك غربى ساحلنده و قوستاريقه ايله نيکار اغوا جمهوريتلرى آره-سنده بر قوی اولوب، طولی 10، اکی 5 كيلومتره و درينلکی-ده 10 ايله 25 متره آره-سنده-در. * - بو اسمله ممالک مجتمعه-نک کاليفورنيا جمهوريت غربيه-سنده بر نهر دخی اولوب، بحر محیط معتدله دوکيلور. مجراسی 300 كيلومتره طولنده ايسه ده، صویي آزدر. * - آفريقانک ساحل غربيسنده پورتکيزک النده بولنان آنغوله مملکتنده و 53' 12° عرض جنوبیده بو اسمله بر برون دخی واردر. * - مکسيقه ممالک مجتمعه-سنگ %سان لویی پوتوسی\$ جمهوريتنده و بو شهرک 113 كيلومتره شمال غربيسنده بر قصبه اولوب، 6400 اهاليسی و قياطوزيله مملحه-لری بولنان طوزلی کوللری واردر. * - آمريقاي جنوبیده آرجنتين جمهوريتنک %پامپه\$ تعبیر اولنان واسع صحراسنک اواسطنده دخی بو اسمله مملحه-لری چوق کنيش بر ير واردر.

6-2504-4

ساليينه

1#

بو اسمله ممالک مجتمعه-ده بر چوق انهار بولنوب، اک بيوکلری: آرقانساس جمهوريتنده 280، ايليونيس جمهوريتنده 100، قانساس جمهوريتنده 400، لوزيانه-ده 100 و نبراسقه-ده 120 كيلومتره-لک مجرالری اولانلردر.

7-2504-4

ساليينه

1#

ايتاليانک جنوب جهتده واقع %اؤلويان\$ جزايرندن بر آطه اولوب، %ليپاری\$ جزيره-سنگ 3 كيلومتره شمال غربيسنده واقعدر. مساحه سطحيه-سی 28 مربع كيلومتره اولوب، 5635 اهاليسی واردر. سچليه-نک مسينه ايالت و قضاسنه ملحق بر ناحيه تشکيل ايديور. سکز طقوز يوز متره ارتفاعنده ايکی تپه-سی واردر، که سونمش برکانلردر. اراضیسی پک منبت اولوب، باغلی و زيتون آغاچلریله سائر اشجار مثمره-سی چوقدر. جنوب شرقی ساحلنده مملحه-لری واردر.

8-2504-4

سام

1#

حضرت نوح (عم)ک اکبر اولادی اولوب، بوکا نسبتله (امم ساميه) تسميه اولنان کلدانيلر، آثوريلر، سريانيلر، فنيکه-لييلر، عبرانييله و عربلر يعنى جزیره العرب ايله شام و عراق جهتلرنده ساکن اولان اقوام بونک نسلندن عد اولنورلر. تاريخک ازمنه مجهوله-سنى طولدير مق قينده بولنان مورحله سامک 600 سنه معمر اولديغی قبول ايديورلر. الام، آثور، ارفخساد، لود و آرام اسملریله بش اوغلی اولديغی مرويدر.

9-2504-4

سام

ایرانک اساطیرله مخلوط اولان تاریخ قدیمه کوره مشهور رستم زالک جدی و نریمانک اوغلی بر قهرمان اولوب، سیستانده حکم فرما ایدی.

10-2504-4

سام

غوریان سلاله-سنگ جدی اولوب، غور حکمدارلرندن (سوری)نک حفیدی ایدی. جدی سلطان محمود غزنوی طرفندن ازاله و ملکی ضبط اولندقده، کندیسی تبدیلا هنده فرار ایله، اوراده بر بتخانه-نک خدمته کیرمش؛ و اوغلی حسین بن سام وطننه عودت ایدوب، سلطان ابراهیم غزنوی طرفندن غورستان والیکنه نصب اولمنش؛ و بونک اوغلی علاء الدین حسن، آل سبکتکینک ضعفندن بالاستفاده، اعلان استقلال ایله، غزنه وه راتی و خراسانک بر قسمنی ضبط اید-رک، غوریان دولتنی تأسیس ایتمشدر.

1-2505-4

سام

آنف البیان سامک طورنی و حسین بن سامک ایکنجی اوغلی اولوب، برداری علاء الدین حسین سلطنته نائل اولدقده، هراتی پایتخت اتخاذ اید-رک، غزنه-یه صاحب ترجمه-یی والی نصب ایتمشیدی. برادرینک مغلوب و فراره مجبور ایتمش اولدیغی بهرامشاه غزنوی هندستاندن عسکر جمعيله ملکنی استرداد کیتدیکنده، سامی غزنه-ده طوتوب ازاله ایتمشدر. سیف الدین بن علاء الدیندن صکره، بونک اوغلری غیاث الدین محمد و شهاب الدین ابو مظفر و بعده تورونی محمد بن غیاث الدین تخته کچمشدر.

2-2505-4

سامار

1#

اسپانیا مستملکاتندن بحر محیط کبیرده واقع %فیلیپین\$ جزایرینک %ویسایه\$ زمهره-سندن بر آطه اولوب، $11^{\circ} 1'$ ایله $12^{\circ} 36'$ عرض شمالی و $121^{\circ} 35' 45''$ ایله $123^{\circ} 29' 45''$ طول شرقی آره-لرنده واقع و شمالاً %لوسون\$ جزیره کبیره-سنگ %قامارینه\$ شبه جزیره-سندن %سان برناردیتو\$ بوغازیله آیرلمشدر. شمال غربیدن جنوب شرقی-یه ممتد غیر منتظم بر مستطیل شکلنده اولوب، مساحه سطحیه-سی 12930 مربع کیلومتره و اهالیسی تقریباً 200000 کشیدر. اراضیسی طاغلق اولوب، جبالنک درجه ارتفاعی هنوز معلوم دکلدر. میاه جاریه-سی چوق اولوب، اوراس، لاغوان، بانو، تیمونیتی و بوروهان جمله انهارندندر. محصولات ارضیه-سی عموم فیلیپین جزایری محصولاتنه مشابه اولوب، مختلف حبوبات و اثمار ایله بر قاچ نوع شکر قامشی، پتاس نوعندن بر طاقم مغدی کوکلر و سائره-دن عبارتدر. اشجاری چوق اولوب، سفائن اعمالنه الویریشلی خیلی کراسته کسلیر. بال و بال مومی ایله هندستان جوزی دخی چوقدر. او حیواناتیله دکیزنده بالیققری بولدر. اهالیسی ملایی جنسنه منسوب اولوب، ایچ طرفلرنده اهالی اصلیه قدیمه-سی اولان (نغریتو) جنسنک بعض افرادی بولنمسی دخی محتملدر. ملاییلر دین اسلامه متدیندر.

3-2505-4

سامارانغ

یاخود سمرنک #1 جاوه جزیره-سنگ ساحل شمالیسنده و %باتاویه\$نک 420 کیلومتره شرقنده ایالت مرکزی بر شهر اولوب، 71440 اهالیسی، پک ایشلک تجارتی و علی الخصوص کلیتلی شکر، قهوه، توتون و چیبوت اخراجاتی واردر.

ليمانی اولميوپ، بيوك كمپلر آچيقده طورمغه مجبوردر؛ كوچكلرى شهرک ايچندن آقان نهرک ايچنه كييرلر. بر ايکى جدولى، خندقله احاطه اولنمش قلعه-سى، دمير يولى و بخارله ايشلر تراموايى دخی واردر. *- سامارانغ ايلتنگ مساحه سطحيه-سى 5187 مربع كيلومتره و اهالييسى 1412335 كشى اولوب، بهر مربع كيلومتره باشنه 272 كشى دوشيور. اهالى مذكوره-نگ 20000 ي چينلى و 4000 اوروپالى اولوب، قصورى جاوه-لى و دين اسلامله متديندر. شمال و شمال شرقى جهتلرندن ماعداسى طاغلق اولوب، اراضيسى پك منبت اراضى برکانيه-دندر. باشليجه محصولاتي: پرنج، قهوه، شکر، توتون و بعض يرلرنده بر نوع بغدادير. آره-لرى بر كولله آيرلمش 3000 متره-دن زياده مرتفع ايکى برکاني واردر. مياه معدنيه-سى و ايليجه-لريله معدن صوينى حاوى چامورلرى و طوزى چوقدر.

4-2505-4

ساماره

1#

روسيه-نگ شرق جهتنده و موسقوه-نگ 856 كيلومتره شرق جنوبيسنده و %ولغه\$ ايرماغنگ ساحل يسارنده اوله-مرق همنامى اولان نهرک بو ايرماغه دوکلديكى محله و بو نهرک ده ساحل يمينده ايالت مركزى بر شهر اولوب، 75480 اهالييسى، اشجار مثمره باغچه-لرى و ايچ ياغى، جام، بيره، ايپ، طوغله، موم، صابون، پوتاس، قوله، آرابه، فوچى و سائره فابريقه-لريله دباغخانه-لرى، دمير و چاگ دوکمخانه-لرى، پك ايشلک تجارتي، وولغه و ساماره-ده ليمانلرى، اوچ بيوك بازاری، کتبخانه-سى، بر مکتب اعدادى داخليسيله متعدد مکتب سائره-سى، ايکى تيآتروسى و كوزل باغچه-لريله تفرجگاهلرى واردر. سوقاقلرى کنيش ايسه ده، چوغى قالديرمسز اولوب، يازين چوق توز اولور. اورنبورغه کيدن دمير يول خطى بو شهردن کچبور.

*- ساماره ايالتى شرق جنوبي جهتندن اورال، شرقاً اورنبورغ، شرق شمالى طرفندن اوفه، شمالاً و ياتقه و قزان، غرباً سيمبيرسک و ساراوف، جنوباً دخی اژدرهان ايالتلريله محدود اولوب، وولغه مجراسنگ شرق جهتنده واقع اولمغله، حدود غربيه-سنى نهر مذکور، شرق و شرق جنوبي حدوديني دخی %اويچى\$ طاغنگ صيرتى تشکيل و تفريق ايدبور. مذکور طاغ %اورال\$ سلسله جبالنه مربوط اولوب، شمال شرقيدن جنوب غربيه-يه طوغرى ممتد اولور. و غربى انکلريله بر قاچ قولى دخی ايلتنگ ايچنه اوزانير بو انکلردن بر قاچ نهر نبعان ايدوب، بونلرک اک بيوکلى اولان %بولشوى ايرکيز\$، ساماره، سوق و چریشان نهرلرى غربيه طوغرى آقه-مرق، وولغه ايرماغنه دوکيلور؛ و يالکز قسم جنوبيسنده-كى %بولشوى اوزن\$ و %موليى اوزن\$ جنوب شرقيه-يه طوغرى آقه-مرق اژدرهان چولنده محو اولورلر. بر چوق کوچک كوللرى دخی واردر. مساحه سطحيه-سى 151047 مربع كيلومتره و اهالييسى 2569832 كشيدير. هواسى يازين صيچاق و قيشين صوتوق اولوب، تموزده ميزان الحراره سانتیغراد حسابيله 37 درجه-يه قدر چيقار، و شباطده صفردن آشاغى 29 درکه-يه قدر اينر. ياغمورلردى ده آزدر. مع هذا هواسى صاعلامدر. طوپراغى پك منبت اولوب، عموم اراضيسنگ همان نسفى مزروع، يوزده 31 ي چاير و مرعا، يوزده 8 ي اورمان و يالکز يوزده 11/2 ي اراضى خاليه-دن عبارتدر. آنجق زراعت اکثر طرفلرنده هنوز اسكى اصولده اجرا اولنديغندن، و کوبره فقدانده بحق استفاده اولنمبور. و قوراقلق چوق دفعه قحطى انتاج ايدر. جنوب جهتنده باشليجه بغدادى و سبزه و شمال جهتنده چاودار، يولاف، دارى و پتاس حاصل اولور. بغدادى مملکتى اداره اينتکدن صکره، خيلى مقدارى-ده اخراج اولنور. جنوب جهتنک حيوانات اهليه-سى و على الخصوص آت، صيغير، قيون و طوموزلرى چوقدر. ياغ، يياغى، درى، ايچ ياغى و سائر حيوانات محصولاتندن دخی خيلى اخراجاتي واردر. اورمانلرى آز اولديغندن، اودونجه صيقتدى چکيلوب، على الخصوص جنوب جهتنده ترك ياقمق مجبورينتده بولنيورلر. اهالييسى باشليجه زراعتله و وولغه-ده باليقيجلىق و کميجيلکله مشغول اولوب، صنايع پك چوق ايلريلمه-مشدر. اولان فابريقه-لرک ده چوغى محصولات ارضيه-يى تهينه و استحضاره مخصوصدر. تجارتي پك ايشلکدر. ايالت 7 قضايه منقسمدر. اهالييسى ايچنده 96000 قدر مسلم تاتار و 131000 قدر پروتستان آلمان بولنيور.

1-2506-4

ساماره

1#

روسيه-نگ شرق جهتنده وولغه-نگ صول نابعلرندن بر نهر اولوب، ارنبورغ ايلتنگ غرب جهتنده %اويچشى صيرت\$ طاغندن نبعانله، غرب شماليه-يه طوغرى آقه-مرق، همنامى اولان ايالته كييرر؛ و صاغدن %اوران\$ ياخود %چوران\$ ايله %توق\$ و %بوروقفه\$ صولدن دخی %بوز اولون\$ چايلرينى آلدقن صکره جنوب غربيه-يه دونه-رک، صولدن %سيزابه\$ صاغدن دخی %کنيل\$ چايلرينى اخد ايله، همنامى اولان شهرک آلت طرفنده و جنوبنده وولغه ايرماغنه

دوکیلور. مجراسنک طولی 561 کیلومتره و حوضه-سنک وسعتی 50589 مربع کیلومتره-در. بوز اولوق چاینک ملتقاسندن آشایسی سیر سفانه صالح اولوب، منصبدن اون بش کیلومتره یوقاری-یه فیضاننده واپورلر دخی ایشلر. * - روسیه-نک جنوب جهننده دخی بو اسمله صولدن %دنییر \$ ایرماغنه تابع بر نهر اولوب، خار قوف ایالتنک جنوب غربی-یه دونه-رک، صولدن %بیق \$ و %ولچیا \$ صاغدن دخی %کیلچن \$ چاپلرینی اخذله، و یقاترینوسلاو شهری قارشیسینده مذکور ایرماغه دوکیلور. مجراسی 316 کیلومتره طولنده و حوضه-سی 24669 مربع کیلومتره وسعتنده-در. جریانی بطی اولوب، بر چوق محللرنده بطاقلر و قامشقلر تشکیل ایدر، و سیر سفانه صالح دکلدر.

2-2506-4

ساماریه

1#

فلسطینک غرب جهننده %مناس \$ سبطی مملکتنده و افرائیم حدودنده اسکی بر شهر اولوب، بر وقت اسرائیل دولتنک و بعده %ساماریتیده \$ اسمیله تشکل ایدن حکومت مخصوصه-نک مرکزی ایدی. میلاد عیسی (عم)دن 912 سنه اول تأسیس اولنوب، قبل المیلاد 718 تاریخنده آثور حکمداری سالمانصر طرفندن ضبط، و اهالیسی فراتک اوته-سنه سوق اولنه-رق، آثور یادن نقل اولنان بر قومه اسکان ایدلمش ایدی. قبل المیلاد 203 تاریخنده آنتیوخس طرفندن ضبط، و 129 ده هیرقان طرفندن تخریب اولنه-رق، بعده فلسطین والیی (هرود) طرفندن اعمار، و آوغستوسک نامنه نسبتله لسان یونانیده %سیاستی \$ تسمیه اولنمشدی. و سیاسیانک زماننده، اسرائیلیرک عصیانی اوزرینه، رومالیر طرفندن ضبط و بسبتون تخریب اولنمشدر. ساماریه-لیلر آثوریلر و سائر اقوام اجنبیه ایله قاریشه-رق، آیینلرینه بت پرسنک قاریشمش ایدی. یالکز توراته معتقد اولوب، سائر کتب یهوده اعتبار ایتمز لردی. کندیلرینه مخصوص پک اسکی بر خطلری وارد. ساماریلردن الیوم نابلس و یافه-ده بعض افراد بولنوب، بشقه-لریله اختلاط و امتزاج ایتمز لر.

1-2507-4

سامان

سامانیلر سلاله-سنک جدی اولوب، کندیسی دوه-جی اولدیغی حالده، بر حیدود چته-سنک رئیسی اولمش، و شناس شهرینی استیلا ایتمش ایدی. خراسان والیسی بولنان طاهر ذوالیمینین بونک اوغلی اسدی استخدام ایدوب، اسد اوغللری احمد و نوح و الیاس و یحیابی پک کوزل تربیه ایتمکله، بونلر مأمون خلیفه زماننده فرغانه و سمرقند و شناس و هرات ولیلکلرینه، و احمددن صکره اوغللری نصر و اسماعیل بربرینی متعاقب ماوراء النهر والیسی اولوب، مرقوم اسماعیل 287 دولت سامانییه-یی تأسیس ایتمشدر.

2-2507-4

سامان، میر محمد ناصر

هندستان شعراسندن اولوب، %جونپور \$ لیدر. %شاهجهان آباد \$ ده تحصیل ایتمشدر. 1147 ده شهید اولمشدر. شو بیت اونکدر:

@@@

هرکز مرا دماغ سوال و جواب نیست

ای منکر و نکیر بحالم چه محترست

\$

3-2507-4

سامانه

1#

آنتیل جزایر کبیره-سندن %هایتی\$ جزیره-سنگ %سنت دومینگ\$ جمهوریئنده و %سانتودومینغو\$ نك 107 کیلومتره شمال شرقیسنده همنامی اولان بر قویك ایچنده بر قصبه و اسكله اولوب، %سانتیاغو\$ یه قدر ممتد اولان بر دمیر یول خطنك میدنیدر، و 5000 اهالیسی واردر.

4-2507-4

سامانیان

(یاخود دولت سامانیه) اوچنجی قرن هجری اواخرنده و خلافت عباسیه زماننده ماوراء النهر و خراسان و جرجان جهتلرنده حکومت سورمش بر دولت اسلامیه اولوب، بو دولتک مؤسی اسماعیل بن احمد بن اسد بن ساماندر. سامان ماده-سنده بیان اولندیغی اوزره، بونک جدی احمد ایله برادرلری ماوراء النهر و خراسان ولایتلری والیکلرینه نصب اولنه-رق، احمدک وفاتندن صکره اوغلی نصر، و بونک وفاتنده ده برادرلی مومی الیه اسماعیل معتضد خلیفه-نک فرمانیله ماوراء النهر والیسی اولوب، 8 سنه والیک ایتدکن صکره 287 تاریخنده سفاریه-دن عمرو بن لیثه غلبه ایده-رک، ملکنی ضبط ایتمش؛ و کندیسيله برابر نسلندن 9 حکمدار کلوب، 389 تاریخنه-دک حکم سورمشلر؛ و بر طرفدن آل بویه بر طرفدن دخی آل سبکتکین دولتترینک ترقیاتی سامانیلرک ضعفنی و نهایت اندراسنی موجب اولمشدر. سامانیان سلاله-سی حکمدارلرینک اسامیسيله تاریخ جلوسلری بر وجه زیردر:

####

اسماعیل بن احمد

287

احمد بن اسماعیل

295

نصر بن احمد

301

نوح اول بن نصر

330

عبد الملك اول بن نوح

343

منصور اول بن نوح

350

نوح ثانی بن منصور

365

منصور ثانی بن نوح

387

عبد الملك ثانی بن نوح

389

الی

389

\$

5-2507-4

ساماو

1#

بحر محیط کبیرده مالمسیا جزایرندن تیمور جزیره-سنگ جنوب غربی ساحلی قارشیسنده بر آطه اولوب، '10 7° ایله '25 10° عرض جنوبی '48 120° ایله '11 121° طول شرقی آره-لرنده واقعدر. مساحه سطحیه-سی تقریباً 420 مربع کیلومتره و اهالیسی 2000 ایله 3000 نفوس آره-سنده-در. اراضیسی طاغلق ایسه ده، یوکسک طاغلری یوقدر. باشلیجه محصولاتی: پرنج، پاموق، کراسته، صندال آغاجی، بال و بال مومیدر.

6-2507-4

سامباس

1#

بحر محیط کبیرده بورنئو جزیره کبیره-سنک غربی ایالتنده و %پونتیاناق\$ك 165 کیلومتره شمالنده اوله-رق بیوک %سامباس\$ ایرماغنه تابع کوچک سامباس ایله %پانکی\$ نهرلرینک ملتقاسنده بر قصبه اولوب، 10000 اهالیسی، حاکمنه مخصوص برسرایی و بیوک بر جامع شریفی واردر.
*- سامباس نهری کوچک و بیوک سامباس اسمرلیله ایکی چاپیدن بالنتشکل، غربه طوغری آقه-رق، و برقاچ چای اخذ ایده-رک، 150 کیلومتره-لک جریاندن صکره چین دکیزینه دوکیلور.

1-2508-4

سامبالپور

1#

هندستانک %چانیسکر\$ ایالتنده و رایپورک 248 کیلومتره شرق شمالیسنده اوله-رق %مهنادی\$ نهرینک صول کنارنده سنجاچ مرکزی بر قصبه اولوب، 1300 ی مسلم اولمق اوزره، 13940 اهالیسی و جوارنده الماس معدنی واردر.

2-2508-4

سامبره

1#

فرانسه و بلجیقه-ده %موزه\$ ایرماغنه تابع بر نهر اولوب، فرانسه-ده آلچق بر یایله-ده نبعانله، ابتدا غربه و بعده شمال شرقی-یه طوغری آقه-رق، %اسقه\$ و %نور\$ ایالتلرینی شق ایتدکن صکره، بلجیقه-یه دخول ایله، اورانک %هاننیو\$ و %پامور\$ ایالتلرینی ده شق، و صاغ و صولدن بر قاچ چای اخذ ایده-رک، نامور شهرنده %موزه\$ ایرماغنه دوکیلور. مجراسنک طولی 190 کیلومتره اولوب، 85 کیلومتره-لکی فرانسه طوپراغنده-در. صوی آذر. *- فرانسه-ده نهر مذکور ایله %اوازه\$ نهری آره-سنده سامبره جدولی نامیله 67 کیلومتره طولنده بر جدول کشاد اولنمشدر.

3-2508-4

سامبو

1#

آفریقای غربیده پورتکیز دولتک مستملکانندن %انغوله\$ مملکتک %بنکله\$ ایالتنده و 1600 ارتفاعی اولان بر یایله-نک اوزرنده بر خطه اولوب، مساحه سطحیه-سی 4500 مربع کیلومتره و اهالیسی 30000 کشیدر. اراضیسی پک منبت و میاه جاریه-سی چوقدر.

4-2508-4

سامبوآن

1#

فیلیپین جزایرنن %قوبو\$ آطه-سنک ساحل غربیسنده بر قصبه اولوب، 8370 اهالیسی و پاموق منسوجات دستکاهلری واردر.

5-2508-4

سامبور

1#

اوستريانك غاليجيا خطه-سنده ولمير غك 70 كيلومتره جنوب غربيسنده اوله-رق، %دنيپر\$ك صول كنارنده قضا مركزى بر قصبه اولوب، 13585 اهاليسى، دمير يولى و بيكه فابريقه-لريله طوز تصفيه-خانه-لرى و ايشلك تجارتي واردر.

6-2508-4

سامبهار

1#

هندستانك راجپوتانه خطه-سنده مروار ايله جايپور حكومت ممتازه-لرى آره سنده اوله-رق، '52° 62 ايله '2° 27 عرض شمالي و '37° 72 ايله '56° 72 طول شرقي آره-لرنده بر طوزلى كول اولوب، بويى 36 و اكى 5 ايله 16 كيلومتره آره-سنده-در. بو كولدن كلينتلى طوز اخراج اولنور.

-* بو كولك جنوب شرقي ساحلنده و جايپورك 61 كيلومتره غربنده دخى بو اسمله بر قصبه اولوب، 745 مسلم اولمق اوزره، 5575 اهاليسى واردر.

7-2508-4

سامبهار

1#

هندستانك رحيلقند ايلتنده و مراد آبادك 36 كيلومتره جنوب غربيسنده قضا مركزى بر قصبه اولوب، 13965 مسلم اولمق اوزه، 21375 اهاليسى، پاموق منسوجات دستكاهلريله شكر، حيوبات، ياغ و درى تجارتي واردر. كوزل بر قصبه اولوب، خانه-لرى طوغله-دن معمول و جوارلرى اورمانلرله و مزروعاتله مستوردر.

8-2508-4

سامببازه

1#

ايتاليانك جنوبنده %قاتانزارو\$ و نام ديكرله %قلابره اولتريوره\$ ايلتتك %نيقاسترو\$ قزاسنده ون يقاسترونك 5 كيلومتره غرب جنوبيسنده بر قصبه اولوب، 8590 اهاليسى و كوكوردلى ايليجه-لرى واردر.

9-2508-4

سامبيليونغ

1#

بورنئو جزيره-كبيره-سنگ جنوب شرقي قسمنده فلمنك دولتتك حمايه-سى آلتنده بولنور بر حكومت اسلاميه اولوب، شمال جهتنده واقع %تابور\$ حكومت اسلاميه-سييله برابر %برو\$ ياخود %براو\$ دينلن خطه-يى تشكيل ايديور. حكمتى آلتنده بولنان بعض كوچك آطه-لرله برابر مساحه سطحيه-سى 11000 ايله 30000 مربع كيلومتره و اهاليسى 15000 ايله 40000 نفوس آره-لرنده مختلف مقدارلرده تخمين اولنمشدر. اراضيسى عموميت اوزره طاغلق و اورمانلرله مستور اولوب، باشليجه محصولاتى پرنج و او طرفلره مخصوص بعض ائماردر. آلتون، دمير، كمور و سائر معدنلرى چوقدر. خيلى بال دخى چيقار. مركزندن بشقه درت قصبه-سى ده اواردر. اهاليسندن قوم حاكم اولان ملاييلر مسلم اولوب، طاغلرده ساكن اولان (داياق) قومك دخى اكثر افرادى دين اسلامى قبول اينمشلدر. -* مركزى اولان %سامبيليونغ\$ قصبه-سنگ 3500 اهاليسى واردر. %قوران\$ نهري اوزرنده و بونك منصبندن 45 كيلومتره يوقارنده واقعدر.

1-2509-4

سامح پاشا، حسن -*.

متأخرین مشیران دولت عثمانیه-دن اولوب، وزرادن بولنمش اولان پدری عن اصل سلانیکلی ایدی. مکتب نون حربیه-دن ارکان حرب ضابطانی صنفده نشأت ایدوب، علوم ریاضیه و هیئت و سائر-ده و قوفی و ار ایدی. فرانسز لساننه دخی آشنا ایدی. قطع مراتب عسکریه ایده-ری، سلطان عبد العزیز خانک اواسط سلطنتلرنده رتبه مشیری-یه نائل اولمش؛ و ارضروم، طرابلس غرب، کرید دیاربکر و سائر ولایتلر و الیلکلرنده بولنه-رق، 1288ده اوچ کون بحریه ناظری و محاربه اثناسنده بر آره-لق سر عسکر قائممقامی اولمشیدی. 1307 تاریخنده در سعادتده وفات ایتمشدر. ترقی پرور، خیر خواه و مستقیم بر ذات اولوب، طرابلس غرب و الیسی ایکن محرر فقیر ولایت غزته-سی محرلکی مأموریتیله بر مدت معیتنده بولندم.

4-2509-2

سامرا

%سر من رأی یاخود ساء من رأی-دن مختصردر \$ بغداد ولایت و سنجاغنده، و بغدادک 107 کیلومتره شمال غربیسنده اوله-رق دجله-نک صول کنارنده و %نهروان \$ دن مأخوذ جدوللرله اروا اولنور بر اووه-ده واقع قضا مرکزی کوچک بر قصبه اولوب، وقتیله بیوک و پک معمور و مزین بر شهر و خیلی وقت خلفاء عباسیه-نک پایتختی بولنمشدر. بو محله پک قدیم بر شهر بولنوب، حتی سام بن نوح طرفندن تأسیس ایدلمش اولدیغی مرویدر. بعده خراب اولمشیدی. خلفاء عباسیه-نک برنجیسی سفاح بو شهرک خرابه-لری قارشیسنده %انباز \$ ی و هارون الرشید دخی بر قصر بنا ایتمشلردی. خلیفه معتصم زماننده بغدادده عسکر پک چوق اولمغله، اهالی شهر شکایت ایتدکلرندن، خلیفه مشار الیه بو شهری بنا ایتدیروب، ((کورن سوینیر)) معناسیله %سرمن رأی \$ تسمیه ایتمش، و بر چوق جامعلر، سرائلر، بازارلر و سائر ابنیه عظیمه ایله اعمار و تزیین ایده-رک، عسکریه برابر اورایه انتقال، و بو شهری پایتخت اتخاذ ایتمشدی. خلفاری و اتق، متوکل، منتصر، مستعین، مهدی و معتمد زمانلرنده دخی سامرا پایتخت قالوب، خلفاء مشار الیه هر بری بر قات عمارت و توسیع و تزییننه صرف مقدرت ایتمشدی. نهایت خلیفه معتضد بالله بغدادده رجوع ایتمکله، سامرا امراء اتراکک فساد و منافرتلرینه میدان قالوب، کوندن کونه خرابیته یوز طوتمش؛ و نهایت اهالیسی بسیتون چکیلوب، انقاضی بیله بغدادده نقل اولنمشدی. بر روایتده خرابدن صکره %سرمن رأی \$ پرینه %ساء من رأی \$ دینلمکله سامرا بوندن غلظدر. بعضلری ده سامرا اسمنک %سرمن رأی \$ اسم عربیسندن اسکی اولوب، فارسیده ((سامک طریقی)) معناسیله %سامراء \$ تسمیه ایدلمش اولدیغی التزام ایدیورلر. شمذیکی حالده بر قریه حالنده-در.

4-2509-3

سامری، بن حیدری

ایران شعرا سندن اولوب، تبریزلیدر. تجارت طریقله هندستانه کیدوب، (خانخانان)ک حسن قبلونه مظهر اولمشدی. شو بیت اونکدر:

@ @ @

مشهور تر زنگم و معروتر زعار
درحیر تم که بهره مستور مانده ام
\$

4-2509-4

سامسوار

1#

هندستانک %نپال \$ و %پاتنه \$ خطه-لری حدودنده %هیمالایه \$ سلسله کبیره-سنک %جریاغاتی \$ قولنه منسوب بر طاغ اولوب، 27° 20' ایله 27° 30' عرض شمالی و 45' 81° ایله 19' 82° طول شرقی آره-لرنده ممتد اولدیغی حالده، بویی 75 و اکی 18 کیلومتره-در. ارتفاع وسطیسی 457 متره اولوب، اک یوکسک محلی 692 متره ارتفاعنده-در.

4-2509-5

سامسواری

1#

هندستانك شمال شرقى جهتنده آسام ايله بنكاله خطه-لرنده بر نهردر، كه %غارو\$ جبالندن نبعانله، ابتدا شرق شمالى-يه، بعده شرق جنوبى-يه و نهايت جنوبه طوغرى آقه-رق، 300 كيلومتره-لك جرياندى صكره، %سورمه\$ نهرينه دو كيلور. باليغى چوقدر.

6-2509-4

سامسون

ياخود سامسون 1# اسرائيللر اون ايكنجى حاكمى اولوب، بونلر ك آلتنجى اسارتلرى زماننده طوغمشدر. خارق العاده ير قوته مالك اولوب، يك كنج ايكن ير آرسلانك حقدن كله-رك آغزىنى يرتمش، و غزه-ده محبوس ايكن، شهر ك قپولرىنى سو كوب آموزينه آله-رق قاچمش اولديغى و دها بونك كى نيجه خوارقى متواتر در. فلسطينلرله محاربه ايدوب، بونلرى دفعاتله مغلوب ايتمشدى. زوجه-سى (دليله) كويا قوتنك صاچلرنده اولديغى كشف ايله، اويقوسنده صاچلرىنى كسه-رك، كنديسى فلسطينلرله تسليم ايتمش؛ و بونلر كوزلرىنى چيقاره-رق، طالقاق كى قوللانمغه باشلامشدر. آنجق بر مدت صكره صاچلرى اوزايوب اسكى قوتنى استرداد ايتمش اولمغه، بر كون فلسطينلر ك طوپلانمش اولدقلى بر معبدك ستونلرىنى طوتوب بيقمغه، معبد دوشوب، ايچنده بولنبلرله برابر كنديسى دى انقاض آلتنه قالمش.

1-2510-4

سامسون

1#

فرانسه-نك اك مشهور آقتورلرندن اولوب، بر خيلى تياترو اويونلرى دى يازمش؛ و (قونسرو اتوار) دينلن تياترو مكنبنده معلمك ايتمشدر. 1793ده سنت دنيسده طوغوب، 1881ده وفات ايتمشدر.

2-2510-4

سامسون

1#

دانمارقه-نك %غاتغات\$ دكيزنده و يوتلاند خطه-سيه %سلاند\$ آطه-سى آره-سنده بر آطه اولوب، بويى 26 و اكى 10 كيلومتره اولديغى حالده، 500 اهالىسى وارد، كه زراعتله و باليقچيلقاه تعيش ايدرلر.

3-2510-4

سامعا، بيرام بيك

ايران شعرا سندن و طائفه اتراكدن اولوب، تبريز ليدر. شو بيت اونكدر:

@@@

ما ياز آرزوى دو عالم كشيده ايم

از هر دوسر چوجاده ينمزل رسیده ايم

\$

4-2510-4

سامل، مصطفى -*- افندى

متأخرين شعراء عثمانيه-دن اولوب، سالف الترجمه جودت افنديك بر ادريدر. سراى همايونده تربيه اولنه-رق، بعده ديوان همايون قلمنه و مؤخر آ ترجمه قلمنه مأمور و خواجكان سلكنه داخل اولمش؛ و 1256ده وفات ايتمشدر. بر ديوانچه-سى وارد. شو بيت اونكدر:

@@@

هژدهك كوز كوز ايدوب شامل كبي جسمم بوكونلر ده
دلم حسرتله يك پيمار در چشم سياهكن
\$

5-2510-4

سام ميرزا

شاه اسماعيل صفوينك اوغلى و ملوك صفويه-نك اينكجيسى اولان شاه طهماسبك برادري اولوب، شعر و انشاده-كى مهارتيله مشهوردر. ((تحفه سامى)) عنوانيله بر تذكرة الشعراسى واردر. 939 تاريخنده برادري طرفندن خراسان واليلكنه نصب اولنه-رق، او ائتاده وفات ايتمشدر. اشعارنده (سامى) تخلص ايدردى. شو بيت جمله اشعارنددر:

@@@

بابوس سگ يار نكويم هو سم نيست
دردل هوسم هست ولى دستر سم نيست
\$

6-2510-4

سامنيوم

1#

ايتاليانك اسكى بر خطه-سى اولوب، قامپانيه-نك شمالنده و لاتيومك شرقينده ايدى. اليوم اراضيسى %پرنيچيا تو اولتريوره \$ ايله %سانيو ايتلريني و %آبروچه \$ ايتلنك بر قسمنى تشكيل ايديور. اهالييسى سالف البيان (سابين) قومنه منسوب اولوب، جنكاور و نيم وحشى آدملى ايدى. بونلر بر چوق وقت ايتالياده-كى يونانييله معاشله عسكرك ايدوب، بعده سائر بعض اقوامله و مذكور يونانييلرله بالاتفاق، روماليله فارشى درت بيوك محاربه ايتمش؛ و بونلرله خيلى وقت مقاومت ايتمشلرسه ده، نهايت مغلوب اولوب، مملكتلى ضبط اولنمشدى. بونلرلى رام ايتدكن صكره روماليلر بتون جنوبى ايتاليابى سهلتنله اله كچيرمشلردر.

7-2510-4

ساموا

1#

بحر محيط كبيرك %پولينيسيا\$ قسمنده %تونغه\$ جزايرينك شمال شرقيسنده، $13^{\circ} 31'$ ايله $14^{\circ} 30'$ عرض جنوبى و $175^{\circ} 5'$ ايله $170^{\circ} 29'$ طول غربنده واقع بر جزاير مجتمعه هيتتى اولوب، 3 بيوك ايله بونلر شوق جهتنده 3 كوچك كه جمعا 6 آله-دن مركب اولديغى حالده، غرب شمالين شرق جنوبى-يه طوغرى ممتد اولور. مساحه سطحيه-سى 2787 مربع-كيلومتره اولوب، 34144 اهالييسى واردر. اك بيوكلى غرب جهتنده بولنان %ساوايى\$ جزيره-سى اولوب، ديكر ايكي بيوكى %اوپولو\$ و %توتوييلا\$ تسميه اولنور. جمله-سى اراضى بركانيه-دن متشكل اولوب، %ساوايى\$نك اورته-سنده-كى بركانك يقين و قتلرله كلنجه-يه قدر آتش افشان بولنمش اولديغى آكلاشيلور. اكثر بركانلرينك آغزلى صو ايله طولمشدر. اك مرتفع دروه-لرلى 1300 متره-يى تجاوز ايتميور. ساحللى دوز ايسه ده، اكثر محللرنده قيا و صيغرله محاطدر. باشليجه ليمانى %آپيا\$ اسميله معروف اولوب، %اوپولو\$ جزيره-سنگ ساحل شماليسنده واقعدر. نباتاتى يك قوتلى اولوب، طاغلى اورمانلرله مستوردر. و ساحله قدر اوزانان اتكلرى دائما زمرد كبي كورينور. على الخصوص %تولونبلا\$ جزيره-سى جمله-سندن كوزل اولوب، هله %پانغو پانغو\$ ليمانى يك لطيف و شايان تصوير موقع و منظره-لرلى حاويدر. هوالرى يك كوزل و لطيف اولوب، مايسدن تشرين ثانى-يه قدر سورن قوراقلق موسمنده ياغمورلر سيرك ياغار و جنوب شرقى جهتندن سرين بر روزكار اسر. كانون اولدن نيسانه قدر دوام ايدن ياغمور موسمنده ايسه صيچاق زياده اولوب، چوق ياغمور ياغار؛ و اكثر يا غرب روزكارى اسوب، فرطونه و بورالرى دخى يك صيقدر. مارتده جنوب غربيندن اسن شدتلى روزكارلر بعضاً يك دهشتلى فرطونه-لرلى موجب اولور. قوراقلى موسمنده ميزان الحراره-نك درجه وسطيه-سى 25° و ياغمورلر موسمنده 28° در. بو ايكنجى موسمه بعض صيتمه-لر وقوع بولورسه ده، عموميت اوزره هوا صاعلام اولوب، بو آله-لرده برلشن اوروپاليلر يك چوق معمر اولورلر. نباتات و حيواناتجه تونغه جزايرينه مشابه اولوب، او اقاليمه مخصوص نباتات و محصولات انواعى حاصل اولور. اخيراً تشكلى ايتمش اولان

بر آلمان زراعت و تجارت شرکتی پاموق، شکر قامشی، پرنج و قهوه زراعتی دخی ادخال ایتمشدر. آوروپالیبرک ورودنده برلی ممهلی حیواناتی طوموز، کوپک، فاره و بر قاچ نوع یراسه-دن عبارت ایدی. قوشلری پک چوقدر. اهالیسی صرف پولینسیان جنسونه منسوب ایری و تندرست آدملر اولوب، اولدقجه مونس و ذکی آدملردر؛ آنجق ذوق و اکلنجه-یه انهماکلری زیاده اولوب، طوپراقلری-ده کندیلکندن محصولات کافیه ویردیکندن، تنبل آلیشه-رق، سعیه استعدادلری یوقدر. بو آطه-لر ابتدا 1722ده (روکون) طرفندن کشف، و 1768ده بوکنویل طرفندن زیارت، و %بحریون جزایری #2\$ تسمیه اولنه-رق، بعده ده بر چوق بحریون ساحلرینه اوغرامشلسره ده، بونلرک هیچ بری ایچ طرفلرینی کزه-مه-مشیدی. نهایت قرن حاضر میلادی اوائلنده بر طاقم انکلیر و فرانسز میسیونرلری بو آطه-لرده یرلشوب، اهالی-یه صورتا خرستیان دیننی قبول ایتمیش؛ و آوروپایه جزایرک احوال داخلیه-سنی طانیتمیشلردر. یالکز %تاوه\$ جزیره صغیره-سنگ اهالیسی دین قدیملرنده قالب، دیکرلری اسماً پروتستان و بعضلری قتلویک اولمشلسره ده، حقیتمنده بونلر دخی اعتقادات قدیمه-لرندن واز کچه-مه-مشلردر. میسیونرلرک دلالتیه 1830 تاریخندن بری انکلتزه حکومتته تقلیداً بر حکومت مشروطه تشکیل ایده-رک، کندی رؤسالری بیننده بر قرال انتخاب ایتمیشلسره ده، اوته-دن بری انکلتزه دولتی ایله ممالک مجتمعه جمهوریاتی امور داخلیه-لرینه مداخله ایده-رک، اکتساب قوت و نفوذ ایتمکه چالیشمقده-درلر. اخیراً آلمانیه دولتی قاریشوب، بو اوچ دولت کندی مقصدلرینی ترویج ایچون، مملکتده لایققطع داخلی فسادلر تولید ایتمکده-درلر. عاقبت آلمانیه پولتیقه-سی غالب کلوب، بر کون بو آطه-لرک آلمانیه مستملکاتی صره-سنه کیره-جکلری مظنوندر.

1-2511-4

ساموتراک

1#

[[سامدرک]] ماده-سنه مراجعت بیوریه.

2-2511-4

ساموس

1#

[[سیسام]] ماده-سنه مراجعت بیوریه.

3-2511-4

سامون

1#

آوستریاده-کی اسقلاوونیه خطه-سی قراللردن اولوب، عن اصل فرانسز قومونه منسوب، بر تاجر اولدیغی حالده، میلادک 630 تاریخلرنده لاجل التجاره اسقلاوونیه-ده بولنمغله، بو مملکته هجوم ایدن (آوار)لره قارشلی محاربه ایده-رک، کوستردیکی شجاعت و تدبیر آوارلری دفع ایتمیشلردن، اهالی طرفندن قراللغه انتخاب اولنه-رق، 35 سنه کمال عدالتله اجرای حکومت ایتمشدر.

4-2511-4

ساموید

1#

آوروپا روسیه-سنگ شمال شرقی جهتیله سبیریه-نک شمال غربی قسمنده ساکن بر قوم اولوب، اقوام تورانیه-دن معدوددر. بعض محققین بونلرک ترکلر و فینوالرله قاریشیق مغوللردن عبارت اولدقلرینی التزام ایتمیشلردر. اورال سلسله جبالی قسم شمالیسنگ ایکی جهتمده بولنوب، آوروپا قطعه-سنده 42° طول شرقی-یه قدر واریرلر، و علی الخصوص شمالی آق دکیز اسکله-لرندن %مزن\$ قصبه-سی جوارلرنده بولنورلر. آسیاده 98° طول شرقی-یه واقع %نایمیر\$ قوینه قدر اوزانیرلر. سبیریه-ده جنوباً 56° عرض شمالی درجه-سنه قدر اینرلسره ده 64° درجه-سندن آشای بولنانلری ترکلمشیلردر. بو اقالیم واسعه-ده کشت و کذار ایده-رک، بوزلی و قارلی توندرو-لرده خیمه قوران و اکثریا منجمد اولان سواحل و انهارده

بالیق اولیان قوم مذکورک افرادی 15000 ایله 22000 آره-سندنه تخمین ایدلمکده اولوب، یالکز 5370 ی اوروپاده و قصوری سیبریاده-در. نیم وحشی بر حالده یاشایوب، اسماً خرسیتیان ایسه-لر ده، حقیقتده اسکی اعتقادلرینی محافظه ایده-رک، حیوانات مختلفه-یی تصویر ایدر بعض قبائلره عبادت ایدرلر؛ و جن و **برباه@1** و ارواح امواتله مناسباته اینانیرلر. رئیس روحانیلری طبییلك و سحر بازلق دخی ایده-رک، جنلره قارشلی سحرلر و طلسملر یاپه-رق خسته-لری ایی ایتمک ادعاسنده بولنورلر. قیصه بویلی، طویاج بدنلی و تاتار چهره-لی آدملر اولوب، کوزلریله صاچلری سیاه و صقاللری پک سیرکدر. (رن) دینلن برنوع مأنوس کیکنن سوریلری اولوب، بو حیوانه قیز اقلرینی دخی چکدیرلر، و اکثریا آوجیلق و بالیقجیلقله یاشارلر. رن دریسندن معمول پک سوسلی اثواب کییرلر.

1-2512-4

ساموئل

[علاوه-ده ((اشموئل)) ماده-سنه مراجعت بیوریله].

2-2512-4

ساموئیلوفقه

1#

روسیه-ده %سارانوف\$ ایالتنک %بالاخوف\$ قصاصنده و بالاخوفک 54 کیلومتره جنوب شرقیسنده بیوک بر قریه اولوب، 9595 اهالیسی، سنه-ده ایکی بیوک بازاری، بغدادی تجارتی و بر چوق دکرمئلری واردر.

3-2512-4

سامی، مصطفی -*- بک

اعظام شعراء عثمانیه-دن اولوب، آرپه امینی عثمان افندینک اوغلی اولمغله، (آرپه امینی زاده) دینمکله دخی معروفدر. سلطان محمود اول زماننده وقعه-نویس اولوب، 1146ده وفات ایتمشدر. اشعاری کلفتلی اولوب، سلاستدن عاری ایسه ده، استادان شعردن معدوددر. بیوک دیوانی مطبوعدر. شو بیت اونکدر:

@@@

نه-در سودی بو بازار فناده جلب اموالک
غنا ویرمز متاع مستعاری دوش دلاتک
نه ممکن پیرو اولمق نایی استاده ای سامی
سواد نایجادر عشق شعری کلک اطفالک
\$

4-2512-4

سامی

ایران و هندستان شعراسنندن بر وجه زیر بش ذاتک مخلصیدر:
برنجیسی نیشاپورلی اولوب، سلطان حسین بایقرا زمانندن شاه طهماسب صفوی زماننه-دک خراسانده شعر و ادبیه مشهور بولنمشدر. شو بیت اونکدر:

@@@

دیده را کفتم که در رویش بکستاخی مبین
کفت کستاخی نبا شد عین مشتاقیست این
\$

-*- ایکنجیسی (نصیر الدین) قزوینلی اولوب، 956ده وفات ایتمشدر. شو بیت اونکدر:

@@@

سخن کتم بهمه جاز بیوقایی او

که تا کسی نکند میل اشنایی او

\$

*- اوچنجیسی (خواجه عبد الله) عن اصل (قهپایه) اتراکندن اولوب، لاهورده طوغمش، و شاهجهان آبادده تربیه اولنه-
رق، میرزا بیدل ایله صحبت ایتمش ایدی. 1155 تاریخنده وفات ایتمشدر. شو بیت اونکدر:

@@@

مددی کرد پس از مرگ سیه بختی ما
سر مه کردیم و در چشم سیاهش رفتم

\$

*- درنجیسی (لطفعلی بیگ) عن اصل چرکس امراسندن ایدی. شو رباعی اونکدر:

@@@

بر قنار آورد چون ناز آن سروخرامانرا
زرفتن باز میدارد حجات آب حیوانرا
نکاهت برسرنا زست باز امروز میتروسم
که بر کردانداز قتل من آن بر کشته مژگانرا

\$

*- بشنجیسی شاه اسماعیل صفوینگ اوغلی صاحب تذکره سام میرزادر. [(سام میرزا)) ماده-سنه مراجعت بیوریله].

5-2512-4

سامی

هندستانک کجرات خطه-سنده %ورادامپور \$ حکومت ممتازه-سنه تابع و رادامپورک 27 کیلومتره جنوب شرقیسنده واقع
بر قصبه اولوب، 2375ی مسلم اولمق اوزره، 5305 اهالیسی واردر.

6-2512-4

سامی افندی

متأخرین شعراء عثمانیه-دن ایکی ذات اولوب، برنجیسی بعض وزرانک کتابت خدمتنده بعد الاستخدام، برآره-لق
مأموریت مخصوصه ایله ویانه-یه عزیمت، و دعوتنده آمدی اوپه-سی خلفاسی سلکنه داخل اوله-رق، بعده تقویمخانه
نظارتنه، صکره زراعت مجلسی اعضالغنه نصب ایدلیمش؛ و 1263ده مصلحتکنارلقه ویانه-یه و بعده سفارتله برلینه
اعزام، و 1266ده طهران سفارتنه نصب اولنمش؛ و در سعادتده عودتله 1270ده وفات ایتمشدر. شو بیت بر غزلنددر:

@@@

کل بلبل و بلبل-ده دیکندن متأدی
بو باغده هیچ قیددن آزاده بولنمز

\$

*- ایکنجیسی اندرونی سامی یاخود عزت افندی دینمکله معروف اولوب، سلطان سلیم خان ثالث دورنده اندرون همایونده
بولنمش؛ و سلطان محمود خان ثانی دورنده چراغ بیوریله-رق، 1260ده وفات ایتمشدر. شو بیت اونکدر:

@@@

حالمی بن بیله-مم نه مدر ایدن قاش هله
سامینک اشک تر دیده غمدیده سیدر

\$

1-2513-4

سامی پاشا، ابو بکر *-.

وزرای دولت عثمانیه-دن و شعرا دن اولوب، عثمان پاشانک اوغلیدر. سلطان عبد الحمید خان اول دورنده 1198ده رتبه
وزارتله سلستره ایالتنه و سلطان سلیم خان ثالث دورنده 1213ده یوسف ضیا پاشانک اثنای صدارتنده قائممقاملق مسندینه

و بعده بعض ایالت‌ره نصب اولنه-رق، صکره معزولاً مسقط رأسی اولان اغریبوزده اقامت ایتمکده ایکن 1229ده اوراده وفات ایتمشدر. بر دیوانچه-سی واردر. شو ایکی بیت اونکدر:

@@@

رند اولان یکسان بیلور هجر ایله دور وصلتی
پوله صایمز حال حرماننده کنز فرصتی
ای اولان کاشانه نھوتده سرمست غرور
برده فکر ایت خاک دلنده خمار محنتی
\$

2-2513-4

سامی پاشا، عبد الرحمن -*.

اعاظم وزرای دولت علیه-دن و ارباب علم و ادبدر بر ذات اولوب، 1210 تاریخنده مور-ه-نگ مرکز ایالتی بولنمش اولان %0طراپولیچه\$ قصبه-سندھ طوغمشدر. پدري اورانک مشایخ و مدرسیندن شیخ احمد نجیب افندی اولوب، صاحب ترجمه پدیرلرینگ درسندن استفاده، و عربی و فارسی ادبیاتیله علوم متداوله-یه و حقایق تصوفه کسب و قوف ایتمشدی. 1236ده یونان وقوعاتی اثناسنده سائر قصبه-لر صره-سندھ طریبولیچه دخی آلتی آی محاصره آلتنه قالدقن صکره، صاحب ترجمه پدري و سائر افراد عائله-سیله برابر عصاتک ید اسارتنه کچوب، پدري بو وقعه-ده شهید اولمش؛ و کندیلری بر خیلی مدت اسارتده قالدقن صکره، 1239ده قورتلوب، مصره هجره ایتمش؛ و او صره-ده مور-ه-نگ تخلصنه متهئ عزیمت بولنان ابراهیم پاشا مرحومک خدمت کتابتنه کیروب، معیتنده مور-یه-یه عودت ایلمش؛ و غالبانه مور-ه-نگ هر طرفنه کیریلوب، اعاده اسایش اولندقن صکره، اوروپانک تکلیفی اوزرینه، 1243ده ابراهیم پاشا اوراسنی ترکله مصره عودت ایتمکده، صاحب ترجمه دخی برابر کیدوب، 1245ده مصر وقایعی نظارتیله برابر مجلس ملکیه اعضالغنه، و 42ده محمد علی پاشا مرحومک باش معاونلکنه تعیین اولنمشدی. 1257ده برای مکالمه مصر جابنندن مرخص صورتیله و ینه او سنه سعید پاشا مرحومک معیتیله و 58ده دخی ایکی دفعه مأموریت مخصوصه ایله در سعادتله کله-رک، مصره عودتدن صکره، 59ده برای تبدیل هوا ایالیایه و اورادن فرانسه و انکلتز-یه سیاحت ایتمش؛ و مصره عودتندن صکره 1265 تاریخنده و عباس پاشانک والیکلی اولنده جانب باب عالیدن تر حاله متصرفلغنه نصب اولنه-رق، مصردن بسبتون قطع مناسبتله، محل مأموریتنه عزیمت ایلمش ایدی. 12 سنه بو مأموریتده قالب، 1267ده مشیریت رتبه-سیله عموم روم ایلی مفتشلکنه مأمور اوله-رق، 68ده بوسنه والیکنه نصب، و محل مأموریتنه متهئ عزیمت ایکن، طریزون والیکنه تحویل اولنمش؛ و ینه او سنه طریزوندن بالاستعفا، در سعادتله عودتنی متعاقب، و دین ایالتنه تعیین بیوریله-رق، قریم محاربه-سی اثناسنده اوراده بولنمش؛ و 1272ده مجلس تنظیمات اعضالغنه نصب، و در سعادتله جلب بیوریله-رق، 73 او اولنده ادرنه والیکنه نصب، و سکز ماه صکره ینه مجلس تنظیمات اعضالغنه اعاده بیورلمش؛ و متعاقباً معارف نظارت جلیله-سنه تعیین بیوریلوب، 1274 او اخرنده کرید وقوعاتی ظهور ایتمکده، معارف نظارتنه انضماماً کرید والیکنه نصب اولنمغله، موفقیتی اوزرینه نشان امتیازله تلطیف اولنه-رق، 1275ده معارف نظارتنه عودت ایتمش؛ و 78ده نظارت مشار الیهادن انفصال ایله، گوشه نشین عزلت ایکن، 79ده بعض مصالح ذاتیه ایچون مصره کیدوب، او اثناده مصری تشریف همایون واقع اولمغله، مجلس والا اعضالغنه نصب، و مؤخرأ مجالس عالییه-یه مأمور بیورلمشیدی. بو وجهله سلطان عبد المجید و عبد العزیز خان حضراتی دورلرنده بر خیلی مهم مناصبده بولندقن صکره، پادشاه زمان سلطان عبد الحمید خان ثانی حضرتلی دورنده 1293ده کشاد بیوریلان مجلس اعیانه دخی نصب بیوریله-رق، 1295ده ارتحال ایلمشدر. السنه شرقیه-یه بحق واقف اولوب، اکثر اوقاتنی مطالعه ایله کچیردی. شعر و انشاده مهارت نامه-سی اولوب، مطبوع بعض منشآت و اشعاری و تصوفه متعلق ((رموز الحکم)) عنوانیله بر رساله عارفانه-سی واردر. شو بر ایکی بیت جمله اشعارنددر:

@@@

حسرتکله جام داغ لاله-در چشمانه
قطره می لعلسز تبخاله-در چشمانه
تار و پودی رشته مدح نگاهمدر بنم
سامیا بو نو غزل برکاله-در چشمانه
\$

1-2514-4

سامیه،

امم -* - #1 اڤ متمدن امم عالمك منقسم بولندقلرى زمره-لرك برى اولوب، سام ابن نوح (عم)ه نسبتله بو اسمله تسميه اولنمشلردر. امم ساميه-نك اصل مبدأ و منشئ دجله و فرات و اديلىرى اولوب، اورادن بحر الشام سواحلنه و جزيرة العربك ايجنه انتشار ايتمشلردر. امم ساميه باشليجه: آثوريلر، كلدانيلر، سريانيلر، عبرانيلر، فنيكه-ليلر و عربلردن عبارت اولوب، عمالقه و نبطيلر و عربلرك منقسم بولندقلرى اقوام قديمه مختلفه-نك جمله-سى امم مذكوره شعباتندن ايديلر. امم ساميه افرادينك سيماجه امم آريانيه-دن فرقلرى اولميوپ، قفالرى پك منتظم و چهره-لرى دوزكوندر. آنجق لسانجه امم آريانيه ايله پك آز مناسبتلى اولوب، بربرلردن پك اسكى زمانلرده ايرلمش اولدقلرى آكلاشيليور. امم ساميه-نك اڤ اول مدنيتنه نائل اولنلىرى آثوريلر و كلدانيلر اولوب، بولنرك دخى مدنيت و صنايع و معارفى دجله و فرات مجراسى و بصره كورفىزى طريقيله مناسبات تجاريه-ده بولندقلرى هنددن آلمش اولملىرى مظنوندر. هر حالده بولنر يالكز سائر امم ساميه-دن دكل آروپا-ده-كى امم آريانيه-دن دخى چوق اول اويانوب، بعده فنيكه-ليلر و مصرليلر دخى طريق مدنيتده ترقى ايتمكله، بولنردن مدنيت يونان و رومايه كچمشيدى. امم آريانيه لسانلى آره-سندده-كى مناسبت و مشابهت او قدر چوق ايدى، كه بر لسانك شعبه-لرى عد اولنه-بيلوب، اكثر قواعد صرفيه-لرى بيله مشتركدنر. السنه ساميه-نك اڤ اسكيسى سريانى ويا كلدانى لسانى اولديغنه ذاهب اولنلر وار ايسه ده، بربرينه مشابهتلى اولان لسانلر اكثرى اورتهدن-د قاقوب اونودلمش بر لسان قديمدن متشعب فرعلر حكمنده اولديغندن، السنه ساميه مذكوره-نك دخى بزه واصل اولمامش ديكر بر لسان قديمك فروعى اوله-جقلرى و بناءً عليه هيچ برى ديكرلردن قديم اولمديغى شهبه-سزدر. السنه ساميه-دن اليوم موجود و مستعمل اولانى يالكز لسان عربى اولوب، ديكرلردن هيچ برى هيچ بر يرده تكلم اولنمامقده-در. اسكى آثوريلرك، كلدانيلرك، سريانيلرك، فنيكه-ليلرك و عبرانيلرك احفادى اكثرى اوزره عربلشوب، مملكتلر نده بوكون لسان عربى استعمال اولنيور. ديكرلردن اڤ زياده معلوم اولنلىرى عبرانى و سريانى لسانلى اولوب، بو ايكي لسانده بعض كتب مقدسه و سائره بولنمقده اولديغندن، و على الخصوص سريانيجه ظهور اسلام صره-سندده و خلافت عباسيه زماننده دخى سوريه و عراق خريستيانلر يڤك لسان ادبيسى بولنوب، اكثر كتب يونانيه دخى عربى-يه نقل اولنماز دن اول سريانيجه-يه ترجمه اولنديغندن، بو ايكي لسانك ادبياتى و قواعد صرفيه-لريله لغتلى تامميله حفظ و وقايه اولنمشدر. كلدانيجه-ده دخى بعض كتب مقدسه ترجمه-لرى بولنوب، بو دخى بر درجه-يه قدر محفوظدر. اڤ مجهوللى آثوريلرله فنيكه-ليلرك لسانلى اولوب، بو ايكي لسانده يالكز بعض آثار عتيقه خطوطى بولنيور. حتى آثوريلر لسانك السنه ساميه-دن اولديغى بيله يقين وقتلره كلنجه-يه قدر مشكوك اولوب، اخيرا تبين ايتمشدر. امم ساميه-نك قوللاندقلرى خطوط دخى بربرلرينه پك قريب اولوب، جمله-سى صاغدن صوله يازيلير. صره-لرى (ايجد) ترتيبه كوره اولوب، اسملى دخى بربرلرينه مشابهدر. بولنردن سريانى و عربى خطرلنده حرفلر بربرلريله متصل يازيلوب، ديكرلى حروف منفصله ايله يازيلير. اسكى مصريلر يعنى قبطيلر، طائفه رهبانه مخصوص و اشارات و رموزاتدن عبارت اولان هيروغليف خطيله اکتفا يده-ميوب، فنيكه-ليلرك خطنى استعاره ايتدكلرى كى، اسكى يونانيلر دخى سائر آثار مدنيتله برابر خطى دخى فنيكه-ليلردن آلب، بو وجهله السنه ساميه خطى سائر لسانلره دخى تعميم اولنمش؛ و آنجق قبطيلر و يونانيلر حروف مذكوره-يى صولدن صاغه يازمغه باشلامشدر. يونانيلردن روماليلره كچوب، بو وجهله اليوم بتون آروپا امم متمدنه-سڤك استعمال ايتدكلرى لاتين حروفى اساساً فنيكه حروفندن مأخوذ و امم اسلاميه-نك قوللاندقلرى حروف عربيه ايله برا صلدن متشعبدر. آروپا متأخرين مستشرقينى السنه ساميه ايله خيلى توغل ايتمكده اولوب، مشهور ارنست رنان بو لسانلر بيننده-كى مناسبات حقدده ايكي بيوك جلدن مركب معتبر بر كتاب يازمش؛ و ديكر بر ذات عبرانى، كلدانى، سريانى و عربى لسانلر يڤك مشترك و مقايسه-لى صرفنى يازمشدر.

1-2515-4

سان

1#

آوستريانك غالچيا خطه-سندده بر نهر در، كه %بسكيدى طاغڤك شمالى اتكندن نبعانله، شمال غربى-يه، بعده شماله، صكره شرقه و نهايت يڤه شمال شرقى-يه طوغرى آقه-رق، تقريباً 450 كيلومتره-لك جرياندى و بر چوق چاپلر آلدقندن صكره، صاغدن ويستوله ايرماغنه دو كيلور. 120 كيلومتره-لكى سير سفابنه صالحدر. حوضه-سى 15370 كيلومتره وسعتنده-در.

*- بو اسمله يڤه آوستريانك %استيريا\$ خطه-سندده دخى %صاوه\$ نهرينه تابع بر چاي اولوب، مجراسنك طولى 100 كيلومتره-يه قرييدر.

2-2515-4

سان پاؤلر

1#

أفريقانك ساحل غربيسنده جنوبى كينه-ده و همنامى اولان بر كوچك آطه-نك قارشيسنده اوله-رق $8^{\circ} 55'$ عرض جنوبى ايله $2^{\circ} 12'$ طول شرقيه 7000 اهالى-يى حاوى بر قصبه اولوب، افريقاى غربيه-كى پورتكيز مستملكاتنك مركزيدر. ايكي قلعه-سى و امريقاى جنوبينك باهيا و ريوده يانيرو اسكله-لريله پك ايشلك تجارتي واردر. پورتكيز دولتى بو قصبه-يى منفا اتخاذا ايتمشدر.

3-2515-4

سان پاؤللو

[(سانو پاؤللو)) ماده-سنه مراجعت اولنه.]

4-2515-4

سان پيترو

1#

ايتالياده ساردينيه جزيره-سنگ جنوب غربى ساحلى قربنده بر كوچك آطه اولوب، 11 كيلومتره بويى، 7 كيلومتره اكي و 3000 اهاليسى واردر.

*- بو اسمله ايتاليانك ملغى ناپولى قرالغنده اوترانته ايتلنده و اوترانته-نك 26 كيلومتره شمال غربيسنده دخی 8000 اهالى-يى جامع بر قصبه اولوب، لاجل التفريق %سان پيترو ابن فالابره\$ دينلير. ناپولى قرالى آراغونلى فرديناند بونى جوارلريله برابر بر دوقه-لق اتخاذا ايد-رك، مشهور آرناؤد اسكندر بكه ويرمشيدى.

5-2515-4

سانتارم

1#

پورتكيزك استرما دوره ايتلنده و ليسبونه-نك 100 كيلومتره شمال شرقيسنده اوله-رق %تاج\$ مجراسنك صاغ طرفنده واقع بر تپه-نك اوزرنده بر قصبه اولوب، 9000 اهاليسى، ليسبونه-يه قدر مد نظرى و %القصبه\$ اسميله عربلردن قالمه بر قلعه-سى واردر. بر خيلى وقت پورتكيز قرالرينك مقرى بولنمشدر.

6-2515-4

سانتاندرد

1#

اسپانيانك اسكى قستيله خطه-سنده و مادريدك 400 كيلومتره شمالنده اوله-رق %بيسقاياه\$ كورفرنده همنامى اولان ايتلك مركزى بر شهر اولوب، 20000 اهاليسى، ليماى، 2 قلعه-سى، بحريه مكتبى، دولته مخصوص كمى دميريله طوب و سائره دوكمخانه-سى، توتون، شكر، شاپقه، كاغد، تولبند و مسكرات فابريقه-لرى، ايشلك تجارتي و جوارلرنده دمير معدنى واردر.

*- سانتاندرد ايتلى شمالاً بيسقاياه كورفزيله، غرباً آستوريه، شرقاً بيسقاياه، جنوباً دخی بورغوس و پالنسيا ايتلريله محدود اولوب، مساحه سطحه-سى 5460 مربع كيلومتره و اهاليسى 246996 كشيذر. اراضيسى آز منيت اولوب، سواحلنده چوق باليق صيد اولنور.

*- بو اسمله امريقاى جنوبينك %قولومبيا\$ جمهوريتنده دخی بر ايالت اولوب، مساحه سطحه-سى 42200 مربع كيلومتره و اهاليسى 432178 كشيذر. مركزى 11255 اهالى-يى جامع %يوقامارنغه\$ قصبه-سيذر.

1-2516-4

سانتو آنطونيو ده تيبوقو

1#

برازیلیا ممالک مجتمعه-سنک %میناس جرائس \$ جمهوریتند و %ریوده یانیرو \$ نك 550 کیلومتره شمالنده اوله-رق %اسپیناسو \$ طاغنده و دیامانتینه قضااسنده بر قصبه اولوب، 6000 اهالیسی واردر.

2-2516-4

سانتو دومینگو

1#

آنتیل جزایر کبیره-سندن %هایتی \$ جزیره-سنک جنوب شرقی ساحلنده اوله-رق %پورت اوپرنس \$ 320 کیلومتره شرقنده %اوزان \$ نهری منصبنده کوزل بر قصبه اولوب، 7000 اهالیسی واردر. مقدا هایتی جمهوریتنه تابع ایکن، 1843 تاریخ میلادیسندن بری آیریجه بر جمهوریت صورتنده اداره اولنمقده-در. [(هایتی)] ماده-سنه-ده مراجعت اولنه.]

3-2516-4

سانتورین

1#

یونانک %کیقلاده \$ جزایرندن بر آطه اولوب، %پوسی \$ جزیره-سنک جنوبنده 22' 36° عرض شمالی ایله 8' 23° طول شرقنده واقعدر. بویی 15 و اکی 7 کیلومتره اولوب، 13000 اهالیسی واردر. بر هلال رسمنده اولوب، اسکی بر برکان اغزینک صویک اوستنه چیقمش نصفندن عبارتدر. طوپراغی اراضی برکانیه-دن اولوب، منبتدر. باشلیجه محصولاتی اوزوم، نخایر و پاموقدن عبارتدر. اسم قدیمی %ترا \$ در. مرکزی اولان %تیره \$ قصبه-سی بو آطه ایله نیوا، أمورغوس و اناقه آطه-لرندن مرکب بر قضانک مرکزیدر.

4-2516-4

سانتوس

1#

برازیلیا ممالک مجتمعه-سنک %سائوپاؤلو \$ جمهوریتند و %سائوپاؤلو \$ شهرینک 50 کیلومتره جنوب شرقیسنده اوله-رق، %سنت ونسان \$ جزیره-سنک ساحل شمالیسنده بر قصبه و اسکله اولوب، 7000 اهالیسی، کوزل لیمانی و مشهور پرنج و قهوه اخراجاتی واردر.

5-2516-4

سان تومه

1#

آفریقای غربیده کینه کور فزی داخلنده %لویز \$ بروننک 200 کیلومتره شمال غربیسنده پورتکیز مستملکاتندن بر آطه اولوب، 25' 0° عرض شمالی ایله 24' 5° طول شرقنده واقعدر. اراضیسی طاغلق اولوب، اک مرتفع نقطه-سنک 2400 متره ارتفاعی واردر. هواسی غایتله صیجاق و آغیر اولوب، آنجق طوپراغی پک منبت و محصولداردر. آطه-نک 20000 و مرکزی اولان همنامی اسکله-نک 2000 اهالیسی واردر.

6-2516-4

سانته فه

1#

ممالك مجتمعہ-نك %يكي مكسيقه\$ جمهوريتنده و '12° 36 عرض شمالی ایلہ '13° 107 طول غربیہ واقع بر قصبہ اولوب، 8000 اھالیسی و جوارلرنده كوش و آلتون معدنلری واردر. بتون جمهوريتك مركز تجارتي ايسه ده، منظره-سی پك قسوت انكيزدر.

*- آر جنتین جمهوريتنده %پارانه\$ ایلہ %ریوسالادو\$ نك ملتقاسنده دخی بو اسمله همنامی اولان ایالتك مركزی بر قصبه اولوب، 10324 اھالیسی واردر.

*- %سانته فه\$ ایالتی شرقاً %انترریوس\$، جنوب شرقی جهنندن %بوننوس آیرس\$، جنوب غربی جهنندن %سان لویی\$، شمالاً دخی %قوردووه\$ ایالتزلیله محاط اولوب، مساحه سطحیه-سی 53977 مربع کیلومتره و اھالیسی یالکز 89218 کشیدر.

[بو اسم سائر اسملرله مرکب اوله-رق دیگر بر قاچ شهر و قصبه-یه دخی علم اولمشدر. ترکیبلرینك قسم دیگرینه مراجعت بیوریلہ.]

7-2516-4

سانته قاترینه

[[قاترینه]] ماده-سنه مراجعت بیوریلہ.]

8-2516-4

سانته قروز

1#

اسپانیایه تابع و آفریقانك ساحل غربیسی قارشیتنده واقع %قناریه\$ آطه-لرندن %یعنی جزایر خضاردن\$ تتریف جزیره-سنگ ساحل شرقیسنده بر قصبه و اسکله اولوب، 9000 اھالیسی واردر. جزایر مذکورہ-نك مركز اداره-سی اولوب، كوزل منظره-سی، ایکی قلعه-سی و کلیتلی شراب تجارتي واردر.

9-2516-4

سانته قروز

1#

آمریقای جنوبیہده %بولیویا\$ جمهوریتی ایلاتندن اولوب، شمال غربی جهنندن %لاپاز\$، جنوب غربی جهنندن %قوشاباب\$، جنوباً شوکیساقه ایالتزلیله، جنوب شرقی جهنندن %شیکیتو\$ و شرقاً و شمالاً دخی (موقسو) اقوامنك اراضیسیله محاطدر. مساحه سطحیه-سی 373161 مربع کیلومتره اولوب، 153164 اھالیسی واردر. مركزی همنامی اولان قصبه-در. طاغلی و اورمانلریله انھاری چوقدر. هواسی پك صیجاق و رطوبتلیدر. اکثر اھالیسی یرلی وحشیلردن عبارتدر. محصولاتی: پرنج، مصر، شکر و سائره-دن عبارت اولوب، بالی، کراسته-سی و آو حیواناتی دخی چوقدر. *- مركزی اولان سانته قروز قصبه-سی %غواپی\$ نهری اوزرنده و %لاپاز\$ك 450 کیلومتره شرقنده واقع اولوب، 10000 اھالیسی واردر.

1-2517-4

سانته قروز آطه-لری

1#

بحر محیط کبیرده '30° 8 ایلہ '15° 12 عرض جنوبی و '20° 163 ایلہ '40° 167 طول شرقی آره-لرنده بر طاقم آطه-لر اولوب، اگ بیوکلری: سانته قروز %و نام دیگرله اکموند\$، وانیقورو، اسوالوو، دون، ادری، شری، میتره و برول آطه-لریدر. 1595 تاریخنده اسپانیول (مندانه) طرفندن کشف و بو اسمله تسمیه اولنمش ایکن، 1767ده انکلیز قیودانلرندن (قارتیه) بو آطه-لری زیارت ایده-رك، ایلك كشفرندن خبری اولمامغله، %قر لیجه شارلوته آطه-لری\$ اسمیله تسمیه ایتمشد.

2-2517-4

سانته مارتیه

1#

قولومبیا جمهوریتینک % ماغداننه \$ ایالتنده و $11^{\circ} 19'$ عرض شمالی ایله $76^{\circ} 19'$ طول غربیده سنجاق مرکزی بر قصبه اولوب، 6000 اهالیسی، اوچ قلعه-سی و سربست لیمانی وارد.

3-2517-4

سانته ماریه

1#

پورتیکزیک النده بولنان % آسور \$ جزایرندن بری اولوب، % سان میکل \$ جزیره-سنگ جنوبنده واقعدر. بویی 20 و اکی 12 کیلومتره اولوب، 5000 قدر اهالیسی وارد. مرکزی همنامی اولان قصبه-در.

4-2517-4

سانته ماریه دی قاپوآ

1#

ایتالیانک % ترادی لابوره \$ ایالتنده و % قاپوآ \$ نک 4 کیلومتره جنوب شرقیسنده بر قصبه اولوب، 18000 اهالیسی وارد.

5-2517-4

سانتیآغو

1#

اسپانیاده عالیچه خطه-سنگ قورونیه ایالتنده و قورونیه-نک 40 کیلومتره جنوبنده اوله-رق مادریک 508 کیلومتره شمال غربیسنده و % سار \$ نهری اوزرنده بر شهر اولوب، 29000 اهالیسی، دار الفونوی، سنت ژاکن قیرینی حاوی بیوک بر کلیسای، دانته فابریقه-لری، دباغانه-لری و بث و تسبیج تجارتی وارد. وقتیه عالیچه-نک مرکزی ایدی.

6-2517-4

سانتیآغو

1#

آمریکای جنوبیده شیلی جمهوریتینک مرکزی بر شهر اولوب، $33^{\circ} 16'$ عرض جنوبی و $73^{\circ} 8'$ طول غربیده و % مایپوشه \$ نهری اوزرنده اوله-رق یوکسک بر یایله-ده واقعدر. کوزل و منتظم بر شهر اولوب، 189332 اهالیسی، دار الفونوی، داخلی مکتب اعدادیسی، کتبخانه-سی، بانک-سی، اورته-سنده کوزل بر میدانی، مصنع بر کلیسای، مفرح تفرجگاهی، کوزل بر کوپریسی، دمیر بولی، چینی و مرانغوزلغه متعلق مصنوعاتی و سراجخانه-لری وارد. بتون شیلی تجارتینک مرکزیدر. هواسی صاغلام و غایتله لطیف اولوب، آنجق زلزله-لری کثیر الوقوعدر. بو شهر 1541 تاریخ میلادیسنده (پدرو ده والدیه) طرفندن تأسیس اولنمشدر. *- جمهوریت مذکوره-نک منقسم بولندیخی ایالاتدن برینک ده مرکزی اولوب، سانتیآغو ایالتی شمالاً آفونقاغوا، غرباً و پارزو، جنوباً او هیجنس ایالتلریله، شرقاً دخی % آند \$ سلسله جبلانک صرتیه یعنی آرچنتین جمهوریتیه محدود وله-رق، مساحه سطحیه-سی 13527 مربع کیلومتره و اهالیسی 378781 کشیدر.

7-2517-4

سانتیآغو

1#

آفریقانك ساحل غربی قارشیسندنه واقع یشیل برون آطه-لرینك اك بیوکی اولوب، بوی 55 و اکی 22 کیلومتره و اهالیسی 50000 کشیدر. مرکزی %ویلا داپرایسه\$ قصبه-سیدر.

8-2517-4

سانتیاغو دل استرو

1#

آرجنتین جمهوریتنده همنامی اولان ایالتك مرکزی بر قصبه اولوب، بوئوس آیرسك 880 کیلومتره شمال غربیسندنه و %ریودولچه\$ نهری اوزرنده واقع و 10000 اهالی-یی جامعدر. *- سانتیاغو ایالتی شمالاً سالته، غرباً توقومان و قانامارقه، جنوباً قوردوبه، شرقاً سانته فه ایالتلریله، شرق شمالی جهتندن دخی %شاقو\$ اراضیسيله محدود اولوب مساحه سطحیه-سی 94494 مربع کیلومتره و اهالیسی 209000 کشیدر. ریوسالادو ایالتی شق ایندیکی کبی، ریودولچه دخی بوکا موازیا آقه-رق جنوب جهتنده %سالنیاس غراندس\$ اسمیله واسع بر طوزلی کول تشکیل ایدر. اراضیسی دوز و قسم جنوبیسی بطاقتدر.

1-2518-4

سانتیاغو دلاوغه

[[اسپانیس تون]] ماده-سنه مراجعت.]

2-2518-4

سانتیاغو ده آلانی

1#

قولومبیا جمهوریتنك برزخده واقع %وراغوا\$ ایالتنك مرکزی بر قصبه اولوب، 5000 اهالیسی واردر.

3-2518-4

سانتیاغو ده قوبه

1#

آنتیل جزایر کبیره-سندن %قوبه\$ جزیره-سندنه شرق ایالتنك مرکزی بر شهر اولوب، همنامی اولان نهرك منصبنده و هاوانه-نك 800 کیلومتره جنوب شرقیسندنه واقع و 30000 اهالی-یی جامعدر. لیمانی پك کوزل ایسه ده، هواسی پك آغیر و ایچیله-جك صوبی قیتدر. وقتیله جزیره-نك مرکزی ایدی.

4-2518-4

سانتیاغو ده هایتی

1#

آنتیل جزایر کبیره-سندن هایتی جزیره-سندنه شمال شرقی ایالتنك مرکزی بر قصبه اولوب، %سان دومینغو\$ نك 170 کیلومتره شمال غربیسندنه واقع و 10000 اهالی-یی جامعدر. 24 کیلومتره-لك مسافه-ده بر کوچك لیمانی واردر.

5-2518-4

سان جرمانو

1#

ایتالیانك %ترادی لابوره \$ ایالتنده و %قاپوآ\$ نك 52 كيلومتره شمال غربیسنده اوله-رق %قاسین \$ طاغنك اتكنده بر قصبه اولوب، 5000 اهالیسی، قلعه-سی و جوارنده %قاسینوم \$ و %آکینوم \$ شهر قدیملرینك خرابه-لری واردر.

6-2518-4

سان جوآکیم

یاخود یوآکیم 1# ممالك مجتمعه-نك قالیفورنیه جمهوریتنده بر نهردر، كه جنوبدن شماله آقه-رق، سان فرانسیسكو قوینده شمالدن كلن %ساقرامنتو \$ نهریله برلشه-رك، بحر محیط کبیره دوکیلور. سوروكلدیکی قوملرده آلتون ریزه-لری بولنور.

7-2518-4

سان جوان

1#

آرجنتین جمهوریتی ایالات غربیه-سندن اولوب، شمال شرقی جهنندن و شرقاً رئویه، جنوباً سان لویز و مندوره ایالتلریله، غرباً دخی آند سلسله جبالنك صرتیله یعنی شیلی حدودیله محدوددر. مساحه سطحیه-سی 89095 مربع كيلومتره و اهالیسی 102403 كشی اولوب، اراضیسی آند سلسله-سنگ اتكلرندن و بعض قوللرندن عبارت اولمغله، طاغلق و مرتفعدر. بو طاغلردن بر قاچ نهر آقیورسه ده، ایالتك حدودینی كچوب، %پامپه سالینه \$ یعنی ((طوزلی چول)) دینلن اووه-یه دوشنجه بر طاقم بطاقلقلر تشكيل ایده-رك، جریانلری منقطع اولور. مرکزی %سان جوان \$ یاخود %سان جوان دلانرونز \$ قصبه-سی اولوب، 15000 اهالیسی واردر.

8-2518-4

سان جوان دلوس لانوس

1#

قولومبیا جمهوریتنده و %بو غوته \$ نك 110 كيلومتره جنوب شرقیسنده و %قونیمیا \$ نهری اوزرنده سنجاق مرکزی بر قصبه اولوب، جوارنده متروك آلتون معدنلری واردر.

9-2518-4

سان جوان ده پورتوریكو

1#

آنتیل جزایرندن اسپانیانه تابع %پورتوریكو \$ آطه-سنگ ساحل شمالیسنده و اوزون بر برزخله آطه-یه مربوط بر شبه جزیره-نك اوزرنده بر شهر اولوب، جزیره مذکوره-نك مرکزیدر. تقریباً 30000 اهالیسی، واسع و صاغلام لیمانی و جسیم استحکاماتی واردر.

10-2518-4

سان جوان ده نیقاراغوا

1#

آمریقای وسطینك نیقاراغوا جمهوریتنده و سان جوان نهری منصبنده اوله-رق مكسیقه كورفزنده بر قصبه و اسكله اولوب، پانامه برزخنك حفری متصور بر نقطه-سندده بولنمغله، انكلتره و ممالك مجتمعه دولتلری آیری آیری ضبطنه چالیشمشلدردر.

11-2518-4
سان جوان دی مدوآ

پاخود سنت ژان دو مدوآ ((شنکین)) ماده-سنه مراجعت.]

1-2519-4
سان جورجو ماجوره
1#

آدریاتیق دکیزنده وندیک شهرینک 4 کیلومتره جنوب شرقیسنده بر کوچک آطه اولوب، اوزرنده پک زنکین بر مناستر و بر چوق راهبلر .?

2-2519-4
سان جوزه

پاخود سان بوزه 1# آمریقای وسطی جماهیرندن %قوسته-ریقه\$ جمهوریتنک مرکزی بر شهر اولوب، مملکت مذکورہ- نك وسطنده ممتد اولان سلسله جبالک کوزل بر وادیسنده و 10° عرض شمالی ایله 86° 28' طول غربیده واقع و 24000 اهالی-یی جامعدر.

3-2519-4
ساند

[[ژورژ ساند]] ماده-سنه مراجعت بیوریله].

4-2519-4
ساندرو قوتوس
1#

اسکندردن صکره هندستانده ظهورله، سلفوسدن پنجاب خطه-سنی و جهانکیر مشار الیهک ضبط ایتمش اولدیغی سائر بلاد هندی ضبط ایتمش و عقد ایتمدیکی بر معاهده ایله دولتنی سلفوسه طانیندیرمش بر حکمداره یونان مورخلری طرفندن ویریلن اسمدر.

5-2519-4
ساندومیر
1#

لهستانده %سان\$ نهریله ویستوله ایرماغنک منتقاسنده و وارشوه-نک 220 کیلومتره جنوب شرقیسنده بر قصبه اولوب، 6000 اهالیسی واردر.

6-2519-4
ساندویچ
1#

انكلتره-نك %كنت\$ اياڻنده و %قانتوربري\$نك 17 كيلومتره شرقنده %استور\$ نهري اوزرنده و بونك منصبنن 3 كيلومتره يوقارنده بر قصبه و اسكله اولوب، 3500 اهاليسي، دمير يولي، سفائن اعمالنه مخصوص دستكاهلري، يوك منسوجاتي و ايشلك تجارتي واردر. وقتيله اهميتي دها زياده ايدى.

7-2519-4

ساندويچ

و نام ديكرله هاواي آطه-لري *-# 1 بحر محيط كيبيرده بر جزاير زمره-سى اولوب، بحر مذكور جزايرينك اك شرق شمالي جهتنده بولنانلري اولمغله اوستراليا و جاپونيه-دن زياده آمريقاي شماليينك كاليفورنيه سواحلنه قريبتلري واردر. جزاير مذكوره °17 ايله °23 عرض شمالي و °157 ايله °161 طول غربى آره-لرنده ممتد اولوب، 11 آطه-دن عبارتدر. اك بيوكلري %هاواي\$ جزيره-سى اولوب، ديكرلرينك باشليجه-لري: اوواهو، موئوى، آتوى، مورتوى، اوينهو و راناي آطه-لريدر. مساحه سطحه-لري 16946 مربع كيلومتره و اهاليلري 89990 كشي اولوب، يرلى، چينلى، جاپونيه-لى، و آروپاليدن عبارتدر. اقليم و هواجه آنتيل جزايرينه مشابه اولوب، آنجق بوره و فرطونه-لري او قدر شدتلى دكلدر. يوكسك طاغلى اولوب، بونلرك بعضلري بركانلردن عبارتدر. طوپراقلى پك منيت اولوب، موس، هندستان جوزى، امكك آعاجى، شكر قامشى، پتاتس، بر نوع دارى، طوت و سائره حاصل اولور، و سائر آعاجلر دخى بولنور. اهالييسى هر نه قدر وحشى حالنده بولنيورديسه ده، آروپاليلرك ورودنده صنايعه متعلق بعض معلوماتلري وار ايدى. بو آطه-لر 1542ده كورلمش ايسه ده، يكيدين غائب ايدلمش اولديغندن، 1778ده مشهور قبودان قوق طرفندن يكيدين كشف، و او وقت انكلتره بحريه ناظرى بولنان لورد ساندويچك اسميله تسميه اولنمشدر. زواللى قبودان قوق بو آطه-لر اهالييسى طرفندن پاره-لنمشدر. 1820 تاريخندن برى بر طاقم ميسيونرلر كيروب، اهالينك اكثر افراديني خرسيتيان ديننه ادخال ايتمشلردر. آروپا مدنيتي بعض ترقيات ايتمكده اولوب، بو جزايرده بعض مطبعه-لر بيله تاسيس اولنمشدر. بو آطه-لرك جمله-سى بر حكومت تشكيل ايدوب، حكمدارلري %اوواهو\$ جزيره-سنگ %هونولولو\$ قصبه-سند اقامت ايدر. حكمدارلردن برنجى (قامهامها) بتون ساندوج آطه-لرينى بر حكومه جمع ايله، آروپا مدنيتنى ادخاله چاليشمش؛ و ايكنجى (قامهامها) 1820ده خرسيتيان ديننى قبول ايله، آيين قديمى منع ايتمش ايسه ده، تبعه-سى عصيان ايتديكندن، لوندريه-چاقوب، اوراده وفات ايتمشدر. اليوم دين رسميلري پروتستان مذهبي اولوب، آروپا اصولنده حكومت مشروطه ايله اداره اولنورلر. وكلا ايله 48 ميعوثن عبارت بر مجلسلري واردر. ميعوثانن 24ى رؤسا و واغنيان و 21ى ده عوامدن انتخاب اولنور. مركزلري اولان (هونولولو)نك 22907 اهالييسى واردر. واردات و مصارف سنويه-سى 2700000 دولار راده-لرنده-در. اخراجاتي باشليجه شكر و پرنج و موسدن عبارت اوله-رق سنوي اون ايكي اون اوچ، و ادخالاتي بش آلتي مليون دولار راده-لرنده يعنى اخراجاتي ادخالاتنك ايكي مثلندن زياده-در. سفائن تجاريه-سى 24 واپور و 31 يلكن كميسندن عبارتدر. هاواي و مائوى و اوواهو آطه-لرنده برر دمير يول خطى انشا اولنمقده-در. بر خيلى تلغراف و تلفون خطلري دخى تمديد اولنمشدر. وقت حضرده عسكرى 20 ضابطه 100 نفر عساكر نظاميه-دن و بر قاچ بلوك كوكلبدن كه جمعا 400 كشيدين عبارت اولوب، حين حاجنده قرال بتون اهالى-يى سلاح آلتنه دعوت ايديه-بيلير. بحريه عسكريه-سى يوقدر.

1-2520-4

ساندويچ

لودر جون قونت ده *-# 1 انكلتره سياسيونندن اولوب، 1718ده طوغمش، و 1792ده وفات ايتمشدر. ايتاليا و ممالك عثمانيه و مصره سياحت ايدوب، كوزل بر سياحتنامه يازمش؛ و دفعاتله بحريه ناظرى اولوب، كشفيات جغرافيه ايچون فنى هينتلر و كميلر كزديرمكى التزام ايتمشدر. قبودان قوق آنف البيان جزايري بونك اسميله تسميه ايتمشدر. بر قاچ قونغره-ده دخى انكلتره طرفندن مرخص بولنمشدر.

2-2520-4

سان رمو

1#

ايتاليى شماليده جنوه كورفيزنده و %اونيله\$نك 22 كيلومتره جنوب غريبنده مستحكم بر قصبه اولوب، 12000 اهالييسى و ليمون، پور تقال، زيتون و سائره محصولاتيله كوچك بويده خرما آعاجلري دخى واردر.

3-2520-4
سان سالوادور
1#

آمریقای وسطیده سالوادور جمهوریتتک مرکزی بر شهر اولوب، غواتماله-نک 230 کیلومتره جنوب شرقیسنده و بر برکانک اتکنده واقعدر. کوزل و تجارتکاه بر شهر اولوب، 20000 اهالیسی، خیلی صنایعی و کلینتی چبوییت و توتون تجارتی واردر.

4-2520-4
سان سالوادور
1#

آنتیل جزایرینک اک شمالده بولنان (لوکی) زمهره-سندن بر آطه اولوب، 24° 20' عرض شمالی ایله 78° طول غربیده واقعدر. فریستوف قولومبک آمریقادن اک اول کشف ایتدیکی بر بو آطه-در.

5-2520-4
سان سالوادور
1#

آفریقادہ %قونغو\$ دولت مستقله-سنک مرکزی بر شهر اولوب، قونغو ایرماغنه تابع %للونده\$ نهرینک مجراسی قربنده و %لواندو\$نک 508 کیلومتره شمال شرقیسنده اوله-رق 2° 5' عرض جنوب ایله 30° 13' طول شرقیده واقع و 25000 اهالی-بی جامعدر. یالکز قراله مخصوص بر سراپی اولوب، سائر مسکنلری مدور الشکل صمان قلبه-لرندن عبارتدر. اهالیسنک بر قسمی پورتکیزدر. *- برازیلیاده-کی %باهیا\$ شهرینک ده اسم قدیمی %سان سالوادور\$در. [((باهیا)) ماده-سنه مراجعت.]

6-2520-4
سانساندینغ
1#

سودان غربینک بامباره مملکتنده و %سغو\$نک 45 کیلومتره شمال شرقیسنده اوله-رق %نیجر\$ نهرینک ساحل یسارنده بر قصبه اولوب، تقریباً 12000 اهالیسی و آلتون توزیله بعض پاموق منسوجاتی واردر.

7-2520-4
سانسکری
1#

وقتیله هندستانک قسم شمالیسنده سویلنمش بر لسان اولوب، هند براهمه-سنک لسان مقدسیدر. الیوم هیچ بر یرده سویلنمه-مکده و مع هذا براهمنیلرک مقدس عد ایتدکلری بر قاچ بیوک منظومه و سائر کتب مذهبییه بونده محرر اولمغله بونلر طرفندن محافظه اولنمقده و هندستانده سویلنن بر چوق لسانلرده آثاری کورلمکده اولان بو لسان السنه عالمک اک مکملی اولوب، مکمل و منتظم قواعدی، واسع تعبیراتی و کوزل آهنکی واردر. کنک کنارلرندن بحر محیط آطلاسی، و آمریکا دخی داخل اولورسه، بحر محیط کبیر سواحلنه-دک انتشار ایتمش اولان السنه آریانییه-نک اک قدیمی اولوب، زند، پارسی قدیم، یونانی قدیم، لاتین، توتون و اسلاو لسانلرینک بونن تشعب و تولد ایتمش اولدقلری آکلاشیلور؛ چونکه السنه مذکوره کلماتنک اصللری بونده بولنیور. سانسکری لساننک اوچنجی و یا بشنجی قرن میلادی-یه قدر تکلمده مستعمل بولنمش اولدیغی مظنوندر. بعده بوزیلوب، %پراقری\$ اسمیله بر غلطی ظهور ایتمشدر، که قواعدی سانسکریدن چوق

دها قولای اولمغله، بوکا رغبت اولنمشدر. بو لسانک بر چوق وقت اسمی بيله آوروپاجه مجهول اولوب، قرن سابق میلادی اوخرنده انگلیزلر میدانجه چیقارمش؛ و او وقتدن بری بتون امم متمدنه علمای مستشرقینی بونک تعلم و تدقیقه اوغراشوب، بوکونکی کونده آوروپا پایتختلرنده و مرکز معارف اولان بعض شهرلرده تدریس اولنمقده، و علمای لسانیونجه بوندن السنه آریانیه-نک صورت اشتقاق و تولدی حقنده پک چوق حقیقتلر استنباط ایدلمکده-در.

1-2521-4

سان سورو

1#

ایتالیانک قاپیتاناته ایالتنده و %فوجه\$نک 27 کیلومتره شمال غربیسنده بر قصبه اولوب، 19000 اهالیسی وارد.

2-2521-4

سانسی

1#

فرانسه-ده %مونت دوره\$ دینلن جبالک اک مرتفعی اولوب، 1886 متره ارتفاعی وارد.

3-2521-4

سان فرانسیسکو

1#

ممالک مجتمعه-ک کالیفورنیه جمهوریتنده و بحر محیط کبیر ساحلنده واقع کوزل بر قویک ایچنده اوله-رق "30' 48' 37° عرض شمالی ایله "26' 48' 124° طول غربیده واقع بیوک بر شهر و اسکله اولوب، 300000 اهالیسی، متعدد تیاتورلری، بیوک کلیسالی، جسیم دمیرخانه و دوکخانه-لری، سفائن اعمالنه مخصوص دستکاهلری، متعدد واپور قومپانیه-لری، بیوک سرمایه-لی بانک-لری، بر چوق مطبعه و غزته-لری و پک ایشلک تجارتي وارد. بوندن اللی سنه اول بیک بشیوز اهالی-بی جامع بر قریه حالنده ایکن، کالیفورنیه آلتون معدنلرینک کشفی و صکره بحر محیط آطالسی ساحلندن بحر محیط کبیر ساحلنه-دک تمدید اولنان بیوک دمیر یول خطنک اورایه منتهی اولمسی بو شهرک پک آز وقتده بیومسنی و کیتدکجه بیومکده اولمسنی موجب اولمشدر. سان فرانسیسکو بوکونکی کونده آمریقانک بحر محیط کبیرده-کی اسکله-لرینک برنجیی اولوب، آوروپا ایله چین و جاپون و آوسترالیا آره-سنده-کی طریقک ده پک مهم بر موققییر.

4-2521-4

سان فرانسیسکو

یاخود سائو فرانسیسکو #1 برازیلیاده بیوک بر ایرماقدر، که میناس جرائس جمهوریتنده %سیراده قاناستره\$ تسمیه اولنان طاغدن نیعانه، شمال شرقی-یه طوغری جریان ایده-رک، مذکور جمهوریتی و بعده باهیا جمهوریتی شق؛ و بعده غربیه و غرب جنوبی-یه دونوب، بر قوی تشکیل ایده-رک، باهیا جمهوریتی پرنامبوق جمهوریتندن و دها آشاغیده %سرجییه\$ جمهوریتی آلاغواس جمهوریتندن تفریق ایدر؛ و بو ایکی جمهوریت آره-سنده تقریباً '40 10° عرض جنوبیده بحر محیط آطالسی-یه دوکیلور. مجراسی 2900 کیلومتره طولنده اولوب، قوراقلق زماننده ثانیه-ده 2800 مکعب متره صو دوکر. صاغ و صولدن بر چوق انهار آلوب، اک بیوکلری %ریورده\$ و %ریوگرانده\$-در. *- بو اسمله برازیلیانک %سانته قاترینه\$ جمهوریتنک ساحلنده واقع بر قویک آغزنده بر آطه دخی اولوب، بو آطه-نک ساحل غربیسنده ینه بو اسمله بر قصبه و لیمانی ده وارد.

5-2521-4

سان فرناندو

1#

اسپانیانك قادیس ایالتنده و قادیسك قرینده اوله-رق %لیون\$ آطه-سنده بر قصبه اولوب، تقریباً 180000 اهالیسی، متین استحکاماتی، کوزل بر صو یولی، رصدخانه-سی و بحریه مکتبی وارد. * - ینه اسپانیاده مادریددن 15 کیلومتره-لك مسافه-ده بو اسمله بر قصبه اولوب، قرالره مخصوص بر سرایی وارد، که اخیراً باصمه فابریقه-سی اتخاذ اولنه-رق، یالکز بر کوشکی قرال ایچون محافظه اولمشدر. * - شیلی جمهوریتنده و سانتیاغونك 120 کیلومتره جنوبنده دخی بو اسمله %قونساغوا\$ ایالتنك مرکزی بر قصبه اولوب، 1500 عائله ایله مسکوندر.

6-2521-4
سان فرناندو ده قاتامارقه
1#

آرجنتین جمهوریتنك قاتامارقه ایالتنده، همنامی اولان بر نهرک اوزرنده ورئویه ایله توقومان آره-سنده بر قصبه اولوب، پاموق مخصوص لاتنك نفاستیه مشهوردر.

1-2522-4
سان فلیپه
1#

اسپانیانك والنسه ایالتنده و والنسه-نك 55 کیلومتره جنوب غربیسنده بر قصبه اولوب، 15000 اهالیسی، خراب بعض استحکاماتی، 22 چشمه-سی، کاغد، کتن بزو ابریشیم فابریقه-لری و جوارلرنده کوزل مرمر اوجاقلری وارد. اسکی اسمی %جاتیوه\$در.

2-2522-4
سان فلیپه الرال

شیلیده سانتیاغونك 155 کیلومتره شمالنده آقونقاغوا ایالتنك مرکزی بر قصبه اولوب، 8000 اهالیسی و ایکی صره آعاجله محاط کنیش سوقاقلری وارد.

3-2522-4
سان قارلوس
1#

ونزوئلا جمهوریتنده %قاراقاس\$ك 200 کیلومتره جنوب غربیسنده و 20' 9° عرض شمالیده بر قصبه اولوب، 8000 اهالیسی، پک لیدی پورتقاللری، چیویت و قهوه محصولاتی و حیوانات تجارتی وارد. وقتیله دهها اهمیتلی اولوب، تدنی-یه یوز طومتشدر.

4-2522-4
سانکه
1#

حکومت اسلامییه زماننده اسپانیانك ناوارة، لیون، قستیله و آراغون طرفلرنده تشکل ایدن خرسیتیان حکومتلرنده بو اسمله برقاچ حکمدار کلمشدر:
ناوارة قراللی

برنجی ناو راه قونتی غارسیمین بن سانکه-نک اوغلی اولوب، 872 تاریخ میلادیسنده غاسقونیه قونتی و 905ده ناو راه قرالی اولمش؛ و اندلس دولت اسلامیه-سیله بر چوق محاربه-لر ایدوب، 919ده بر مناستره چکلمش ایسه ده، عبد الرحمن ثالث زماننده عساکر مسلمینک خرسیتیانلره قارشی موقیاتی و %جونکره\$ده-کی غالبیتلرینی کورنجه، 921ده، ینه عنان حکومتی ایله آله-رق، فرانسه-دن عودت ایتمکده اولان عسکرک یولنی کسمش؛ و 926ده، 90 یاثنی متجاوز اولدیغی حالده، وفات ایتمشدر.

*- ایکنجیسی 970دن 994 تاریخنه-دک قراللق ایدوب، بوده عربلرله لاینقطع محاربه-ده بولنمش؛ و آراغون تختتک وارته-سی (اوراقه) ایله ازدواج ایدوب، بو ازدواجن اوچنجی (غارسی) طوغمشدر.
*- اوچنجیسی ((بیوک)) عنوانیله معنون اولوب، اوچنجی غارسینک اوغلی و وارثیدر 1001 تاریخندن 1030 تاریخنه-دک حکم سوروب، ایکنجی اوغلی فردیناندی %لیون\$ تختتک وارته-سی (سانسیه) ایله اولندیرمش، و بو وجهله لیون قرالغنک ده کندی عائله-سنه کچمسنی تهینه ایتمشیدی. وفاتندن صکره الکاسی آراغون، ریباغورسه، ناو راه و قستیله اسملریله درده تقسیم اولنمشدر.

*- دردنجیسی دردنجی غارسینک اوغلی و خلفی اولوب، 1054دن 1076یه قدر حکومت سورمش؛ و مقتولاً وفات ایدوب، یالکز بر برادری قالمش ایدی. آراغون قرالی (سانکه رامیرز) الکاسنی ضبط ایدوب، بشنجی سانکه اسمیله 1076دن 1094 تاریخه-دک حکومت سورمشدر.

*- بشنجیسی مذکور (سانکه رامیرز)در، که برنجی رامیرزک اوغلی اولوب، 1063ده آراغون قرالی اولمش؛ و 1076ده ناو راه-یی ده ضبط ایدوب، 1094ده %هونمقه\$ محاصره-سنده و آت ایتمشدر.

*- آلتنجی و یدنجیسی (مروونجیان) خانداننه منسوب ناو راه قرالرینک اخیرلری اولوب، بری 1150دن 1194 تاریخنه و دیکری 1194دن 1234 سنه-سنه-دک حکومت سورمشلدر. ایکنجیسنک همشیره-سی و وارته-سی %بلانشه\$ %شامپانیه\$ قونتی %تیوت\$ه وارمغله، ناو راه قرالغی شامپانیه قونتلری فاملیاسنه کچمشدر.
لیون قرالی

شیشمان سانکه اوچنجی اوردونیونک برادری و وارثی اولوب، 965دن 967یه قدر لیون و آستوریا-ده حکومت سورمش؛ و یکننی حق وراثتدن محروم براقمش ایدی. بر سنه صکره دردنجی آلفونسک اوغلی دردنجی اوردونیو طرفندن اسقاط اولنمغله، ناو راه قرالنه و بعده قرطبه-ده-کی ملوک امویه-دن عبد الرحمن ثالثه التجا ایتمش؛ و بونک طرفندن 960ده تختنه اعاده و اقعاد اولنمشدر.

قستیله قرالری

برنجیسی ناو راه قرالردن قستیله-ده دخی حکومت سورن اوچنجی سانکه-در.

*- ایکنجیسی ((قوتلی)) لقبیله ملقب اولوب، لیون و غالیچه و قستیله حکمداری برنجی فردیناندک اوچ اوغلندن بری اولمغله، 1065ده پدینک وفاتی اوزرینه، حصه-سنه قستیله دوشوب، متعاقباً برادرلرینک حصه-لرینی دخی ضبط ایتمش، و 1073ده مقتولاً وفات ایتمشدر.

*- اوچنجیسی لیون و قستیله حکمداری سکرنجی آلفونسک اوغلرندن اولوب، 1157ده پدینک وفاتنده یالکز قستیله بونک حصه-سنه دوشمش، و بر سنه حکومت سوردکن صکره، اوغلی دردنجی آلفونسی پرینه براقوب چکلمشدر.

*- دردنجیسی قستیله و لیون قرالی اولوب، 1184ده تختی پدیری اوننجی آلفونسدن غصب ایتمش؛ و 1295 سنه-سنه-دک حکومت سوروب، کرک عربلرله و کرک وراثت ادعاسنده بولنانلرله متمادی محاربه-ده بولنمشدر.

آراغون قرالی

سالف البیان (سانکه رامیرز)در، که 1063ده پدیری برنجی رامیزه خلف اولوب، 1076ده ناو راه-یی ضبط ایتمکله، اورانک حکمدارلری صره-سنه کچه-رک بشنجی سانکه دینلمشدر.

1-2523-4

سانکیر

1#

بحر محیط کبیرده %مالسیا\$ جزایردن %سلب\$ جزیره-سنک شمال شرقی ساحلی قرینده بر آطه اولوب، "20' 43' 3° عرض شمالی ایله 6' 123° طول شرقیده واقعدر. بر ینار طاغی اولوب، 1856ده دهشتلی بر حرکت ارضه مصاب اولمشدر.

2-2523-4

سانکین

1#

آفریقای غربیده بوقاری کینه-نک %حبوبات ساحلی\$ دینلن محلنده و %پالمه\$ بروننک 200 کیلومتره شمال غربیسنده بر قصبه اولوب، انکلیزرله فلمنکیلیر بونده بعض تجارخانه-لر تاسیس ایتمشلردر.

3-2523-4
سان لوقار ده بارامده
1#

اسپانیانک قادیس ایالتنده و قادیسک 30 کیلومتره شمال غربیسنده اوله-رق، %وادی الکبیر\$ک منصبنک صول کنارنده بر قصبه و اسکله اولوب، 17000 اهالیسی واردر. سویله %یعنی اشبیلیه\$نک اسکله-سی اولوب، ایشلک تجارتی، پاموق و ایپک منسوجاتیله صابون فابریقه-لری و دری و شراب اخراجاتی واردر.

4-2523-4
سان لویی

یاخوذ سان لویز 1# آرجنٹین جمهوریتنک ایالتندن اولوب، غرباً سان جوان و مندوزه، جنوباً پامپه، شرقاً ینه پامپه و قوردوبه، شمالاً دخی ینه قوردوبه و رئویه ایالتلریله محاط و محدوددر. قسم شمالیسنده قوردوبه ایالتندن کلن سیراده قوردوبه طاغلرینک بعض قوللری و اتکلری اوزانوب، سائر جهنلری اوزون اوتلرله مستور دوز و واسع اووه-لردن عبارتدر. %ریو فوراتوا\$ نهری حدود غربیه-سنک قسم جنوبیسنی تشکیل ایدوب، میاه جاریه-سی بوکا دوکیلور. اورمانلری دخی چوقدر. حیواناتی و علی الخصوص صیغیرلری پک چوقدر. طوپراغی پک منبت ایسه ده، هنوز پک آز یری مزروعدر. بوئنوس آیرسدن بدأ ایله واپارزویه منتهی اوله-حق بیوک دمیر یول خطی بو ایالتی عرضاً اورتہ-سندن شق ایدوب، مرکزی اولان %سان لویی دلاپونته\$نک ایچندن کچر.

5-2523-4
سان لویی دلاپونته
1#

آرجنٹین جمهوریتنده آنف البیان %سان لویی\$ ایالتنک مرکزی بر قصبه اولوب، ریوتوراتوبه تابع بر نهرک و بحر محیط اطلاسی ساحلندن بحر محیط کبیر ساحلنه-دک در دست تمديد اولان بیوک دمیر یول خطنک اوزرنده واقعدر. اهالیسی 8000 کشیدن عبارت اولوب، کوندن کونه چو غالمقده-در.

6-2523-4
سان لویی پوتوزی
1#

مکسیقه-نک ممالک مجتمعه-سنده همنامی اولان جمهوریتنک مرکزی بر شهر اولوب، '2° 22 عرض شمالی ایله '15° 103 طول غربیده واقعدر. اصل قصبه-نک اهالیسی یالکز 11000 کشیدن عبارت ایسه ده، جوارلرنده متفرق محله ویا قریه-لری چوق اولوب، بونلرله برابر اهالیسی 62573 کشی-یه بالغ اولیور. منتظم و کوزل بر قصبه اولوب، داخلی بر مکتب اعدادیسی و کوزل ابنیه-سی واردر.

*- سان لویی ده پوتوزی جمهوریتی شمال غربی جهنندن و غرباً زاغاتغاس، جنوباً غوانا جواتو، قونرتارو و هیدالغو، شرقاً وراقروز و تاماولیپاس، شرق شمالی جهنندن دخی نوئوه-لیون جمهوریتلریله محاط و محدود اولدیغی حالده، مساحه سطحیه-سی 66510 مربع کیلومتره اولوب، 516486 اهالیسی واردر. اراضیسی طاغلق اولوب، قسم جنوبیسنده %ریبورده\$ اسمیله بر ایرماغه جمع اولنور و مکسیقه کورفزینه دوکیلور بر قاچ نهر واردر. کومش معدنلری وقتیله پک مشهور اولوب، ایوم شمال جهننده ایشلنمکده-در.

1-2524-4

سان لئو

1#

ایتالیانك % اوربن \$ ایالتنده و % پزارو \$ نك 38 كيلومتره غربنده اوله-رق همنامی بر طاغك اوزرنده مستحکم بر قصبه اولوب، 12000 اهالیسی واردر.

2-2524-4

سان میکل

1#

آمریقای وسطینك سالوادور جمهوریتنده و سان سالوادورك 144 كيلومتره شرقنده ایالت مرکزی بر قصبه اولوب، 6000 اهالیسی و آغیر هواسی واردر.

3-2524-4

سان میکل

1#

بحر محیط آطلاسیده واقع اولوب پورتکیزه تابع بولنان % آسور \$ جزایرینك اك بیوکی اولوب، '48 37° عرض شمالی ایله '42 27° طول غربیده واقعدر. بوی 70 و اکی 20 كيلومتره اولوب، 114000 اهالیسی واردر. مرکزی % پونته دل غاده \$ قصبه-سیدر. اراضیسی اتریه برکانیه-دن عبارت اولوب، پك منبت ایسه ده، بحق ایشلنمیور. محصولاتی حبوبات، شراب، میوه و سائره-دن عبارتدر.

4-2524-4

سانه

1#

بوسنه-ده % ساوه \$ یه تابع % اونه \$ نهرینه دوکیور بر چای اولوب، چرناغوره-ده نبعانله، شماله و بعده غرب شمالی-یه طوغری جریان ایده-رك، صاغدن % پانیچه \$ ایله % غومیونیچه \$ و صولدن، % سانیچه \$ و % بیلیه \$ ایله % یاریه \$ چاپلرینی اخذ ایدر. مجراسی تقریباً 140 كيلومتره طولنده-در.

5-2524-4

ساواری

1#

فرانسه مشاهیر سیاحین و متشرقینندن اولوب، 1750 ده برتانیه خطه-سنگ % ویتره \$ قصبه-سندله طوغمش، و 1788 ده وفات ایتمشدر. بش سنه مصرده اقامت و جزایر بحر سفیدی دور ایده-رك، ایکی کوزل سیاحتنامه یازدیگی کی، قرآن کریمی دخی فرانسجه-یه ترجمه و سیر حضرت نبوی-یی تحریر ایتمشدر. لسان عربینك صرفنی و دین اسلامك اخلاقه اولان خدمتنه دائر بر کتاب دخی تألیف ایتمشدر.

6-2524-4

ساوانه

1#

ممالك مجتمعه-ده بر نهر در، كه جورجيا ايله جنوبى قالدونيه حدودنده ايكي چايك برلشمسندن بالتشكل، جنوب شرقى-يه طوغرى جريانله، اوكوسته و ساوانه شهرلىرى ايچندن بعد المرور، بو صوك شهرك 25 كيلومتره آشاغيسنده، بر قاچ قوله آيرلمش اولديغى حالده، بحر محيط آطلاسى-يه دوكيلور. مجراسى 400 كيلومتره طولنده-در.

7-2524-4

ساوانه

1#

ممالك مجتمعه-نك جورجيا جمهوريتنده و %ميلجوبل\$ك 220 كيلومتره جنوب شرقيسنده اوله-رق، همنامى اولان نهرك ساحل يميننده بر شهر اولوب، 43189 اهاليسى، نهر مذكوره پك ايشلك ليمانى، استحكاماتى، بر قاچ دمير يولى، آقادمياسى، كتبخانه-سى، كوزل ابنيه-سى و پك ايشلك تجارتى واردر.

8-2524-4

ساوجى

سلطان عثمان خان غازينك كوچك بردارى اولوب، 687 تاريخنده قره-جه حصار نكوريله طومانيجده وقوع بولان محاربه-ده شهيد اولمشدر.

9-2524-4

ساوجى بك

سلطان مراد خان اولك كوچك اوغلى اولوب، 787 تاريخنده پادشاه مشار اليه روم اينلنده فتوحاتله مشغول و كنديسى بروسه-نك محافظه-سنه مأمور اولديغى حالده، بعض بدخواهانك اغفالى اوزرينه و قسطنطينيه ايمپراطورى يان پالنولوغك اوغلى آندرونيقوس ايله مشتركا ايكيسى پدرلرينه قارشى عصيان ايتمشلردى. خداوندكار غازى بو خبرى آنجه، بالذات عسكر سوق ايده-رك، ديمتوقه-يه فرار و تحصن ايدن شهزاده-يى بر مدت محاصره-دن صكره اله كچيروب، كوزلرينه ميل چكلمسنى فرمان بيورمش ايدى.

10-2524-4

ساورنه

و آلمانجه زابرن #1 پروسيه-نك آلساس لورن ايالتنده و استراسبورغك 38 كيلومتره شمال غربيينده اوله-رق %زورن\$ نهري اوزرنده و لورندن آلساسه كچيلن بوغاز قربنده بر قصبه اولوب، 6500 اهاليسى، داخلى مكتبى، كوزل بر سرايى و چوخه، چوارب، و چليك فابريقه-لى واردر.

1-2525-4

ساوكان

خوارزمده هزاراسب ايله حشمشين آره-سنده بر كوچك قصبه اولوب، بيوك چارشيسى و كوزل بر جامعى اولديغى و بونى 617 تاريخنده معمور بر حالده كورديكنى ياقوت حموى ((معجم))نده بيان ايديور.

2-2525-4

ساؤل

ياخود ساؤل #1 طالوتك اسم اصلئ عبرانيسيدر. [[طالوت]] ماده-سنه مراجعت بيوريله.]

3-2525-4

ساووا

1#

فرانسه-نك جنوب شرقى جهتندە بر خطە اولوب، شمالاً اسويچرە-نك %جنو\$ ناحيه-سيله و %لمان\$ كوليله، شرقاً يه اسويچرە-نك %واله\$ ناحيه-سيله و ايتاليانك %پيامونته\$ خطە-سيله، جنوباً %يوقارى آلپ\$، جنوب غربى جهتندن %ايزره\$، غرباً دخى %ان\$ ايتالتريله محدوددر. 4° 45' ايله 24° 46' عرض شمالى و 16° 3' ايله 48° 4' طول شرقى آرە-لرنده ممتد اولوب، شمالدن جنوبه بويى 146 و اكي 119 كيلومتره و اهالييسى تقريباً 550000 كشيدير. اك بيوك شهري %شامبرى\$در. اراضيسى پك طاغلق اولوب، آلپ سلسله جبالنك مونت بلانق، مونت سنيس، سنت برنارد، مونت بوئه، طايبور كبي پك يوكسك دروه-لرى بو خطە-نك ايچنده-در. شايان تصوير و تماشا غريب موقعى چوقدر. بر قاچ كولى دخى اولوب، اك بيوكلىرى %آنسى\$، بورژو و %اكل\$در، كه اوچنك ده %رونه\$ ايرماغنه دوكيلور آياقلىرى واردر. بتونى رونه ايرماغى حوضه-سنه داخل ايسه ده، قسم شماليسنك مياھ جاريه سى %لمان\$ كولنه، غرب شمالى جهتلك انهارى طوغريدىن %رونه\$ ايرماغنه، جنوب شرقى جهتلك صوللرى دخى يه رونه تابع اولان %ايزره\$ نهرينه دوكيلور. بو كوچك حوضه-لر ك صوك ايكيسنى بريرندن آيرمق اوزره %بوژو\$ اسميله آلپ سلسله-سندن بر قول آيريلوب، مملكتك اورته-سندە شمال شرقيدن جنوب غربى-يه ممتد اولور. مياھ معدنيه-سى چوق اولوب، اك مشهورى %اكس\$ صولريدر. قورشون، دمير، قلاى، باقير معدنلريله، معدن كمورى، مرمري تباشيرى ده چوقدر. حيواناتى ده چوق اولوب، اهالييسى آرى و ابيك بوجكى دخى يتيشديرلر، و خيلى مقدار بال و قوزه چيقاريرلر. مع هذا عموميت اوزره اراضيسى طاغلق و قبالق اولوب، زراعتە پك الويريشلى اولمديغندن، اهالييسى پك فقير اولوب، چوغى خدمتجيك و حماللق و سائر خدمتلر ده قوللانلق اوزره ديار آخره كيدرلر؛ و آنجق وطنلرينه ارتباط و محبتلىرى زياده اولديغندن، بر مقدار آچه طويلاينجه، مملكتلرينه عودت ايدرلر. استقامت و ناموسليكله مشهوردرلر. (ساووا-يار) ديلن بو اهالى ايتاليانجه ايله فرانسزجه آرە-سندە غلط بر لسانه متكلم اولوب، كنديلرينه مخصوص بر شيوه و صدارلى واردر. ساووا خطه-سى روماليلردن صكره شارلمانك ضبطه كچوب، بعده بور غونيه قر اللغه عائد بولندقدنصكره، جرمانيه ايمپراطورلغنه الحاق و بر قونتلق اتخاډ اولنه-رق، ((بياض اللى)) هومبرته ويرلمش؛ و بونك نسلى مرور زمانله قونتلق عنواننى دوقه-لغه تحويل، و پيامونته و سائر جوار خطه-لرى دخى ضبطله، نهايت ساردنيه جزيره-سنى دخى التحاق ايدە-رك، ساردنيه قرالى عنواننى آلمشلردى. ايتاليانك اتحادنده ساردنيه قرالى ايتاليانك قرالى اولمغله، آليوم ايتالياده حكومت سورن خاندان حكمدارى %ساووا\$ قونترلينك سلاله-سندندر. آنجق ساووا حوضه-سى، ايتاليانلرك ادعاى حقوقيله برابر، 1860 تاريخنده فرانسه-يه ترك اولنه-رق، عموم اهالى قرعه ايله فرانسه حكومتنى ترجيح ايتمشدر. اليوم ساووا ايكي ايالته منقسم اولوب، شمالده-كى %ساووا\$ و جنوبده-كى %يوقارى ساووا\$ اسميله تفريق اولنور. برنجيسنك مركزى %آنسى\$ اولوب، مساحه سطحيه-سى 6187 مربع كيلومتره و اهالييسى 267428 كشيدير. 40 قضايه منقسم اولوب، 28 ناحيه و 314 دائره بلديه-يى حاويدر. ايكنجيسنك مركزى %شامبرى\$ اولوب، مساحه سطحيه-سى 4597 مربع كيلومتره و اهالييسى 275018 كشيدير. بوده 4 قضايه منقسم اولوب، 29 ناحيه و 327 دائره بلديه-يى جامعدر.

4-2525-4

ساووا

يوقارى 1# [ماده آنفيه-يه مراجعت بيوريله.]

1-2526-4

ساووا خاندانى

1#

[[ساردنيه قر اللغى]] ماده-سنه مراجعت بيوريله.]

2-2526-4

ساوونه

ایتالیانك جنوه ایالتنده و جنوه کور فزی ساحلنده اوله-رق %۱۰ غابونه\$ چاینگ منصبنده و جنوه-نك 38 کیلومتره جنوب غربیسنده قضا مرکزی بر شهر و اسکله اولوب، 25000 اهالیسی، بحریه مکتبی، تاریخ طبیعی موزه-سی، لیمانی، قلعه-سی، ترسانه-سی و اسلحه، کهرچله، ایپک قماشلر، چینی، صابون و سائره فابریقه-لری واردر. پک اسکی بر شهردر.

3-2526-4

ساوه

ایرانك عراق عجمی ایالتنده و طهرانك 125 کیلومتره جنوب غربیسنده همنامی اولان چاینگ اوزرنده بر قصبه اولوب، 6000 اهالیسی واردر. وقتیله بیوک بر شهر اولوب، یاقوت حموی بونك معموریتندن و دنیاچه مثلی بولنمیان کتبخانه-سنك وسعتندن بحث ایتدکن صکره مغوللر طرفندن کلیاً تخریب و کتبخانه-سی احراق اولندیغنا مسموعی اولدیغنی ده علاوه ایدیور. ینه مؤلف مشار الیهك روایتنه کوره بونك شمال شرقیسنده اولوب، الیوم موجود اولان (آوه) اهالیسی شیعه امامیه-دن و ساوه اهالیسی سنی و شافعی اولدیغندن، بیلرنده هر وقت منازعه اکسیک دکل ایش. علوم اسلامیه مراکزندن اولوب، (ساوی) و (ساوجی) لقبیله ملقب بر چوق علما و ادبانك مسقط رأسی بولنمشدر. هواسی صیجاق اولوب، ایچندن کچن چاپله باغچه-لری سقی ایدیله-رك، میوه و سائره یتیشدیریلیر. ناری مشهوردر.

4-2526-4

ساوه

کولی. آنف البیان ساوه قصبه-سنك 58 کیلومتره شرقنده و دشت کبیرک غربنده بر کول اولوب، %۱۰ حوض سلطان\$ اسمیله دخی معروفدر. غرائبندن اوله-رق، بو کول اسکیدن موجود اولوب، روایتنه کوره، حضرت فخر کائنات (صلعم) اندمک ولادت شریه-لری کونی قورومش؛ و صکره ینه طولمشدر. شمال شرقیجنوب غربی-یه بوی 45 و اکی 6 و نهایت 10 کیلومتره-در. مذکور قره چای کولک ساحل شرقیسنه دوکیلور. عمقی اک درین محلنده 10 متره-در. صوی پک مائی و آجیدر. طیوری چوقدر. اطرافنده-کی مرعالرده میرینک مالی اولان 10000 دوه حفظ اولنور.

5-2526-4

ساوه

نهری. [(صاوه)) ماده-سنه مراجعت بیوریله.]

6-2526-4

ساویلیانو

1#

ایتالیانك %سالوچه\$ ایالتنده و %قونی\$نك 25 کیلومتره شمال غربیسنده اوله-رق %تورینو\$نك 52 کیلومتره جنوبنده مستحکم بر قصبه اولوب، 18000 اهالیسی، داخلی مکتبی، دمیر یولی، برطاق ظفری، کمرلرله محاط کوزل بر میدانی و چوخه، ابریشیم و بز دستکاهلری واردر.

7-2526-4

ساویلیانو

1#

ایتالیانک %فورلی \$ ایالتنده و %چزنه \$ نک 15 کیلومتره شرق جنوبیسنده بر کوچک قصبه اولوب، اراضی ایچون یاپلمش بیوک بر بند خرابه-سی موجوددر. 4000 اهالیسی و %روبیقونه \$ اسمیله آقادمیاسی واردر. اسکی بر قصبه اولوب، اسم قدیمی %روبیقون \$ در.

8-2526-4

ساهر، یوسف -*

خلافت عباسیه زماننده ظهور ایدن سریانی اطباسندن اولوب، مکتفی باللهک خواص اطباسندن ایدی. امراضک ادویه-سنی مبین بر %کناشی \$ واردر، که ایکی قسمه منقسم اولوب، قسم اولی اعضای بدن اعتباریله 20 بابیه و قسم ثانی امراض ترتیبی اعتباریله 6 بابیه منقسمدر. باشنده سرطان بولنمغله، اویویه-مدیغندن، بو لقبه تلقیب اولنمشدر.

9-2526-4

ساهیپوان

1#

هندستانک جهت شمالیه-ده-کی %رحیقند \$ ایالتنک %یداون \$ سناغنده و بداونک 35 کیلومتره غرب شمالیسنده اوله-رق کنک ایرماغنه تابع %مهاوه \$ نهری اوزرنده بر قصبه اولوب، 7715 ی مسلم اولمق اوزره، 14600 اهالیسی بر اسکی قلعه خرابه-سی، هفته-ده اوچ بازاری و جوارنده یتیش بر نوع آعاج چیچکندن چیقاریلان چیچک صوی اخراجاتی واردر.

10-2526-4

ساهیوال

1#

هندستانده پنجاب خطه-سنگ %راوال پیندی \$ ایالتنده شاهپور سناغنده و شاهپورک 41 کیلومتره جنوب غربیسنده اوله-رق %چیناب \$ تابع %چلاب \$ نهری کنارنده بر قصبه اولوب، 3880 ی مسلم اولمق اوزره، 8880 اهالیسی، مکتبی، کاروانسرای، تخته و فیل دیشندن معمول مواد مختلفه-سی و حبوبات، یاغ و پاموق تجارتی واردر.

1-2527-4

سایان

1#

آسیاده چین ایله روس ممالکی آره-سنده بر سلسله جبال اولوب، سبیریه-نک %ینیسیک \$ و %برقوق \$ ایالتنریله قسماً ترانسبا یقال ایالتنک جنوبنده 87° دن 104° طول شرقی-یه قدر ممتد اولور. بو سلسله %سایلوکم \$ طاغی واسطه-سیله %آلتون طاغ \$ سلسله عظیمه-سنه مربوطدر. اکثر یرلرنده ایکی ویا زیاده صرت تشکیل ایدیه-رک، شرقه و شرق شمالی-یه طوغری اوزانیر. بو طاغ لر صرب و ذروه-لری سنده-ده اون آی قارله مستور اولدیغندن، کچید ویره-جک یالکز بر قاچ بوغازی وار ایسه ده، بونلر دخی 1800 و 2000 متره ارتفاعلرنده اولوب، یالکز یرلی آوجیلر قولایلقه کچه-بیلیورلر. بو طاغلرده پک سیرک اوله-رق غایتله کوچک بر نوع کورکن آعاجی بولنور.

2-2527-4

سائب

صحابه-دن بر وجه زیر بر قاچ ذاتک اسمیدر: (سائب بن الاقرع الثقفی) که والده-سیله برابر نزد حضرت نبوی-یه کله-رک، جانب رسالتیناهیدن باشی مسح بیورلمشیدی. عهد خلافت حضرت فاروقیده نامه خلیفه ایله نعمان بن مقرنه اعزام بیوریله-رق، مدائن عاملکنه نصب اولنمش، و نهاوند فتحنده حاضر بولنمش ایدی. بعده اصفهانه تعیین بیوریله-

رق، اوراده وفات ایتمشدر؛ و اخلاقی اوراده قالمشدر. *- (سائب بن الحارث القرشی السهمی) که بدر وقعه-سنده عسکر کفارده بولنمغله، اسیر دوشوب، اوغلی مطلب طرفندن فدیله ایله قورتارلمشیدی. بعدله اسلامه کلوب، مالک اولدیغی ایکی خانه-سنی تصدق ایتمشدی. انساب قریشدن معلوماتی وار اییدی. 57 تاریخنده وفات ایتمشدر. پدرینک کنیه-سی (ابو وداعه) اولمغله، ابن ابی وداعه دینمکله دخی معروفدر. *- (سائب بن الحارث القرشی السهمی) که حبشه هجرت ایدن قدمات صحابه-دن اولوب، بر روایتده طائف غزاسنده شهید اولمش؛ و دیگر بر روایتده حضرت عمر (رضه)ک زمان خلافتنه-دک بر حیات اولوب، اردنده فحل وقعه-سنده شهادته ایرمشدر. *- (سائب بن ابی حبیب القرشی الاسدی) که اهل مدینه-دن معدود اولوب، حضرت عمر بن الخطاب (رضه) بوتک حقتده ((ذاک رجل لا اعلم فيه عیباً و ما احد بعد رسول الله (صلعم) الا و انا اقدر اعیبه)) بیورمشدی. *- (سائب بن حزن القرشی المخزومی) که سعید بن المسیب عمی اولوب، عهد حضرت نبوی-یه یتشمشیدی. *- (ابو مسلم سائب بن حباب) که کندیسندن بر حدیث شریف مروی اولوب، 77 تاریخنده 92 یاشنده وفات ایتمشدر. *- (ابو اسهله سائب بن خلاد الانصاری الجهنی) که بر حدیث شریف روایسیدر. *- (ابو اسهله سائب بن خلاد الانصاری الخزرگی) که بعض احادیث شریفه-نک روایسی اولوب، بعدله معاویه طرفندن یمن والیلکنه نصب اولنمش، و 91 تاریخنده وفات ایتمشدر. *- (سائب بن ابی سائب القرشی المخزومی) که بعضلری وقتیلله اسلامه کله-رک معیت حضرت نبویده هجرت ایتدیکنی، و بعضلری ده بدر وقعه-سنده مشرک اوله-رق مقتول اولدیغی بیان ایتمشلرسه ده، مؤلفه قلوبدن اولدیغی و معاویه-نک زمان حکومتنه-دک بر حیات بولندیغی روایتی صحته دها قریب کورینور. *- (سائب بن سوید) که اهل مدینه-دن معدوددر. *- (سائب بن عبید بن عبد یزید بن هاشم بن المطلب بن عبد مناف) که شافعک پدری و امام شافعینک جدی اولوب، والده-سی طرفندن دخی هاشمی اییدی. بدر غزاسنده کفار طرفندن اولوب، بنی هاشمک علمداری اولدیغی حالده، اسیر دوشه-رک، قدیمه ایلله قورتلدقندن صکره اسلامه کلمشیدی. حضرت فخر کائنات (صلعم) افندمزه مشابهنی وار اییدی. *- (سائب بن عثمان بن مظعون) که قدمات صحابه-دن اولوب، پدر و عملله برابر حبشه هجرت ایتمش، و کافه غزواتده حاضر بولنوب، یمامه وقعه-سنده، اوتوز یاشنی متجاوز اولدیغی حالده، شهید اولمشدر. *- (سائب بن عمیر الازری) که بر حدیث شریف روایسیدر. *- (سائب بن العوام بن خویلد القرشی الاسدی) که عشره میشره-دن زبیر بن العوام (رضه)ک برادری اولوب، والده-سی عمه حضرت نبوی صفیه بنت عبد المطلب اییدی. اکثر غزواتده حاضر بولنوب، یمامه وقعه-سنده شهید اولمشدر. *- (سائب الغفاری). *- (سائب بن ابی لبابه) که عهد حضرت نبویده طوغمشدر. *- (سائب بن مظعون القرشی الجمحی) که عثمان بن مظعونک برادری اولوب، اک اول حبشه هجرت ایدنلر دندر. برادریلله برابر بدر غزاسنده بولنمشدر. *- (سائب بن نمیلله) که صلاة قاعد حقتده بر حدیث شریف روایسی اولوب، سائب بن ابی سائب عینی اولدیغی مظنوندر. *- (سائب بن هشام القرشی العامری) که پدری صحابه-دن اولدیغی کبی، کندیسنک دخی صحبتته نائل اولدیغی مرویدر. فتح مصرده حاضر بولنوب، مسلمه بن مخلد طرفندن اوراده استخدام اولنمشدی. *- (ابو یزید سائب بن یزید) که هجرتک ایکنجی سنه-سی طوغوب، حج و داعده پدریلله برابر معیت حضرت نبویده بولنمش، و بعدله حضرت عمر (رضه) طرفندن سوق مدینه-یه مأمور تعیین بیورلمش اییدی. 80 تاریخندن صکره وفات ایتمشدر. کندیسندن بعض احادیث شریفه منقولدر. *- (سائب بن یزید) اولان (سائب بن یزید).

1-2528-4

سائب

[[(ابو العباس اعمی) ماده-سنه مراجعت بیوریلله]]

2-2528-4

سائبه

صحابیاتدن و فخر الانبیا (صلعم) افندمک آزادلیلرندن اولوب، کندیسندن طارق بن عبد الرحمن روایت ایتمشدر.

3-2528-4

سایر

ایران شعراسندن اولوب، طوسلیدر. شاه اسماعیل صفوینک زماننده اصفهانه نقل مکان ایتمشدی. شو بر ایکی بیت اونکدر:

@@@

کرفتمش سر راهی رسید و هیچ نکفت

عنان کشید و شکایت شنید و هیچ نکفت
بر طبیب حدیثی زدود دل کفتم
گرفت نبصنم و آهی کشید و هیچ نکفت
\$

4-2528-4
سایرام

یاخود سیرام 1# چینک ترکستان شرقی خطه-سندھ % آقسو\$ سنجاغنده و آقسویک 176 کیلومتره شرق شمالیسنده اوله-
رق %تاریم\$ ایرماغنه تابع شاهیار نهرینه دوکیلن قره سویک اوزرنده بر قصبه اولوب، 4000 اهالیسی و ایشلک
تجارتی وارد.

5-2528-4
سایرام نور
1#

چینده جونغاریه خطه-سنگ جنوب غربی جهتنده و روس حدودنده 50 کیلومتر-لک مسافه-ده بر کول اولوب، محیط دائره-
سی تقریباً 100 کیلومتره و مساحه سطحیه-سی 750 کیلومتره-در. سطحی حدای بحدن 1800 متره یوکسکدر.
اورمانلرله و ذروه-لری قارله مستور طاغلرله محاط اولوب، زیاده-سیله ده درین اولدیغندن، منظره-سی پک لطیفدر.
مغوللر بوکا ((سیرین کول)) معناسیله %سیرین نور\$ دخی دیرلر.

6-2528-4
سایغون
1#

هند چینینگ فرانسه-یه تابع آشاغی قوشنشین مملکتنده او جهته-کی فرانسه مستملکاتنک مرکزی بر شهر اولوب،
%سایغون\$ نهرینگ ساحل یمیننده و مذکور ایرماغنک منصبندن 55 کیلومتره یوقاریده اوله-رق "40' 46' 10° عرض
شمالی و "43' 12' 110° طول شرقیده واقعدر. کوزل و تجار تکاه بر شهر اولوب، 32205 اهالیسی، کوزل ریختملری،
واسع و اشجارله سایه-دار سوقاقلری، بیوک بر کلیسای، ایکی جامع شریفی، متعدد بتخانه-سی، ایکی خسته-خانه-سی،
ترسانه-سی، متعدد قشله-لری، نباتات باغچه-سی، موزه-سی، کتبخانه-سی، رصدخانه-سی، تیاتر-سی، هند چینی تاریخ
و آثارینه مخصوص جمعیت علمیه-سی، حکومته عائد بر مطبعه-سی و متعدد فرانسز و یرلی مکتبلری وارد. 6 غزته و
رساله موقوته نشر اولنور. %متیو\$ شهرینه قدر بر دمیر بولی و %شولون\$ قدر ده بر تراموایی وارد. یرلی خانه-
لرینک اکثری اخشات و خرما داللیله اورتیلی ایسه ده، فرانسزلر طاش و طوغله-دن بر چوق کوزل ابنیه دخی
یایمشلردر.

-* -سایغون نهری %مویی\$ قومنگ ساکن بولندیغی یرلده نبعانله، جنوب غربی-یه و بعده جنوب شرقی-یه طوغری
جریان، و بر قاچ چابک صولرینی اخذ ایده-رک، 400 متره کنیشلکی و 10 متره درینلکی اولدیغی حالده، سایغون شهری
یانندن کچر؛ و بو شهرک آلت طرفنده %دونایی\$ نهریله برلشیرسه ده، بر آز دها آشاغیده یکیدن آیریلوب، %قان ری\$
قوینه دوکیلور. منصبنه قریب سویک آلتنده واسع بر قیا بولنوب، بیوک کمیلرک، صایغونه قدر چیقمه-سنه مانع اولیور.

1-2529-4
سائل

ایران شعر اسندن اولوب، عن اصل %ری\$لی اولدیغی حالده، اکثر عمرینی نهاوند و همدانده کچیره-رک، همدانی نسبتیله
شهرت بولمشدر. وجد و حال صاحبی اولوب، آنجق شاعرلکده خود پسندلکی اولمغله، اکثریا اشعارینه اعتراض ایدن
احباسیله بوز شمع عادتی ایمش. 940 تاریخنده یزده وفات ایتمشدر. شو بیت اونکدر:

@@@

کدام شب که ز هجر تو خون نمیکریم
کدام روز که از شب فزون نمیکریم
\$

4-2529-2

سایلهت

1#

هندستانك شرق شمالی كوشه-سنده واقع %آسام خطه-سنده و كلكته-نك 460 كيلومتره شمال شرقیسنده اوله-رق
24° 53' 22" عرض شمالی ایله "40' 34' 89° طول شرقیده و %سورمه\$ نهري اوزرنده سنجاك مرکزی بر قصبه
اولوب، 7000ی مسلم اولمق اوزره، 14410 اهالیسی، ایشلك تجارتی، بیوك بر انكلیز مکتبی و بر دار المعلمینی وارد.
او جهته نشر اسلامه جهد و خدمت ایتمش اولان (شاه جلال) اسمنده بر درویشك جامع و تربیه-سی زیارتگاهدر.
*- سنجاغتك مساحه سطحیه-سی 14019 مربع كيلومتره و اهالیسی 1969010 كشی اولوب، نصفندن زیاده-سی مسلم
و سنیدر. اراضیسی يك منبت اولوب، پرنج سنه-ده درت دفعه محصول ویرر. دیگر محصولات خردال، داری، سیسام،
پاموق، شكر قامشی، چای و سائره-دن عبارتدر. هواسی يك صیجاك و رطوبتلی اولوب، اجنبیلر حفته مهلكدر.

4-2529-3

سائلی، محمد افندی

اوننجی قرن هجری عثمانلی شعراسندن اولوب، روم ایلنده-کی یکیشوردن ایدی. تصوفه مائل اولوب، بعده و سوسه-یه
دوشمكله، عقلنه خفت كلوب، تیمارخانه-ده وفات ایتمشدر. شو بیت اونكدر:

@@@

قطره قطره سینه-م اوزره اشك صانمه ای یسر

آتش هجر انله سینه-م قباردی سر تسر

\$

4-2529-4

سائلی

ایران شعراسندن دخی بو مخلصله اوچ شاعر وارد:
برنجیسی (سعد الملك) سادات حسنیه-دن اولوب، وطنی اولان قزوینده امامتله مشغول ایدی. شو بیت اونكدر:

@@@

شد فاش راز عشق من و کار از آن گذشت

کزیم غیر بر سر آن کوتوان گذشت

\$

*- ایکنجیسی خراسانلی اولوب، شو بیت اونكدر:

@@@

نه عیبست این که سازم تا کربیان چاک دامانرا

که من در بیخودی نشناسم از دامن کربیانرا

\$

*- اوچنجیسی عراقلی اولوب، ینه خراسانده نشو و نما بولمشدر. شو بیت اونكدر:

@@@

چنان بصورت آن افتاب حیرانم

که تبغ کرزندم چشم خودنیو شانم

\$

5-2529-4

سائونه

1#

فرانسه-نك شرق جهتده بر نهردر، كه %ووسژه\$ ايلتنك جنوب غربى قسمنده نبعانله، جنوبه طوغرى جريان ايده-رك، يوقارى سائونه، آلتون ساحل و سائونه مع لوآره ايلترينى شق، ورونه ايلتنى %ان\$ ايلتندن تفريق ايتدكن صكره، ليون شهرنده صاغدن: %رونه\$ ايرماغنه دوكيلور. مجراسى 450 كيلومتره طولنده-در. بر چوق تابعلرى اولوب، باشليجه-لرى صاغدن: آرمانسه، سالون، تيله و اوشه؛ صولدن دخى اوانيون، دوب، سيله، ريسوزه و ويله-در. بر جدول واسطه-سيله %رين\$ ايرماغنى %رونه\$ يه ربط ايتديكى كى، ديكر بر قاچ جدولى دخى وارد. طغيانلرى پك چوق اولوب، دفعاتله اطرافنى و على الخصوص ليون شهرينى باصمشر.

6-2529-4

سائونه

%يوقارى *-#1\$ فرانسه-نك ايالات شرقيه-سندن اولوب، شمالاً %ووسژه\$، غرباً %يوقارى مارنه\$ و %آلتون ساحل\$، جنوباً %دوب\$ و %ژورا\$ ايلترييله، شرقاً دخى آلساس خطه-سيله يعنى آلمانیه حدوديله محدوددر. مساحه سطحه-سى 4340 مربع كيلومتره و اهالييسى 304052 كشى اولوب، مركزى %وسول\$ قصبه-سيدير. اراضيسى طاغلق اولوب، شمال و شرق جهتلرنده %ووسژه\$ سلسله جبالنك اتكلرى اوزانيور. هواسى رطوبتلى ايسه ده، صاغلاندر. طوپراغى منبى اولوب، حبوبات متنوعه ايله قولزه، كتن، كنوير، اوزوم و سائر ميوه و سبزه-لرك انواعى حاصل اولور. شرابى چوق لکن عاديدر. صيغير، آت، طوموز و سائر حيوانات اهليه-سى چوقدر. معدن كموريله مرمر، يشم، آلچى، دكرمن و بيلكى طاشى و سائر احجار و اترية نافع-سيله مياھ معدنيه-سى ده چوقدر. صنايعى خيلى ايلرى اولوب، بر چوق دميرخانه و دوكمخانه-لريله ساعت، پاموق منسوجات، جام، چينى، چناق چوملك و سائره فابريقه-لرى و زيتون ياغى دكرمنلرى وارد. تجارتى پك ايشلكدر. بو ايالت 3 قضايه منقسم اولوب، 28 ناحيه و 583 دائره بلديه-يى حاويدر.

1-2530-4

سائونه مع لوآره

1#

فرانسه-نك ايالات شرقيه-سندن اولوب، شمالاً آلتون ساحل، شرقاً %ژورا\$، جنوباً لوآره، رونه و %ان\$، غرباً دخى %آليه\$ ايلترييله محدوددر. مساحه سطحه-سى 8436 مربع كيلومتره اولوب، 614309 اهالييسى وارد. مركزى %ماقون\$ قصبه-سيدير. %شاروله\$ طاغى ايلتنك ايچنده تشعب ايديور. ايالته بو نامى ويران سائونه و لوآره نهرلرندن بشقه بو ايكى نهره دوكيلور بر چوق چايلرى دخى وارد. اورمانلريله چايرلرى چوقدر. طوپراغى اولدقجه منبى اولوب، بغداى، پتاتس، كنوير و سائره ايله ميوه-لرك انواعى حاصل اولور، باغلى ده چوق اولوب، كوزل شراب چيقار. بيوك و كوچك حيوانات اهليه-سى چوقدر. معادن متعلق دمير، كمور، قريستال، آلچى، مرمر، ليطوغرافيه طاشى بولنوب، بعض مياھ معدنيه-سى دخى وارد. صنايعى خيلى ايلرى اولوب، دميرخانه-لريله، پاموق منسوجات، يوك ابيليك، ساعت، قونياق و سائره فابريقه-لرى وارد. تجارتى ابيي ايشلكدر. ايالت 5 قضايسه منقسم اولوب، 50 ناحيه و 589 دائره بلديه-يى حاويدر.

2-2530-4

سايبى

1#

نوبه-ده وادى حلفه-دن يوقارى نيك ايچنده بر كوچك آطه اولوب، جهت شرقيه-سندنه اسكى بر معبد و بر قبطى كليساسيله ياوز سلطان سليم خان زمانندن قالمه بر خراب قلعه-سى وارد.

3-2530-4

سایبی

یاخود ساهی #1 هندستانك %اود\$ خطه-سندھ %كنك\$ ایرماغنه تابع %کومتی\$ نهرینه دوکیلور بر چای اولوب، %هاردوی\$ سنجاغنده نبعانله، جنوب شرقی-یه طوغری جریان ایده-رك، خطه مذکورہ-یی شق و سقی اینکن صکره %بنارس\$ ایلتنك %جانپور\$ قضاسنه دخول ایله جانپور شهرینك آلت طرفنده مذکور کومتی نهرینه دوکیلور. مجراسی 450 کیلومتره طولنده اولوب، یالکز نصف اسفلی یاغورلر موسمنده کوچك کمیلرک سیرینه صالحدر. اوستندن بر قاچ دمیر یول خطی کچوب، کوزل کوپریلری و بعض جدوللری ده واردر.

4-2530-4

سایبی

یاخود سایی #1 سودان و سوتینك %غاندو\$ مملکتنده و نیجر ایرماغنك ساحل یمیننده اوله-رق عاندونك 245 کیلومتره غرب شمالینسنده و 5' 13° عرض شمالی ایله 4' 0° طول شرقیده واقع بر قصبه اولوب، 8000 اهالیسی واردر. نهر مذکورک بر کچیننده بولنمغله، اهمیت تجاریه-سی واردر. قصبه حصیردن معمول قلبه-لردن عبارت اولوب، نهر بوینجه ممتد اولور، و خرما آغاجلرینك کثرتندن کوزل بر منظره آلیر.

4-2530-5

سبا

یمنده صنعانك شرق جهتده بر خطه قدیمه اولوب، مرکزی بتون خطه یمانیه-نك کرسی قدیمی اولان %مأرب\$ شهری ایدی. شهر مذکورہ دخی بعضاً بو اسم ویریلیردی. حاکمه-سی بلقیسك حضرت سلیمان (عم)له اولان قصه مشهوره-سیله متعارفدر. شهر مذکورک احفاد نوحدن سبا بن یشجب بن یعرب بن قحطان طرفندن بنا و بونك اسمیله تسمیه اولندیغی مرویدر. [(مأرب)] ماده-سنه ده مراجعت بیوریله.

4-2530-6

سبا

#1

فلمنكک مشاهیر طبیعیونندن اولوب، 1665ده طوغمش، و 1736ده وفات ایتمشدر. هند و هند چینی-یه سیاحت ایدوب، بر چوق نباتات نمونه-لری جمع ایتمشدی.

4-2530-7

سباچ

#1

مجارستانده صاوه نهری قربنده ابو الفتح سلطان محمد خان ثانی دورنده عثمانلیلر طرفندن بنا اولنمش متین بر قلعه اولوب، %بوکرتلن قلعه-سی\$ دینمکله دخی معروف ایدی.

4-2530-8

سباسته

#1

سیواس شهرینك اسم قدیمیدر.

9-2530-4

سیاستیان

1#

پورتکیز قرالرنندن اولوب، 1557 تاریخنده جدی اوچنجی ژانه خلف اولمش؛ و سن رشده واصل اولنجه، کمال تعصبنندن اهل اسلامی آفریقاندن چیقارمق دعوی باطلیلله 1574ده آفریقاه کچمش ایسه ده، منهزما عودته مجبور اولوب، 1578ده، عمیجه-سی طرفندن اسقاط ایدلمش اولان مراکش حاکمی مولی محمد المنتصرک دعوتی اوزرینه، یکیدن مغربه عسکر سوق ایتمش ایسه ده، طنجه اوکنده مغلوب اولوب، مقتولین ایچنده بولنمشدر. آنجق مقتولیتی شبهه-لی قالمغله، ایکنجی و اوچنجی فلیب زمانلرنده بر قاچ دوزمه سیاستیان چیقوب، ادعای حقوق ایتمشدر.

1-2531-4

سیاستیان، سنت -*

1#

خرستیانلر عندنده اعزه-دن معدود اولوب، اوچنجی قرن میلادیده دیوقلتیان عسکرنده ضابط اولدیغی حالده، خرستیانلغنی کتم و اخفا ایتمکده ایکن، خبر آلتوب، جانبازخانه-لرده دکنک ضربیله قتل اولنمشدر. محبوسینک حامیسی عد اولنه-رق، کانون ثانینک 20سنده یورطیسی اجرا اولنور.

2-2531-4

سباع

صحابه-دن اوچ ذاتک اسمیدر: (سباع بن عرفط الغفاری) که خبیرو دومة الجبل سفرلرنده جانب حضرت نبویدن مدینه منوره-ده توکیل بیورلمشیدی. -* (سباع بن زید یاخود بن یزید) که اولکی مهاجرلردن اولوب، دعای حضرت رسالتیناهی-یه نائل اولمشیدی. -* (سباع بن ثابت).

3-2531-4

سبته

1#

مغرب اقصاده همنامی اولان بوغازک شرق یعنی آق دکیز جهتنده-کی مدخلنده اوله-رق، شرقه طوغری ممتد بر کوچک شبه جزیره-نک اوزرنده و %جبرالتارک قصبه-سنگ قارشیسندن بر قصبه و اسکله اولوب، 7150 اهالیسی واردر. اسپانیانک مراکش دولتی سواحلنده-کی مستملکاتنک مرکزی اولوب، سورله محاط اولدیغی حالده، خانه-لر آره-لرنده باغچه-لری، لیمانی، ریختمی و فناری واردر. ازمنه قدیمه-ده شمذیکی قصبه-نک شرق جهتنده و شبه جزیره-نک تا بروننده %آبیلله اسمیله بر شهر اولوب، بعده رومالیلر زماننده شمذیکی قصبه-نک یرینه دیکر بر قصبه تأسیس اولنه-رق، یدی تپه اوزرینه مؤسس اولدیغی مناسبتله، ((یدی قرداش)) معناسیله %سپتم فراترس اسمیله تسمیه اولنمشدی. مرور زمانله آبیله خراب اولوب، %سپتم فراترس قصبه-سی قصر و تخفیف صورتیله عربلر طرفندن %سبته اسمیه اولنمش؛ و اسپانیوللر بر دهها تغییر و تغلیط ایده-رک، %سوته #2 دیمشدر. اندلس عربلرک النده ایکن، سبته-نک پک بیوک اهمیتی اولوب، اهالیسی شمذیکی مقدارک بر قاچ مثل اولدیغی کبی، جوارنده کلیتلی پاموق یتیشدیریلوب، ایپک دخی چیقاریلردی؛ و ایپک ایشلمه-لریله کاغد و تل و پرنج معمولاتی مشهور ایدی. او وقت شرق ایله غرب آره-سنده بر تجارت مخزنی حکمنده اولوب، ایتالیا و سائر اروپا ممالکیله پک ایشلک تجارتی وار ایدی. اندلس دولت امویه-سنگ انقراضندن صکره ادریسیلرک و بعده موحدین و مرابطینک الینه کچوب، 1415 تاریخنده پورتکیزلیلرک و 1640ده اسپانیوللرک ضبطنه کچمشدر. فاس و مراکش حکمدارلری دفعاتله استر دادینه چالیشمشلرسه ده، موفق اوله-مامشدر. پورتکیزلیلرک النده بولندقجه اسکی عرب مدنیتی آثارینی بر درجه-یه قدر محافظه ایده-بیلمش ایسه ده، اسپانیوللر الینه کچدکن صکره بسبتون تدنی ایدوب، شمذیکی حالده اهمیت موقعیه-سندن بشقه بر اهمیتی یوقدر. بر چوق علما و سائر مشاهیر اسلامک مسقط رأسی اولوب، اک مشهورلری حساب و هندسه و فرائضه-کی و فرت معلوماتیله متعارف اولان (ابن مرانة السبتي)در.

4-2531-4
سبته بوغازی
1#

أوروبا ايله أفريقيا قطعه-لری و اسپانیه ايله مغرب اقصی مملکتلری آرہ-سندہ بر بوغاز اولوب، آق دکیزی بحر محیط
اطلاسی-یہ ربط ایدر. اک طار محلی 13 کیلومتره وسعتندہ اولوب، بو محلده درینلکی یالکز 300 متره ایسه ده، بونک بر
از شرقندہ 900 عمقی واردر. سطحندہ بحر محیطدن آق دکیزه و درینده آق دکیزدن بحر محیطه آقندیسسی واردر. بزجه
سبته بوغازی دینمکله معروف اولوب، اروپالیلرجه جبر التار %جبل طارق دن غلط\$ بوغازی دینلیور ایسه ده، کرک
سبته و کرک جبر التار بوغازک ایچ طرفندہ بولنوب، طریف ویا طنجه بوغازی دینلمک دها مناسب ایدی. عربلر عندندہ
ایسه %بحر الزقاق\$ اسمیله معروفدر. ایکی کناری طاغلق اولوب، منظره-سی پک هیبتلیدر.

5-2531-4
سبته، ابو العباس احمد بن هارون الرشید

خليفة عباسی هارون الرشیدک اوغلی اولوب، پدری خلیفه اولدیغی حالده، کندیسسی بلا سبب مجبر ترک دنیا و اختیار
عزلت ایدہ-رک، هفته-ده بر کون یعنی جمعه ایرتسی کونی ایشله مشغول اولور، و بو ایشدن قزاندیغی جزئی بر آچه ايله
بتون هفته کفاف نفس ایدردی. بو سببله %سبته\$ لقبیله تلقیب اولنمشدی. پدری بر حیات ایکن، 184 سنه-سندہ وفات
ایتمشدر.

1-2532-4
سبحان بخش، مولوی *-.

هندستانک متأخرین علما و مورخیندن اولوب، ((تاریخ الحکماء و تذکره المفسرین)) عنوانیله بر تألیفی واردر، که 1848
تاریخ میلادیسندہ دهلیده طبع اولنمشدر.

2-2532-4
سبحانی، مولانا *-.

ایران متأخرین شعرا سندن اولوب، نجف اشرفده طوغمش اولدیغی حالده، ایرانده امرار عمر ایتمش، و رباعیات و سائره-
دن عبارت اون ایکی بیک بیته متجاوز اشعاری وفاتندن صکره جمع و تدوین اولنمشدر.

3-2532-4
سبره

صحابه-دن بر وجه آتی بر قاچ ذاتک اسمیدر: (سبره بن ابی سبره الجعفی) که پدری و برادرلی عبد الرحمن ايله برابر
صحبته نائل اولوب، عبد الله بن مسعودک اصحابندن خیثمه بن عبد الرحمن بونک یکنیدر. *- (ابو سلیط سبره بن عمرو
بن قیس) که بدر و خیبر غزالرنده حاضر بولنمش، و بعض احادیث شریفه روایت ایتمشدر. *- (سبره بن عمرو) که بنی
نمیدن نزد حضرت نبوی-یه مبعوثاً کوندریلنلردندر. *- (سبره بن فاتک الاسدی) که برادرلری ایمن و خریم ايله برابر
صحبته نائل اولوب، بعده شامده ساکن اولمش ایدی. بعض احادیث شریفه راویسیدر. *- (سبره بن فاکه یاخود بن ابی
فاکه المخزومی یاخود الاسدی) که اهل کوفه-دن معدود اولوب، بر حدیث شریفک راویسیدر. *- (ابو الربیع سبره بن
معبد ویا بن عوسجه الجهنی) که کندیسندن اوغلی ربیع روایت احادیث شریفه ایتمشدر.

4-2532-4
سبره

آفریقه-ده طرابلس قربنده بر قصبه اولوب، طرابلسدن صکره عمرو بن العاص طرفندن فتح ایدلمش اولدیغی بعض کتب فتوحده مسطور اولوب، یاقوت حمویک ظننه کوره بو اسم اصل طرابلسک چارشیسنه مخصوص ایمش.

4-2532-5

سبرینه

%یاخود سبریمنه \$ مصرده بر قصبه اولدیغی معجم البلدانده مذکوردر.

4-2532-6

سبزوار

ایرانک خراسان خطه-سنده و نیشاپورک 100 کیلومتره غربنده غربه طوغری جریانله دشت کبیرده نابدید اولان بر چایک وادیسنده واقع بر قصبه اولوب، وقتیله بیوک و معمور بر شهر ایدی. اسمندن آکلاشلدیغی اوزره باغ و باغچه-لری چوق بر یردر. سربداران دولتک کرسی حکومتی ایدی. بر چوق شعرا و ادبانک مسقط رأسی بولنمشدر.

4-2532-7

سبزی

اوننجی قرن هجری عثمانلی شعراسندن اولوب، استانبوللیدر. حفطی و تجویدده مهارتی اولمغله، امامت ایدردی. مرتب دیوانی وارددر. شو بیت اونکدر:

@@@

دل و دین اولدی فدا یولکه جانم ده سنک
ال آچیفلوغن ایدن صکره ده امساک ایده-مز
\$

4-2532-8

سبسیطه

فلسطینده نابلس قربنده بر قصبه اولوب، حضرت ذکریا و یحیی (عم) ایله سائر بعض مشاهیرک مقابرینی حاویدر. *-
احمد بن طیب سرخسی سمیساط قربنده فرات اوزرنده بو اسمله سورله محاط بر قصبه بولندیغنی دخی بیان ایددیور.

4-2532-9

سبط

بنی اسرائیلک حضرت یعقوب (عم)ک اون ایکی اوغلنه نسبتله منقسم بولندقلری اون ایکی قبیله-نک بهرینه ویریلن اسم اولوب، جمع صیغه-سیله جمله-سنه اسباط دینور. اسباط اثنا عشره نسبتله فلسطین خطه-سی، غزه و عسقلان سواحلی مستثنی اولدیغی حالده، اون ایکی پارچه-یه منقسم اولوب، هر بر پارچه-سی حضرت یعقوب (عم)ک اولاندن برینک نسلنه مخصوص ایدی. تقسیمات مذکوره جنوبدن باشلاپ-سرق بر وجه زیردر: 1 شمعون % غزه-نک ایچ طرفی \$، 2 یهودا % بحر لوطک عرب جهننده خلیل الرحمن \$، 3 بنیامین % بحر لوطک شمال غربی ساحلندن جبال صیرتنه-دک قدس جهتی \$، 4 دان % جبال مذکوره-دن ساحله-دک یافه جهتی \$، 5 روبیل % بحر لوطک قسم شمالیسیله اردن نهری قسم جنوبیسنک شرق طرفنده-کی بقاء جهتی \$، 6 جاد % اردن نهرینک قسم وسطیسنک شرق طرفنده-کی سلط جهتی \$، 7 افرائیم % اردن مجراسی قسم وسطیسیله ساحل بحر آره-سنده نابلس جهتی \$، 8 مناسه % اردن نهریله طبریله کولنک شرق طرفنده-کی حوران جهتی و نابلس قضاسنک شمال غربی قسمی اوله-رق بربرندن آیری ایکی یر \$، 9 ایساخار % اردن مجراسیله حیفا ساحلی آره-سنده جنین جهتی \$، 10 زبولون % طبریله کولنک غرب جنوبی ساحلیله یافه ساحلی آره-سنده

ناصریه جهتی، 11 نفتالی %طبریه کولنک غرب و شمال جهنده-کی صدف جهتی، 12 آزر %نفتالینک غربنده ارض کنعان یعنی فنیکه حدودینه و عکا ساحلنه-دک ممتد اولان یر\$.
*- نثنیه صیغه-سیله سبطین حضرت امام حسن و امام حسین (رضی الله عنهما) افندیلمزه اطلاق اولنور و (سبط) ابن البننت دیمکدر یعنی قیزک اولادینه دیرلر.

1-2533-4
سبط بن الجوزی

تاریخ مصره دائر ((مرآت الزمان)) عنوانلی کتاب معتبرک صاحبیدر.

2-2533-4
سبعین
1#

بطالسه مصر زماننده توراتی و سائر کتب مقدسه بنی اسرائیلی لسان یونانی-یه ترجمه ایدن 70 ویا 72 کشیدن مرکب بر هیئته ویریلن اسمدر. بو ترجمه الیوم موجود اولوب، دفعاتله طبع اولنمش ایسه ده، سهو و خطادن سالم دکلدنر.

3-2533-4
سبقت، سکهراج

هندستان شعراسندن و کایتیه قومی رؤساسندن اولوب، علوم ادبیه و فلسفیه-ده و طب تصوفده ید طولی صاحبی ایدی. لکهنو شهرنده نشأت ایدوب، سید حسین علیخان بهادریک دیوان کتابتنده بولنمش، و بعض مناصب عالییه-یه نائل اولمش ایدی. 1138 تاریخنده کجرات راجه-لرندن بریله ایتدیکی محاربه-ده مقتول اولمشدر. مذکور حسین علیخانک محارباتنی مبین ((جنگنامه)) عنوانیله بر منظومه-سی و هر نوعدن اشعاری واردر. شو قطعه اونکدر:

@@@
چونقش یا بسر کوی انتظار کسی
نشسته ام که شوم خاک رهگذار کسی
بیزم وصل بتان بس که شمع سان سبقت
کنیم نقد دل و جان خود نثار کسی
\$

4-2533-4
سبکتکین

اڭ بیوک دول اسلامیه-دن اولان غزنویلر دولتنگ مؤسسی اولوب، عن اصل منصور بن نوح سامانینگ امراسندن آلب تکینک کوله-سی ایدی. درایت و اقتدارینه مبنی افندیسی طرفندن دامادلغه قبول اولنمش ایدی. مرقوم آلب تکینک وفاتنده اوغلی ابو اسحق وارثی اولوب، آز مدت صکره بلا ولد وفات ایتمکله، صاحب ترجمه سبکتکین 367 تاریخنده غزنه حاکمی اولمش ایدی. بر مدت صکره ملوک سامانیه-دن نوح بن منصور خراسانک نصفنی دخی سبکتکینه و نصف دیکرینی اوغلی محموده ترک ایتمکه مجبور اولمغله، بر طرفدن دخی سبکتکین هنده و ماوراء النهره طوغری توسیع ممالک ایتمش اولدیغندن 20 سنه حکومتدن صکره 387ده واقع اولان وفاتنده بیوجک بر دولت بر اقمشدر. یاننده بولنان اوغلی اسماعیل یرینه جلوس ایتمش ایسه ده، در عقب خراسان والیسی بولنان دیکر اوغلی محمود واروب، غزنه-یی ضبط ایله، پدینک تختنه قعود ایتمش؛ و متعاقباً دولت سامانیانه ختام ویره-رک، تاممیله استقلالنی اعلان ایلمشدر. بو وجهله غزنویلر دولتنگ اصل مؤسسی سبکتکین و بلکه بونک قانن پدیری آلب تکین ایسه ده، تاممیله استقلال رسمی-یه نائل اولان مشار الیه سلطان محمود اولدیغندن، آل سبکتکین حکمدارلرینک برنجیسی سلطان محمود عد اولنور.

(آل -*)- خلافت عباسیه زمانده ایران و آسیای وسطی جهتلرنده ظهور ایدن دول اسلامیه-نک اک بیوکلرندن اولوب، مؤسسسی رئیس سلاله اولان آنف الترجمه سبکتکین و برنجی حکمداری سلطان محمود بن سبکتکیندر. آل سبکتکین اساساً سامانیلر دولتنه وارث و خلف اولوب، خراسان و خوارزم جهتلری سامانیلردن کندیلرینه کچدیکی کبی، بر طرفدن هندستانه طوغری توسیع ممالک ایله هندک نصف شمالیسنی ضبط و اورالرده نشر اسلام ایتمش؛ و بر طرفدن دخی جیحونی تجاوزله، ترک خانلردن ماوراء النهری استیلا، و آل بویه-دن عراق عجمی ضبط ایده-رک، هر طرفدن توسیع حدود و تکثیر ممالک ایتمشلردی. هله هندستانده نشر اسلام، و قادیلرک قوجه-لری جنازه-سیله احراقی کبی بعض عادات وحشیه-یی منع ایله، تزئید اسباب عمران و مدنیت خصوصنده آل سبکتکینک و علی الخصوص سلطان محمودک خدماتی پک بیوکلر. بو دولتک اک پارلاق زمانی سلطان محمود مشار الیه دوری اولوب، بونک اوغلی مسعود دخی او عظمتی محافظه ایتمش ایسه ده، بونک برادرلریله اوغللری بربرلریله مناز عاته دوشوب، دولتک ترقیاتنه میدان ویرمه-مش؛ و بعده ابراهیم بن مسعود و اوغلی مسعود ثانی و اونک اوغلی بهرامشاه دخی حسن اداره-یه و اجرای عدالته موفق اولمشلرسه ده، عراق و خراسان طرفلری یکی ظهور ایدن سلجوقیلرک الینه کچمش اولدیغندن، آل سبکتکین دولتی غزنه یعنی افغانستان جهتیله هندستانک شمالی غربی جهتنده بعض ممالکدن عبارت قالمشیدی. نهایت آلتنجی قرن هجری اواسطنده غوریلر ظهور ایدوب، قالمش اولان ملکلرینی دخی ضبط، و 745 تاریخنده بو دولته ختام ویرمشلردر. سلطان محمودک جلوسندن یعنی تاریخ استقلالدن اعتباراً آل سبکتکین دولتی 168 سنه سورمش؛ و 14 حکمدار حکم سورمشدر. پایتختلری افغانستانده-کی %غزنه\$ شهری اولمغله، بونلر (غزنویلر) دینمکله دخی معروفدلرلر. حکمدارلرینک اسامیسيله تاریخ جلوسلری بر وجه زیردر:

####

1 محمود سبکتکین	387
2 محمد بن محمود	421
3 مسعود بن محمود	425
ثانیا محمد بن محمود	433
4 مودود بن مسعود	435
5 مسعود ثانی بن مودود	441
6 علی بن مسعود اول	441
7 عبد الرشید بن محمود	443
8 فرخ زاد مسعود اول	445
9 ابراهیم بن مسعود ثانی	445
10 مسعود ثالث بن ابراهیم	492
11 شیر زاد بن مسعود ثالث	508
12 أرسلان شاه بن مسعود ثالث	509
13 بهرامشاه بن مسعود ثالث	522
14 خسرو شاه بن بهرامشاه	544

1-2534-4

سبكي، تاج الدين على بن عبد الكافي

مشاهير علما و مؤرخين اولوب، بر چوق آثاری واردر. تألیفاتنك اك مشهوری ((الطبقات الكبرى)) دینمكله مشهور فقهاء شافعیه تراجم احوالی حاوی کتابیدر. مصرده یاشامش، و 756ده وفات ایتمشدر.

2-2534-4

سبلان

آذربایجانده آردبیل قصبه-سی اوزرنده بر بوکسك طاغ اولوب، ذروه-لری قیش یاز قارله مستورددر. اوزرنده بر خیلی قرا و بعض مرقد صالحین بولنمغله، جوار اهالیسی عندنده معزز عد اولنور. خریطه-لرده %ساوالان\$ صورتده محرر اولوب 4844 متره ارتفاعی اولدیغی کوستریلیور. منطقی بر برکان اولوب، انکلرنده بر خیلی میاه معدنیة حاره-سی واردر.

3-2534-4

سبلی، سلطان -*

فارسده حکومت سورمش اولان آل مظفر ملوکنك ایکنجیسی شاه شجاعك اوغلی اولوب، پدینك حیاتنده کوزلرینه میل چکلمش، و عمیجه زاده-سی شاه منصورك امریله ینه بو جزایه دوچار اولمش اولان برادری سلطان زین العابدین ایله برلکده محبوس ایکن، 795 تاریخنده فارسی استیلا ایدن تیمورلنك طرفندن بالتخلیص، ماوراء النهر کوندرلمش، و اوراده وفات ایتمشدر.

4-2534-4

سبنیت

یاخود سبنیتوس #1 مصرده-کی %سمهود\$ قصبه-سنگ اسم قدیمیدر.

5-2534-4

سبنیقو

1#

أوستریانك دالماچیہ خطه-سندہ و %زاره\$نك 60 کیلومتره جنوب شرقیسنده اوله-رق %كرقه\$ نهرینك منصبده بر قصبه اولوب، 15000 اهالیسی، بیوک لیمانی، 4 قلعه-سی و مرجان صیدینه مخصوص سفاینی واردر. وقتیلہ مستقل بر جمهوریت صورتده اداره اولنوب، بعده وندیکلیلرک، صکره مجارلرک و نهایت أوستریانك الینه کچمشدر. 1538 و 1648 تاریخلرنده ایکی دفعه عثمانلیلر طرفندن محاصره اولنمشدر.

6-2534-4

سبو

مغربده طنجه قربنده بر نهر اولدیغی یاقوت حموی بیان ایدبور.

7-2534-4
سبیطله

افریقیه-ده قیرواندن 70 میلک مسافه-ده واقع بر قصبه اولدیغی ((معجم البلدان))ده مسطوردر.

8-2534-4
سبیع

صحابه-دن ایکی ذاتک اسمیدر: احد وقع-سندده شهید اولان (سبیع بن حاطب الانصاری الاوسی) و بدر و احد غزالرنده حاضر بولنمش اولان (سبیع بن قیس الانصاری الخزرجی).

9-2534-4
سبیعه

صحابیاتدن بر وجه زیر درت خاتونک اسمیدر: (سبیعه بنت حارث الاسلمیه) که (سعد بن خوله)نک زوجه-سی اولوب، بعض احادیث شریفه روایت ایتمشدر. *- (سبیعه بنت حبیب الضبعیه) که اهل بصره-دن معدوددر. *- (سبیعه القرشیه) که زنا ایتمش اولدیغنی حضور حضرت نبویه اعتراف ایتلمکه، قارنده-کی چوجغی طوغورنجه و بعده امزیرنجه-یه قدر مهلت اعطا بیورلمش، و بعده کندی مراجعتی اوزرینه، و صحابه-دن برینک چوجغی آلمسیله، کراهه رجمه امر نبوی صادر اولمشیدی. *- (سبیعه بنت ابی لهب) که مؤمنه اولدیغی حالده (ابنت حطب النار) خطابیله تحقیر اولندیغندن، حضور حضرت نبویه شکایت ایتلمکه، حضرت رسول الله %صلی الله علیه و سلم\$ اقدمز بر غضب اولدقلری حالده: ((مابال اقوام یؤذنوننی فی نسبی و ذوی رحمی الاومن آذی نسبی و ذوی رحمی فقد آذانی و آذی الله عزوجل)) بیوردقلری ابو هریره-دن منقولدر. بعضلری (دره بنت ابی لهب) دیه ضبط ایتمشلدر.

1-2535-4
سپاهی

اوننجی قرن هجری عثمانلی شعراسندن اولوب، استانبوللیدر. زعامته متصرف ایدی. شو ایکی بیت جمله اشعارندندر:

@@@
دل دیلر کویکی کلزار جنان اولدیغیچون
میل ایدر لعلکه سر چشمه جان اولدیغیچون
خوابدن خانه-لرین چشمک ایتدم خالی
هر کیجه خیل خیالکه مکان اولدیغیچون
\$

2-2535-4
سپاهی

ایران شعراسندن دخی ایکی ذاتک مخلصیدر:
برنجیسی اندجان کبراسندن برینک اوغلی اولوب، اسمی (خداودست)در. 979 تاریخنده وفات ایتمشدر. شو رباعی اونکدر:

@@@
افسوس وقت کل بزودی بگذشت
فریاد که تا چشم کشودی بگذشت
بی چشم و خطت بنفشه و نرکسرا

ایام بکوری و کبودی بگذشت

\$

*- ایکنجیسنگ اسمی شاه حسن اولوب، شو بیت اونکدر:

@@@

بمسجدی که روم در فراق دلیر خویش

بهانه سجده کنم بر زمین زخم سر خویش

\$

3-2535-4

سپتیم سور

1#

روما ایمپراطور لرندن اولوب، آفریقا ده کی %لبده شهر قدیمنده طوغمش؛ و بر طاقم مأموریتلرده و حتی قونسلوسلقده دخی بولندقدن صکره، 193 تاریخ میلادیسنده واقع (پرتیناقس)ک وفاتنده %ایلیریا\$ عسکرینک قوماندانی اولدیغی حالده، عسکری طرفندن ایمپراطورلغی اعلان اولنه-رق، دیگر جهتلرده %دیدیوس یولیانوس\$، آلبینوس و یسپنیوس و ینجر آیری آیری ایمپراطورلغه انتخاب ایدلمش اولدیغندن، سپتیم سور بونلرک برنجیسی کندی منتخبلرینه دفع ایتدیردکن صکره، ایکنجیسی اورتاقلغه قبول ایدوب، اوچنجیسی اوزرینه عسکر سوق ایتمش؛ و ایسوس و ازنیقده مغلوب ایتدکن صکره، %بیزانسه\$یی دخی ضبط ایتمله، طرفدار لرینی اما ایلمش؛ و او وقت آلبینوسه دخی مدارا احتیاجندن وارسته اولوب، کندیسی حربه دعوت ایتمش؛ و عالیاده لیون قربنده ایتدیکی محاربه-ده منهزم و قتل ایتمش ایدی. بو وجهله 197 تاریخده تحتنده مستقل قالدقدن صکره، جزیره جهتنه تجاوز ایتمش اولان اشکانیانه قارشی سوق عسکر ایده-رک، غالب کلمکه، بابل و سلفکیه و مداینی ضبط ایتمش؛ و رومایه عودتنده نامنه الیوم موجود اولان بیوک بر طاق ظفر بنا اولنمش ایدی. اوغلی (قاراقاله)یی ولی عهد طانیتدیره-رق، امور حکومتی (پلوتیان) اسمنده برینه احاله ایتمش ایسه ده، چوق کچمه-دن بونک کندیسی حقنده سو نیتنی آکلیه-رق، 204ده اعدام ایتمشدر. بعده برتانیه-یه سفر ایدوب، قالدونیه-لیلرک تجاوزاتنه ختام ویرمشیدی. 211 تاریخده وفات ایدوب، ملکی اوغلری قاراقاله ایله (جنا)یه ترک ایتمشدر. ماهر بر قوماندان ایسه ده، پک غدار و مرحمتسز اولوب، آلبیونسی قتل ایتدکن صکره، بونک طرفدار لرینی آرایه-رق، بر چوق آدملر قتل و نفی ایتمشدی. خرسیتانلر حقنده دخی تعقیبات و تعذیبات اجرا ایتمشدر. مع هذا علوم و صنایعی حمایه ایدوب، بر خیلی ترقیاته سبب اولمشدر.

4-2535-4

سپهری

ایران شعراسندن اولوب، عن اصل اردستانی اولدیغی حالده، اصفهانده یاشامش، و فضل و عرفان صاحبی اولوب، طریق صوفیونه منسوب بولنمشدر. تصوفه دائر بعض مثنویلر نظم ایتمش ایسه ده، نابود اولمشدر. شو بیت اونکدر:

@@@

زخضر عمر فزونست عشق بازانرا

اگر ز عمر شمارند روز هجرانرا

\$

5-2535-4

ستا

1#

آفریقای غربیده یوقاری کینه-نک %داومی\$ مملکتنده %آبومه\$نک 42 کیلومتره شمال شرقیسنده و %سوقه\$ نهری تابعلرندن بری کنارنده بر قصبه اولوب، 9000 اهالیسی، هر طرفه مد نظری، اطرافنده منبیت اراضیسی و چناق چوملکه متعلق بعض معمولاتی وارد.

1-2536-4
ست الادب

مشاهير محدثاتدن اولوب، مظفر بن لبرننگ قيزيدر.

2-2536-4
ست الامناء، ام عز الدين

مشاهير محدثاتدن اولوب، شيخ صدر الدين اسعد بن عثمانك قيزيدر. صلاح الدين صفوينك استادي علم الدين بر ذالينك اشياخندن اولوب، 700 تاريخنده صعيد مصرده وفات ايتمشدر.

3-2536-4
ست الاهل، بنت علوان

محدثه و متقيه بر خاتون اولوب، بعلبكي و حنبليه المذهب ايدى. 703ده وفات ايتمشدر.

4-2536-4
ست الشام

ايكى مشهور خاتونه علم اولوب، برى يدنجى قرن هجرى محدثاتندن صفيه، و ديكرى صلاح الدين ايوبينك همشير-سيدر، كه 616ده وفات ايتمشدر.

5-2536-4
ست العرب، بنت سيف الدين على

مشاهير محدثاتدن عالمه بر خاتون اولوب، صلاح الدين صفدينك و استادي علم الدينك اشياخندندر. قدسلى اولوب، شهر مذكوره تدريسله مشغول بولنمش؛ و 734 تاريخنده وفات ايتمشدر.

6-2536-4
ست العلماء

علم و تقواسيله و طلافنت لسانيله شهرت بولمش دمشقللى بر خاتون اولوب، شهر مذكوره %9درب المهرانى\$ تكيه-سنگ پوست نشينى ايدى. و عظى پك مؤثر ايدى. 712ده وفات ايتمشدر.

7-2536-4
ست الفقهاء، بنت ابراهيم

فقه و حديثده شهرت شايعه صاحبه-سى بر خاتون اولوب، احاديث شريفه-يى اسانيديله رواينده مهارت تامه-سى وار ايدى. 726 تاريخنده 92 ياشنده وفات ايتمشدر.

8-2536-4
ست القضاة، ام محمد

مشاهیر محدثاتدن اولوب، 712 تاریخده طقسان یاشلرنده وفات ایتمشدن.

9-2536-4
ست الملك

ملوك فاطمیه-دن حاكم بامر اللهك همشیره-سی اولوب، عاقله و مدبره بر خاتون اولمغله، قتلی کندیسنه اسناد اولنان حکمدار مومی الیهک فقدانده، اونک اوغلی (ظاهر لا عراز دین الله)ی اجلاس ایده-رک، اذهان عمومیه-یی یاتیشدیرمش؛ و زمام اداره-یی کندی ید کفایتته آله-رق، درت سنه حسن اداره-یه موفق اولمشدن.

10-2536-4
ست الوزراء، ام عبد الله بنت القاضی شمس الدین عمر

مشاهیر محدثاتدن علم و عرفانله تزیین ذات ایتمش حنبلیه المذهب بر خاتون اولوب، وطنی اولان دمشق شامده و بر آره-لق مصرده تدریس علوم و افاده حدیثله امرار عمر ایتمش؛ و حدیثده زماننک قطبی حکمنه کچمشیدی 624ده طوغوب، 717ده 93 یاشنده وفات ایتمشدن. درت قوجه-یه واروب، اوچ قیز دنیا-یه کتیرمشیدی. مشاهیر علمادن بر چوق ذوات بونک شاکردانی زمره-سنه داخل ایدی.

11-2536-4
ست الوزراء، ام محمد بنت الشیخ الرئیس تاج الدین ابی الفضل یحیی بن مجد الدین

بو دخی مشاهیر محدثاتدن خیرات و حسنات صاحبه-سی بر خاتون اولوب، 639ده تولد، و 715ده وفات ایتمشدن. آخر عمرنده بر سنه قدر مختلت الشعور یاشامشدن.

12-2536-4
ست قریش، ام البها فاطمه بنت فهد

امام سیوطینک اشیاخندن محدثه بر خانون اولوب، 814ده تولد ایتمشدن.

13-2536-4
ستو اوچی
1#

جاپونیه-نک اک بیوک آطه-لرندن شمالاً %نییون\$ و جنوباً %سیقوق\$ ایله %کیسیو\$ جزیره-لری آره-سنده بر دکیز اولوب، شرقدن غریه بویی 440 کیلومتره-در. اکی پک مختلف اولوب، بوینه نسبتاً دایما آزدر. بو دکیز آطه-لرک آره-سنده بر قاچ بوغازدن قوره بوغازیله، جاپون دکیزیله و بحر محیط متعدل ایله اختلاط ایدر. ایچنده بر خیلی کوچک آطه-لر و بر چوق شهر و اسکله و تجارتکاه معموره-لر بولنیور.

14-2536-4
ستوبال
1#

پورتکیزک استرمدوره خطه-سنده و لیسونه-نک 30 کیلومتره جنوب شرقیسنده %سادو\$ نهری منصبنک ساحل شمالیسنده و بر دمیر یول خطنک اوچنده واقع قضا مرکزی بر قصبه اولوب، 15000 اهالیسی، آغزی صیغ لیمانی، ایشلک تجارتی، پک لذیز پورتقالرله سائر میوه-لری، بیوک مملحه-لری، کوزل بیاض شرابلری و بر خیلی آثار عتیقه-سی واردر.

1-2537-4

ستور

1#

هندستانده مدارس ایالتتک %تینولی\$ سنجاغنده و تینولینک 78 کیلومتره شمال غربیسنده بر قصبه اولوب، 6445 اهالیسی وارد.

2-2537-4

ستوس

7 y یاخود ستی 1# (شیت) دن غلط اولمسی محتمل اولان بو اسمله فراغه مصردن ایکی کشی کلمشدر: برنجیسی اون طقوزنجی سالله-نک برنجی حکمداری و مشهور (سزوستریس)ک پدری اولوب، میلاد عیسی (علیه السلام)دن 15 قرن اول حکم سورمش؛ و بر خیلی فتوحات ایدوب، اوغلنک جهانگیرلکنه پیشدارلق ایتمشدر. *- ایکنجیسی ابتدا %منف\$ شهرنده %فتا\$ تعبیر ایتمکلی معبودک عبادتخانه-سنگ راهبی ایکن، میلاددن 713 سنه اول حکومتی ضبط ایتمش؛ و او صره-ده آثور حکمداری (سنا حریب) مصره هجوم ایتمکله، عسکریلر کندیسنی مدافعه ایتمکلیندن، کویا منسوب بولندیغی معبوددن استمداد ایتمسی اوزرینه، سناحریبک اردوگاهنده بر چوق فاره-لر ظهور اید-رک، عسکرینک اوقلرینک کریشلرینی قویارمغله، سنا حریب عودته مجبور اولمش. مصریلر بو ستوسک الده بر فاره طوتار بر هیکلنی رکز ایدوب، آلتنه ((معبودلره رعایت ایتمکی بدن اوکرنک)) مآلنده بر عباره حک ایتمشدر.

3-2537-4

ستون

1#

آمریقای شمالیده %دومینیون\$ خطه-سنگ %قولومبیه\$ خطه-سند بر کول اولوب، بوی 25 کیلومتره قدردر. دیک و اورمانله مستور یوکسک طاغرله محاط اولوب، درینلکی چوقدر. %آندرسون\$ کولنک آیاغی حکمنده اولان 25 متره کنیشلکده بر سیل بو کوله دوکیلور، و فضلہ میاهی %اینقومچ\$ چاپیله %فراسر\$ نهرینه دوکیلور.

4-2537-4

ستی خاتون

شیخ الاسلام زنبلی علی افندینک قیزی اولوب، سلوری قپوسی قربنده مسجد و مدرسه-سی وارد. زیرک یوقوشنده پدینک بناکرده-سی اولان مکتب ساحه-سند پدینک یاننده مدفوندر.

5-2537-4

ستیف

1#

جزایرک قسنطینه ایالتنده و قسنطینه-نک 109 کیلومتره غرب جنوبیسنده اوله-رق %ابو اسلام\$ مجراسنک 2500 متره یوقاریسنده و جزایردن تونس کیدن دمیر یول خطی اوزرنده واقع قضا مرکزی بر قصبه اولوب، 4310 اهالیسی، اطرافنده پک منبت اراضیسی، حبوبات و حیوانات و یوک و دری کبی ماده متعلق ایشلک تجارتی و پک صاعلام هواسی وارد. اسکی بر قصبه اولوب، تا رومالیلرک زماننده اهمیتتی وار ایدی.

6-2537-4

سجاس، (بنت حارث التميميه)

آخر عهد حضرت نبويده دعواى نبوت ايتمش بر خاتون اولوب، بنى تميمك بر قبيله-سنه منسوب ايدى. بنى تميم و بنى تغلب ايله بنى ربيعه بيننده يكي بر دين چيقارمغه قالقيشوب، او صره-ده يمامه-ده ارتداد و دعواى نبوته قيام ايتمش اولان مسيلمه الكذاب ايله آره-لرنده رقابت حاصل اولمغله، سجاسك مسيلمه-يه عسكر سوق ايتمسي، حضرت ابا بكر صديق (رضه) جانبندن دخى مسيلمه-يه قارشى عسكر اعزام بيورلمسنه تصادف ايتمكله، مسيلمه قورقوب، صاحبه ترجمه ايله صلح ايتمش؛ و روايته كوره بينلرنده ازدواج دخى وقوع بولمش ايدى. سجاس مرته اولميوپ، دعواى نبوتدن اول بنى تغلبدن خرسيتانلغى قبول ايتمشيدى. مسيلمه-نك قتلندن صكره سجاس توبه ايدوب اسلامه كلمش؛ و معاويه-نك زماننده وفات ايتمشدر.

7-2537-4

سجاس

آذربيجانده همدان ايله ابهر آره-سنده بر قصبه اولديغى جغرافيون عرب آثارنده مذكوردر.

8-2537-4

سجاوندى، سراج الدين محمد بن عبد الرشيد

مشاهير فقهدان اولوب، فرائضه متعلق ((سراجيه)) عنوانلى كتاب مشهورك صاحبيدر. بو كتابه بر چوق شرحلر يازيلوب، اك مشهورى سيد شريف جرجانينك ((شريفيه)) عنوانلى شرحيدر.

9-2537-4

سجدين

1#

مجارستانده بوده-نك 160 كيلومتره جنوب شرقيسنده %تيسه\$ نهرى اوزرنده و %ماروس\$ چايى ملتقاسنك قربنده %قسونغراد\$ ايالتنك مركزى بر شهر اولوب، 80000 اهالييسى، متعدد مكاتبى، نهرده سفاينى، ايشلك تجارتي و شراب، توتون، طوز، كراسته، حبوبات، صابون، كهرچله و سائره اخراجاتى واردر.

10-2537-4

سجستان

ايرانك شرق جهتنده واقع %سيستان\$ خطه-سنگ اسم معربيدر. نسبتى %سجزي\$ و %سجستاني\$ كلير.] ((سيستان)) ماده-سنه مراجعت بيوريله.]

1-2538-4

سجستاني

]](ابو داود سجستاني)) ماده-سنه مراجعت بيوريله.]

2-2538-4

سجستاني، ابو حاتم صالح بن محمد

مشاهير علمادن اولوب، ((اختلاف المصاحف)) عنوانيله بر تآلیفی و تاریخ طبیعی-یه متعلق ((كتاب الوحوش)) عنوانيله بر اثری وارد. 248ده وفات ایتمشدر.

3-2538-4

سجستانی، یوسف بن ابی سعد بن احمد

((منیة المفتی)) عنوانلی کتابک مؤلفیدر. بو کتاب پارس کتبخانه-سنده 699 رقميله مرقم اوله-رق موجوددر.

4-2538-4

سجسته

1#

سیچلیه-نک شمال غربی ساحلی قرینده و شمديکی %قالاتافیمی\$ جورانده بولنمش بر اسکی قصبه اولوب، قاپلیجه-لریله مشهور ایدی. روایت کوره تر و آلایلر طرفندن بنا اولنه-رق، میلاددن بش آلتیوز سنه اول پک معمور ایدی. اهالیسی سیچلیه-نک سائر شهرلریله مخاصمه-ده بولنه-رق، آتته-لیلیرک و بعده قارتاجلیلیرک امدادینه مراجعت ایتمش؛ و بو ایکی قومک سیچلیه-یه دخولنه سبب اولمشدر. بر محاربه -ده قارتاجلیلیر طرفندن تخریب و بعده رومالیلر طرفندن اعمار اولنمشدی. الیوم خرابدر.

5-2538-4

سجسوار

1#

مجارستانک تراسیلوانیه خطه-سنده و %هرمانستاد\$ک 60 کیلومتره شمال شرقیسنده اوله-رق %قوکل\$ نهری اوزرنده مستحکم بر قصبه اولوب، 6500 اهالیسی، چوخه و بز معمولاتی و بعض آثار عتیقه-سی وارد.

6-2538-4

سجل

صحابه-دن اولوب، حضرت فخر کائنات (صلعم) افندمک کاتبی ایدی. ((یوم نظوی السماء کطی السجل للکتاب)) آیت کریمه-سنده بو سجالک مراد بیورلدیغی مظنوندر.

7-2538-4

سجلماسه

مغرب اقصاده مراکش دولتتک %تافلنت\$ ایالتنده و تافلنتک 60 کیلومتره شرقنده اوله-رق درن %یعنی آطلاس\$ سلسله جبالنک جنوبی اتکنده و %زیز\$ نهری اوزرنده بر قصبه اولوب، الیوم خراب ایسه ده، وقتیله پک معمور و بیوک بر شهر ایدی. جغرایون عربک تعریفنه کوره پک طاتلی اوزومی و اون نوع خرماسی وار ایدی. قادیئلری بوکدن پک اینجه و ظریف قماشلر نسج ایدرلردی. آلتون معدننک کثرتیله مشهور اولان %غانه\$ و سائر سودان ممالکیله پک ایشلک تجارتی وار ایدی. مرابطین دولتتک پایتختی بولنمشدر.

8-2538-4

سجن یوسف

مصرک جیزه مدیریتنده واقع بو صیر قربنده بر اسکی بنا خرابه-سی اولوب، حضرت یوسف (عم)ک یدی سنه محیوس طوردیغی و بعده حضرت موسی (عم)ک دخی حبس ایدلدیکی زندان اولدیغی مظنوندر. قربنده بر جامع شریف بنا اولنه-رق، %مسجد موسی دینمکله معروفدر. بو محل زیارتگاهدر.

9-2538-4

سجودی

یاوز سلطان سلیم خان دوری عثمانلی شعراسندن اولوب، قالداندیلدر. پیری پاشانک حمایه-سیله کاتب دیوان اولمشیدی. شو قطعه جمله اشعارنددر:

@@@

صانمه بلبل نغمه-سی ای کلغاز آکلر بنی
کلشن عشقده بو فریاد وزار آکلر بنی
فرقتکده دمبدم مردملک ایدوب ای پری
یاشی چوق اولسون بو چشم اشکبار آکلر بنی
\$

10-2538-4

سجن

1#

آلمانیا مشاهیر سیاحینندن اولوب، 1767 تاریخنده اولدنبور غک %یور\$ قصبه-سی قربنده طوغمش، و 1811ده یمنده مقتولاً وفات ایتمشدر. استانبول، حلب، شام، فلسطین و سائر او جوارلری کزدکن صکره، دین اسلامی قبول، و لسان عربی-یی تحصیل ایده-رک، جزیره العربیه، و 1809ده حجاجله مکة مکرمه-یه دخول، و اورادن یمنه کچه-رک، ایکی سنه اورالرینی کشت و گذار ایتدکن صکره، مخادن صنایه کیدرکن قولاغوزلری طرفندن قتل ویا تسمیم اولمشدر. سیاحتنامه-سی زیاده-سیله نافع معلوماتی حاوی اولوب، 1854ده برلینده طبع و نشر اولمشدر.

11-2538-4

سجابی

اونجی قرن هجری شعراسندن ایکی ذاتک مخلصیدر:
برنجیسی بروسه قربنده امنه طائفه-سندن اولوب، یاوز سلطان سلیم خانک جلوسلری اثناسنده وفات ایتمشدر. شو بیت اونکدر:

@@@

عینمه آلام بتون دنیایی یارم اولمسه
شهری چوقدن ترک ایدردم شهریارم اولمسه
\$

*- ایکنجیسی همدانلی عالم و ادیب بر ذات اولوب، قانونی سلطان سلیمان خانک شرق سفرنده قدری افندی طرفندن کمالاتی تقدیرا اولنه-رق، رومه کتیرلمش؛ و التفات پادشاهی-یه نائل اولوب، ((کیمیای سعادت)) کتاب مشهورینک ترجمه-سنه مأمور اولمش ایدی. 970ده وفات1 @ ایتمشدر. ترکی و فارسی اشعاری وارددر. شو بیت او جمله-دندر:

@@@

دیار اغیار ذوق و صلنی عشاق هجرانی
مکس جلاب آرار پروانه ایستر نار سوزانی
\$

*- ایران شعراسندن آسترآبادلی بر سجابی دخی وارددر، که اصحاب صلاح و حسن اخلاقدن اولوب، بر خیلی وقت روضه رضویه-یه مجاورت ایتمشدر. شو بر ایکی بیت اشعار عارفانه-سنددر:

@@@

در هر که رسی نکوبین کونیکوست

کو خواسته و ساخته حضرت اوست
دریا بوجود خویش موجی دارد
خس پندارد که ابن کشاکش باوست
\$

1-2539-4

سحبان وائل، یاخود سحبان بن وائل

فصاحت و بلاغده اسمی ضرب مثل حکمنه کچمش اولاد عربدن بر ذات اولوب، هارون الرشید زماننده یاشامشدر.

2-2539-4

سحر، شیخ عبد المجید

هندستان شعراسندن اولوب، لکهنوده نشأت ایتمشدر. شو بیت اونکدر:

@@@

بود ای سحر بی اندیشه در سیر چمن تاکس
ز نیونک فلك عبرت نباشد چشم غافلرا

\$

*- 1249 ده وفات ایتمش سید ناصر علی اسمنده دیگر بر شاعرک دخی مخلصیدر.

3-2539-4

سحری

قدمای شعراء عثمانیه-دن یکی ذاتک مخلصیدر:

برنجیسی ادرنه-لی اولوب، کمال پاشا زاده-نک ادرنه قاضیلغی اثناسنده محکمه-سنده کاتب ایدی.
*- ایکنجیسی استانبوللی اولوب، (قزممی) لقبیله معروف ایدی. تاریخ سویلمه-ده مهارتی وار ایدی. دفتردار سیروزی
حسین چلبی-یه منسوب اولوب، معیتده حلبده ایکن، ایتدیگی بر حباتت اوزرینه، حلب امیر الامراسی عضو رجلیتتی قطع
ایتدیرمشیدی. شو بیت اونکدر:

@@@

آیت حسنک اوقانماسون دبو جانا غلط
یازدی قدرت کاتبی ابروکی مد خانک نقط

\$

4-2539-4

سحری

ایران شعراسندن دخی بر وجه زیر درت کشینک مخلصیدر:
برنجیسی عن اصل اردستانلی اولوب، اصفهانده عطارلقله مشغول ایدی. صوفیانه بر مثنویسی و بر خیلی اشعاری وار
ایدی. شو بیت او جمله-دندر:

@@@

اسیر غمزۀ طفلی شدم که صورت خویش
در آب بیند و با آفتاب در جنکست

\$

*- ایکنجیسی %ری\$لی اولوب، شو بیت اونکدر:

@@@

ز چاره مردم و آن دولتیم نصیب نشد

که يك نگاه ترا ياخود آشنا سازم

\$

*- اوچنجیسی (عبد الله) هندستانك اكبر آباد شهرندن اولوب، والده-سندن اوكرنمش اولدیغی نستعلیق خطنده مهارتی وار ایدی. نهایت جنونه دوچار اولوب، بو علتله وفات ایتمشدر. شو بیت اونکدر:

@@@

دل زکویت کربسوی تن تیاید باک نیست

مرغ چون یابد کلستان کی کند یاد قفس

\$

*- دردنجیسی خوانسارلی اولوب، %قطب\$ دینمکله معروفدر. شو بیت جمله اشعار ننددر:

@@@

هرسیه بختی که باشد کسب عشق زمن کند

خون چشم بلبل وداغ دل پر اونه ام

\$

5-2539-4

سحیقه

خلافت عباسیه دوری اوائلنده ظهور ایدن مشاهیر مغنیاتنددر.

6-2539-4

سخا

مصرك غریبه مدیریتنده بر کوچك قصبه اولوب، (سخاوی) لقبیله ملقب علمادن بر قاچ ذاتك مسقط رأسیدر.

7-2539-4

سخیره

صحابه-دن اولوب، اوغلی عبد الله کندیسندن روایت ایتمشدر. اسدی ویا ازدی اولدیغی مرویدر. *- بنی غنمدن مدینه-یه هجرت ایدنلر میاننده مذکور بر سخیره دخی اولوب، بعضلری صحابه-دن و بعضلری صحابیاتدن عد ایتمشلدر.

1-2540-4

سخن

ایران و هندستان شعراسندن بر وجه زیر اوچ کشینك مخلصیدر:

برنجیسی (آفانیی شیرازی) درویش مشربلی بر آدم اولوب، شو رباعی اونکدر:

@@@

بر دامن لطف حسنت ای خور جمال

هر ساده دلی رانرسد دست خیال

ظاهر بینان زباطن آگاه نیند

در آینه پیدا نبود صورت حال

\$

*- ایکنجیسی (سید محمد خان بهادر) عن اصل اصفهانلی اولوب، تجارت طریقله هندستانه کیتمش؛ و مدراس والیسی نواب امیر الامرا بهادرك توجهنی قزانوب، مراتب عالییه-یه نائل اولمش ایدی. 1216ده وفات ایتمشدر. مرتب دیوانی واردر. شو بیت اونکدر:

@@@

بدل خاری ز عشق کلعداری کرده ام پیدا

ازین خواری بعالم اعتباری کرده ام پیدا

\$

*- اوچنجیسی (میر عبد الصمد) اکبر آباد ساداتندن و عبد القادر بیدلک تلامذه-سندن اولوب، 141ده کجراتک احمد آباد شهرنده وفات ایتمشدر. شو بیت اونکدر:

@@@

خوش آن روزی که برپای توسر کرم نیاز افتم

دم بر خاستن چندان روم از خود که باز افتم

\$

2-2540-5

سخنه

بریه الشامده تدمر ایله عرض وارک آره-سندنه عرب اهالی ایله مسکون بر کوچک قصبه اولدیغنی یاقوت حموی بیان ایدیور.

3-2540-4

سدان

1#

فرانسه-نک %آرندنه \$ ایالتنده %میزیره\$ نک 22 کیلومتره جنوب شرقیسنده و پارسک 276 کیلومتره شمال شرقیسنده و موزه نهری کنارنده قضا مرکزی مستحکم بر قصبه اولوب، 124566 اهالیسی، طوپخانه-سی، الیوم اسلحه موزه-سی اتخاذ اولنمش اسکی بر سرایی، داخلی مکتبی، کتبخانه-سی، مشهور چوخه و قازمیر و سائر یوک قماشلر فابریقه-لری، بویاخانه-لری، دمیرخانه-لری و آو سلاخلری فابریقه-سی واردر. وقتیله پروتستانلره مخصوص دار الفونونی وار ایدی. 1870 سنه-سی ایلول افرنجیسنک ایکنجی کونی ایمپراطور اوچنجی ناپولیون سدانده کلیتلی عسکرله پروسیه-لیلره مغلوب اولوب، تسلیم اولمشدر.

4-2540-4

سدقیا

یاخود صدقیا 1# یهودا ملوکندن اولوب، بحت نصر طرفندن اجلاس اولنمش؛ و قبل المیلاد 597 تاریخندن 587 تاریخنه دک 10 سنه حکومت سوروب، بعده عصیان ایتمکله، آتوریلر طرفندن ایکی سنه محاصره-دن صکره طوتیلوب، کوزلرینه میل چکلمش؛ و ارض بابله نفی اولنه-رق، اوراده وفات ایتمشدر.

5-2540-4

سدلیچ

1#

چهستانده %توپلیچ\$ک 30 کیلومتره جنوب غربیسنده بر قریه اولوب، مسهل کبی تأثیر ایدن میاه معدنیه بارده-سیله مشهوردر.

6-2540-4

سدوسی، ابو فید مورج بن عمرو

مشاهیر نحوینندن و اهل لغتدن اولوب، بصره-ده ابو زید انصاریدن اخذ ایتمش، و خلیل بن احمدک اصحابی زمره-سنه داخل اولمشیدی. لسان عربی لغتلیک تلتانی از برنده اولدیغی مرویدر.

7-2540-4

سدوم

1#

فلسطينده بحر لوطك ساحل شماليسى قربنده قديم بر شهر اولوب، حضرت ابراهيم (عم) زمانده اهاليسنك ارتكاب ايندكلى فحشياتدن طولايى، و كنديلرينى دين حقه دعوت ايدن حضرت لوط (عم)ى تكنعيب ايتلملى اوزرينه، من طرف الله آتش سمانى ايله احراق و تخريب ايدلمش اولديغى كتب مقدسه ده مذكور در.

8-2540-4

سد ياچوج

%ياخود سداسكندر\$ ياچوج و ماچوج اسميله كره ارضك شمال جهتلرنده ساكن اولدقلى تورانده مذكور اقوامك شردن محافظه ايچون چكلمش بر سد اولديغى مروى اولوب، بناسى اسكندر ذو القرنينه اسناد اولنور. آنجق بر طرفدن اسكندر ك تاريخى مضبوط اولوب، بويله بر سد بنا ايتديكى بيلنمديكى كى، بر طرفدن دخى اسكندر ك ضبط ايتديكى و كچديكى يرلر ك هيچ برنده بويله بر سد اثرى كورلميور. آنجق چينده نفس چين ايله مغولستان و مانچو ممالكى آره-سنده سد ياچوج حقتده مروى اولان اوصافله متصف واسع، يوكسك و اوزون بر سد بولنوب، سد ياچوجدن مقصد بو سد اوله-جغنده شبيه يوقدر. حقيقتاً بو سدى چينليلر مانچو و مغول و سائر شمال اقوامنك تجاوزاتنه قارشى بنا ايتمشلر در. طولى 4000 كيلومتره-يى متجاوز اولوب، بعض محللرنده ايكي و اوچ صره ديواردن عبارتدر. اوستى اوچ درت آرابه كچه-جك قدر واسع اولوب، برجلر و قله-لرى دخى واردر. اكثر محللرى طاش و طوغله-دن و بعض يرلرى كرپيچدن اولوب، بر خيلى محللرى بيقلمش، و دفعاتله تعمير اولنمشدر. بو سده ميلاد عيسى (عم)دن 247 سنه اول يعنى اسكندر ك وفاتندن 76 سنه صكره (چين شيهوانغتى) نام چين ايمپراطورى طرفندن باشلانيله-رق، 10 سنه متمادياً درت بش مليون عمله جاليشدرلمش، و بونلردن درتيوز بيكى بو ايشده هلاك اولمشدر. مع هذا سد مذكور بر ايشه پارايه-ميوب، ياچوج و ماچوجدن مراد اولان اقوام تاتاريه سدى تجاوزله، چينى ضبط ايدمه-رك، بوكونه قدر اداره ايتمكده-درلر. آنجق چينليلر، مغلوب اولدقلى حالده، سعى و مدنيتلر يله غالبلرينه غلبه ايدمه-رك، بونلره كندى لسان و مذهبلرينى و آيين و عادتلرينى قبول ايتديرمش؛ و چين حدودينى سدك پك ايلريسنه قدر توسيع ايتمشلر در. بو وجهله سد شمديكى حالده چين ممالكى آره-سنده فالوب، آثار عتيقه-دن عد اولنمقدن بشقه بر شينه ياراميور. بعض مورخلر دخى سد ياچوجدن مراد بلاد قافقاسده بندر جهتنده بولنمش اولان بر سد اولديغى التزام ايدوب، بونك نوشيروان طرفندن تأسيس ايدلدىكنى، و چوق وقت صكره دخى آثارى باقى بولنديغى بيان ايتمشلر در.

1-2541-4

سديد، ابو البيان بن المدور

مشاهير اطبادن اولوب، يهودى المذهب ايدى. طبده و اصول تداويده مهارت تامه-سى اولوب، مصرده ملوك فاطميه-نك و بعده صلاح الدين ايوبينك خدمت طبابتنده بولنمش؛ و بر چوق طلبه يتيشديرمشدر. اواخر عمرنده خدمته مقتدر اوله-مديغى حالده، خانه-سنده اوتوروب، ينه مخصصاتنى آليردى. 580 تاريخنده 83 ياشنده وفات ايتمشدر. كندى مجريات طبيه-سنى ميين معتبر بر كتابى واردر.

2-2541-4

سديد، القاضى شرف الدين ابو منصور عبد الله بن الشيخ السديد

مشاهير اطباى اسلامدن اولوب، %رئيس الطب\$ لقبيله ملقيدر. طبى پدىر شيوخ سديدن و (ابو نصر عدنان بن العين زربى)دن تحصيل ايدوب، هنوز پك كنج ايكن، قان آلمه-ده-كى مهارتندن طولايى، مصر خلفاء فاطميه-سندن آمربا حكام اللهك خدمت طبابتنه كيروب، تخصصاتنه نائل اولمش؛ و بونك اخلافي اولان ديكر درت حكمداره دخى خدمت ايتنكدن صكره، ملوك فاطميه-نك انقراضنده صلاح الدين ايوبينك دخى خدمت طبابتنده بولنمش؛ و بو حكمدار قدر دانك پك چوق

انعام و احسانلرینه و (رئیس الطب) عنوانه نائل اولمشیدی. کلینتی ثروته نائل اولمش ایسه ده، اواخر عمرنده خانه-سی یانوب، ثروتی و بر چوق نفایسی محو اولمشدی. 592ده قاهره-ده وفات ایتمشدر.

3-2541-4

سدید، الشیخ سدید الدین ابو الفضل داود بن ابی البیان سلیمانی

مشاهیر اطبای مصر دن اولوب، یهودی المذهب ایدی. 556 تاریخنده قاهره-ده طوغوب، هبة الله بن جمیع الیهودی و ابو الفضائل بن الناقدن تحصیل طب ایتمش؛ و ادویه مفرده و مرکبه-نک اصول استعمالیه تعیین مقادیرنده بیوک بر مهارت قزائمش ایدی. ملک عادل ابو بکر بن ایوبک خدمت طبابتنده بولنوب، بیمارستان ناصریده دخی اجرای طبابت ایدردی. ((کتاب افریادین)) عنوانیه 12 باب اوزره بر تألیقی و جالینوسک ((کتاب العلل و الامراض)) ینه تألیفی وارد. سکسان سنه-دن زیاده یاشامشدر. اواخر عمرنده کوزلرینه ضعف طاری اولمشیدی.

4-2541-4

سدید اعور

ایران شعراسندن و کرمج اکراندن اولوب، اثیر الدین آخستکی ایله معاصر بولنمش، و بینلرنده بعض مشاعره و معارضه-لر جریان ایتمشدر. شو قطعه اونکدر:

@@@

کوند که بر دمید از کل خارش
جرمیست که می نهند بر کلزارش
چوق رخارش همیشه درچشیم منبت
عکس مژه منست بر رخسارش
\$

5-2541-4

سدید الدین، ابو منصور بن موفق الدین یعقوب بن سقلاب

مشاهیر اطبا و حکمان اولوب، کرکده شمس الدین خسرو شاهیدن علوم حکمییه-یی تحصیل ایتمش؛ و صلاح الدین ایوبینک خدمت طبابتنده بولنمشدر. بعده دمشقده وفات ایتمشدر.

1-2542-4

سدید الدین بن رقیقه، ابو الثناء محمود بن عمر الشیبانی

مشاهیر اطبای اسلام دن اولوب، فن کحالیده و جراحلقده دخی مهارت تامه-سی اولدقدن بشقه، علوم حکمییه و هیئت و نجوم و ادبیاتدن دخی بهره-سی و طبیعت شعریه-سی ده وار ایدی. 564 تاریخنده %حینی\$ قصبه-سند طوغمش؛ و تحصیل علوم ایتدکدن صکره، خلط و میافارقین و دمشقده بنی ارتق و بنی ایوب ملوکندن بر چوق ذواتک خدمت طبابتنده بولنمش، و ملک عادل نور الدین بن زکینک بنا ایتدیردیکی بیمارستانده اجرای طبابت ایدوب، مخصصاته نائل اولمش ایدی. علی الخصوص کوز خسته-لقلرینی تداویده فوق العاده مهارتی وار ایدی. 635 تاریخنده وفات ایتمشدر. ((لطف السائل و تحف المسائل)) عنوانیه بر کتابی و بوکا شرح و حاشیه-لریله ((موضحة الاشتباه فی ادویه الباه))، ((کتاب الفریده الشاهییه و القصیده الباهییه))، ((کتاب قانون الحکماء و فردوس الندما))، ((کتاب الفرض المطلوب فی تدبیر المأكول و المشروب))، ((مقاله مسائل و اجوبتها فی الحمیات))، ((ارجوزة فی الفصد)) عنوانی تألیفاتی وارد. ((عیون الانباء))ده بر چوق اشعاری مسطور اولوب، شو ایکی بیت او جمله-دندر:

@@@

کن مجملاً فیما تقولو لاتقل
قولاً یهجنه بذا و فساد
فجماعة الحکماء قبلك دأ بهم

4-2542-2

سدير

حيره-ده خورنق قربنده بر قصر ايدى، كه حيره ملوكندن نعمان اكبر طرفندن ايران ملوكندن بريچون بنا اولنمشدى. بو اسمله اوراده بر نهر اولديغى دخى مرويدر.

4-2542-3

سديسه

صحابيات و انصارياتدن اولوب، حفصه بنت عمر (رضى الله عنهما)نك آزادليسى ايدى. بر حديث شريفك راويه-سيدر.

4-2542-4

سديبو

1#

فرانسه مشاهير مستشرقين و متجمينندن اولوب، 1777ده %انكين مونتمورنسى\$ده طوغمش، و 1832ده وفات ايتمشدر. السنه شرقيه مکتبنده تركجه معلم معاونى و كتبخانه عمومى-يه مربوط مکتبك باش كاتبى و بعده منجم معاونى نصب اولنمشدى. (دلمبر) ايله (لاپلاس)ك كشفيات هيئت فنيه-سنده داخل بولنمشدر. لسان عربيدن هيئت و نجومه متعلق بر چوق كتابلر و على الخصوص ابو الحسن على المراكشيناك آلات هيئتك صورت اعمالنه دائر اولان كتابنى فرانسجه-يه ترجمه ايتمش؛ و علوم شرقيه-يه دائر بر طاقم معلومات تاريخيه و تنقيديات نشر ايتمشدر. * - اوغلى (لويى پير سديبو) دخى مشاهير مستشرقيندن اولوب، 1808ده پارسده طوغمش، و 1875ده وفات ايتمشدر. پدريتك وفاتنده فرانسه مکتبيله السنه شرقيه مکتبى كتابتنه تعيين اولنمشيدى. پدريتك بعض آثارينى نشر، و كنديسى دخى علمى اسلامك علوم رياضيه و هيئت و جغرافيا-يه متعلق آثارى حفته بر قاچ كتاب تحرير ايتمشدر. الغ بكك ازيانجى دخى ترجمه، و بر طاقم حاشيه-لرله برابر نشر ايتمشدر. عربلك تاريخنى ده يازمشدر.

4-2542-5

سراء

%جبال *- ياخود سراء\$ جزيرة العربك غرب جهتنده حجاز و ع سير و يمنده ساحل بحره متوازيماً شمال غريبدن جنوب شرقى-يه ممتد اولان بيوك بر سلسله جبال اولوب، غربى اتكلرى ساحل بحردن 125 و نهايت 200 كيلومتره اوزاق اولمغله، بو مسافه-ده %تهامه\$ دينلان آلچق و زياده-سييله صيچاق بر اووه ممتد اولور. جبال سراطائفدن باشلايوب، عدنه منتهى اولمغله، تقريباً 200 كيلومتره-لك محله ممتد اولور. ارتفاعلى 2500 ايله 3000 متره آره-سنده-در. جبال مذكوره مختلف اسملرله ياد اولنور بر چوق طاغلردن مركب اولوب، على الخصوص يمنده بر چوق شعبه و قوللرى دخى وار ايسه ده، جمله-سى بر برلرينه مربوط و متسلسلدر. حتى بو تسلسل طائفده دخى منقطع اولميوپ، حجازى-ده شق ايله عقبه كورفيزينه منتهى اوليورسه ده، اشبو قسم شماليسى خيلى انخطاط ايتمكله، جبال سرادن عد اولنميوپ. جبال سرانك غرب جهتنده-كى تهامه و شرق جهتنده بولنان دهنا چولنده عادتا آتش ياغديغى حالده، جبال مذكوره-نك اوزرنده بولنان محللك متعدل و صاغلام بر هوايه نائل اولمى بو طاغلرك ارتفاعى سايه-سنده-در. جبال سرانك شرقى و غربى اتكلردن بر چوق صولر آقوب، شرقه طوغرى آقانلر چول قوملرنده قورورسه ده، غربه طوغرى آقانلرينك بر طاقمى تهامه-نك حرارتنه طيانه-رق دكيزه قدر واصل اولور. يمنك تا بطلميوس زمانلرنده ((مسعود عربستان)) اسميله شهرت بولمى آنجق جبال سرانك ارتفاعيله صولرى سايه-سنده-در. جبال سرايى تشكيل ايدن طاغلردن باشليجه-لرى جنوبدن باشلايه-رق بر وجه زيبرد: سراء معافر، سراء كلاع، سراء بنى سيف، سراء ريمه، سراء الهان، سراء مصانع، سراء قدم، سراء عذر و اهتوم، سراء خولان، سراء جنب و عرعر، سراء غز، سراء حجر، سراء باء، سراء حال، سراء زهران، سراء بجيله، سراء بنى شبابه و عدوان، سراء طائف.

4-2543-1

سراء

(سر من رأی) نك مخففى اوله-رق، سامرانك نام ديكريدر.

4-2543-2

سراپيس

1#

اسكى مصريلرك معبودلرندن اولوب، ارض جهنم و حيات و صحت مربيىسى عد اولنوردى. بيلائرله احاطه اولنمش بر صورتده تصوير اولنوردى. بطالسه مصر بونك عبادتنه زياده اهميت ويروب، مكلل هيكلر و %سراپيون \$ اسميله جسيم معبدلر ياپدير مشلردى. بونك عبادتى يونانه و رومايه دخى كچوب، اورالده ده سراپيونلر تاسيس اولنمشدى. معبدلرينك اك بيوكى اسكندريه-ده-كى اولوب، مشهور اسكندريه كتبخانه-سى دخى بونك ايچنده ايدى.

4-2543-3

سراپيون

ياخود سراپيوم 1# [ماده آنفه-يه نظر بيوريله.]

4-2543-4

سراج

صحابه-دن ايكي ذاتك اسميدر: برى (سراج بن مجاعه) كه اوغلى هلال واسطه-سييله كنديسندن بر حديث شريف منقولدر. *- ديكرى (ابو مجاهد سراج اليمنى) كه اصل اسمى (فتح) اولوب، مسجد حضرت نبويده بر قنديل ياقمش اولمغله، جانب حضرت رسالتپناهيدن سراج تسميه بيورلمشيدى. تورونى على بن مجاهد كنديسندن روايت ايتمشدر.

4-2543-5

سراج

فرس شعراسندن ايكي ذاتك مخلصيدر:
برنجيسى عن اصل سمرقندلى اولوب، لاهورده متمكن اولمش؛ و شمس الدين التمش عهدندن ناصر الدين محمود زمانه-دك 84 سنه خدمت قضاده بولنمشدر. كافه علومدن بهره-سى اولوب، مشار اليه ناصر الدين محمود نامنه ((طبقات ناصرى)) عنوانيله بر كتاب يازمشدر. شو رباعى جمله اشعارنددر:

@@@

آن دل كه بهجر دردنا كش كردى

از هر شادى كه بود پاكش كردى

از خوى تو اكهم كه تاكه تاكه

آوازه-در افتد كه هلاكش كردى

\$

*- ايكنجيسى (سيد سراج الدين) هندستانك دكن قطعه-سنده-كى اورنك آباد شهرندن اولوب، درويشانه بر عمر كچيرمش، و 1177ده وفات ايتمشدر. فارسى و اردو لسائلرنده اشعارى وارددر. شو بيت اونكدر:

@@@

مردم و دردل تمنای كل و شمشاد ماند

تا قيامت ابن ستم بر كردن صياد ماند

6-2543-4

سراج الدوله، نواب -* - میرزا محمود بن زین الدین احمد هیبت جنک

بنکاله نوابلرندن اولوب، جدی (الله ویردی خان مهابت جنک) ک وفاتی اوزرینه، 1169ده بنکاله نوابلغنه کچمش؛ و انکلیز- لره اعلان حربله کلکته-یی استرداد ایتمش ایسه ده، سفاهته میتلا و کوشک بر آدم اولدیغندن، بر سنه صکره شهر مذکوری یینه الدن قاچیروب، عقد مصالحه-یه مجبور اولمش؛ و بر سنه صکره انکلیزلر اوزرینه هجوم ایتمکله، واقع اولان محاربه-ده مغلوب و مقتول اولوب، بونکله بنکاله حکومت اسلامیه-سی منقرض اولمشدر. وفاتنده 22 یاشنده ایدی.

7-2543-4

سراج الدوله، محمود غوث خان

هندستانک شرق جنوبی سواحلنده واقع کرناٹیک خطه-سنک نوابی اولوب، عالم و ادیب بر ذات اولمغله، مملکتی شعر اسنک تراجم احوالی حاوی اولمق اوزره، ((تذکره رائق)) و نام دیکرله ((کلدحتہ کرناٹیک)) عنوانیله بر کتاب یازمشدر. بو کتابی 1258ده ترتیب ایتمشدر.

1-2544-4

سراج الدین آرزو، علی خان

هندستان شعرا و علماسندن اولوب، اکبر آبادلیدر فرخ سیر امراسندن و شیخ محمد غوث احفادندن اولوب، 1169ده لکهنوده وفات ایتمشدر. 1147ده دهلیده سالف الترجمه شیخ علی حزین ایله کوریشوب، بینلرنده رقابت حاصل اولمغله، شاعر مشار الیهک اشعارنده-کی خطایایی حاکی اوله-رق ((تنبیه الغافلین)) عنوانیله بر رساله یازمشدی. ((تذکره آرزو)) دینمکله دخی معروف ((مجموعه النفاثین)) عنوانیله بر تذکره الشعراسی و ((موهبه عظمی))، ((عطیه کبری))، ((سراج اللغات))، ((چراغ هدایت))، ((غرائب اللغات))، ((مصطلحات الشعرا))، ((جواب اعتراضات منیر))، ((شرح قصائد عرفی))، ((شرح سکندرنامه))، ((شرح مختصر المعانی))، ((شرح کلستان میرنجات)) عنوانلریله تألیفاتی و هندستانی لساننک لغاتی جامع ((نوادر الالفاظ)) عنوانیله بر کتابی واردر. اشعارینه دسترس اولنه-مدی.

2-2544-4

سراج الدین بلخی

مشاهیر شعرای ایرانندن اولوب، خوارزمشاهک لطف دیده-سیدر. شو بر ایکی بیت جمله اشعارندندر:

@@@

آن می که جان یابد ازو بوی سلسبیل

آن می که رنگ کیرد از آن کلشن جنان

بویش چو بوی سوسن و نسرين و یاسمین

رنکش چورنک لاله و کلنار و ارغوان

مفتاح بیغمی و درو نفع بی ضرر

اسباب حرمی و درو سود بیریان

§

3-2540-4

سراج الدین بلقنی، ابو حفص بن نور الدین

مشاهیر علما و محدثین اولوب، صحیح بخاری-یی شرح ایتمش، و دیگر بعض کتابلر دخی یازمشدر. وفاتی 804ده واقع اولمشدر.

4-2544-4
سراج الدین سجاوندی

[[سجاوندی]] ماده-سنه مراجعت بیوریله.]

5-2544-4
سراج الدین عمر

علمان اولوب، برادری زین العابدین نجیمک ناتمام براقدیغی ((البحر الرائق)) کتابنی اتمام، و ((کنز الدقائق)) کتابنه ((النهر الفائق)) عنوانیله بر شرح تحریر ایتمشدر. اوننجی قره هجری اوخرنده یاشامشدر.

6-2544-4
سراج الدین قمری

مشاهیر شعرای ایراندن اولوب، قزوینلیدر. مزاحه میلی اولمغله، اکثریا کیرانک مجالسنه دوام ایدردی. ابو سعید خانک زماننده یاشامش؛ و سلمان ساوجی و عبیدزا کانی ایله معاصر اولوب، بینلرنده بعض مشاعره و ملاطفه-لر جریان ایتمشدر. شو رباعی جمله اشعار ننددر:

@@@
ای آب روان سرو بر آورده توست
وی سرو چمان چمن سر پرده توست
ای غنجه عروس باغ پرده توست
ای باد صبا این همه آورده توست
\$

7-2544-5
سراج حکاک

ایران شعراسندن اولوب، اصفهانلیدر. حکاکلقده مهارتی و حسن اخلاقله شهرتی واردر. شو بیت اونکدر:

@@@
از هجر بهر جاکه نشتیم وطن شد
از کریه بهر سو که کز شتیم چمن شد
\$

8-2544-4
سراجی

سراج الدین قمرینک مخلصیدر. [[سراج الدین قمری]] ماده-سنه مراجعت بیوریله.]

9-2544-4
سرادیفالقو

1#

سیچلیه آطه-سنگ %قالتانیزته\$ ایالت و قضا-سندھ و قالتانیزته-نک 16 کیلومتره غرب جنوبیسنده بر قصبه اولوب، 7800 اھالیسی، دمیر یولی و اطرافنده کوکورد معدنلری واردر.

10-2544-4

سرا

یمنده صنعانک ایچندن کچن وادینک اسمی اولوب، یاغورلر موسمنده صوی %سنوان\$ه جمع اولنه-رق، اوراسنی بر کوچک کوله تحویل ایدر.

11-2544-4

سراقاپریوله

1#

ایتالیانک %قاپیتاناته\$ ایالتنده و %سان سورو\$نک 22 کیلومتره شمال غربیسنده بر قصبه اولوب، 5000 اھالیسی واردر.

1-2545-4

سرا

صحابه-دن بر وجه زیر بر قاچ ذاتک اسمیدر: (سراکه بن الحارث بن عدی یاخود بن الحباب العجلانی) که سکزنجی سال هجریده حنین غزاسندن شهید اولمشدر. *- (سراکه بن سراکه) که عبد الواحد بن عوف کندیسندن روایت ایتمشدر. *- (سراکه بن عطیه الانصاری الخزرجی) که بدر احد، خندق و حدیبیه غزالرنده و مؤنه محاربه-سندھ جعفر بن ابی طالب (رضه) معیتنده بولنمشدر. *- (سراکه بن عمرو) که عهد حضرت فاروقیده باب فتوحاتنه مأمور اولوب، ارمنیلرله صلح ایتمش؛ و اوراده وفات ایدوب، عبد الرحمن بن ربیعہ-یی خلف براقمش ایدی. (ذو النور) لقبیلہ ملقبدر. *- (سراکه بن عمیر) که تبوک غزاسنه کیتمک اوزره حیوانه بیندیرلمسنی حضرت رسول الله (صلعم) افندمزدن طلب ایدوب، بیندیریلہ-جک حیوان اولمدیغی جوابنی آنجه، آغلایه-رق دونمش؛ و **بو1@** امثالی حقنده ((ولا علی الذین اذا ما اتوک لحملهم الخ)) آیت کریمه سی نازل اولمشدر. *- (سراکه بن کعب) که کافه غزواتده معیت حضرت نبویده بولنمش؛ و بر روایتده معاویہ-نک زماننده وفات ایتمش، و دیگر بر روایتده یمامه وقعہ-سندھ شهید اولمشدر. *- (ابو سفیان سراکه بن مالک بن جعشم الکنانی المدلجی) که جمله-نک اک مشهوری اولوب، حضرت فخر کائنات (صلعم) افندمز حضرت ابا بکر صدیق معیت سنیه-ده اوله-رق مکه-دن خروج بیوردقلرنده آرقه-لرینه دوشنلردن اولمغله، حضرت نبی ذیشانہ و یار غارینه پک تقرب ایتدیکی حالده، معجزه حضرت نبوی ایله حیوانی یره صاپلانہ-رق اوچ دفعه دوشمکله، آرقه-سندھ بولنان افراد قریشی کری چویرمک شرطیلہ دعای حضرت پیغمبری-یی استرحام ایتمش، و جانب رسالتیناھیدن بر کمیک ویا بر کریمت پارچه-سی اوزرینه یازلمش بر نامه سعادت آلہ-رق، عودت ایتمشیدی. بعدہ فتح مکه-ده النده اشبو نامه سعادت طوته-رق عسکر مسلمین ایچنه کیرمش، و اوق و مزارقلرک آره-سندھ حضور حضرت نبوی-یه قدر ایلریلیوب، شرف اسلامله مشرف اولمشدر. حضرت عثمان (رضه)ک زمان خلافتنده 24نجی سال هجریده وفات ایتمشدر. طبیعت شعریه-سی دخی اولوب، ابو جهله خطاباً شو بیتلری سویلمشدر:

@@@

ابا حکم و الله لو کنت شاهداً
لامر جوادى اذ تسوخ قوائمه
علمت و لم تشکک بان محمداً
رسول ببرهان فمن ذا يقاومه
عليك بكف القوم عنه فاننى
ارى امره يوماً ستبدو معالمه
بامر يود الناس فيه باسره
بان جميع الناس طراتسالمه
\$

*- عمروک پدری (سراکه بن المعتمر القرشى العدوی) که بدر غزاسنده حاضر بولنمشدر.

2-2545-4

سرام
1#

بحر محیط کبیرده ملوک جزایری طاقمندن بر جزیره اولوب، یکی کنیه-نک غرب جهتده 3° ایله 4° عرض جنوبی و 125° ایله 128° طول شرقی آره-لرنده واقعدر. مساحه سطحیه-سی 18900 مربع کیلومتره اولوب، 150000 کشتی ایله مسکوندر. شرقدن غربه اولان طولنجه بر صره طاغیر ممتد اولوب، اک یوکسک ذروه-لری 2000 ایله 3000 متره آره-سندده-در. جنوبی اتکلرندن بر چوق نهرلر آقار. سواحل شمالیه-سی صر بدر. اورمانلری پک واسع اولوب، پک قیمتدار آغاجلرک انواعی واردر. نباتاتی پک زیاده نشو و نما بولوب، بهاراتک انواعی و سائر محصولاتی واردر. سواحل مسلم ملایلرله و ایچ طرفلری نیم وحشی پاپولرله مسکوندر. بر قاچ حکومته منقسم اولوب، بونلر اسماً قلمنک دولنتی طانیرلر.

3-2545-4

سر امپور
1#

هندستانده بنکاله خطه-سنگ % بردوان \$ ایالتنده % هوکلی \$ سناغنده و هوکلی نهرینک صاغ کنارنده اوله-رق % هوکلی \$ شهرینک 20 کیلومتره جنوب غربیسنده و کلکته-دن اله آباهه کیدن دمیر یول خطی اوزرنده قضا مرکزی بر قصبه اولوب، 25560 اهالیسی و کاغد و حصیر عملخانه-لری واردر. بر خیلی وقت دانیمارقه-نک النده بولنوب، بعده هندستان انگلیز قومپانیه-سی طرفندن مبیاعه اولنمشدر. پروتستان میسیونرلرینک مرکزی اولوب، بونلرک بر کلیسالریله بر مکتب و بر کتبخانه-لری واردر.

4-2545-4

سروا

% یاخود سرو \$ آذربایجانده اردبیل ایله تبریز آره-سندده بر قصبه اولوب، بر چوق علمانک مسقط رأسی بولنمش؛ و جنکیزک ظهورنده مغوللر طرفندن تخریب اولنه-رق، اهالیسی قتل عام اولنمشدر. نسبتی (سراوی) و (سروی) در.

1-2546-4

سراواله
1#

ایتالیانک و ندیک ایالتنده و % ترویزه-نک 46 کیلومتره شمالنده بر قصبه اولوب، 5600 اهالیسی، بر سراپی، عسکری مکتبی و چوخه ایله ایپک و یوک قماشلر فابریقه-لری و شراب و بال اخراجاتی واردر.

2-2546-4

سراة

[[(سرا)] ماده-سنه مراجعت بیوریله.]

3-2546-4

سرای

یاخود سرا ی بوسنه [[(بوسنه سراپی)] ماده-سنه مراجعت.]

4-2546-4

سرای

% یا خود سرای ویژه \$ ادرنه ولایتنده قرق کلیسا سناغانک ویزه قضااسنه تابع بر ناحیه اولوب، 21 قریه-دن مرکبدر. مرکزی اولان سرای قریه-سی ویزه-دن 4 ساعتق مسافه-ده واقعدر.

5-2546-4

سرای ترنی

1#

هندستانده رحیقند ایالتنک مراد آباد سناغانده بر قصبه اولوب، 11585 اهالیسی واردر.

6-2546-4

سرای صالح

هندستانده پنجاب خطه-سناک پیشاور ایالتنده بر قصبه اولوب، 3535 اهالیسی و منسوجاتیله باقیر و تونجندن آوانی و قیومجیلغه متعلق مصنوعاتی واردر. قیومجیلری افغانستانه و آسیای وسطینک سائر طرفلرینه کیده-رک، معمولاتلرینی ساتارلر.

7-2546-4

سرای کوی

آیدین ولایتنک دکیزلی سناغانده و دکیزلینک 12 کیلومتره غرب شمالیسنده اوله-رق، مندرس ایرماغنک صول یعنی جنوبی ساحلی قریبده و از میر و آیدیندن کلن دمیر یول خطی اوزرنده واقع قضا مرکزی بر قصبه اولوب، 4000 قدر اهالیسی و حبوبات و سائر محصولات زرعیه تجارتی واردر. -* - سرای کوی قضااسی جنوب شرقی جهتندن نفس دکیزلی، شرقاً چال، شمالاً بولدان، غرباً نازللی، جنوباً دخی طواس قضا لر یله محدود و محاط اولوب، قاضی کوی ناحیه-سیله برابر 38 قریه-دن مرکبدر. اهالیسی 25990 کشی اولوب، بونلرک یالکز 614 ی خرسنجان و قصوری کاملاً مسلمدر. اراضیسناک قسم اعظمی اووه اولوب، یالکز غرب جنوبی جهتنده بابا طاغانک اتکلری ممتد اولور. بر قاچ چای مذکور طاغدن اینه-رک، قضانک اراضیسنی سقی ایله، مندرس ایرماغنه دوکیلور. طوپراغی پک منبت اولوب، حبوبات متنوعه ایله اوزوم و میوه و سیزه-لرک انواعی حاصل اولور. مرعالری دخی چوقجه اولوب، خیلی حیواناتی واردر.

8-2546-4

سرای میر

هندستانده بنارس ایالتنک عظیم آباد سناغانده بر قصبه اولوب، 5240 اهالیسی واردر.

9-2546-4

سرایو

یا خود سراجو 1# جاوه جزیره-سناک قسم جنوبیسنده بر ایرماقدر، که بر طاقم ینار طاغلردن نبعانله، جنوبه و بعده جنوب غربی-یه طوغری آقه-رق، بحر محیط هندی-یه دوکیلور. مجراسی 120 کیلومتره طولنده اولوب، آشاغی طرفی سیر سائنه صالح ایسه ده، آغزنده بر قوم سدی بولندیغندن، یاندن حر اولنمش بر جدولدن کیریلیر.

10-2546-4

سرای ویژه

[[سرای]] ماده-سنه مراجعت بیوریله.]

11-2546-4

سرایه

یاخود سراجه #1 بحر محید هندی جزایرندن %بالی\$ جزیره-سنگ منتهای شرقنده بر یبار طاغ اولوب، قسم اعلاسی برکانک بر پاتلامه-سنده هوایه آتلمش اولمغله، یالکز قسم اسفلی قالوب، 1250 متره ارتفاعی واردر.

12-2546-4

سربال

#1

سینا شبه جزیره-سنگ غرب جنوبی جهتنده و جبل طورک شمال غربیسنده منفرد بر طاغ اولوب، بش تپه-دن عبارت اولان ذروه-سنگ 2060 متره ارتفاعی واردر. پک دیک و قیالق بر طاغ اولوب، غیر منتظم بر صورتده بربری اوستنه متراکم اولان قیالری پک غریب الشكل اولمغله، بعضلرینک ایچی مغاره کبی بعضلری بر یاندن بریانه دلنک و بعضلرینک سطحلرنده بر طاقم رسملر محکوکدر. بعض طرفلرنده قیالرک آره-سنده آفاسیا و خروب آغاجلری بولنوب، بر قاچ یرندن ده براق صوئوق صولر آقار. اوستنه چیقلمسی خیلی مشکدر. تپه-سندن بتون سینا شبه جزیره-سیله مصر و جزیره العرب طرفلرندن بحر احمر سواحلی کوزیکور.

1-2547-4

سربان

%ری\$ شهر قدیمنده ایکی طرفی آغاجلرله محاط و اورته-سندن صو آقار بر بیوک جاده اولوب، هارون الرشید دنیاده بوندن کوزل بر کورمدیکنی سویلر مش.

2-2547-4

سربداران

سکزنجی قرن هجری اواسطنده خراسانک بعض جهتلرنده حکم سورمش بر کوچک دولت اولوب، مرکزلری %سبزوار\$ شهری ایدی. مؤسسی خواجه عبد الرزاق بن خواجه فضل الله اولوب، ملوک ایخانیه-نک اخیرری اولان سلطان ابو سعیدک رجالندن ایدی. پادشاه مشار الیهک وفاتنده خراسان والیسی بولنان خواجه علاء الدین محمدله محاربه ایدوب، کندیسینی قتل و اموالنی ضبط ایتمکله، 737 تاریخنده سبزوارده کندی نامنه خطبه اوقوتمشدر. رفقاسیله بر ابر ایلیک ایتدیکی محاربه-ده صاریققرینی چیقاروب، بر دار آغاجنه آصدقدن صکره، باش آچیق اوله-رق، میدان جداله کیردکلرندن، (سربداران) لقبیله تلقیب اولنمشلردر. خلفلری بر درجه دهها توسیع ملک ایتمشلسه ده، اکثری نا اهل و سفیه آدملر اولوب، بربرلریله اوغراشمش، و همان هیچ بری موت طبیعی ایله اولمه-مشدر. بونلر 12 کشی اولدقلری حالده، یالکز 35 سنه بالاستقلال حکم سوروب، 772ده تیمورلنکه تابع اولمشلر؛ و حکمدار اخیرلری اولان خواجه علی مؤید 16 سنه دخی جهانکیر مشار الیهک تحت تابعیتنده والیک ایتمشدر. سربدارانک اسامیسيله تاریخ جلوسلری بر وجه زیردر:

####

1 خواجه عبد الرزاق بن فضل الله

737

2 خواجه وجیه الدین مسعود بن فضل الله

738

3	آق محمد تيمور
745	
4	كلو اسفنديار
747	
5	خواجه شمس الدين بن فضل الله
748	
6	خواجه على شمس الدين
748	
7	امير خواجه يحيى
753	
8	خواجه ظهير الدين برادر خواجه يحسى
759	
9	پهلوان حيدر
760	
10	خواجه لطف الدين بن وجيه الدين مسعود
761	
11	پهلوان حسن
762	
12	خواجه على مؤيد
766	
	بالاستقلال الى
872	
	و الى صفتيله الى
788	
	\$

3-2547-4
سربدار على پاشا

[[على پاشا]] ماده-سنه مراجعت.]

4-2547-4
سربريانسكى
1#

روسيه-نك %پرْم\$ ايلتنده و %قونغور\$ك 141 كيلومتره شرق شماليسنده اوله-رق %سربريانقه\$ نهرينك بندلرى اوزرنده بر قصبه اولوب، 4750 اهاليسى، دميرخانه-لرى، سفائن حربيه-يه مخصوص لنگر فابريقه-سى و حرازلرى وارد.

5-2547-4
سربريانقه
1#

روسيه-نك %پرْم\$ ايلتنده %ولغه\$ ايرماغنه دوكلين %قامه\$ نهرى تابعلرندن %چوسووايه\$ نهرينه دوكيلور بر چاي اولوب، اورال سلسله جبالنك غربى اتكلرندن نبعانله، جنوب و جنوب غربى-يه طوغرى آقه-رق، (سربريانسكى) فابريقه-لرينك ماكنه-لرينى چويرر. جريانى پك سرعتلى اولوب، مجراسى 128 كيلومتره طولنده-در.

6-2547-4

سربزه

هند جزایرندن خط استوا آلتنده بولنور بر آطه اولدیغی و کافورک اورادن جلب اولندیغی جغرافیون عرب آثارنده مسطوردر.

7-2547-4

سرپا

1#

پورتکیزک %آلمتیو\$ ایالتنده و %بیا\$نک 24 کیلومتره شرق جنوبیسنده بر قصبه اولوب، 5900 اهالیسی، بیاض مرمری، کوزل پنییری، مقبول شرابی، مشهور باغچه-لری و چوق قره جانوری واردر.

8-2547-4

سرپوخوف

1#

روسیه-نک موسقوه ایالتنده و موسقوه-نک 91 کیلومتره جنوب غربیسنده اوله-رق قصبه-یه یقین %اوقه\$ نهرینه دوکلین %ناره\$ نهرینک ایکی کنارنده واقع قضا مرکزی بر قصبه اولوب، 20985 اهالیسی، باصمه و سائر پاموق منسوجات، چوخه، حصیر، صابون، کاغد، طوغله و کرمیت، بیره، سرکه، اجزای کیمیویه و آرابه فابریقه-لری، دمیرخانه-لری، دباغخانه-لری، حرازلری و الحاصل 3000 عمله ایشلتیر 40 قدر فابریقه سی، پک ایشلک تجارتی، اوقه نهرنده لیمانی، دمیر یولی و سنه-ده اوچ پنییری واردر. باشلیجه اخراجاتی ذخیره ایله کنویر، کراسته، طوز، کتن تخمی، طوموز یاغی، شکر و بذر یاغیدر.

9-2547-4

سرت

1#

طونه-نک صول تابعلرندن بر نهردر، که اوستریانک %بوقوینه\$ خطه-سنده قاریات سلسله جبالنک شرق شمالی اتکلرندن نبعان ایدن بیوک و کوچک سرت اسملریله ایکی چاپدن بالنتشکل، جنوب شرقی-یه طوغری جریانله، بغدادنه کیره-رک، صاغدن ینه قاریات طاغلرندن اینن سوچاوه، مولداوه، بیستریچه، تاتروس، پوتنه، ریمینیقو و بوزیو، صولدن دخی %برلاد\$ نهرینک صولرینی آله-رق، نهایت افلاق حدودنده شرقه طوغری دونه-رک، غلاصک اوست طرفنده طونه-یه منصب اولور. مجراسنک طولی 470 کیلومتره اولوب، 333 کیلومتره-لکی رومانیه داخلنده-در. تامنبعنه قریب محلدن صال یوزدیرمکه صالح ایسه ده، یالکز %قولونشی\$دن آشاغی اولان قسم اسفلی سیر سفائنه صالحدر. حوضه-سی 47610 مربع کیلومتره وسعتنده-در.

1-2548-4

سرت

یاخود سرد 1# اوستریانک غالچیا خطه-سنده بر نهردر، که %برودی\$ قضاسنده بر طاقم تپه-لردن نبعانله، جنوب شرقی-یه و بعده جنوبیه طوغری جریان، و ایکی کولک ایچندن مرور ایتدکن صکره، بوقوینه حدودنده %دنیستر\$ ایرماغنه دوکیلور. مجراسی خط مستقیم اوزره یالکز 154 کیلومتره طولنده ایسه ده، طولاشیقغی حساب اولنورسه، بونک ایکی مثلنه بالغ اولور.

2-2548-5

سرت

1#

اوستريانك بوقويينه خطه-سنده و چرنويچك 40 كيلومتره جنوب شرق سينده اوله-رق بغداد حدودي قرينده و همنامي اولان نهرك ساحل يمينده قضا مركزي بر قصبه اولوب، 7240 اهالي سي و يك ايشلك آت بازاری واردر.

3-2548-4

سرت

%اليوم زبازدي كسره ايله-در\$ طرابلس غرب ولايتده و طرابلس ايله برقه آره-سنده و طرابلسك 10 مرحله شرق جنوبيسنده اوله-رق ساحل بحرده اسكي بر قصبه اولوب، سورله محاط ايدي و اوچ قپوسيله جامع و بازاری وار ايدي. مشاهير علما و محدثيندن بر چوق ذواتك مسقط رأسي بولنمشدر. اليوم خرابدر. ياقوت حموي بو قصبه اهالي سنك خست طبعله و بيانجيلر حقتده معامله بارده ايله مشهور اولدقاريني و عربيدن بشقه كنديلرينه مخصوص بر لسانلري دخي اولديغيني بيان ايديور. *- اليوم او جهت ينه بو اسمله بر قضا اتخاذا اولنه-رق، طرابلس غرب ولايتنك خمس سنجاغنه تابعدر.

4-2548-4

سرت كورفي

طرابلس غرب ايله بنغازي آره-سنده بحر سفيدك بر كورفي اولوب، طرابلسك شرق جهتنده-كي مصراطه برونندن بنغازينك غرب جنوبي جهتنده بولنان برونه قدر ممتد اولور؛ و قسم شرقيسي قره-نك ايچنه دهها زياده بر اويوقلق حاصل ايدر. ساحل جنوبي سنك اورته-لرنده بولنمش اولان آنف البيان %سرت\$ قصبه-سنك اسميله تسميه اولنمشدر. تونسك قسم جنوبي سنك شرق طرفنده بولنان غايس كورفي ينه دخي بو اسم اطلاق اولنديغندن، لاجل التفريق برنجيسنه بيوك سرت 1# و ايكنجيسنه كوچك سرت 2# ديرلر.

5-2548-4

سرتوريوس

1#

روما سردارلرندن اولوب، ماريوسك معيتمده بولنمش؛ و حكم (سيلا) نك يدينه كچدكنصكره، اسپانيه-يه كچوب، اورانك اهالي و عسكريني كندينه جلبله، غول ممالكنك دخي بر قسمني ضبط ايتمش؛ و منلوس و پومپيوس ايله ايتديكي محاربه-لرده غالب كلمش ايسه ده، بر اوچنجي محاربه-ده مغلوب اولوب، مهردادله اتفاق ايده-رك، اوندن عسكر و دونما آلمش؛ و آنجق موفقياتي آره-سنده ميلاددن 73 سنه اول سردارلرندن (پرپنا) طرفندن قتل اولنمشدر. يانندن آيرمديغي بياض بر ديشي قره-جه واسطه-سييله آلهه ايله مناسبات و مخابراتده بولنديغيني ادعا ايده-رك، عسكرينك اعتقاد و امنيتني قزانمش ايدي.

6-2548-4

سرت

اندلسده قرطبه-نك شرق شمالي سنده و طليطله-دن 20 فرسحاق مسافه-ده بر قصبه اولوب، مضافاتي %شنت بريه\$ مضافاتي له متصل بولنديغي و مشاهير علماي اسلامدن بر قاچ ذاتك مسقط رأسي اولديغي ((معجم البلدان)) ده مسطوردر.

7-2548-4

سرجس الرأسي

کتاب یونانیه-بی سریانجه-دن عربی-یه ترجمه ایدنلردن اولوب، ترجمه-لری مشهور حنین بن اسحق طرفندن تصحیح اولنمشدر.

8-2548-4

سرجه

نصیبین ایله دنیسر آره-سنده رومالیلردن قالمه بر قلعه اولوب، طولنده 6 و عرضنده 4 برجی اولدیغنی، و سمیسطا قرینده فرات کنارنده بر محل ایله یمنده بر قصبه و حلب جوارنده بر قریه بولندیغنی یاقوت حموی بیان ایدیور.

9-2548-4

سرجهان

دیلم جبالنده قزوین و زنگان ایله ابهر آره-سنده غایتله متین و کوزل بر قلعه اولوب، اطرافه مد نظری اولدیغنی ((معجم البلدان))ده مذکوردر.

1-2549-4

سرجه قامن

1#

آسیا ایله آمریکا آره-سنده-کی بهرنک بوغازینک ایچ طرفنده و آهیا ساحلنده اوله-رق بحر منجمد شمالیده بر برون اولوب،" $30^{\circ} 36' 65^{\circ}$ عرض شمالی ایله $45^{\circ} 72' 179^{\circ}$ طول غربیده واقعدر.

2-2549-4

سرجیه

1#

آمریقای جنوبیده بر ازیلیا ممالک مجتمعه-سنگ اک کوچک جمهوریتی اولوب، بحر محیط اطلاسی ساحلنده و سان فرانسسکو ایرماغی مجرای اسفلنک جنوبیده واقعدر. شرق جنوبی جهتندن بحر مذکورله، شمال شرقی جهتندن آلاغواس، سائر طرفلردن دخی باهیا جمهوریتلریله محاط و محدود اولوب، مساحه سطحیه-سی 39090 مربع کیلومتره و اهالیسی 232640 کشیدر. $5^{\circ} 9'$ ایله $32^{\circ} 11'$ عرض جنوبی و $40^{\circ} 38'$ ایله $27^{\circ} 40'$ طول غربی آره-لرنده ممتد اولوب، طول اعظمی 275 کیلومتره-در. ساحلی دوز و آچق اولوب، بش نهرینک آغلرندن بشقه هیچ بر قوی و کورفز ویا برون و آطه-سی یوقدر. ساحل بوینجه آچق و قوملق بر نوع تهامه ممتد اولوب، بونک اوستنده قسماً طاشلق و قسماً اورمانلق بر بایر و دها یوقاریده زیاده-سیله منبت بر یایله واردر. جنوب غربیدن شمال شرقی-یه طوغری مملکتک ایچنده %ایتابایانه\$ اسمیله آز یوکسک بر صره طاغله ممتد اولور. حدود شمالیه-یی تشکیل ایدن %سان فرانسسکو\$ و منتهای جنوبیده بولنان %ریورال\$ نهرلردن بشقه بونلرک ایکسی آره-سنده اوچ نهر دها واردر، که %وازه باریس\$، %قوتیندیبا\$ و %یاپاراتوبه\$ اسملریله مسمادر. بونلرک ایکنجیسنه جمهوریتنه اسمنی قزانیران %سرجیه\$ نهری دخی دوکیلور. بونلردن یالکز %وازه باریس\$ باهیا جمهوریتندن کلوب، دیگر ایکسی مذکور %ایتابایانه\$ طاغلرندن اینرلر. بو نهرلر یالکز کوچک کمیلر سیرینه صالح اولوب، سان فرانسسکو ایرماغنده ایسه بیوک سفائن دخی ایشلرسه ده، سرجیه-نک بو نهره قریب جهتی خالی اولوب، نهرک اوزرنده هیچ بر اهمیتلی اسکله-سی یوقدر. نهرلرک مجرالری قریبده و علی الخصوص سان فرانسسکو وادیسیله سواحلده هواسی صیجاق، رطوبتلی و صیتمه-لی اولوب، و خامتلی ایسه ده، یوکسک محللرینک هواسی صیجاقلیغله برابر صاغلاندر. اراضیسی پک منبت اولوب، احتیاجات محلیه-یه کوره یتیشدیریلن حبوبات و سائر محصولاتدن بشقه کلینتلی شکر قامشیله پاموق و مانیوق حاصل اولور. طاغلی بر ازیلیایه مخصوص انواع اشجارله و نباتات طبییه و صنایعه ایله مستور اولدیغی کبی، اووه-لری-ده مرعالره مستور اولوب، خیلی حیوانات یتیشدیریلر. معادنی باشلیجه دمیر و قریستالدن عبارت اولوب، آلتون و الماس دخی بولندیغی مروی ایسه ده، هنوز تحریات فنیه اجرا اولنماشدر. اووه-لرده کیکلرله ککلیکلر و نهرلرده صوقوشلری پک چوقدر. صنایعی باشلیجه شکر و

اسپیرتو اخراجیله دباغندن عبارت اولوب، بر خیلی شکر و روم فابریقه-لری و دباغخانه-لریله مانیوق دکرمنلری واردر. اخراجاتی شکر، روم، دری، پاموق، کراسته، نباتات طبیه و تاپیوقه-دن عبارت اولوب، ادخالاتی پرنج، یاغ، قهوه، قوری بالیق، معدن کموری، پترول، طوموز یاغی، باصدیرمه، سرکه، ساده یاغ، اقمشه و منسوجات، دمیردن آلات و ادوات و موده-یه دائر شیلردر. تجارتی باشلیجه انکلتره و ایکنجی درجه-ده پور تکیزله اجرا اولنور. ایشلک اسکله-سی اولمدیغندن، %باهیه\$ و %راسیفه\$ اسکله-لرندن اخذ و عطا ایدیلیر. سنوی ادخالاتی 14½، و اخراجاتی 7 ملیون فرانقه قریبدر. مرکزی %آراقیو\$ اسکله-سی اولوب، اورادن ایچری-یه بر دمیر یول تمدید ایدلمکده-در.

3-2549-4

سر جیوس

1#

بو اسمله روماده بر وجه زیر 4 پاپا کلمشدر:

برنجیسی پالمولی اولوب، 687دن 701 تاریخ میلادیسنه-دک پاپالق ایتمش؛ بعض قاریشیلقلردن طولایی بر قاچ سنه رومانک خارجنده قالمش؛ ارمنی پطریقنی قتلک مذهبیه ارجاع ایتمش؛ و بعض آیینلر و آلایلر ایجاد ایلمشدر.

*- ایکنجیسی رومالی اولوب، 844دن 847 تاریخ میلادیسنه-دک پاپالق ایتمش؛ و ایمپراطور برنجی لوترک موافقتی منضم اولمقسزین انتخاب اولنوب، بر مجلس مخصوص طرفندن تصدیق اولنمغله، ایمپراطورک کولنی خوش ایتمک ایچون، بونک اوغلی لویی-یی لومباردره قرال طانیبدرمشدر. بونک زماننده مجاهدین اسلام رومانک جوارلرینه قدر ایلریلوب، خیلی غنائم آلمشدر.

*- اوچنجیسی ینه رومالی اولوب، 904دن 911 تاریخنه-دک پاپالق ایتمشدر. 898ده دخی پاپالغه انتخاب اولنمش ایسه ده، طقوزنجی ژانه مغلوب اولوب، طوسقانه-یه قاچمش ایدی. سفیه بر آدم اولوب، (تئودوره) اسمنده بر قادینله مناسبات غیر مشروعه-سی وار ایدی.

*- دردنجیسی 1009دن 1012یه قدر پاپالق ایدوب، بو مقامه نائل اولمازدن اول اسمی پتروولقبی (بوکه دی بورقو) یعنی ((طوموز آغزی)) ایدی.

1-2550-4

سر جیوس پولوس

1#

روما پرو قونسولسلرندن اولوب، قبریس والیسی ایدی. سنت پول طرفندن کندیسنه خریستیان مذهبی قبول ایتدیریله-رک، مومی البهک اصل اسمی (شاؤل) ایکن، بونک نامنه حرمة (پولوس) یاخود (پاولوس) اسمنی قبول ایتمشدی.

2-2550-4

سرحان

%وادی -*- جزیره العربک شمالنده و بریه الشامک جنوب غربیسنده اوله-رق حوران ایله جوف آره-سنده بر وادی اولوب، شمال غربیدن جنوب شرقی-یه طوغری بویی 450 کیلومتره-در. اکی یوقاریده آنجق 20 کیلومتره اولوب، کیتدکجه توسع ایتمکله، منتهای جنوب شرقیسنده 150 کیلومتره-یه بالغ اولور. وقتیله نهر یاخود کول حالنده بولنمش اولدیغی مظنون اولان بو وادیده خیلی رطوبت و بعض جهتلرنده صو بولنوب، نباتاتی چوق اولمغله، عربان عشایری سوریلرینی سوق ایدرلر. مسکون برلری پک آز اولوب، عربانک صارقندیلری بو وادینک کاروانلر طرفندن طریق اتخاذ اولنمسنه دخی مانع اولیور.

3-2550-4

سرحه

یمنده بر اسکله اولدیغنی یاقوت حموی بیان ایدبور.

4-2550-4
سرحیل

یمنده حکومت سورمش اولان حمیریلردن اولوب، بلقیسک سلفی اولان هدهادک پدری و سلفیدر.

5-2550-4
سرخدی

سکزنجی قرن هجری علماسندن اولوب، ((اعراب القرآن)) عنوانیله بر کتابی واردر. 792ده وفات ایتمشدر.

6-2550-5
سرخس

ایرانک خراسان خطه-سندده مشهدک 146 کیلومتره شرق شمالیسندده و روسیه ایله ایران %تجدد\$ نهرینک صول کنارنده بر قصبه اولوب، 2000 اهالیسی، بر چوق قلعه-لری و بعض خرابه-لری واردر. سرخس وقتیله بیوک و معمور بر شهر اولوب، علوم و مدنیت اسلامیه-نک اک پارلق مراکزندن بولمغله، بر چوق مشاهیر علمانک مسقط رأسی بولنمشدر. یاقوت حموی شهر مذکورک هرات صوینک باقیسی اولان بر نهرک کنارنده اولدیغنی بیان ایتمسلیله، مذکور %تجدد\$ نهری دخی هراتدن کچن %هری رود\$ک آلت طرفی اولدیغندن، مؤلف مشار الیهک زماننده دخی سرخسک شمیدیکی محلنده بولنمش اولدیغی آکلاشیلپور ایسه ده، (ویوین دوستن مارتن) جغرافیا لغتنده اسکی سرخس خرابه-لرینک شمیدیکی سرخسک 15 کیلومتره شرق جنوبیسندده بولدیغنی بیان ایدیور. سرخس ایران ایله هند آره-سندده-کی طریقک پک مهم بر کچیدی اولمغله، اسکیدن بری بر چوق محاربه-لره میدان اوله-کلمشدر. *- روسلر سرخسک 4 کیلومتره شرقنده یکی سرخس اسمیله بر قصبه تأسیس ایتمشلردر، که، الیوم 2000 اهالیسی و بازاری اولوب، کیتدکجه بیومکده-در.

7-2550-4
سرخسی، ابو العباس احمد بن محمد

مشاهیر علمادن اولوب، سرخس شهرندن نشأت، و 286ده وفات ایتمشدر. موسیقی-یه دائر بری بیوک و بری کوچک ایکی کتاب یازمش، پورفیریوسک ایساغوجیسینی شرح ایتمش، و اخلاقه دائر ((آداب النفس)) عنوانیله بر کتاب تالیف ایتمشدر. خلفاء عباسیه-دن معتضدک نظر توجهنه مظهر اولمشدر.

8-2550-4
سرخسی، ابو الفرج عبد الرحمن بن احمد الزاز

مشاهیر علمادن و فقهاء شاعیه-دن اولوب، 493 تاریخنده مروده وفات ایتمشدر. فقه شافعی-یه دائر ((الاملاء)) عنوانیله بیوک بر تالیفی واردر، که بر چوق وقت خراسانده درس کتب متداوله-سندن بولنمشدر.

9-2550-4
سرخسی، شمس الائمه ابو بکر محمد

مشاهیر علمادن اولوب، خوارزمک اورجند شهرنده محبوس ایکن فقهه دائر ((الاصول)) عنوانیله معتبر بر کتاب یازمش، و ((آداب القاضی)) کتابنی دخی شرح ایتمشدر. وفاتی 483 تاریخنده وقوع بولمشدر.

1-2551-4

سرخسی، رضی الدین محمد

مشاهیر فقہان اولوب، وطنی اولان سرخسندن شامہ کلہ-رک، اکتساب شہرت ایتمش؛ و حلب مدرسہ-سی مدرسلی کنڈیسنه احالہ اولنمشدی. بعدہ حلب علماسی علیہنه قالقیشمغله، مدرسلکدن اخراج اولنہ-رق، دمشقہ چکلمش، و 571ده اورادہ وفات ایتمشدر. قہہ و سائر علومہ دائر ((المحیط))، ((الوجیز))، ((الواسط)) و ((الذاکرہ)) عنوانلریلہ درت معتبر تالیفی واردر.

2-2551-4

سرخوش، محمد افضل

هندستان شعراسندن اولوب، عالمکیرک زمانندہ یاشامش، و 1126ده وفات ایتمشدر. ((حسن و عشق))، ((نور علی))، ((ساقی نامہ)) و ((شاهنامہ محمد عظیم)) عنوانلریلہ اوچ منظومہ-سی، ((کلمات الشعرا)) عنوانیلہ بر تذکرہ الشعراسی و بر چوق اشعار مقبولہ-سی واردر.

3-2551-4

سردانیہ

عربلرک ساردنیہ-یہ ویردکلری اسمدر.

4-2551-4

سردد

یمنده بر خطہ اولوب، مرکزی %مہجم\$ اولدیغی ((معجم البلدان))ده مسطوردر.

5-2551-4

سردنک

1#

سوماترہ جزیرہ کبیرہ-سنک ساحل شرقیسندہ کوچک بر حکومت اسلامیه-نک مرکزی بر قصبہ اولوب، جوارلرندہ خیلی بوبر حاصل اولور.

6-2551-4

سردوبسق

1#

روسیہ-نک ساراتوف ایالتندہ و ساراتوفک 158 کیلومترہ غرب شمالیسندہ اولہ-رق خوپر نہرینہ دوکلین %سردوبہ\$ چایی اوزرندہ قضا مرکزی بر قصبہ اولوب، 10745 اہالیسی و بیرہ ایلہ طوغله و پوتاس فابریقہ-لری واردر.

7-2551-4

سردوس

مصدرہ نیلک پک اسکی بر جدولی اولوب، فرعون موسی طرفندن حفر ایتدیرلمش اولدیغی مرویدر.

8-2551-4

سرر
1#

آفریقای غربیده فرانسه مستملکاتندن %سنغامبیا\$ مملکتنده یشیل برون ایله %سahوم\$ مجراسی آرہ-سنده ساکن اقوام زنجیہ-دن بر قوم اولوب، بر قاچ شعبه و قبیلہ-یہ منقسمدر. افرادلرینک بر خیلیسی مسلمان اولوب، دین اسلام کوندن کونه ایچلرنده ترقی و تعمم ایتمکده، و یالکز عشرته اولان انهماکلری جملہ-سنک دین اسلامی قبول ایتملرینه مانع اولمقده-در.

9-2551-4

سرر
1#

اسکی یونان و روما اساطیرنده زراعت الهه-سی زعم اولنوب، (ساتورن) ایله (ریا)نک قیزی عد اولنوردی. ژوپیتردن (پروزیپنه) اسمیله بر قیزی اولوب، بونی جهنم الهی پلوتون قاچیرمغله، کندیسی جست و جوسنده دنیایی طولاشوب، نہایت (آرتوزہ) نام پریدن قیزینک حالنی اوکرنمشیدی. ایکی اژدرهایه قوشلمش بر آراہ-یہ بینمش، باشاقلردن مصنوع بر تاج باشنده و بر طیرپان النده تصویر اولنور، و اک زیادہ یونانک آتیفہ خطہ-سیله سیچلیہ آطہ-سنده عبادتی اجرا ایدیلیردی.

10-2551-4

سرر

[[سیروز]] ماده-سنہ مراجعت بیوریلہ.]

11-2551-4

سرر اللیانه

مصر اسفله منوفیہ مدیرینتک شبین القوم قضااسنده و شبین القومک 13 کیلومترہ جنوب غربیسنده اولہ-رق %سر سویہ\$ جدولی اوزرنده بر قصبہ اولوب، 10630 اہالیسی واردر.

12-2551-4

سرر سن

اقتصادی بلاد ترکده بر قصبہ اولوب، قندس و سمور و سائر ذی قیمت کورکلر اخراجیلہ مشهور اولدیغنی یاقوت حموی بیان ایدیور. آوروپادہ قرون وسطادہ منتهای شرقده بولندیغی ظن اولنان و نرہ-سی اولدیغی متأخرین طرفندن ہنوز تعیین ایدیلہ-مین 1# مملکتک بو قصبہ-دن عبارت اولمسی محتملدر.

13-2551-4

سرشار

ہندستان شعراسندن ایکی کشینک مخلصیدر: بری بنکالہ حاکمی نواب شجاع الدینک آخرت اوغلی مرشدقلی خان رستم جنکدر. *- دیکری تیہہ قومہ منسوب بر ہمنیلردن اولوب، اود حاکمنک خدمتندہ لکھنودہ یاشامش، و 1284دہ وفات ایتمشدر. شو بیت اونکدر:

@@@

چہا بیتاب کردی تانمودی روی انوررا
قمررا مشتر پیرا زہرہ را خورشید انوررا

\$

14-2551-4

سرشکی

فرس شعراسندن اولوب، کابلیدر. شو بیت اونکدر:

@@@

غبار آسا فتادم در رهش اما زداماش
همان دست تمنائی که کوتاه داشتم دارم

\$

1-2552-4

سرعت، میر محمد حسین

ایران شعراسندن اولوب، مازندرانیلیدر. شو بیت اونکدر.

@@@

همین اشاره برای عذاب منعم بس
که تا پرست رسن درکلوست همیانرا

\$

2-2552-4

سرغوزرو

1#

روسیه-نک منتهای شمالنده آرخانکل ایالتنک لاپونیه خطه-سنده و %قوله\$ شبه جزیره-سنگ قسم جنوبیسنده بر کول اولوب، شمالدن جنوبه بویی 18 و اکی 8 کیلومتره و مساحه سطحیه-سی 97 مربع کیلومتره-در. آیاغی حکمنده اولان %وارزوغه\$ نهری واسطه-سیله فضله میاهی شمالی آق دکیزه دوکیلور.

3-2552-4

سرفند

فلسطینده صور ایله صید آر-سنده و دکیزه قریب بر تپه-نک اوزرنده بر قریه اولوب، بنی اسرائیل زماننده %سرفطاش\$ یاخود زرفط 1# اسمیله بر قصبه ایدی، و الیاس نبی (عم) بونده اقامت و اظهار معجزات ایتمشدی. اهل صلیب زماننده دخی اهمیتی وار ایدی.

4-2552-4

سرفو

1#

[(سریفوس)) ماده-سنه مراجعت بیوریله.]

5-2552-4

سرفیجه

1#

مناستر ولايتنده و مناستر ك تخميناً 140 كيلومتره جنوب شرقيسنده اوله-رق % اينجه قره صو\$نك صول كنارندن 8 كيلومتره-لك مسافه-ده و بو نهره دوكلين بر دره-نك اوزرنده اوله-رق 433 متره-لك ارتفاعده واقع سنجاك مركزى بر قصبه اولوب، 3335 اهاليسى، 4 جامعى، 1 تكيه-سى، 1 مدرسه-سى، 1 رشدى و 1 ابتدائى مکتبى، 4 كليساسى، 140 دكاني، 9 خانى و 2 حمامى واردر. هواسى يازين صيچاق و قيشين رطوبتليدر. *- سرفيجه قضاسى همنامى اولان سنجاك مركز قضاسى اولوب، شمالاً و غرباً قوزانه، جنوباً و جنوب شرقى جهتندن الا صوبينه قضا لريله، شرقاً دخى سلانينك ولايت و سنجاغنه ملحق قترين قضاسيله محدوددر. و لندوس ناحيه-سييله برابر 32 قريه-دن مركب اولوب، 22555 اهاليسى واردر، كه بونلرك ده 4123 مى مسلم و قصورى روم و اولاخ و سائره-در. اراضيسى اكثرى اوزره طاغلق و اورمانلق اولوب، بعض منبت اووه-لرى دخى واردر. محصولاتى بغدادى، آريه، چاودار، مصر، نخود، بقله، مرجك، فصوليه كى حبوباتله سيزه-لرك انواعندن و قانئون، قارپوز، الما، اريك، آرمود، قايسى، بادم، جوز، انجير، كستانه و سائر ميوه-لردن عبارتدر. اريكى مشهوردر. باغلى دخى چوق اولوب، خيلى شراب اعمال اولنور. اينجه قره صو نهرى قزانك غرب شمالى حدودينى تشكيل ايدوب، جهت جنوبيه-سنده-كى طاغلردن بو نهره بر چوق دره-لر دوكيلور.

6-2552-4

سرفيجه

سنجاغى. مناستر ولايتنى تركيب ايدن 5 سنجاك برى و اك جنوبيسى اولوب، شرقاً و شمال شرقى جهتندن سلانينك ولايتيله، شمالاً مناستر، شمال غربى جهتندن كوريجه سنجاقلريله، غرباً يانيه ولايتيله، جنوباً دخى حدود يونانيه ايله محدوددر. اراضيسى عموميت اوزره طاغلق ايسه ده، منبت بعض طار اووه-لرى و باير و واديلرى دخى واردر. حدود يونانيه-دن سلانينك كورفيزينه طوغرى ممتد اولان بر صره طاغلرله شماله طوغرى اوزانان ديكر بر صره طاغلر سنجاغى اوچ حوضه-يه تقسيم ايدوب، قسم جنوبيسنك صولرى %كوستم\$ نهرينه، قسم وسطى و شرقيسنك كيلر اينجه قره صويه، غرب شمالى قسمنك كيلر دخى اوسترووه كولنه دوكيلور. محصولاتى بغدادى، آريه، مصر، چاودار و سائر حبوباتله سيزه و ميوه-لرك انواعندن عبارتدر. باغلى دخى چوق اولوب، سلانينك شرابى ناميله مشهور اولان شرابلرك اك ايبى جنسلى بو سنجاقدن چيقار. اورمانلى چوقجه اولوب، صرفيات محليه-يه كفايت ايدو-جك قدر كراسته و اودون و كمور چيقار. مرعالى دخى چوق اولوب، خيلى قيون و كچى و سائر حيوانات بسلنير. صنايع محليه شياق، عبا، و لنجه، كلیم و كتندن بز و اوپه دوشمه-سى كى شيلر نسجيله سختيان دباغتندن عبارتدر. سنجاك 6 قضا و 9 ناحيه-يه منقسم اولوب، 407 قريه-يى حاويدر. اهاليسى 197039 كشيدين عبارت اولوب، بونلرك 76563 مى مسلم و قصورى همان نصيفيت اوزره روم و اولاخدن مركبدر. اهالى مسلمه-نك بر طاغمى تركجه، بر طاغمى رومجه و بعضيسى ده اراؤدجه لسانلريله متكلم اولوب، روملر روم و اولاخلر دخى اولاخ لساننى استعمال ايديورلر. سنجاغى تركيب ايدن قضا و ناحيه بر وجه زييردر.

####

قضا

ناحيه

سرفيجه

ولندوس

قوزانه

ونچه

جمعه

صارخانلر

قطر نچه

ناسليج

سچشته

ثرويان

كره-بنه

الاصونيه

ليوادی

دومنك

دشقاظه

\$

1-2553-4

سرق

صحابه-دن اولوب، بعده اسکندریه-ده ساکن اولمش، و بعض احادیث شریفه روایت ایتمشدر.

2-2553-4

سرق

1#

و انگلیزجه #2 مانشه دکیزنده انکتره-یه تابع بر آطه اولوب، %کرنسی\$ آطه-سنگ 10 کیلومتره شرفنده و %جرسی\$ آطه-سنگ 17 کیلومتره شمال غربیسنده واقعدر. مساحه سطحیه-سی 510 مربع کیلومتره اولوب، 572 اهالیسی واردر. اراضیسنگ نصفندن زیاده-سی غیر مزروعدر. قیالقی بر آطه-در.

3-2553-4

سرق

اهوازده بیوک بر ناحیه اولدیغی یاقوت حموی بیان ایدیور.

4-2553-4

سرقسطه

اسپانیاده واقع %سار اغوسه\$ شهرینه عربلرک ویردکلری اسم اولوب، اندلس حکومت اسلامیه-سی زماننده معمور و بیوک بر شهر ایدی. علی الخصوص ایپک منسوجاتنک نفاست و ظرافتیه مشهور ایدی. مشاهیر علماء عربدن (سرقسطی) نسبتیه معروف بر چوق ذواتک مسقط رأسی بولنمشدر. [(سار اغوسه)) ماده-سنه ده مراجعت بیوریله.]

5-2553-4

سرقسطی، ابو قاسم ثابت بن حزم العوفی

اندلس مشاهیر علماسندن اولوب، فقه و حدیث و ادبیاتده عصرینک ائمه-سندن ایدی. 217 تاریخنده سرقسطه-ده تولد ایدوب، 288ده اوغلی قاسم ایله برابر شرقه سیاحتله، بر مدت مکه-ده و مصرده اقامت ایتمش؛ و وطننه عودتدن صکره 313 تاریخنده 95 یاشنده وفات ایتمشدر. اوغلنک حدیثه دائر یازوب ناتمام بر اقدیغی ((کتاب الدلائلی)) ی اکمال ایتمشدر. *- اوغلی ابو محمد قاسم بن ثابت پدرندن ده عالم اولوب، 302 تاریخنده وفات ایتمشدر. مذکور ((کتاب الدلائل)) دن بشقه فقه و لغت و ادبیاتده دائر بر خیلی آثاری واردر.

6-2553-5

سرقسطی، ابو طاهر اسماعیل بن خلف الانصاری

اندلس مشاهیر علماسندن اولوب، ادبیاتده و علم قرآننده عصرینک فریدی ایدی. قرآننده ((العنوان)) عنوانیه پک معتبر بر کتاب یازدیغی کبی، ابو علی الفارسینک ((کتاب الحجه)) سنی دخی اختصار ایتمشدر. 455 تاریخنده وطنی اولان سرقسطه-ده وفات ایتمشدر.

7-2553-4

سرقوسه

صقلیه یعنی سیچلیه آطه-سندھ-کی %سیراقوسه\$ شہرینہ عربلرک ویردکلی اسمدر. [(سیراقوسه)) ماده-سنه مراجعت.]

8-2553-4

سرکه

[(کوره مع سرکه)) ماده-سنه مراجعت.]

9-2553-4

سرکه-جی اسکله-سی

استانیولده بر اسکله اولوب، روم ایلی دمیر یوللری موقفک قربنده و باب عالینک جوارنده بولنمغله، اهمیتی وارد.

10-2553-4

سرکیو

1#

ایتالیانک طوسقانه خطه-سندھ بر نہر اولوب، اپنین طاغلرندن نبعانله، جنوب شرقی-یہ، بعدہ جنوبہ و نہایت جنوب غربی-یہ طوغری آقہ-رق، %پیتره\$ ایله %ویارجو\$ آره-سندھ ممتد اولان اووہ-یہ دوشر؛ و 110 کیلومتره-لک جریانندن صکرہ %مارینہ دی میلیارینو\$ده دکیزہ دوکیلور.

11-2553-4

سرکیوسکی

1#

روسپہ-ده موسقوہ ایالتنک %دمیتروف\$ قضااسندھ و دمیتروفک 64 کیلومترہ شمال شرقیسنده بیوک بر قریہ اولوب، 31415 اہالیسی، بیوک بر مناستری و تختہ قاشیقلمہ تختہ-دن معمول اویونجق، چینی، پاموق منسوجات و سائره فابریقہ-لری وارد.

12-2553-4

سرماہ

1#

بحر محیط ہندی جزایرندن %سرواتی\$ زمرد-سنه مربوط و %تیمور\$ جزیرہ-سنک شرق شمالیسنده واقع بر طاقم آطه-لر اولوب، 7' 8° ایله 18' 8° عرض جنوبی و 21' 126° ایله 53' 126° طول شرقی آره-لرندہ ممتد اولورلر. سرماہ و لوآغ اسملریلہ ایکی بیوک و مسکون آطه ایله خالی بر طاقم آطه-جقلر و قیالقلردن عبارتدر. جملہ-سنک مساحہ سطحیہ-سی 248 مربع کیلومترہ-در. نفس سرماہ آطه-سی طاغلق و سواحلی یناشلماز بر حالده اولوب، یالکز بر مرساسی وارد. بونک 11 قریہ-سی و 5677 اہالیسی وارد. لوآغ آطه-سی بوندن کوچک اولوب، 7 قریہ-ده 1200 اہالیسی وارد. بو ایکی آطه-نک اہالیسی بالیقجیلقلہ و قیون و کچیلرینک محصولاتیلہ یاشارلر. هندستان جوزیلہ بوکا مشابہ میوہ-لری چوقدر. اسمآ فلمنک دولتنہ تابعدرلر.

1-2554-4

سرماج

همدان ایله خوزستان آره-سنده جبالده پک متین و کوزل بر قلعه اولدیغنی یاقوت حموی بیان ایدیور.

2-2554-4

سرماری

تفلیس ایله خلاط آره-سنده متین بر قلعه و واسع بر ولایت اولدیغنی ((معجم البلدان))ده مسطوردر.

3-2554-4

سرماوی، احمد بن عبد الله البلخی

مشاهیر فقهاء حنفیه-دن اولوب، ((لابانۀ فی رد من شنع علی ابی حنیفه)) عنوانیله بر تألیفی وارد.

4-2554-4

سرمد، سعید

ایران شعراسندن اولوب، عن اصل کاشانلی بر یهودی ایکن، دین اسلامی قبول ایله، تصوفه میل ایده-رک، درجه عرفانه واصل اولمش؛ و هندستانه سیاحت ایوب، چبلاق کز مکه باشلامش ایدی. هندستان ملوکندن داراشکو هک بو ذاته عظیم اعتقادی وار ایدی. دهلیده جامع مسجد خطیره-سنده مدفوندر. (طوماس ویلیام بیل) یازدیغی تراجم احوال شریقیون قاموسنده بو ذاتک عن اصل ارمنی اولدیغنی بیان ایدیور. شو رباعی جمله اشعارندندر:

@@@

سرمد اکرش و فاست خودمی آید

کرآمدنش رواست خود می آید

بیپوده چرادر طلبش میگردی

بنشین اکرا او خداست خودمی آید

\$

5-2554-5

سرمد افندی، فیض الله

متأخرین شعرای عثمانیه-دن اولوب، سلانیک مولویتندن معزول اولدیغی حالده، 1202ده وفات ایتمشدر. شو بیت اونکدر:

@@@

پیر شوردر اوزقله سرمد دماغمز

سنبلستانه کیرسه-ده بوی زکام آلور

\$

*- دیکر بر سرمد افندی دخی قپو کتخداسی ایکن 1264ده وفات ایتمشدر. مطبوع بر دیوانچه-سی وارد. شو بیت

اونکدر:

@@@

کلستان جهانده بونجه دمدر آه وزار ایلر

عجب بوی وفا کور مشمیدر صور بلبله کلدن

\$

6-2554-4

سُرْمَن رَأَى

عراقده-كى سامرا قصبه-سنگ نام ديكرى اولوب، هر نه قدر %سامرا\$ اسمى بونك غلطى كى كورينيورسه ده، روايته كوره اسم اصلئ قديمى %سامرا\$ ياخود %ساميرا\$ اولوب، خليفه معتصم بالله بونى توسيع و تزيبين و مقر اتخاذ ايتديكنده ((كورن سوينير)) معناسيله %سرمن رَأَى\$ تسميه ايتمشدى.

7-2554-4

سرمن

حلب ولايت و سنجاغده و حلبك 50 كيلومتره جنوب غربيسنده اسكى بر قصبه اولوب، اليوم خرابدر. بر چوق صهرنجلى و جوارنده-كى طاغده مسكن بشر بولنمش مغاره-لرى واردر. بو مغاره-لرك برى بر قاچ بيوك حجره-يه منقسم اولوب، قبا بر صورتده حك ايله منقوش ستونلرى ده واردر.

8-2554-4

سرن

1#

فرانسه-ده بر نهردر، كه %قوت دور\$ ايالتنده %مونتيبارد\$ قربنده نبعانله، شمال غربى-يه طوغرى جريان ايده-رك، %يونه\$ ايالتنه داخل اولور؛ و 120 كيلومتره-لك جرياندى صكره %يونه\$ نهرينه دوكيلور.

9-2554-4

سرنا

1#

اسپانياك %استرمدوره\$ خطه-سندده بر بقعه اولوب، %بادايوز\$ ايالتنه ملحقدر. مرعاليريك كوزلكيله مشهور اولوب، قويونلريك بوكى و اتى پك اييدر. مركزى %قاستوئر\$ قصبه-سيدير. مادريدن ليسبونه-يه كيدن دمير يول خطى بو بقعه-نك ايچندن كچر.

10-2554-4

سرنا

ياخود لا سرنا 1# شيلينك وسطلرندده %قوكيمبو\$ ايالتنده و سانتياغونك 400 كيلومتره شمال غربيسنده و %الكى\$ نهريك صول كنارنده اوله-رق %قوكيمبو\$ قوينك 5 كيلومتره شرقنده سنجاق مركزى بر قصبه اولوب، 17230 اهالييسى، داخلى مكتب اعداديسى، ايجرى-يه طوغرى ممتد ايكى دمير يولى و جوارنده اهميتلى باقير معدنلرى واردر.

1-2555-4

سرناى

1#

آلساس لورن خطه-سندده مولهوزه-نك 15 كيلومتره شمال غربيسنده و %ابل\$ نهرينه تابع %تور\$ چايى اوزرنده بر قصبه اولوب، 4200 اهالييسى، مشهور شرابى و پاموق منسوجات و سائره فابريقه-لرى واردر.

2-2555-4

سرنجا

هند شبه جزیره-سنگ شرق جنوبی ساحلی قارشینده بیوک بر جزیره اولوب، %دیب\$ کلمه-سی لسان هندیده ((آطه)) دیمک اولمغله، اصل اسمی %سرن\$در، که اوروپالیلر بونی %سیلان\$ه تحویل ایتمشلردر. بو جزیره بر آزمود شکلنده اولوب، شماله متوجه اولان اوجنده بر قاچ آطه واردر، که پک طار بو غازلرله ایرلمش اولدقلرندن، یک نظرده آیری اولدقلری فرق اولنماز. جزیره-سنگ غرب شمالی ساحلیله هندستانک شرق جنوبی ساحلی آره-سنده 70 کیلومتره وسعتی اولان پلک بوغازی بولنوب، بونک جنوبنده 9° 10' ایله 9° عرض شمالی آره-سنده سرندیپ ساحلندن هند ساحلنه-دک طبیعی بر کوپری بولنیور، که طار و اوزون ایکی آطه ایله بولنرک آره-سنده بر قاچ قدم صو ایله مستور بر صیرتدن عبارتدر. بوکا %آدمک کوپریسی \$ نامی ویریلیور. مذکور ایکی آطه-دن شرق جهتنده-کی %منهار #2\$ و غرب طرفنده-کی %رامیسرام اسمیله معروفدر. 115 کیلومتره طولی اولان بو حارق عاده کوپرینک جنوبنده سرندیپ ایله هندستانک منتهای جنوب شرقی آره-سنده %منهار کورفرزی\$ بولنیور. سرندیپک اک شمالی نقطه-سی 9° 48' و اک جنوبیسی 56° 5' عرض شمالیده اولوب، 34° 77' ایله 40° 79' طول شرقی آره-لرنده ممتد اولور. بو جهله شمالدن جنوبه طولی قوش اوچشی حسابیله 360، شرقدن غربه عرض اعظمی 190 و محیط دائره-سی 1060 کیلومتره اولوب، مساحه سطحیه-سی 64000 مربع کیلومتره-در. اهالیسی 2405300 کشیدن عبارت اولوب، بهر مربع کیلومتره باشنه 37 ویا 38 کشی دوشمکله، هندک سائر طرفلرینه نسبه اهالیسی آذر.

طبیعت اراضیه سرندیپ جزیره-سی ایکی-یه تقسیم اولنه-بیلوب، نصف شمالیسی دوز و خط استوابه قریب محللره مخصوص جسیم آعاجلری حاوی صیق اورمانلرله مستوردر. قسم جنوبیسی طاغلق اولوب، بونک اورته-سنده بر طاغلق یوکسک ذروه-لری اولان %پدروتالاغ\$ طاغلق 2524 و مشهور آدم تپه-سنگ 2262 متره ارتقاعی واردر. بو طاغلق اوستنده قیاده انسان آدیمنه مشابه و فقط غایتله بیوک بر شکل بولنمغله، اورانک مشرکلری بوکا (بوده-نک آدیمی) نظریله باقوب، مقدس عد ایتدکلری کبی، مسلمانلر دخی حضرت آدم (عم)ک ایزی نظریله باقوب، بو طاغله حضرت آدمک طاغی دیرلر. بو طاغلق اتکلری و اطرافنده-کی دره و بایرلر اشجارله مستور و زیاده-سیله منبت اولوب، بورالرینک هواسی دخی دنیانک اک کوزل هوالرندندر. یاغمورلری پک چوق اولدیغندن، میاه جاریه-سی ده چوق اولوب، آطه-نک وسعتنه نسبه بیوک ایرماقلری واردر. یالکز سواحل غربیه-سنه اون نهر اینر، سواحل شرقیه-سنه ایننلری ده چوق ایسه ده، او قدر بیوک دکلدر. بو انهارک جمله-سی جزیره-نک قسم جنوبیسنک و سطنده-کی طاغلق دن نبعان ایدوب، مرتفع محللره حسابسزدر. و سلسبیللرینی جمع ایله، اورالرینک اراضیسنی سقی ایتدکدن صکره، اووه-یه ایننجه، هوانک حرارت فوق العاده-سی صولرینک بر قسمی تخییر ایتدیکیچون، دکیزه و صوللرنده، پک آز صولری قالیر، و بعضلری قورافلک موسملرنده بسبتون قورور. انهار مذکور-نک اک بیوک شماله طوغری آقان %مهادلینکک\$ نهری اولوب، مجراسی 216 کیلومتره طولنده-در. یالکز بو نهرده کوچک کمیلر چیقه-بیلوب، دیکرلرینک هیچ بری سیر سفاننه صالح دکلدر. بو جزیره-ده هیچ بر کول اولمیوب، آنجق اسکی حکمدارلری حارق العاده عد اولنه-جق جسامت و متانتده حوضلر، سدلر و صو بندلری انشا ایتدیرمشلردر.

عمومیت اوزره جزیره-نک هواسی هند جنوبینک کندن ده متعدل اولوب، میزان الحراره-نک درجه وسطیه-سی نادرأ 26 بی کچر. تشرین اولدن مایسه قدر شمال شرقی و مایسدن تشرین اوله-دک جنوب غربی روزکاری اسوب؛ بو ایکی موسمک تبدلنده یعنی نیسان و مایس ایله تشرینلرده صغانقلی یاغمورلر یاغار. یالکز شمال جهتنده برآز قورافلک حکم سورر. طاغلق اولان جزیره-نک ایچ طرفلرنده هوا غایتله صاغلام ایسه ده، سواحل قریب محللرده وقتیلله قازلمش جدوللرک بطاقلقلره تحولندن صیتمه-لر ظهور ایدر. نباتات و محصولاتجه سرندیپ جزیره-سی بر طرفدن دکنک قسم جنوبیسنه و بر طرفدن دخی جاوه و سائر آسیا جزایرینه بکزیور. اک باشلیجه محصولی و اهالیسنک مدار تعیشی پرنج اولوب، ایکنجی درجه-ده قهوه، دارچین، هندستان جوزی و بو یقینلرده بیتشدیرلمکه باشلابان چای و قینه قینه حاصل اولور. اورمانلرده و قریه و خانه-لرک اطرافنده بزجه اسملری دخی مجهول و تعدادی مشکل اشجارک انواعی بولنیور. آلتون و کموش معدنلری پک آز مقدارده ایسه ده، دمیر معدنلری چوق و جنسی پک ایی اولوب، آنتراسیت و پلومبازین کبی بعض معدنلر دخی بولنیور. جزیره-نک اسکیدن بری ذی قیمت احجاریله شهرتی اولوب، شمذیکی حالده چوق چیقمیورسه ده، ینه خیلی مقدار زمرد و یاقوت و سائر ذی قیمت طاشلر چیقاریلیر. بونلرک اخراج و تجارتی ایران و جزیره العربدن کیدن مسلمانلره منحصردر. منهار کورفرزنده وقتیلله چیقان اینجیلر مشهور ایدیسه ده، شمذیکی حالده بوندن ده پک آز چیقاریلیور. سواحل قریب بعض بطاقلقلرده خیلی مقدار طوز چیقار. حیوانات اهلیه و وحشیه-سنگ اک مهمی فیل اولوب، بو جسیم حیوانک کرک مونسلری و کرک طاغلق ده بیانیلری پک چوق، و بیانیلری خیلی وحشی اولمغله، اسکیدن بری فیل

صيدى سرنديپ حڪمدار لرينك يكانه اكلنجه-سى بولنمشدر. هندستانده بولنان سائر حيوانلرك همان جمله-سى بو جزيره-ده بولنوب، يالكز قپلان و آت نادردر.

ايكى بچق مليونه قريپ اهاليسندن قسم اعظمى يعنى 1676000ى (سينغاله) و 520000ى (تامول) جنسلرينه منسوب اولوب، بو ايكنجى قوم، كه وقتيله هندك سواحل شرقيه-سندن سرنديپه كچمش اولدقلى مظنوندر، جزيره-نك شمالنده ساكن بولنورلر. عرب و ايرانيند مركب مسلمانلرك عددى 160000 مقدارينه بالغ اوليور. اك اسكى اهالى اصليه-دن اولوب، نيم وحشى بر حالده ياشايان (ودا)لر ايسه 8000 كشيدين زياده دكلدر. سينغاله-لر خالص (آريا) جنسنه منسوب اولوب، چهره-لرى دوزكون، بدنلرى اورته بويده و ضعيف، لونلرى اسمر و كوز و ساچلرى سپاهدر. تجارت و صنايع باشليجه مسلمانلرك النده بولنوب، بونلر سواحلده و اك زياده جنوب غربى جهتنده و بيوك شهرلرده بولنور. سرنديپليرك دين عمومى بوئه دينيدر. سينغاله-لرك كندبلرينه مخصوص لسانى اولوب، بو لسانك السنه آريانه-دن مى يوقسه هندك اك قديم لسانى اولان (دراويد) لسانى شعبه-لرندن مى اولديغى هنوز تعين ايتمه-مش ايسه ده، هر حالده سانسكرى لسانندن مأخوذ پك چوق كلماتى واردر. لسان ادبى و مذهپيلرى ايسه سانسكرى لسانندن منشعب (پالى) لسانيدر. مركزى %90 قندى شهرى اولوب، اك ايشلك اسكله-سى-ده ساحل غربيسنده واقع %10 قولومبو\$در. بيوك شهرلرى اولمويوب، قصبه-لرى دخى آزدر. جزيره 6 ايالته منقسم اولوب، بهر ايالت ايكى اوچ ويا درت قضايى حاويدر. قولومبودن قندى-يه بر دمير يولى و ايالت مركزلريله مركز عمومى آره-سندده شوسه-لرى اولديغى كبي، سواحل بوينجه جزيره-يى طولاشديرر بر شوسه-سى دخى واردر. صنايع محلنده صرف اولنان منسوجات و مجوهرات اعمالندن عبارت اولوب، معمولات صنايع-دن اخراجاتى يوقدر.

بو جزيره-نك اهالى قديمه-سى هندك قسم جنوبيسنده ساكن بولنمش اولان (دراويد) جنسندن بر قوم اولوب، شار علرى اولان بوئه-دن صكره، ميلاددن 550 سنه اول (ويجايه) اسمنده بر رئيسك تحت قيادتنده آريانييلردن بر قوم هجوم ايله سرنديپى ضبط ايتمش؛ و قوم حاكم ايله قوم محكومك اختلاطندن مذكور سينغاله-لر تولد ايتمشدر. مرقوم (ويجايه)نك احفادى جزيره-ده حاكم قلوب، ويجايه سلاله-سى ميلادك 302 تاريخنه-دك 850 سنه حكم سور مشدر. اسكندر ك فتوحاتنده بو جزيره يونانييلره معلوم اولوب، بونلرك كتب جغرافيه-لر نده %تاپرو ابانه\$ اسميله مذكوردر. بعده بطالسه زماننده مصر ايله هند آره-سندده مناسبات تجاربه چو غالوب، يرليلر عندنده مستعمل و ((آرسلانلر آطه-سى)) معناسنى متضمن اولان %سنهاله دويبا\$ اسمندن غلط اوله-رق %سيليديبا\$ اسمى يونانييلرك كتابلر نده استعمال اولنمغه باشلامش؛ و نهايت عربلر بونى %سرنديپ\$ صورتنه تحويل ايتمشلردر. سرنديپده مذكور ويجايه سلاله-سندن صكره ده بر طاقم سلاله-لر تعاقب ايدوب، اون آلتنجى قرن ميلادى اوائلنده پورتكيز بحريونى بو جزيره-نك بعض سواحلنى ضبط ايتمش؛ و كيدهرك جزيره حاكمنك حكم و نفوذى سلب ايلمشلردى. اون يدنجى قرن ميلادى اوائلنده فلمنك دولتى سرنديپ حاكميله عقد ايتديكى معاهده-يه استناداً پورتكيز لييلردن سواحلنى ضبط ايتمهك باشلايوب، تدريجاً بونلرى بسبتون اخراج ايتمش؛ و 1795 تاريخنده فلمنك فرانسه جمهوريتى حكم و نفوذى آنته كچمنسندن بالاستفاده، انكلتره دولتى سرنديپك سواحلنى ضبط ايتمش؛ و سرنديپ حاكميله عقد ايتديكى معاهده-يه صورتاً رعايت ايدهرك، 1833 تاريخنه-دك حڪمدارى ابقا ايلمش ايسه ده، تاريخ مذكوره بونى بسبتون رفع ايدهرك، جزيره-نك حاكم مستقللى اولمشدر. بو جزيره-يه حضرت آدم (عم)ك مهبطى نظريه باقلايدى معلوم اولوب، يرليلرك شار علرى بوئه-يه حمل ايتدكلرى بعض علايم طبيعيه-سى اهل اسلام طرفندن ابو البشره اسناد اولنيور.

1-2557-4

سرنك سور موزه

1#

بلجيقه-نك %ليژ\$ ايالت و قضااسنده و %ليژ\$ك 8 كيلومتره جنوب غربيسنده اوله-رق %موزه\$ نهرينك صاخ كنارنده بر شهر اولوب، 32975 اهاليسى، بلور و مرمر اوجاقلرى و بونلرى ايشلتمكه مخصوص فابريقه-لرى و لوقوموتيف و واپور ماكينه-سييله سائر ماكينه انواعنى ياپمغه مخصوص جسيم بر فابريقه-سى واردر، كه ايچنده 11000 عمله و 34 بخار ماكينه-سى ايشليوب، سنوى 45 مليون فرانك قيمتنده معمولات چيقارير. بو فابريقه 1817 تاريخنده (قوكريل) اسمنده ايكى برادر طرفندن تاسيس اولنوب، قصبه بو مناسبتله بيومشدر.

2-2557-4

سرنيو

1#

ایتالیانک لومباردیہ خطہ-سندھ میلان ایالتنک %موزہ\$ قضاوندہ و موزہ-نک 10 کیلومترہ غرب شمالیسنده بر قصبہ اولوب، 7850 اہالیسی، اییک منسوجاتی و اسکی بر قلعہ-سی وارد.

3-2557-4

سرو

1#

برازیلیانک %میناس جرائس\$ جمهوریتندہ و %اوروپرتو\$نک 228 کیلومترہ شمال شرقیسنده قضا مرکزی بر قصبہ اولوب، 8000 اہالیسی و جوارندہ آلتون و الماس معدنریلہ توتون، مانیوق و شکر قامشی محصولات و وارد.

4-2557-4

سرواتی

1#

بحر محیط کبیردہ واقع ملوک جزایرندن دامہ، رومہ، لتی، کیسر، سرماتہ، بایہ و نیلہ زمرہ-لرینک مجموعہ ویریلن اسم اولوب، جملہ-سنگ مساحہ سطحیہ-سی 5236 مربع کیلومترہ و اہالیسی 54000 کشیدر.

5-2557-4

سروان

سجستاندہ بستدن ایکی مرحلہ-لک مسافہ-دہ و %داور\$ طریقندہ بر قصبہ اولوب، اوزوم و خرما و سائر میوہ-لریلہ مشہور اولدیغنی یاقوت حموی بیان ایدیور.

6-2557-4

سروج

حلب ولایتنک اورفہ سنجاغندہ و اورفہ-نک 40 کیلومترہ غرب جنوبیسنده اولہ-رق فراتنک ساحل شرقیسنندن 37 کیلومترہ-لک مسافہ-دہ قضا مرکزی بر قصبہ اولوب، وقتیلہ پک معمور و بیوک اولدیغی حالده، تیمورلنکک تخریبندن بری باش قالدیرہ-میوب، ایوم یالکز 1500 اہالی-یی جامع بر قریہ حالندہ-در: بو قصبہ 17نجی سال ہجریدہ عیاض بن غنم حضرتلری طرفندن صلحاً فتح اولمشدر. پک اسکی بر قصبہ اولوب، اسم قدیمی %باتنہ\$در. قریبندہ سیاہ مرمدن ایکی جسیم آرسلان ہیکی بولنیور. *- سروج قضا سی 36° 40' ایلہ 37° 14' عرض شمالی و 35° 55' ایلہ 36° 15' طول شرقی آرہ-لرندہ ممتد اولوب، شمالاً، شرقاً و جنوباً اورفہ، غرباً دخی بیرہ-جک قضا لریلہ محدوددر. قضا 318 قریہ-دن مرکب اولوب، یالکز 1533ی سریانی و یعقوبی اولمق اوزرہ خرستیان و قصوری ترک، کرد و عربدن مرکب مسلمدر. اراضیسی پک منبت اولوب، سروج اووہ-سی وقتیلہ بر ذخیرہ انباری حکمندہ بولنمش اولدیغی کبی، ایوم دخی خیلی مقدار حیوانات اخراج اولنور. مرعالتی دخی چوق اولوب، کلینتی قیون و سائر حیواناتی وارد. آتلی ده کوزلدر. معمولات صنایعہ-سی کلیم، خالی، سجاده و سائرہ-دن عبارتدر. درون قضاہ 3 جامع، 2 مسجد، 32 دکان و 1 فرون وارد.

1-2558-4

سرور، عظیم الدولہ نواب میر محمد خان بہادر بن ابی القاسم مظفر جنک

ہندستان امرا و شعراسندن اولوب، ((عمدہ منخبہ)) عنوانیلہ بر تذکرہ-سی و مرتب دیوانی وارد. 1250دہ وفات ایتمشدر.

2-2558-4

سرور

قهستانده بر قصبه اولوب، عجملر عننده %جرور \$ اسميله معرف اولديغنى ياقوت حموى بيان ايديور.

3-2558-4

سرورى، مصطفى بن شعبان

قدماء شعراء عثمانيه-دن اولوب، كليبوليليدر. پدرى فوق العاده ثروت و سامانه مالك ايكن، كنديسى تحصيل معارفه رغبتله، طريق علمى-يه سلوك ايده-رك، قاسم پاشا طرفندن تأسيس اولنان مدرسه-يه مدرس تعيين اولمشيدى. بعده بر آره-لق كنچ انزوايه چكيلوب، دنيايه رغبت ايمه-مش ايسه ده، نهايت بو مسلكى تركله قانونى سلطان سليمان خان شهرزاده-لرندن سلطان مصطفانك معلمكنه نصب اولنمش؛ و شهاده مشار اليهدنصكره وظيفه-سز قالوب، خيلى ضرورت چكدكن صكره، 969 تاريخنده وفات ايتمشدر. مثنوى شريف ايله سعدينك بوستان و گلستانى و ديوان حافظى شرح ايتمش ايسه ده، لسان فارسينك غوامضنه واقف اولمديغيچون، خطالرى چوقدر. اوچ ديوانى واردر. شو بيت جمله اشعار ننددر:

@@@

ديديلر تاثير ايدر اسمى مسمايه ولى
اي سرورى كوردم عالمده خندان اولدوغم

\$

*- قدماء شعراء دن ديكر بر سرورى ده واردر، كه عن اصل ايرانلى اولوب، ياوز سلطان سليم خانه انتساب ايتمشيدى.
شو بيت اونكدر:

@@@

ديده بر نمده خالك عكسى اي آرام جان
ممكه بگزر كيم قزل والاده اولمشدر نهان

\$

4-2558-4

سرورى، سيد عثمان

متأخرين شعراء عثمانيه-دن اولوب، حروف ابجد حسابنجه تاريخ نظمده-كى مهارتيله مشهوردر. بو قبيلدن سويلديكى تاريخلى و هزلياتى چوقدر. عن اصل اطنه-لى اولوب، اوراده تحصيل علم ايله، %حزنى \$ مخلصيله اشعار سويلمكه باشلاقدن صكره، 1931 ده در سعاده كلوب، شيخ الاسلام توفيق افندى طرفندن مخلصى (سرورى) يه تحويل اولنمشدى. طريق قضايه سلوك ايله، بر مدت ((تحفه)) صاحبى سنبلزاده وهبى افندى-يه كتخدا اولمشيدى. 1229 ده وفات ايتمشدر. ديوانى مطبوعدر.

5-2558-4

سرورى

ايران شعرا سندن ايكي ذاتك مخلصيدر:
برنجيسى مشهور ((فرهنگ))ك صاحبي اولوب، كاشانليدر. اون برنجى قرن هجرى اوائلنده هندستانه رحلت ايديوب،
لاهورده اقامت ايتمشدى. شو رباعى اونكدر:

@@@

بي دست طلب بدامن پير زدن
كسرا نشود مقام عرفان مسكن
چون رشته كه نكشود رهش تانهاد
سر بر قدم راست روى چون سوزن

\$

*- ایکنجیسی (شیخ غلام مرتضی) در. شو بیت اونکدر:

@@@

مکن تغافل بناز ساقی زباده پرکن ایاغ مارا
که تشنه کامی زحد فزون شدنماند دیگر دماغ مارا
\$

6-2558-4

سروی

هندستان شعراسندن و کاپتهه قومی رؤساسندن اولوب، لکهنوده اود حکمدارلرینک خدمتنده بولنمش؛ و مذهب شیعی-یه تمایل ایتمشدر. شو بیت اونکدر:

@@@

نام بمعنی و سخن امروز سرور یست
مداح آل سرور و شیدای سرورم
\$

7-2558-4

سروری پاشا

متأخرین وزرادن اولوب، شیخ الاسلام اسبق منقازی زاده احفادندن و موالدین محمد افندی زاده وزرای عظامدن قاضی عبد الرحمن پاشانک حفیدی و مشاهیر علمادن الشیخ حاجی علی نظیف افندینک نجل نجیبی اولوب، 1243 تاریخنده علائییه-نک ابرادی قصبه-سندده دنیابه کلمشدر. انطالییه قصبه-سندده مدرسیندن شیخ محی الدین افندینک درسنه دوام ایدوب، فاضل مومی الیهدن اخذ اجازن ایلمش؛ و 1266 تاریخنده در سعادتیه-کله-رک، باب فتواده بالامتحان، قضایه اهلیتی ثابت اولمغله شهادتنامه اخذ ایتمشدر. ذکاوت فطریه-سی، حسن خط و کتابتی بین العلما معروف بولندیغی کبی قوانین دولته وقوفی و علی الخصوص فقه شریفده ملکه مکمله-سی درکار ایدی. یکرمی اوچ یاشنده موظفاً نیابتله خدمت دولته کیروب، قیر شهری چورم، علائییه، دکیزلی، زغفرانبولی، نیکده و مغنیسا سنجاققریله طونه، آطنه، سیواس، خداوندکار و ادرنه ولایتلری نیابت و دیوان تمیز ریاستلرنده و فوق العاده اوله-رق ادرنه مجلس تمیزی ریاستنده و والی معاونلکنده و در سعادت محکمه استیناف اعضالغی و اجرا مأمورلغی و محکمه جنایت رئیس ثانی و اوللکی و مؤخرأ صاروخان متصرفلغی ایله طربزون، سیواس و قونیه ولایتلری والیکلرنده بولنمشدر. معموره العزیز و دیار بکر ولایتلری والیکلرینه دخی مأمور اولمش ایسه ده، عزیمت ایده-مه-مشدر. طریق علمیده بولندیغی مدتجه قطع مراتب ایده-رک، اناطولی قاضی عسکرلکی پایه-سنی احراز ایلمش؛ و 1305 تاریخنده دخی تبدیل طریق ایله احراز زیه وزارت ایتمشدر. 1308 سنه هجریه-سندده از میر شهرنده ارتحال دار بقا ایلمشدر. شهر مذکورده کائن درگاه شریف مولوی خطیرسندده مدفون اولوب، جانب جلیل جناب خلافتیناهیدن شبیکه انشا بیورلمشدر. مشار الیه سیواسده فرهاد بوستانی نام محلده کائن اولوب طغیان میاهدن منهدم اولان جامع شریفی مصارفی کیسه حمیتندن بالاعطا مجددأ انشا ایندیرمش اولدیغی کبی، مملکتی اولان ابرادی قصبه-سندده دخی مجددأ بر جامع شریف بنا ایتمشدر.

1-2559-4

سروس

افریقیه-ده جبل نفوسه-ده و طرابلسدن بش کونلک مسافه-ده بیوک بر قصبه اولوب، اطرافنده-کی اوچ بیک قریه ایله برابر خوارج اباضیه ایله مسکون بولندیغی ((معجم البلدان))ده مسطوردر.

2-2559-4

روستان

فارسده شیراز ایله فسا آره-سنده بر ناحیه اولدیغنی یاقوت حموی بیان ایدیور.

3-2559-4

سرومبو

1#

آفریقای وسطیده %ویقتوریانیازه\$ کولنک جنوب غربیسنده و تانغانیقه کولنه دوکیلن %مالا غاراری\$ نهرینه تابع بر چایک اوزرنده بر قصبه اولوب، 3° 25' عرض جنوبی ایله 29° 50' طول شرقیده 1100 متره-لک ارتفاعده واقعدر. محیط دائره-سی 4 کیلومتره اولوب، 1000 قلبه-سی و 5000 اهالیسی واردر.

4-2559-4

سرون

1#

اسپانیانک آندالوسیا خطه-سنده %المریه\$ ایالتنده و المریه-نک 54 کیلومتره شمال غربیسنده اوله-رق %المنصوره\$ نهرینک ساحل یمینده بر قصبه اولوب، 7585 اهالیسی، عربلردن قالمه بر قلعه-سی، جوارنده دمیر، قورشون، باقیر و سائر معدنلری و اراضیسی اروا ایدر بر ماء جاریسی واردر.

5-2559-4

سروه

1#

خرستیانلغی تعدیل و اصلاحه چالیشانلردن اولوب، 1509 تاریخنده آراغونک %ویلانوئوه\$ قصبه-سنده طوغمش؛ و طبابتی تحصیل ایدوب، پارسه کیتمش ایدی. بعده لیونه و فرانسه-نک %ویانه\$ قصبه-سنه کیده-رک، اورانک پسیپوسی طرفندن حسن قبول اولنمشدی. تثلیثک پک علیهنده اولوب، بونی رد ایچون یازدیغی بر کتابده حضرت عیسی (عم)ه خرستیانلر طرفندن اسناد اولنان الوهیتی دخی انکار ایتمش؛ و افکار مذهبییه-سنی همفکر ظن ایتدیکی پروتستانلق موجودلردن (قالون)ه آچدیغی حالده، بونک طرفندن پسیپوسه خبر ویرلمکله، درحال توقیف اولنمش ایسه ده، جنوه قاچمش؛ و آنجق مرقوم قالونک دعواسی اوزرینه، اعدامنه حکم اولنه-رق، 1555ده حیا احراق اولنمشدر. عالم و ذکی بر ذات اولوب، قانک صورت جولاننی اک اول کشف ایدن کندیسی اولدیغی مرویدر.

6-2559-4

سروی

1#

بلغارستانک لوفچه سناغنده و لوفچه-نک 33 کیلومتره شرق جنوبیسنده اوله-رق %یانزه\$ نهرینه تابع %بوشیچه\$ چاینک صول کنارنده واقع بر قصبه اولوب، 4000 قدر اهالیسی واردر.

7-2560-4

سرویوس تولیوس

1#

رومانک آلتنجی حکمداری اولوب، بر کوله-نک اوغلی اولدیغی حالده، تارکین قدیمک زوجه-سی (تاناکیل) کندیسی بکنمکله، بونک دلالتیله تارکینه داماد و ولی عهد اولوب، میلاددن 578 سنه اول تخته چیقمش؛ و 20 سنه اتروسکلرله محاربه ایدوب، و رومییه اوچ دفعه مظفر طنطنه-سیله کیرمش؛ و روما اهالیسی 30 قبیله-یه تقسیم، فقرای اهالی-یه

اراضی تخصیص، رومایی سورله احاطه ایتمک کبی اصلاحات اجرا ایتمش ایدی. روایتہ کوره جمهوریته اعلانه حاضرلنمقده ایکن، قبل المیلاد 534ده قیزی (تولیه) ایله دامادی (شانلی تارکین) طرفندن قتل ایتمشدر.

1-2560-4

سره

1#

سودان شرقی اقوامندن بر قوم اولوب، (نیام نیام) قوم مردمخوارینک مملکتی شمالنده ساکن بولنمغله، بونلرله طول مدت خونریزانه محاربه ایتمکدن صکره، مغلوب اولوب، پریشان اولمشلدر. بحر الغزال وادیسنده بعض قبائلنه تصادف اولنیور. جسماً نیام نیاملره بکز دکلی کبی، لسانلری ده اولنرک کینه مشابهدر.

2-2560-4

سره

1#

فرانسه-نک %آرده% و %استه% ایالتلرنده بر نهردر، که %مزیره شارلویل% قربنده نیغانله، بعضاً جنوبه و بعضاً شماله تمایا ایده-رک غربه طوغری جریان، و صاغ و صولدن بعض چاپلر اخذ ایدر؛ و 112 کیلومتره-لاک جریاندن صکره %سینه% ایرماغنه تابع %اوزه% نهرینه دوکیور.

3-2560-4

سرّی، بنت بنهان الغنویه

صحابیاتدن اولوب، کنديسندن ربیعه بن عبد الرحمن الغنوی و ساکنه بنت الجعد روایت ایتمشلدر.

4-2560-4

سرّی

قدماء شعراء عثمانیه-دن ایکی ذاتک مخلصیدر:

برنجیسی (عیسی) واردار یکجه-سندن اولوب، روم ایلنده بعض مدرسه-لرده تدریسن صکره، سلاک قضایه سلوک ایتمشیدی. بابایانه کلماتی و حال انکیز اشعاری واردر. شو قطعه اونکدر:

@@@

آدملر اولدرر کوزک ای شوخ شیوه کار

دیورلرسه وجهی وار سکا شهپاز جان شکار

که تیر غمزه ایله کهی تیغ جور ایله

قردی کچوردی عالمی اول شوخ شیوه کار

\$

-* - ایکنجیسی (محمد) طربزونلی اولوب، سلطان مراد خان ثالث شهرآزده-لکرنده خدمتلرنده بولنمش، و پادشاه مشار الیهک جلوسلرنده دیوان کتابتنه تعیین بیورلمش ایدی. کنج یاشده وفات ایتمشدر. حقیقه کوزل اشعاری واردر. شو بر ایکی بیت او جمله-دندر:

@@@

قنی خاک رهن آهمله بریاد ایتمیکم دملر

آکلمازمی سر کویکده فریاد ایتمیکم دملر

آقار جوی سر شکم قامت دلجوکی آکدقجه

طولار قان ایله چشم لعلکی یاد ایتمیکم دمار

\$

5-2560-4
سری، بن حکم بن یوسف

مأمون خلیفه-نک رجالدن اولوب، 200 و 201 تاریخلرنده مصرده والیک ایتمش ایدی.

6-2560-4
سری

بحرینده %محلْم\$ نهرینه تابع بر جای اولوب، هجر قراسنی سقی ایلدیکنی یاقوت حموی بیان ایدیور.

7-2560-4
سری پاشا، سلیم -*.

تپه-دلنلی علی پاشانک تورونی و ولی پاشانک اوغلی اولوب، 1215 تاریخنده یانیه-ده طوغمش؛ و پدرینک وفاتندن صکره، 1239ده در سعادت کلوب، بر مدت روم ایلی و آناتولیده متسلمک و ویوده-لق کبی مأموریتلرده بولندقدنصکره، ارضروم دفتردارلغنه، بعده مجلس محاسبه اعضالغنه و بر آر-لق آیوالق قائممقالغنه نصب اولنمش؛ و 1263ده رتبه وزارتله بلغراد محافظلغنه تعیین بیورلمش؛ و چوق سورمه-دن اوراده وفات ایتمشدر. شعر و انشا و کتابنده مهارتی وارایدی. شو مطلع اونکدر:

@@@
داغلیر یادکار هجر کدر
سینه-ده بر کزار هجر کدر
\$

8-2560-4
سری پاشا

حلبلی ملک احمد پاشا زاده عثمان پاشانک اوغلی اولوب، 1217 تاریخنده قونیه-ده طوغمش؛ و بعض مأموریتلرده بعد الاستخدام، 1260ده میرالمرالق رتبه-سیله وان قائممقالغنه، 66ده یمن دفتردارلغنه و بر سنه صکره رتبه وزارتله یمن والیکنه و 1270ده آناتولی اردوی همایوننه مأمور اولمش ایدی. طبیعت شعریه-سی اولوب، شو مطلع اونکدر:

@@@
کشف راز ایلر ایسه-م کاسه دنیا طوتشور
کتم ایدر ایسه-م اکر دلده سویدا طوتشور
\$